

重修常熟縣志序

嘉靖丁酉汝同自潛山丞移宰常熟官治民風憤憤莫知所從事也急索縣志觀之則修於弘治丙辰縣令慈谿楊公子器是後四十餘年交代無常弗遑修纂文獻將無徵矣先是

侍御督學馮公

檄縣重修

汝同

因是請於

公則命曰新邑史以存廢與惟良有司加意政教乃可與圖

汝弼


承命兢惕媿弗克任時

邑士鄧君執以鄉進士隱于虞山之下雅志
古學遂敦聘至相與圖之鄧君曰茲吾邑典
敢不共命余謂修志要在隨事立訓有補世
教君曰然凡事關國民既行既效者吾述之
以示準焉行而未成者吾著之以考終焉當
行而未及行者吾表之以屬望焉若有補於
世教與否則吾不敢知也遂發凡舉例網羅
遺佚搜抉幽隱採輿論度時宜損益舊書閱
十月成書十三卷余受而閱之則吏治之得


失民俗之醇漓土田之增減稅糧之損益戶
口之登耗水利之興廢與夫經界之正徭役
之均行誼之興文詞之著燦然畢具有體有
要在上為章程在下為法守在今日為經制
在後世為彝憲豈直文獻足徵而已君謂汝
弼宜有言焉為述此以弁於其端楊公字名
甫官至河南左布政使鄧君字文度

皇明嘉靖己亥春正月朔常熟縣知縣平湖馮
汝弼序

北







北





南


縣治舊圖


東園








豐宮圖








虞山南境新圖





常熟縣志目錄

卷之一

建置沿革

疆域

分野

山 峯 巖 石 洞 岡 澗

水 江 海 湖 浦 塘 涇 浜

漕 渡 蕩 溪 口 灣

池 井

城 池



卷之二

鄉都

坊巷

戶口

稅貢

卷之三

職官

選舉

歲貢

市鎮

橋路

田賦

徭役

兵衛

薦舉

例貢

椽仕

武職

恩典

卷之四

祠祀

風俗

物產

卷之五

歷宦

水利

食貨

公宇

卷之六

邑人

卷之七

邑人

卷之八

循吏

廉吏

孝義

篤行

儒林

卷之九

文苑

隱逸

伎學

藝學

林士

義俠

寓人

外教

卷之十

名構

居宅

古蹟

陵墓

寺觀

平寇

災異

卷之十一

集文

卷之十二

集文

卷之十三

集詩

常熟縣志卷之一

邑人鄧鞞撰次

建置沿革志

東吳在三代為揚州之域漢已後為王國為
會稽治城邑之建設史不能詳焉然其地廣
饒而民物日庶勢必有令長以臨之今夫常
熟自孫氏有國之後其樹邑可謂屢矣或角
立乎其地或包并乎旁封可以存則存可以

廢則廢罔非視其時與勢而適其便易曰改
邑不改井邑之有改自古然矣乃是邑之居
號不可以為常而小史所必載也作建置沿
革志

常熟吳之北境也三代時地屬揚州介於蠻
荆周太伯與弟仲雍南竄武王封仲雍五世
孫周章國號吳而常熟為吳地其後越取吳
楚又伐越取之秦滅楚楚人項氏有吳地至
漢有天下吳常為國為郡而常熟地未始置

邑漢末孫氏有江東領會稽於是析吳北之
地稱虞鄉而置虞農都尉治之即此地也晉
太康元年平吳以屬揚州刺史四年以虞鄉
置海虞縣於是乎始東晉初屬吳國內史
割海虞北境置剡朐利城三縣為東海郡縣
西北有地曰沙中咸康七年置南沙縣屬晉
陵郡梁天監六年分婁縣地置信義郡領海
陽前京信義海隅興國南沙六縣大同六年
以南沙為常熟仍隸信義郡縣稱常熟於是

乎始平陳開皇九年置蘇州統縣五常熟屬
焉廢信義郡以所領海陽前京信義海虞興
國南沙地皆入常熟治南沙城後又廢晉陵
郡分常熟地置常州以常熟隸蘇州移常州
治于晉陵縣晉陵今無錫也隋末屢陷於竊
據唐武德七年移治於海虞城今縣治也九
年罷都督府從州屬潤州貞觀初隸江南道
天寶至德後復蘇州常熟為屬邑乾符以來
陷於僭亂五代屬於錢氏宋政和中陞州為

縣地東西九十里南北一百里東至甘草浦
抵大海一百四十里西至感化鄉鄧莊村四
十里抵江陰界南至歸政鄉吳塔村三十里
抵長洲界北至福山港四十里抵大江此縣
境之四達止也東南五十里入崑山縣界其
界曰花瀆口東北一百有十里入崑山縣界
其界曰浪港浦西南五十入無錫界其界曰
界涇關東北七十二里抵許浦西北六十里
抵江陰界其界曰浴瀆港此縣境之四隅也

嘉靖十七年再定太倉州崑山常熟二縣境
其東南至太倉州十六都其界曰潘涇東南
至崑山縣二保其界曰洵沙涇南至太倉州
十五都其界曰瞿涇塘東北至陸河寺境其
界曰鐺脚浦計常熟之疆域廣袤五百十有
三里雖不逮宋元之舊其幅員亦可謂廣矣
分野志

分野之有分星其說莫質於班史有國者以
星而考驗於人事靡有不得者此天人之符

合也吳為大郡方野式廓殆千里常熟之斥
境有其一水旱襍祥人事得失動稽乎天安
得謂於分星無所涉哉此不待拘泥之士而
後信作分野志

按周禮保章氏註斗牛女屬揚州京房張衡
云吳越會稽揚州入牛一度吳古揚州之地
在江淮之間地連千里星紀牽牛乃吳之分
野斗日月五星之經始故曰星紀蔡邕曰斗
六度至須女二度為星紀費直云斗十度至

女五度為星紀星紀吳之分星也僧一行謂南斗在雲漢之流淮海之間為吳分而地理志以吳地為斗分與前說合又按北斗其星七其四曰權石氏星經云權主吳分野所直連跨數州常熟有地六百餘里而在於中吳是知天文斗斗之權星乃吳之分野而常熟所取以為占者無疑也

山志

古之建邦必表其山以為鎮夫山出雲雨利

萬物秀之所鍾則見於人物其重於人國若是吳之山脉北走則萃於海虞其大且尊者為虞山散布而為小山者雄峙於江海之上而吳之山盡於是譜其地之所依以立者志職也作山志

虞山

在縣治西北一里括地志祥符圖

經並曰海禹吳郡志曰海虞續志

曰海巫以為海禹者謂山臨海之

隅以為海虞者謂虞仲嘗隱此山

縣亦以山名海巫者以商相巫咸
與其子賢嘗居之後葬于此越絕
書云虞山巫咸所居蓋吳越時已
名虞山矣舊志言山長一十八里
其高處江外諸山皆可見焉

破山

在縣北八里志稱昔有龍鬪而山
裂故曰破山

頂山

在縣北十八里山特峻故曰頂山

烏目山

在縣北十八里海經以為即虞山

也吳地志云海虞山北有烏目山
山有烏目澗

小山

在虞山西十八里中限一水而脉
連凡上四山皆虞山之支山也

福山

在縣北三十六里下臨大江舊名
覆釜唐天寶六年名為金鳳山朱
梁乾化中復曰福山山與通州狼
山相直境特雄勝蓋東南控扼之
地云

小竹山 在縣西北四十一里

石家山 在縣北三十七里

崇德山 在縣北三十八里舊志云晉處士
夏統宣城太守邴臻所居蓋土山
也

范山 在縣北三十六里舊志云梁范冀
昆弟居此山今福山之南有小山
中隔一道士人云近有發地得葬
誌書曰葬於范山

永安山 在縣北三十六里舊志云即范山
也

河陽山 一名鳳凰山又名小山在縣西北
四十五里

志山 在縣西北五十里與河陽山對峙
居民鑿池得唐人墓刻云葬于鷲
山之下志當為鷲

顧山 在縣西五十里東南屬常熟西屬
江陰西南屬無錫俗稱三界山又

名靈龜山香山

塔山 在縣北三十六里河陽山之南俗名箬帽山

苑山 在縣西南五十里山產美石立色攻為硯次於歙材

穿山 在縣東南一百五十里山腹前後洞穿通人行臨海記云海虞縣穿山洞穴高十餘丈昔有舉帆過其下者今入于太倉州

黃土山 在縣南二十里

塢丘山 在縣東南三十五里土山也

龍母峯 在頂山

石城峯 在頂山西北三里

石門峯 在頂山與石城峯近二峯名見招真治碑

中峯 在龍母峯之下

山峯 在龍母峯之西

秀峯 在鳳凰山

拂水巖 在虞山之南嶺上下臨壑谷水泉
下注如練風拂掠之則水倒飛噴
濺如雨

劍門石 在拂水巖之東兩崖中豁如劍劈
舊稱為劍門石

三疊石 在劍門之東巖下有三巨石連架
而中空

瑞石 在頂山龍祠之後石偉甚半出崖
外

石屋

在虞山北嶺維摩寺之東巖石下
覆如屋可容數人屋外流泉散布
石上龔頤正中吳紀聞謂太公尚
隱東海上嘗居此蓋古有是說焉
昭明洞 在虞山乾元宮後若壘石然俗名
仙人洞世傳海陵徐神翁嘗寓此
故宮中有神翁塑像洞深可數丈
門有石篆昭明洞天字豈好奇者
所為也

朱砂洞 在破山龍澗洞中產赤硃

桃源洞 在宣化門外桃源澗下元末巨室

徐氏棄家築室隱于此

水簾洞 在瑞石之下泉瀑下垂如簾洞石

罅也

福山崗 自縣之尚墅北出有崗如山數里

餘蓋鑿渠積土云

徘徊崗 志失其所

塗松崗 在邑東百里今入太倉州

龍澗 在破山寺前世傳龍觸崖石圻而

成澗山泉從嶺西南來會于澗中

激石噴躍曲折清駛最為勝觀澗

上有龍堂舊址皮日休撰記

陳家澗 在頂山之北澗三折而下又名東

澗

桃源澗 澗有二一在宣化門外一在石屋

之東皆奇勝分流入於山溪

頂山澗 在白龍祠之東受水簾泉徑頂山

寺翠珉橋流出白龍港

小澗 在宣化門外一里泉從兩峯而下

合流以入于城濠邑之澗惟此早

曠不涸澗旁有林樾最為清勝

烏目澗 在頂山西南

大澗 在虞山興福寺之北

鐵山澗 在頂山之麓

水志

郡國之漸水者吳為首吳之水莫大於常熟

有江以環於北有海以濱於東兩湖並匯百川交貫邑之地水與陸恒半此東南之大委也雖然觀其位置經絡之宜有以見古人創事之知古有見河洛而思禹績蓋有以也作水志

江 吳之隸縣七惟常熟襟帶于江自縣之西北上接江陰縣界其中為福山浦為許浦為白茆港浦為甘草浦為成象浦尾之為花瀆浦皆浦之大而

濱于江江流自福山許浦白茆三浦
入于縣縣賴之而中吳之水亦從此
出焉其利害可知也

海
海為天地之巨浸而江流入焉常熟
實當其交會吐納之處縣之稱海隅
謂在海之方隅也自白茆浦出則浩
瀚不極矣

尚湖
在縣西南四里長十五里廣九里
旁邑水溢而出亦匯于湖虞山臨

于湖上其濱饒葭葦蒲荷魚鳥翔
躍民墟櫛比率業魚稻柳港映帶
景最佳勝又名西湖以擬餘杭之
西湖或曰太公尚嘗釣于此故曰
尚湖

昆承湖
在縣東南五里舊志云長三十六
里廣十八里水經云廣長各十八
里震澤無錫長洲之水汎濫而出
流入縣境湖亦受之昔者許浦之

未塞湖水由之入江民不為病自
諸浦漸涇邑之田始受病至連歲
不登湖既日入于廢民得因其葑
積以為田今自湖之南東其外圍
田廣長二十餘里而卑下者皆湖
也則水經之所謂三十六里者為
有據矣

虞湖

十道四番志云湖周五十里每晴
景輒濤浪騰起以為海神與虞山

之神所為者其說怪甚湖蹟涇廢
已久

馬涇湖

在昆城湖東南與崑山界接邨氏
書作馬荆俗傳有浴馬于湖馬足
有物色白如帶縈之馬驚起流血
人棄所縈物於岸忽風雨大至失
所在蓋神物也湖已涇其地有僧
庵尚曰馬涇

許浦

在縣北七十里西接梅李塘北入

楊子江宋設水軍寨二以都統制
領之平江守臣以節制許浦水軍
入街苗劉之變韓世忠提軍勤王
李寶奏膠西之捷皆由此入

黃泗浦

在縣西北南抵江陰界北入楊子
江

奚浦

在縣北南通浪城塘北通楊子江

陳浦

在縣北南通壽安塘北通楊子江

盧浦

在縣北南抵十六都北通楊子江

崔浦

在縣北南通耿涇北入楊子江

瓦浦

徐陸浦

高浦 皆在縣北南通李墓塘北通楊子

江

鰻魚浦

在縣北南通二十都北入楊子江

蔡浦

在縣北南通江陰界北入楊子江

唐浦

在縣北即朱堰塘北入楊子江

沙營浦

在縣北即蓮涇浦

石幢浦

在縣北南通白茅港北通揚子江

陶涇浦

東陸浦

在縣東南通六尺溝北通海

甘草浦

在縣東北即塘茜涇西通橫涇東入海

陸河浦

撐脚浦

吳泗浦

俱在縣東西通白茆東入海

北浦

在縣東即陸明涇西通橫涇東入

海

成象浦

在縣東即葉涇陸明涇東入海

上匣浦

在縣東即鯿魚涇西通葉涇東入海

下匣浦

在縣東即周長涇西通浪港東入海

浪港浦

在縣東西通隆地涇東入海

安兒浦

在縣東又名安陸涇東入海

澧湖浦

在縣東東入海

白茆港

在縣東七十里吳中水之北出者皆由此入海乃水道之要害者視他水此獨廣濶而順達顧土踈而善塞宋時言水利者多及之元末漸塞水為民病張士誠有吳日使其偽左丞呂珍者發兵民十萬鑿為新渠長亘九十里

國朝戶部夏尚書元吉奉

詔視三吳水利嘗加疏治弘治初復塞鞠為葦

場七年命工部徐侍郎貫發工濬之逾年而塞士民相繼聞于

朝於是工部李尚書充嗣奉

命來視工始用徐郡守讚縣主簿俞浪議再塹為渠繞舊蹟海口漲沙而出之渠成而東南之水得以順達吳中歲連大熟迨今民感其德時以工部郎中協贊水事林文沛最宣勞云

三丈浦港

在縣北南通朗城塘北通楊子

江縣令馮汝弼建石閘一座于此

涸瀆港 在縣北南接江陰界北入揚子江

西洋港 在縣北南通壽安塘北入揚子江

野兒漕港 在縣北南通海洋塘北入揚子江

江

鵝城港 在縣北西通哮塘北通馬廠塘

三丫港 在縣東北合葑涇方陸涇長毫塘

東入白茆港

陸河港 在縣東南通六尺溝北入大江

東十字港 在縣北西接西十字港東入吳

涇

西十字港 東接東十字港西接江陰界

南港 在縣東南通七浦塘北通白茆港

北港 在縣東南通浪港北通白茆港

陳大港 在縣東北東通漕頭塘北通蔣涇

後港 在縣東南東通昆城承湖西接莫

門塘

惠洞涇港 在虞山前西通尚湖東通府塘

落星港

在縣東南二里港分二支一入昆承湖一入五衢塘有星殞為石在焉

常熟塘

自郡齊門北抵常熟長九十餘里歷代有之至唐元和中韓臯為浙西觀察使命郡守李素長洲令李暎常熟令李仲方濬之迄今為通流

鹽鐵塘

去縣七十里傍江海古名內河南

越崑山西逾江陰繚繞數百里唐太和中疏之宣德景泰弘治間再濬迹存而且湮矣

梅李塘

自邑城東北三十五里抵梅李又三十五里抵許浦水之入江此塘為順弘治中縣令楊子器正德中郎中林文沛皆疏之今已淺塞議東南水利者所宜先也

福山塘

出邑城通江門四十里入楊子江

其要害視白茆梅李許浦宣德中
戶部夏尚書原吉給事中姚善弘
治中浙憲僉伍福濬之港口有閘
海洋塘 南通鵲城北通千步涇入江
馬廠塘 南通鹽鐵北通海洋塘
大壘塘 南通梅李北通鹽鐵上三塘皆利
於入江而用力尤省與許浦並濬
之則水患可紓矣

花板塘 東通梅李西通福山北通大壘塘

石墩塘 西與梅李塘合東通鯰魚口

長毫塘 東通鹽鐵塘西通三丫涇

李墓塘 東接白茆港西通梅李塘

大和塘 在縣西東通張墓塘西通無錫界

張墓塘 東通尚湖西通江陰縣界

楊尖塘 東通華蕩西通無錫縣界

官祿塘 東通大和塘西通江陰縣界

朱堰塘 南出同涇西抵邑城東通白茆港

北入大江今塞

橫塘 東通菖蒲浜西通白茆港

蘆瀝塘 東通橫瀝塘西通鹽鐵塘

東橫瀝塘 南通徐浜北通橫涇

瞿涇塘 東通七浦塘西通鹽鐵塘

七浦塘 東通海西通陽城湖南通崑山北

通白茆港白茆之塞諸水賴此宣

洩正統初縣令郭侯南嘗濬之

吳浦塘 南通張浜北通七浦塘

支塘 南通鹽鐵塘北通白茆港

沙榮塘 南通練塘北通楊子江

新安塘 西通常熟塘東通崑山縣界

徐涇塘

莫門塘

斜橋塘

衛涇塘 俱東通昆承湖西通常熟塘

時涇塘 東通長洲縣界北通昆承湖

妙涇塘 東通魏涇塘西通常熟塘

潭塘 東通黃涇西通常熟塘

張港塘

顧涇塘 俱東通昆承湖西通常熟塘

五衢塘 東通白茆塘西通城濠

戈莊塘 東通昆承湖西通城濠

丁涇塘 東通哮塘西通福山塘

九折塘 東通福山塘西通富千塘

六里塘 東通常熟塘西通白蕩

練塘 東通常熟塘西通無錫縣界

高浦塘 南通湖澄涇北通大江

宛山蕩 東通華蕩西通無錫縣界

官蕩 在縣西二十里廣數頃東通張墓

塘西通大和塘

白蕩 在尚湖南六里廣袤半里東通常

熟塘西北入尚湖

華蕩 在縣東南十五里長三里廣二里

佳菱蕩 在縣西南三十里廣四百餘畝南

接長洲縣界西連無錫縣界

焦尾溪 在縣治西其源已塞其流入山塘

涇

黃溪

在縣東南十二里北通戈莊塘南接尤涇聚落稠密其水清其田卑

小洋子涇

在縣治前西折而北又西過慧日寺古以疏泄山水不容舟楫宋

嘉定元年令葉凱謂涇之循縣而西者浚之勞民遂即其貫縣橋而東者浚之俗訛稱為小娘子涇

山塘涇

在虞山前東通城濠西與山長接

小山港西北通九折港入福山宋政和間與小山港並濬以泄山水之暴

耿涇

長八千一百丈南通梅李塘北通

大江永樂間夏忠靖公原吉等疏之成化間知縣鄧珙弘治六年僉事伍福繼濬之

千步涇

南通海洋塘北通大江

洋涇

東通大坐塘西通耿涇

黃祿涇 南通大空塘北通甘泉涇

甘泉涇 南通洋涇北通鹽鐵塘俱二十一

都

瞿舍涇 在二十二都東西俱通鹽鐵塘

南朱莊涇

北朱莊涇 俱東通哮塘西通耿涇

弓連涇

錢涇 俱東通梅李塘西通哮塘涇

薛舍涇 南通青墩浦北通梅李塘

焦莊涇 南通梅李塘北通哮塘涇

封涇 東止山涇西通蓮涇近淤塞

鶯涇 東通月河橋西通清水港

蔣涇 北通梅李塘東通雉浦港俱二十

五都

大陸涇

玗門涇 俱南通三丫北通鹽鐵塘

小陸涇 東通三丫西通清水港俱二十六

都

新涇

東通鹽鐵塘西通長毫塘成化間重浚

嚴舍涇

長洛涇 俱通鹽鐵塘支河

寺涇 南通橫涇北通鹽鐵塘

三丫涇 南通白茆港北通浪港俱二十七

都

周涇

夏塘涇 俱南通鹽鐵塘北通李墓塘

貴涇 南通鹽鐵塘北通大江

殷涇 南通李墓塘北通橫浦俱二十八

都

哮塘涇 東通梅李塘西通福山塘在二十

九都

徐陸涇 南通市莊北通大江

駟馬涇 南通唐浦舊傳元將犒軍於此故

名

金涇 南通李墓塘北通大江在三十一

都

陶涇

南通蓮浦北通大江在二十三都

小錢涇

東通大海西通大錢涇在三十四

都

璜涇

南通隆池涇北通錢涇

大錢涇

東通大海西通璜涇在三十五都

隆池涇

南通浪港北通璜涇

陳智涇

東通橫瀝塘西通鹽鐵塘

晉賢涇

南通南港北通鹽鐵塘俱三十八

都

湄涇

東通浪港西通橫瀝塘

徐涇

東通鹽鐵塘西通吳塘

蔡涇

東通山涇西通白茆港今塞

湖澄涇

東通白茆港西接南浦

顧門涇

東通鹽鐵塘西通斜橋塘

橫涇

南通斜橋塘北通七浦塘俱三十

九都

鵝場涇

黃閔涇 俱南通崑山縣北通七浦塘

丁澤涇

陶舍涇 俱東通湖塘西通湖涇

重堽涇

虎丘涇 俱東通橫涇西通黃閔涇俱四十

都

鳳凰涇 南通白茆港北通桃公浜

東山涇 南通七浦塘北通白茆港又名唐

洞

蓮涇 南通西山涇北通白茆港嘉靖十

六年縣令馮汝弼置石閘嚴訥記

五丫涇 南通七浦塘達長洲崑山界北通

蓮涇出白茆港西接昆承湖

斗門涇 南通七浦塘西通蓮涇

沈塔涇 東通張先生浜西通嚴涇

嚴涇 與四十四都為界

張港涇 南通新安塘西通府塘

沼涇 南通長洲界北通蛇涇

蛇涇 東通相城西通新安塘

東婁涇 南通白茆港西通西婁涇

嚴舍涇 東通陳涇西通懸涇

張涇 南通白茅港西止落涇俱四十二

都

六十二涇 南通巴城湖北通昆承湖

張涇 南通潭塘北通昆承湖

艾涇 南通昆承湖北通莫城

陳涇 東通昆承湖西通斜塘橋

鄉界涇 南通尤涇北通白茆港與崑山接

界故名

周涇 南通陽城湖北通昆承湖

尤涇 南通陽城湖北通西山涇永樂間

夏忠靖公元吉浚之

黃涇 南通長洲縣界北通昆承湖

龍涇 南通巴城湖北通昆承湖俱四十

三都

避湖涇 東通三丫西通清水港

溇涇

魏涇

螭螺涇

廟涇

寺涇

瓦淩涇

華涇

東橫涇

陳埭涇

俱東通昆承湖南通府塘

東通新安塘西通府塘

東通崑山界西通府塘

東通周公埧西抵府塘

東通陳家埧西通府塘

東接弋莊村西接練村圩

南通廟橋東通昆承湖

東通華蕩西通無錫界

黃墓陵涇

三都

柴涇

朱涇

徐墅涇

都

徐涇

都

東通昆承湖西通府塘俱四十

南通南塘北通尚湖

東通府塘北通尚湖

南通六里塘北通尚湖俱四十六

東通黃涇浜西通華蕩在四十七

項涇

貴涇

洞港涇

俱東通府塘西通無錫縣界俱四十八都

顧門涇

南通佳菱蕩北通楊尖塘在四十九都

鳳凰浜

通甘泉涇在二十都

黃莊浜

李家浜

俱南通梅李塘北通哮塘涇二十五都

嚴洞官浜

東接白茅港西通梅李塘

站浜

沈浜

俱東通白茅港西通貴涇在二十八都

黃浜

南通六尺溝北通大江在三十一都

雙浜

東通白茅港西通朱堰塘在三十三都

黃姑浜

東通陳涇北通五丫涇

古湫浜 一名補溪南通白茅港東通大海

姚公浜 東通鹽鐵塘西通鳳凰浜

張先生浜 南通白茅港北通長毫塘

童家浜 南通白茅港北通鮎魚口俱四十

二都

坊浜 元有曹氏酒醋坊故名

洪鍾浜 昔有鐘泛海而來僧衆往迎因名

見姚廣孝妙清寺記俱四十三都

桑婆浜

曹家浜 俱南通諸莊涇北通昆承湖

練墩浜 東通戈莊塘西通府塘俱四十四

都

丁家浜

邵家浜

錢家浜 俱通尚湖

羅墩浜 南通白蕩北通柴涇俱四十六都

陶舍浜 東通潰涇南通長洲縣界在四十

七都

沈浜 東出為潭塘口右族沈氏居之凡舟往來夜則聚泊焉

官莊匯

白茆港山涇口水交會故曰匯河面廣而潮流迅疾常覆舟舟人依北岸避之呂玘濬白茆駐于此故曰官莊

華匯 在縣治之東二里歲久涇廢民多占之以為田

尤漕

在縣東南通白茆港北通雙漕閘

湖漕

北接戈莊塘南接黃涇長十有二里

白茆渡

自鮎魚口至海口凡十有二處官造舟以渡謂之官渡其南有石閘

鮎魚口

在縣東南二十里東接白茆南通昆承湖河廣而曲中有漲沙水勢迅急盜乘之為暴縣令楊子器嘗置舖舍于此譏察之

四丫口

在縣東北十里哮塘涇口四水交

會故名在一官莊匯西

寶嚴灣 在虞山西十二里

邵家灣 在虞山西八里

維摩灣 在虞山西四里

丁家灣 在虞山西二里凡地以灣名皆以

山谷環溪也

洗馬池 在縣北六里宋尹團練屯兵防江

洗馬于此

白龍池 在頂山龍祠之下池小而水不涸

土人每見朱唇白鰻游泳其中以
為龍也歲早有司于此灑水以禱
多應

興賢池 在虞山乾元宮左宋嘉定中浚池

得石刻有興賢池三字水清不涸
又名洗頭池

放生池 在興福即白蓮池也

墨井 在縣治北一百九十步吳地記云
言偃宅有井井邊有浣衣石故物

也輿地志以為梁蕭正德為太守
取石去

丹井

在致道觀後昔張道裕居此鑿井
藏丹宋淳熙中觀道士李正則浚
井得藏丹石碣啓之化為雙紅鴿
飛入尚湖又名鴿井

國朝翰林宋景濂撰銘井上

雪井

在虞山乾元宮宋元祐中相傳申
元道所鑿元道與其師徐神翁別

翁囑曰逢虞即止無雪則開過虞
山廬焉山峭無水一日大雪惟菴
前地無雪憶其師語鑿之果得美
泉

讓泉

在虞山南大石之左初其地沮洳
有微流為篁石所蔽邑士孫艾命
工治之泉始溢發仍鑿小池以瀦
之色如乳醴鐫其旁曰穀茶後艾
謂其名不雅易之曰讓泉

龜沫泉

在拂水道旁有石橫卧裂處泉出焉雖旱不竭清冽而甘甲於他泉此泉溢則山塘水增去邑遠好事者不得數嘗惟道暍者賴之

高道泉

在虞山西露臺山居之右松林中清冽味甘如龜沫深五尺冬夏不竭

白雲泉

在頂山八景之一疑即水簾泉也

影娥泉

在清權坊之內泉出山麓旱暵不

涸舊名影娥川五泉皆石泉也

舜井泉

在破山南谷中泉出於地

虞仲泉

發源虞山伏流出于倉巷井面清而味淡大理吳少卿堂以石砌之

城池志

凡為國者必示險崇其墉以為之防濬其池使不可越峙之積貯而倡民和以守之斯險足恃也說者謂海虞為樂國寇盜所不及撤藩以卧而境無夜吠噫烏有五百餘里之封

邑生聚之蕃而無覬覦于垣外乎此城守之不可已者作城池志

常熟當東晉梁隋之間有遷徙分併之異其城隍之迹夷而為墟遠不可訪迨唐武德初縣始遷虞山之下其周城二百四十步高一丈厚四尺圖經云樹木以為柵無樓堞版築之雄則其陋可知也宋建炎間李闓之為令始建五門東曰行春西曰秋報南曰承流北曰宣化東北曰介福是時生聚日蕃邑稱雄


望其城郭之制蓋已畧備元有中夏邑城之周一萬四千八百丈今之城址是已土垣睥睨至正十六年丙午張士誠據蘇州以常熟為要害城以磚砌圍九里三十步高二丈二尺厚一丈二尺最名完固

國朝王師下蘇知州事盧鎮以城降市不易肆城皆完堵自後典邑不以守具為意日就傾圮永樂中歲大侵民無以為食夜相率盜城磚以易食令柳敬中慮民且致亂聽其毀城

莫之禁而城日入於廢成化中縣之東西尚有遺堞其崇如崗比歲夷而為地據以為業連政不能究顧徵其升斗以為稅常熟為吳之北門濱江而控海張士誠由福山港以入寇而卒有全吳之地近歲流賊嘯聚狼山謀自福山許浦以窺吳崇明海寇之猖獗宿內應于郡中而以二港為捷徑是故前後撫臺大臣見而怪之以謂吳之屬凡一州七邑皆有城以守而常熟闕焉東南守禦之失策莫

大於此將擬功焉而未果也城之內外皆有渠外渠之廣倍於內即有事變未可以易涉也西北枕山而城無所事於池塹凡城三隅皆有水門門之上有橋橋上有女牆今皆不復見云

常熟縣志卷之二



邑人鄧韞編次

鄉都志

縣屬其民而授之田在邑有經野之制是故鄉以統乎都都以統乎圖此前代之遺制

國家因之而不易者常熟之鄉名率仍乎舊而曰都曰保郡邑自殊稱而制卒無有異也邑之境亦可謂廣矣列其經野之目而居

田之數可得而舉焉作鄉都志
感化鄉

第一都管里四 虞山里 武昌里

新興里 小山里

第二都管里三 小山里 崇信里

日安里

第三都管里四 日安里 崇信里

安仁里

第四都管里四 昭墟里 崇信里

顧山里 桓城里

第五都管里三 小山里 遺愛里

日安里

第六都管里六 宣慈里 小山里

國昌里 西陽里 通道里

山陽里

第七都管里三 謝鸞里 通道里

宣慈里

崇素鄉

第八都管里三

山陽里

元陽里

河陽里

第九都管里三

元陽里

新莊里

歸仁里

第十都管里三

南金里

歸仁里

修仁里

南沙鄉

第十一都管里三

敬真里

永定里

修真里

第十二都管里二

修仁里

昌陽里

第十三都管里三

昌陽里

陳致里

修仁里

第十四都管里三

修仁里

陳致里

伍相里

第十五都管里五

宮城里

開元里

永昌里

崔明里

伍相里

第十六都管里三

江平里

永昌里

何墅里

端委鄉

第十七都管里四 宮城里 太平里

靈芝里 言游里

第十八都管里二 募善里 承化里

第十九都管里三 承化里 永安里

崇德里

第二十都管里三 永安里 太平里

崇德里

第二十一都管里三 崇善里 青山里

承化里

第二十二都管里二 承化里 募善里

第二十三都管里五 和興里 欽豐里

孝義里 孝慈里 翔鸞里

第二十四都管里五 翔鸞里 孝慈里

懷遜里 承化里 興國里

第二十五都管里二 懷遜里 懷仁里

第二十六都管里三 習善里 德仁里

太平里

思政鄉

第二十七都管里四

集賢里

道義里

永安里

昭德里

第二十八都管里一

昭德里

第二十九都管里二

昭德里

習善里

第三十都管里二

新安里

昭德里

第三十一都管里五

昭德里

楊王里

高浦里

白艾里

金城里

第三十二都管里二

集賢里

昭德里

第三十三都管里一

清化里

第三十四都管里三

集賢里

清化里

永寧里

第三十五都管里四

清化里

陌莊里

錢莊里

嚴舍里

第二十六都管里三

北浦里

嚴舍里

錢涇里

第三十七都管里五

石堰里

輪洞里

福順里

夫差里

保安里

第三十八都管里三

無愁里

集賢里

石城里

第三十九都管里六

石城里

進賢里

七浦里

揚波里

散坵里

陳莊里

第四十都管里二

吳塘里

進賢里

第四十一都管里一

集賢里

第四十二都管里二

進賢里

吳塘里

第四十三都管里三

進賢里

吳塘里

莫耶里

積善鄉

第四十四都管里四

懷仁里

東治里

青墩里

郁澤里

第四十五都管里二

扈城里

石城甲

歸政鄉

第四十六都管里五

青都里

齊門里

孝節里

安仁里

儀鳳里

第四十七都管里三

孝節里

儀鳳里

義遜里

第四十八都管里二 義遜里 懷仁里

第四十九都管里三 義遜里 三遜里

誠信里

第五十都管里四 承節里 誠信里

三遜里 義遜里

市鎮志

通有無以阜貨財據形勝以事防邊邑之有市鎮尚矣然其始也民惟擇乎便利聚之而

成集集久而益盛遂與漢之鄉亭擬色無差焉謂之小邑常熟之為市鎮有建州而析去者焉有新創而未拓者焉以其為民之利也不可以無述作市鎮志

楊尖市 去縣西南四十五里居民可二百 家中有衢路

河陽市 去縣四十里河陽山東俱在感化 鄉

奚浦市 去縣七十里北通大江饒魚鹽之

利里人錢氏之所創聚居可三百
家中有甃衢有通泰商船

徐家市

在河陽山西稱新市里人徐氏之
所創聚居可三百家中有甃衢有
商船已上俱在南沙鄉

唐市

去縣東南三十里舊名尤涇居民
唐氏所創聚居可三四百家有商
船

李市

去唐市東南六里居民李氏之所

創緣近山涇又名山涇市已上

在雙鳳鄉

支塘市

去縣東北四十五里因白茆港支
流故名聚居可二千餘家有商船

歸家市

去縣東北七十里近臨白茆港
人歸氏所創居民可三百家中有

衢

雙鳳市

去縣八十里

直塘市

去縣七十里東通七浦西接任陽

李墓市 去縣五十四里人徐氏所創

沙頭市 去縣九十五里七浦塘北居民可

二千家中有甃衢邑之巨鎮也有

商舶

甘草市 去縣一百五十里舊名甘樹市

璜涇市 去縣一百里又名璜溪

張家市 去縣八十里創于里人張氏今為

其里朱氏增建中有社學

練塘市 去縣三十六里在歸政鄉居民可

百餘家

福山鎮 去縣北三十六里在端委鄉尸民

可二千餘家中有甃衢有通泰蘇

湖商舶

許浦鎮 去縣東七十里在思政鄉宋時屯

兵于此軍民市易為盛其地已入

于江今尤以鎮稱

梅李鎮 去縣東三十六里在開元鄉居民

可二千餘家中有甃衢許浦未塞

有通泰蘇湖商舶

慶安鎮

去縣西北八十里在南沙鄉舊名石闡市宋元豐間改爲鎮

常熟鎮

去縣一百二十步在積善鄉唐武德七年徙縣治於此鎮廢而名存

塗松鎮

去縣一百五里臨七浦塘宋元豐間去鎮爲市今入太倉州

坊巷志

邑城之建首之以坊巷巷爲民之所聚

者其門閭經云方以類聚邑之鉅凡十有四里四民錯處其間如櫛比然衢市縱橫環舍居而交出吾欲觀乎古觀乎坊巷可想見矣今之題坊者歲有益皆以科目仕宦有不勝其錄者若以尚德存古爲義則於舊志之所錄有不可廢者焉作坊巷志

子游闕里坊 在阜民門內

仁壽坊 在縣治東臨迎恩橋

迎仙坊 在望仙橋東

壽安坊 在縣治西臨何家橋

衍慶坊 在慧日寺東

阜民坊 在縣治左舊名富民

袞繡坊 在慧日寺西

叢桂坊 在慧日寺南

文學坊 在文學橋西

通濟坊 在縣治東臨通濟橋

虞山坊 在慧日寺西

聚星坊 在市心北

紫薇坊 在聚星坊西

興福坊 在縣治東北興福巷

撫綏坊

振肅坊 俱在都察院前

澄清坊

激揚坊 俱在察院前

景言巷 在縣治後

子游東巷 在景言巷後

子游西巷 在寺巷之後俱縣治北

新街巷 在縣治東

捕盜巷 在縣治東北

青果巷 在縣治東

永康巷 在縣治南

永寧巷 在學士橋南

金駝巷 在縣治南

游司空巷 在縣治東南

廟巷 在縣治南

白家巷

花園巷 在縣治東南

倉巷 在花園巷後

太平巷 在縣治西南

主司巷 在縣治西南

陳家巷 在縣治西南

隱仙巷 在縣治西北虞山下

山巷 在慧日寺後

東塔巷 在迎恩橋東

周沈巷 在迎恩橋東

槐柳巷 在縣治西北通虞山

浜巷 在縣治北

何家巷 在縣治西

仁美巷 在致和觀左

興福巷 在縣治東北

鎮橋北巷 在縣治西南

市中心巷 在何家橋

邵巷 在縣治西北

沈家巷 在縣治西南

安步巷 在縣西

橋道志

蘇爲澤藪盛時橋梁有名者三百餘常熟當百川之貫輸則其橋道可知已歷三四百年而其蹟尚有存者可見民庶之攸濟有司之無廢政有好事者以爲之倡也宜掇其著者載之于篇作橋道志

州橋 在縣治前元名州橋

沈家橋 在縣治西南又名染子橋

市曹橋 在沈家橋西舊有市司故名

學士橋 舊名信義俗名跨塘橋又名琴川

在縣治直南宋淳熙十年令曾系

建吉州司戶叅軍曹緯記永樂十

五年知縣傅玉良重修弘治間為

學士李傑建坊於此更今名

迎恩橋 在縣治東宋建中靖國元年建弘

治九年知縣揚子噐嘉靖十四年

知縣沈弘彝重修禮部郎中楊儀

譔銘

文學橋 在縣治東北子游巷口舊名言

橋又名醋庫橋宋慶曆五年錄事

夏秀建洪武初里人陳貞重建按

舊圖經言偃橋在縣東一百五十

步文學橋在縣東北一里前志并

二橋為一壺山黃士毅撰銘

通濟橋 在縣治東北俗云坊橋因其接福

山塘通大江故名

瞿橋

在縣治東北知縣楊子器重修舊志有隱仙和風二名

廣惠橋

在縣治東北舊名通泰紹興間錢氏新之少卿陳揆名曰廣惠俗名通江

慶仙橋

在縣治西南舊傳為徐神翁昇仙之地故名

昇仙橋

與慶仙橋對峙俗名八字橋
橋 在前二橋稍南

聖仙橋

在迎仙橋南天順七年里人禱
傑重建

顯星橋

在縣治東南二百五十步宋慶元三年令孫應時建舊傳星墮港中化為石故名

善利橋

在縣治西其地多貨易故名

孩兒橋

在縣治西北

順民橋

在順民倉北弘治十年修俗名倉橋

寺橋

在衍慶坊下橋門僅通山水宋紹

熙間建

何家橋

在縣治西舊名和嘉

東何家橋

在縣治東北舊名和豐

太平橋

在縣治東南因太平巷故名

鎮橋

在縣治南慶元二年令孫應時建

焦家橋

在縣治東南舊名通利

魚行橋

在縣治西南宋寶慶四年令王文

雍建

草橋

在縣治西南元正乙亥建

中和橋

寶慶橋

龔家橋

范公橋

俱在縣治西南

迴龍橋

在焦尾溪北

廣義橋

在焦尾溪上舊名米糶

王家橋

俱在縣治西北

黃栢橋

在市中心街北

天心橋

金家橋

包家橋

俞家橋

小洋子橋

小虹橋

紅板橋

清河橋

保安橋

俱在縣治西北

在邵巷北

在縣治東南俗呼洞橋

俱在縣治東北元至正間建

承流橋

宣化橋

行春橋

秋報橋

介福橋

富安橋

在縣治南成化間知縣鄧琪建

在縣治北

在縣治東門元至正間建

在縣治西今廢

在縣治北水門外成化間令鄧琪

建今名拱辰

在小東門外通東倉宣德間縣丞

李子廉建成化間令甘澤重建改

名阜安

豐樂橋

在南門外路通南倉宣德間李三廉建正統間周文襄公重修成化間甘澤重建

殿橋

在秋報門外跨山塘

迎春橋

行春橋東元至正間知州盧鎮建成化間令鄧珙重建改名熙春

惠南橋

在縣治南知縣梁英建

練墩浜橋

在縣治南三里

徐涇橋

在縣治南六里

莫門塘橋

在縣治南九里

斜橋

在縣治南十里

魏涇橋

在縣治南二十里

廟塘橋

在縣治南二十一里

潭塘橋

在縣治南二十四里

顧涇墩橋

在縣治南三十里

吳塔橋

在縣治南三十五里

黃土塘橋

張港涇橋

俱在縣治南三十里凡上六橋

皆臨州塘為鄉民堰水久塞嘉靖十七年令馮汝弼修橋決水民以為利

小山湖橋 在縣治西十八里弘治十一年

建

塘頭橋 在縣治西南二十里

沈店橋 在縣治西四十里

聖橋 在縣治西北三十五里縣令敬

建

濟民橋 在北水門外二里正統間周文

公建弘治間僉事伍福重修

順民橋 在通江門外四里弘治間都御史

似公鍾建

報慈橋 在望海門外二里

茅塘橋 在望海門外十二里

尚聖橋

濟民橋

廣利橋

福民橋

俱在通江門外二十里

祿莊橋

在通江門外二十四里

崔浦橋

在通江門外五十里

永安橋

在莫城南元祐間建

五瞿橋

在阜安門外五里

戈莊橋

在縣治東接昆承湖

任陽橋

在縣治東南六十里

上社橋

在縣治東六十五里

吉花橋

在縣治東南七十里

塘橋

在昆承湖南跨時涇

轉河橋

在福山鎮南弘治間建

香花橋

在慧日寺前

尖口橋

在迎春門外四里

新橋

在迎春門外十二里

壽慈橋

在迎春門外十五里

習善橋

俗名黃石皮橋

月河橋

永慶橋

俱在梅里鎮

仙人橋

在縣治東北三十六里

登津橋

在縣治東南五十里

柴涇橋

在尚湖南

羅墩橋

在尚湖南四里

九折橋

在縣治西北十五里

東義橋

跨清水港

西義橋

跨避湖橋

讓塘橋

舊名尚塘橋邑士鄒禮辨尚為讓

工部侍郎徐恪撰記

河陽橋

俱第九都

坊橋

湯家橋

宣德間湯氏所建俱十二都

葛墅橋

元至正間建

聚寶橋

俱二十二都

塢丘山橋

在二十四都宣德間周尚書恹

建今廢

虹橋

跨梅里塘

前港橋

在二十五都

大陸涇橋

玆門橋

寺涇橋 俱二十六都

長毫橋

陶下橋 俱洪武間建

楊塘橋

嚴舍橋 俱宋端平間建

江門橋 宋淳祐間建

三涯 俱二十七都

貴涇石橋 在二十八都宋延祐丙辰建

賀勝橋 在二十九都東接許浦宋紹興間

金人入寇直抵許浦軍左軍李寶

駕樓船戰于膠西敗之由此獻捷

因建橋以志云

鳳塘橋 在李墓

黃涇橋 在三十三都

孩兒橋

石橋 俱元至正建

報恩橋

東虹橋

俱三十七都

橫瀝塘橋

在三十八都

平昌橋

在四十都元至正間謝總管建

釋子石橋

興信橋

與上橋相對俗呼八字橋

寶橋

俱淳熙間建

四丫口橋

詔廉涇東橋

俱四十二都

三

俱成化間建在四十三都

馬涇橋

在四十四都

朱涇橋

正統間建

張公橋

宋寶慶間建

洞涇橋

洪武間建

廟橋

永樂間建俱四十九都

路

州塘路

濱于漕河自邑城南走達于齊門

無迴曲其為鋪舍有七路址卑隘

每遇水潦輒壞決害稼不便行旅
今令馮某自吳塔已北始以石甃
址

福山路

濱于河自介福門北走抵福山無
迴曲其爲埃墩有三路址自尚墅
以北益高阜水之旁出者少有三
四小狝架其上民晝夜行爲坦途
濱于河自迎春門東走抵梅李無
迴曲其爲埃墩有三路址自九里

梅李路

已北皆卑隘遇水潦輒壞害甚
便行旅有橋五六架其上

江陰路

濱于河自秋報門西走抵江陰多
迴曲路址皆高廣無潦患惟近邑
有湖灤不便於行旅

岡身路

濱于鹽鐵塘自邑之北南抵太倉
州旋繞無迴曲當濟渡處有小狝
路皆沙壤行者便之

王家路

濱于河自迎春門東南走抵鮎魚

口路厓隘且多岐行者必問途
白茆路 濱于河自阜安門東走抵港口路
有高卑無迴曲以其修阻而水道
險行必窮日而後至焉

頂山路

自宣化門陸走抵龍祠無迴曲山
路磽确不便行旅舊以磚甃歲久
不治里士袁宗學以義倡比戶
修復之

戶口志

國之所依以立國者爲民物戶口之登耗而
國之治亂焉繫周禮郡國歲以生聚之數上
之於大司徒大司徒受之而獻之於

天子藏之于天府其事可謂重矣常熟以縣列
于職方其戶口之登耗前代兵戈相尋民有
逋播版籍蕩然不存宋元之季畧有可稽迨
入

國朝而其籍具存欲觀常熟之爲邑於是乎可
觀也作戶口志

吳之爲州爲府其戶口之數具于列史常熟
爲屬邑不得具載者史之體也今斷自宋淳
熙十年始戶二萬六千五百二口五萬一千
五百七十

元至正二十七年戶六萬一百九十四口二十
四萬九百九十五

國朝洪武四年戶六萬二千二百八十五口二
十四萬七千一百四

洪武九年戶六萬一千二百一十一口二十

六萬三千四百十四

洪武二十四年戶六萬七千七十七口二十
八萬四千六百七十一

永樂十年戶六萬六千三百二十七口二十
九萬九千六百六十一

宣德七年戶七萬七千六百六十五口三十
一萬五千九百五十九

正統七年戶七萬六千六百八十八口三十
四萬七千八百五十五

景泰三年戶八萬二千五十五口三十五萬八千六百三十六

天順六年戶八萬三千五百五十八口三十六萬七千六百

成化八年戶八萬四千八百一十二口三十六萬八千四百五十四

成化十八年戶八萬七千一百七十四口三十八萬一千五百七十七

弘治五年戶八萬八千四十四口三十八萬

一千五百七十七

弘治十年分去太倉州戶一萬五千二百七十口五萬八千

正德七年戶七萬三千六百四十一口三十八萬一千九百四十九

嘉靖元年戶七萬三千六百四十一口三十八萬一千九百四十九

內計

儒戶四

僧戶一百一十

道戶四

匠戶凡一千四百一十六

待勾五百九十九戶

輪役赴部待勾本府織造凡八百五十七戶
軍戶凡一萬二千七百九十七戶事故九千
七百五十戶見在三千四十七戶

馬站夫六十八

水站夫一百六十七

田賦志

蘇爲禹貢揚州之域厥田惟下下厥土

厥賦上上錯是知田下而土塗則膏

利種田之所入倍他壤故蘇之田賦甲天下

常熟在吳北江海之上其地之下者半而野

無棄土賦之入于官者自昔已重矣世代屢

遷闢土制賦不能不異宋南渡已降其制尚

有可考其在今日事興作者析地以建州小

人乘之以植弊多資者腴民以殖產弱戶受

抑而代輸里胥舞智以亂額有司無庸於詰

問豪宗巨蠹憑窟城社以賦爲奸四弊與邑

爲興衰有志於治者慮之將汎掃衆弊而清
之集群策以建永久之利弊極而更此勢之
所必至邑民之病其有瘳乎作田賦志

宋之制田有公田充充淮軍食每畝起租上
自一石五斗下至七斗一升四合有圍田民
傍江湖淺處圍之以爲田租四斗或三斗有
沙田民經理江湖沙漲以爲田租三斗或二
斗有成田民墾草地以爲田租二斗有營田
人以工力耕係官閑田租四斗或三斗有職

田 武官養廉地上自八斗七升
六十三升五勺有常平田係斷没入官者
社田官買民田歲儲以備荒有義役田鄉
民出力而保正差役有局官租田有養濟局
田有居養院田皆養鰥寡孤獨老幼殘疾者
有囚田官以充囚食有没官田乃斷没各項
田土科租高下有差高者不踰一石五斗下
至二斗

元之制田以圍計二縣四州共計八千八百

二十九圍常熟時爲州田有一千一百一十一圍延祐四年行經理之法悉以上中下三等八則起科管官民田地一萬一千七百二十五頃二畝頃比宋損一萬三千九百六十八畝

國朝吳元年本影出土一萬一千七百二十五頃二畝七分二釐九毫官田三千六百二十九頃二十九畝六分九釐九毫五升民田三千二百五頃五十八畝一分九釐五毫

田四千三百九十頃四畝八分四釐五毫凡三十一則統計絲四萬二千七百五兩九錢一分二釐二毫六絲五忽麥一萬三百九十五石一斗七合九勺二抄九撮菜子一十一石九斗八升七合八勺糧六斗五合一勺錢鈔一百七十四貫三百八十七文四釐糧正耗三十四萬九百九十九石四斗四升七合八勺八撮

洪武二十四年版籍官民田地一萬三千四

百二十五頃比元增七百頃四十三畝

官田地九千三百三十七頃六十三畝

民田地三千八十七頃三十七畝

夏稅絲四萬二千五百七十三兩

小麥正耗一萬四百二十一石

菜子一十二石糧折小麥九斗

桑一萬二千七十七株納絲四百一兩六錢

秋糧正耗四十五萬一千四百八十八石比

元增一十一萬四百八十九石

永樂十年版籍官民田地一萬六千二百

十一頃四十五畝比前增三千七百八十

六頃四十五畝

官田地八千九百六十二頃一十四畝

民田地七千二百四十九頃三十一畝

夏稅絲六萬四千六百三十五兩

小麥正耗九千三百六十九石

菜子一十一石糧折小麥九斗

鈔一千一百二十六貫秋租鈔三百貫

桑一萬二千三百三十二株納絲四百一十兩

秋糧正耗米四十三萬九千二百三十六石比減一萬一千二百五十二石

宣德七年版籍官民田地一萬七千六百二十八頃二十二畝比前增一千四百一十六頃七十七畝

官田地九千三百一十二頃一十七畝
民田地八千三百一十六頃五畝

夏稅絲一萬一千四百一十五兩比增六百一十兩

小麥九千六百二十九石比增二百六十五石
糧折小麥九斗

菜子一十二石

鈔一千三百二十貫秋租鈔三百貫

秋糧正耗米四十四萬四千七百三石是年

蘇州府知府况鍾奏減重糧官田十分之三實徵正糧三十四萬一千一百五石比

減一十萬三千五百九十八石

正統七年版籍官民田地一萬八千一百一

十九頃二十二畝

官田地九千六百八十六頃九十畝三分四

釐四毫

民田地八千四百九十二頃六十二畝四分

二釐四毫

夏稅絲七萬三千九十三兩八分二釐三毫

小麥八千九百八十三石三斗八升一八八

勺

菜子一十二石

鈔一千三百二十貫秋租鈔三百貫

桑一萬二千四百二十五株納稅絲四百一

十三兩三錢七分三釐七絲

秋糧正耗米三十四萬七千三百六十一石

四斗二升二合七勺

景泰三年版籍官民田地一萬八千五百九

十三頃六十三畝

官田地九千九百八十一頃七十八畝
民田地八千七百一十一頃八十五畝

夏稅絲七萬三千八百二十四兩五錢七分
小麥九千二十一石四斗九合二勺

菜子一十二石

鈔三千八百六十一貫四百一十七文

桑一萬二千四百二十株納絲四百一十三

兩三錢七分

秋糧正秬米三十四萬八千七百七十五石八

斗

天順六年版籍官民田地一萬八千六百五

十二頃三十九畝六分五釐七毫

夏稅絲七萬五千六百二十二兩三錢四分

小麥八千二十一石三斗九合一勺

菜子八石三斗二升三合四勺

鈔三千八百六十一貫五百一十一文糧六

斗五合一勺

桑一萬三千四百一十五株納絲五百二十

二兩五錢

秋糧正耗三十四萬七千八百一十六石
八斗九合三勺

成化八年版籍官民田一萬八千七百三十
二頃三十一畝七分六釐

夏稅絲七萬三千八百九十九兩四錢三分
五釐一毫

小麥九千三石三斗九升一合七勺糧六斗
五合一勺

共二十九石四斗五升九合四勺

鈔三千九百七貫九百五十二文九分五厘
三毫五忽

桑一萬四千五百二十株納絲五百九十一
兩七錢四文

秋糧正耗三十四萬八千八百六十七石
斗九升九合五勺

成化十八年版籍官民田地一萬八千八百
五十八頃四十八畝八分七釐三毫

夏稅絲七萬四千三十九兩八錢三分六釐
五毫四絲

小麥九千一十一石一斗五升八合七勺
六斗五合一勺

菜子九石四十五升九合四勺

鈔四千一百六十九貫七百一十七文二分
八釐一毫五絲五忽

桑一萬五千三百六十一株納絲六百一十
八兩二錢一分

秋糧正耗米三十四萬八千九百六十六石
六升九合五勺

弘治五年版籍官民田地一萬八千八百五
十九頃五畝二分三釐三毫

夏稅絲七萬四千四十三兩三錢七分二毫
四絲

小麥九千三十三石八斗六升四合二勺

菜子九石四斗五升九合四勺

鈔四千一百六十九貫七百七十七文二分

八釐一毫五絲二忽

桑一萬六千四百八十二株納絲六百五十九兩八錢六分

秋糧正耗米三十四萬八千九百七十二石九斗七升

弘治十年分去太倉州官民田地等項二千五百八十六頃一十八畝一釐

太倉州志常熟分去官田地一千五百九十頃八十四畝有

夏稅麥五千一百七十六石二斗五升二合二勺

絲一萬九百八十六兩六錢六分一釐三毫三絲

秋糧米五萬一千五十六石四斗三升七勺弘治十六年版籍

官田地等項八千四百四十二頃民田地八千一十三頃有奇

夏稅絲六萬三千五十兩

小麥三千八百石

秋糧正米二十九萬八千一百石

正德七年版籍官民田地一萬六千四百五

十六頃一畝九分三釐

官田地八千四百四十二頃五十七畝七分

五釐六毫

民田地八千一十三頃四十四畝七分七釐
四毫

小麥四千一十一石二斗九升八合五勺四
抄

絲六萬三千三百二十五兩九錢四分二釐
一絲糧六斗五合一勺

菜子九石四斗五升九合四勺

鈔三千九百六十一貫五百三十七文二分
七毫五絲二忽陸租鈔三百貫

桑絲三百四十五兩五錢七分九釐八毫五絲

秋糧米三十萬一千九百六石九斗三升五合五勺

嘉靖元年版籍官民田地一萬四千八百二十一頃五十三畝一分四釐八毫

秋糧米三十萬一千九百七石七斗七升七合一勺

官田八千三百七十一頃八十四畝五

里四毫

民田六千四百四十九頃六十八畝五分八厘四毫

科麥地三百五十二頃一十九畝一分五厘

夏稅麥一千七十五石五斗五升二合二勺

科租蕩二百八頃五十四畝三分

租米六百三十八石一斗八升三合一勺

嘉靖十一年版籍科糧官民田一萬四千八百九十頃七畝八分四厘八毫

秋糧米三十萬一百九十石七斗七升七合一勺

官田八千四百四十頃三十九畝二分六厘四毫

民田六千四百四十九頃六十八畝五分八厘四毫

科麥地三百六十四頃八十九畝一分五毫
夏稅麥一千一百一十一石九斗八升四合七勺

科租蕩二百八頃五十四畝三分
租米六百三十八石一斗八升三合一勺
嘉靖十八年

原額科糧官民田一萬四千八百二十一頃五十三畝一分四釐八毫

秋糧米三十萬一百九十石七斗七升七合一勺

額外瘦薄科租五升田一千九百六頃五十八畝四分九釐

科租米九千五百三十二石九十二升四合
五勺

不等科租山地海沙灘蕩七百三十八頃九
十七畝一釐

租米七千六百四十四石二斗三升九合
當成化之際民物殷阜常熟號爲樂土此後
水旱荐臻民不聊生戶多鬻產減田額以求
售巨室乘急擇膏腴而棄磽瘠重以江湖坍
涸糧不開除小民始有棄鄉井以逃竄遺賦

在戶抑糧長爲之代納其未逃亡者戶墜
之乃若析縣入州而州縣田糧互爲影射兼
之里書恣爲奸弊有司憚煩莫與爲理改易
糧則訟牒繁興而田賦之法於是大壞禮部
顧尚書鼎臣於是有清理田糧之議奏聞於
朝行巡撫都御史歐陽 下蘇州知府王 督
屬舉行時知縣沈弘彞蒞事命耆民圩甲履
畝丈量未幾而沈召爲戶部主事去任嘉靖
十六年縣令馮汝弼繼其事基年而事集蓋

清出飛詭埋沒不科之田一千九百六頃五十八畝四分九厘於是議照高低二鄉勘分極高極低沙瘦田地列爲等第量派每畝科租五升及清出山地海沙灘蕩七百三十八頃九十七畝一厘不等科租俱入會計而通縣糧耗減什之四田賦積弊爲之一正云

職田

宋

知縣四百四十六石六斗一升

縣丞三百四石五斗八升

主簿二百三十九石九斗七升

縣尉二百二十九石八斗九升

監務巡檢以下田各有差

元

達魯花赤并知州每員職田四頃

同知州判提控案牘都目田各有差
儒學義田五十二畝五分糧每畝五升租四
十二石其田爲今詹事府主簿王卞所斥
縣劉乾亨記

志

周官自田賦之外有雜征職貢其爲法至衆
也蓋民勤力以事上以其所有而入於王庠
莫不有義焉常熟雖大邑置司以爲稅任土
而入貢皆有常額而不可渝濫故民得以爲
守焉此前代之所同也作稅貢志

宋商稅在城福山二務歲辦以錢一萬有零
貫淳熙中裁減其額

元商稅許浦一務歲辦以鈔若干錠視熙寧

尤輕

國朝洪武初歲辦以錢計者二千七十一萬六千三百五十二文

今歲辦鈔四千三百七十六錠三百七十七文酒醋

洪武十年本縣歲辦錢一百四十萬三千四十二文

今歲辦鈔四百五十三錠一貫五百六十二文房地賃錢

洪武初年本縣歲錢二十七萬四千八百一十五文

今歲辦鈔五百五十錠四貫二十六文戶口食鹽鈔

舊管弘治十年八得徵人戶五萬三千八百三十七大口男婦一十萬一千三百二十四共鈔一十二萬一千七百七十一錠一貫本縣闔屬官人口一百五十二每口歲辦二錠二貫共鈔三百六十四錠四貫

鄉民市民人戶五萬三千八百三十七大口男婦一十萬一千一百七十二每口歲辦金一錠一貫共鈔一十二萬一千四百六錠二貫

新收闔屬官吏并鄉市民出幼贅娶大口男婦共三千二百四十八鈔共九千一百四十三錠二貫

本縣闔屬官吏并隨住人口鈔共九十八錠一貫

人二十八每口歲辦鈔二錠二貫共鈔六十七錠一貫

閏月加鈔三十一錠

鄉市民男婦人口鈔九千四十五錠一貫

人口三千二百二十每口歲辦鈔一錠一貫共鈔三千八百六十四錠

閏月加鈔五千一百八十一錠一貫

開除闔屬官吏并鄉市民民戶死亡并分割太倉治人口五萬二千六百五共鈔六萬三

千一百五十六錠

鄉市民大口男婦五萬二千五百八十每口
歲辦鈔一錠一貫共鈔六萬三千九十六錠
分割太倉州治人戶一萬五千二百三十九
人口五萬八十每口歲辦鈔一錠一貫共鈔
六萬九十六錠死亡人口二千五百每口
辦鈔一錠一貫共鈔三千錠

實在弘治十一年分得徵官吏并鄉市民人
戶三萬八千五百九十八大口男婦五萬一

千九百六十七共鈔六萬七千七百五十八
錠三貫

本縣闔屬官吏并隨人口一百五十五每口
歲辦連閏月鈔二錠三貫共鈔四百三錠
鄉市民人戶三萬八千五百九十八大口男
婦五萬一千八百一十二每口歲辦連閏月
鈔一錠一貫五百文共鈔六萬七千三百五
十五錠三貫

農桑

洪武十年本縣栽桑八千七百一十四條
今農桑一萬二千四百二十五株科絲四百
一十三兩三錢七分三厘七絲折絹二十二
疋二丈九尺

歲納本府織染局絲一萬九千六百九十一
兩一錢七分五厘三毫一絲

歲納京庫絹二千四百九疋黃白各半
皮翎

箋皮二百張

雜皮六百張

共起解本色

翎毛一十萬根折納鈔四百錠

野味

活鷓鴣一十隻

活鴈四十隻

活獐二十箇

共折納鈔三百錠

藥味

白扁荳等藥味一十七味共八千九百三十
斤

白扁荳三百斤

海金沙一十斤

白牽牛一百斤

紫蘇一千斤

黑牽牛一千斤

陳皮二千五百斤

荆芥一千斤

青皮一千斤

紫蘇子二十斤

薄荷一千斤

蟬三十斤

粟殼一百斤

小茴香一百斤

香附子五百斤

小茨菰五十斤

枇杷葉二十斤

烏梅二百斤

黑牽牛等藥一十二味共四千三百三十斤

黑牽牛三百斤

荆芥三百斤

白蘆葦一百斤

陳皮一千五百斤

青皮一千斤

紫蘇五百斤

紫蘇子一十斤

薄荷五百斤

蟬二十斤

粟殼五十斤

小茴香五十斤

凡上藥味歲赴禮部交納

徭役志

凡有郡邑者不能不用民之力役民而有道

使民不爲役法所困則其法善矣故古之爲治者置司講究而常極于敝蘇大郡其役法視他郡爲重而其所以爲役者皆賦之下邑常熟之徭役又有不同於旁邑者其創制更其良有司之治在焉作徭役志

蘇之爲郡其地廣衍而物阜民夥有司之建役與民之所以役於公者時異制殊史失其書唐已來不可考已宋之中世行保甲單查戶長壯丁而法始變至元初復者以長壯丁

猶用保甲而法大變紹聖以後以著戶戶

丁歸公上而法盡變既徵免役錢又徵

免役寬剩錢官戶嫠婦皆不得免其弊可知也按端平初縣令王公燭議處役法申府請分委鄉官勸率役產參合都分主客之勢酌量地里寬窄之宜量費之重輕准助田之多寡本縣九鄉五十都義役田地五萬五百二十畝歲收租米二萬四千九百九十八石六斗四升隨都分大小撥與保正長聽其任便

收支以助役費其田並係常平物業不得公私典賣此所謂義役也世主嘉其修復經界義役爲轉一官然保長旣爲產去稅存逃亡戶絕代納保正者亦抑之催科陪納而保長保正有中官雜泛之誅求當時民之不堪役甚矣縣之役者有押錄手分貼書司廳子牢子市巡斗級攔頭務司直司鄉之役有鄉司鄉蔓機察皆保正保長供其費云
元之制無考

國朝田制兩稅之外別無科率至於徭

人丁其後時移事變弊與姦生始改法以爲徭役之等第其曰里長甲首則黃冊之編定曰皂隸祗候弓兵齋夫巡攔門子庫子斗級馬夫水夫鋪司館夫糧夫防夫鈔夫鋪兵與夫上中下三等之解戶此視其田力之多寡高下而僉之所謂均徭也周文襄公巡撫憫蘇民賦重凡里長差役每名俾出銀一兩輪當人得停役二年其時縣令郭侯南創

爲義役令見役里申每里出米五十石常熟
縣五百里計米二萬五千石剗倉而收申之
上官公同支用郡守况公善其法俾行之各
邑厥後義役廢而差役興凡十年而輪差民
受差以即役或有顧募皆出其資力而官無
所預迨其敝也姦細置爲倖免賂之里胥以
易冊鄉官利于影占先事收戶以營免小民
益以役爲困冊籍淆亂而弊不可勝究矣而
熟視他邑爲甚往時縣令楊侯以爲憂議

人民歲田出錢若干文聊之官以爲
不果行迨嘉靖十六年郡守王 以其事
于巡撫都御史歐陽爰以屬之詢之輿情以
爲計無便於此者遂申于撫臺報行如所請
人丁派驗以黃冊田畝以實徵差中有名重
而實輕有名輕而實重府縣酌量而增換之
後旣行王 以臺指創爲賦役冊以頒布之
屬邑其事有三一曰銀差二曰力差三曰馬
差其差目與差具於冊中而一州六邑之差

其中常熟亦有不預者

常熟縣志卷之二

常熟縣志卷之三



職官志

邑人鄧韞編次

古者域民而立之司牧民有衆寡而牧職有不同常熟於古爲鄉爲縣後建爲州今仍爲縣其長貳僚屬代有異設其間若以虜族而與衣冠之士並牧此於時變可知已作職官志

兩漢邑地屬會稽郡不置縣職官無可考

三國孫氏有江東常熟地當時為虞鄉官有虞農都尉

晉

常熟為海虞縣縣有令有主簿錄事史主記室史門下書佐幹游徼議生循行功曹史幹法曹門金倉賊曹掾史兵曹史吏曹史獄門亭長等員江左後有六部尉二人

宋

齊

並置縣令

梁

置信義郡郡置太守

隋

唐

常熟為緊縣有令一人正七品縣丞一人從八品主簿一人從九品尉一人從九品又有司戶司法經學博士各一人吳越錢氏縣有令一人有鎮將

宋知縣一人正七品 縣丞一人正八品

主簿一人正九品 縣尉一人從九品

監酒務一人 監稅務一人

監梅李鎮一人 監許浦鎮一人

監福山鎮一人 監慶安鎮一人

監許浦酒務一人 福山巡檢一人

許浦巡檢一人 白茆巡檢一人

元達魯花赤一人用國族從五品

知州一人用漢人從五品

同知一人從六品 州判二人從七品

提控案牘一人 都目一人

司吏十二人 巡檢三人

蒙古學教授一人 醫學教授一人

國朝

知縣一人正七品 縣丞三人正八品

主簿二人正九品 典史一人

儒學教諭一人 訓導二人

福山巡檢一人 白茆巡檢一人

許浦巡檢一人

黃泗浦巡檢一人

稅課局大使一人

醫學訓科一人

陰陽訓術一人

僧會一人

道會一人

兵衛志

蘇爲聲名文物郡非用武之地然其境控江而襟海往往爲寇竊之所窺晉唐之季江表不可謂爲無事今全吳又爲畿輔審形勢論要害於江海之間武備莫重焉若常熟之

邑是已作兵衛志

宋已前常熟之武備不可考在吳越錢氏時蘇州設兵以防江嘗遣其將梅世忠李開山屯兵于許浦之上游三十五里名其鎮曰梅李

建炎初高宗幸臨安以爲都傍江海要害皆有兵以守苗劉之變韓世忠提兵自常熟勤王是世忠嘗宿兵于此

御前水軍寨在許浦鎮額兵一萬二千人分

為四軍八將六隊內分四百人駐劄江陰建
炎初水軍嘗戍江陰許浦福山無定所江陰
兵分屯明州定海紹興二年以仇愈為福建
兩浙淮東沿海制置使置司于許浦三十一
年李寶以兩浙西路馬步軍副總管駐劄許
浦涉海破金兵于膠西四年都統制馮湛奉
旨以七千人為額置副統制領之

鄉兵山水寨即巡檢寨土軍各一百四十四
名取之于保伍三丁籍一名亦名義兵歲以

農隙訓練十月起至正月終遣歸人日給
百米二升

忠節水軍寨淳祐九年浙西安撫使趙鼎
請于福山魏江江灣三處各置戍兵三百人

國朝

白茆備倭寨國初倭寇嘗乘東南風入寇海
上天順中總兵官翁紹宗奏置戍兵於白茆
歲遣指揮一員千戶一員百戶五員兵五百
海舶五以二月一日赴練九月一日撤戍後

革指揮一員成化中總兵官郭某與撫臣議
置寨二十一年造廳事鼓樓并房七十間

福山巡江百戶一員蘇州太倉二衛分遣
兵巡邏江中盜販

福山浦許浦白茆浦黃泗浦甘草浦並濱江
各置巡檢司一設弓兵二百名於均徭內僉充
宋建炎中五司各置烽埃

白茆所置

白茆江口墩

新墩

北港墩

金涇墩

唐浦墩

雙浜墩

舊衙前墩

义塘墩

長毫墩

芝塘墩

河墩

黃泗浦所置

顧沙港墩

黃泗浦港西墩

奚浦港墩

黃泗浦港東墩

洋坳墩

新莊墩

小陳浦墩

黃港墩

西洋墩

福山巡司所置

墅橋墩

新婦墩

頂山墩

陳浦墩

新墳墩

興福墩

福山港口墩

龍王廟墩

曹橋墩

曲塘墩

許浦港巡司所置

衙後墩

耿涇墩

大坐墩

青墩

陶全墩

丁涇墩

九里墩

十里程墩

尚墅墩

雙廟墩

四义墩

徐港墩

低填墩

勝法墩

馬廠墩

甘草巡司所置

黃浜墩

唐茜涇墩

錢涇墩

陸明涇墩

甘草巡司今隸太倉州

民兵即古之鄉兵也廣在謂之民戍

百八十二人募直出自里甲里出一人

寇警用之應敵無事則用之勾攝應募者

市井無業游惰緩急不可得力日營役遺蠶

食于鄉民頗病之邑丞簿時訓練焉今賦役

新冊邑議置四十一名

選舉志

志之序載科目非古也夫士以舉業錄于有司人將觀其大者焉凡有實行駿功宏才與

學關於治理其人之仕進已見於事傳彼回
慝鄙瑣敗官而亂俗其人亦少見於志傳尚
奚志其所進之階乎邑志之續纂尤復連往
代而列之者將為有善不幸而無傳者設也
其在今制彼懷才抱德賢良方正歲貢世賞
武職書筭吏資併次于篇以見邑人之進其
途若是乎廣云爾夫以資進者尤漢法比歲
邑士由此以進者尤眾其擢名第與工詞翰
者表然有聞累歲數增莫能盡錄錄其嘗有

官位者以例之作選舉志
進士

唐

陸噐狀元居于河陽山

宋

景祐元年張唐榜

陸景字伯通仕至太學博士

許式字叔矜祖近祚為常熟令遂占籍焉

歷祠部郎中知洪均二州轉運使有高

行卒贈禮部尚書

陸徽之

景祐四年

龔沂金華縣簿進知崑山縣終奉議郎

寶慶元年呂臻榜

陸綰

皇祐元年馮京榜

張僑

嘉祐二年章衡榜

陸元規字正翁終承議郎

嘉祐六年王俊民榜

陸元長元規之兄終朝奉大夫

治平四年許安世榜

張敦字祖仁終宣德郎贈太中大夫

熙寧六年余中榜

張顏字正甫僑之子終秘書省校書郎贈

中奉大夫

元豐五年黃裳榜

嚴君鄰終選調

崇寧五年蔡蕤榜

程元允字志行終朝請大夫興國倅

大觀三年賈安宅榜

丘敷字禹文知蘭溪縣

政和二年莫儔榜

林閱字閱道太常博士

丘畋字聖夫龍州錄事叅軍

政和五年何棗榜

張敏功字守道僑之孫終朝請大夫

陳起宗

錢觀復

張桄

宣和三年何煥榜

林友字德臣樞密院編修官

宣和六年沈晦榜

鄭時

建炎二年李易榜

鄭揚字國明

紹興八年黃公度榜

王履字用和終選調

紹興十二年陳誠之榜

王伯廣

許光國字利賓終調選

嚴煥

紹興十五年劉章榜

吳收字和卿終承議郎

林表臣字友之弟終選調

錢佃

紹興十八年王佐榜

冷世光

冷世脩

紹興二十一年趙達榜

錢悞

紹興二十四年張孝祥榜

鄒嶰字仲山終承議郎

趙公豫

趙思

紹興二十七年王十朋榜

姚愈字次韓終御史中丞

隆興元年木待問榜

鄒企宗字及之嶰之弟終楚州教授

乾道八年黃定榜

吳競字子競終承議郎

淳熙二年詹駿榜

錢萬選字少張終選調

錢萬頃字師元萬選弟終無為軍教授

淳熙十一年衛涇榜

張攀

顧叔康字世符終通直郎

淳熙十四年王容榜

趙彥适刑部郎中知徽州

嘉泰二年傅行簡榜

曹大昌字耆卿

開禧元年毛自知榜

陶永字允叔終調選

嘉定元年鄭自成榜

趙潛夫字德進

嘉定十年吳潛榜

丘岳

嘉定十六年蔣重珍榜

趙崇驥字德甫

寶慶二年王會龍榜

陶虎字景召

嘉熙二年周坦榜

趙時言字子然彥适之孫

咸淳元年阮登炳榜

趙時貴字君玉

咸淳四年陳文龍榜

楊麟伯字祥甫沙溪人入太學登進士任

揚州觀察推官

國朝

洪武三年徐士金榜

張著

唐溥階州判官

鄒立誠金州判官

黃著御史

洪武二十一年任亨泰榜

施顯

洪武三十三年胡廣榜

黃鉞

永樂二年曾際榜

殷墳

永樂十年馬鐸榜

楊伸刑部主事左遷瑞州府推官

永樂十六年李騏榜

袁方刑部主事

永樂二十二年邢寬榜

魚侃

宣德八年曹鼎榜

程式

沈諱字希哲吏部主事

正統四年施槃榜

呂困

正統七年劉儼榜

朱驥

正統十年商輅榜

武斯

正統十三年彭時榜

吳淳

景泰二年柯潛榜

章格

陸杲刑部主事轉郎中陞福建叅政

程宗

王儀監察御史以言事謫南豐縣典史起

知三河縣卒于家

李毓未除而卒

繆樸

章表

景泰五年孫賢榜

楊集

蔣紱

章律

陳璧

天順元年黎淳榜

湯琛

顧以山監察御史陞河南按察司僉事歷

官叅議副使叅政今籍太倉州

天順八年彭教榜

沈瑄大理寺評事

成化二年羅倫榜

李傑

徐恪

沈海

陸潤

成化五年張昇榜

王鼎

瞿俊

成化八年吳寬榜

蕭奎

瞿明工部主事陸兵部武選司郎中

褚祚

董彝徽府長史

成化十一年謝遷榜

唐韶知蘭溪縣陞監察御史巡按江西卒

于官今籍太倉州

錢承德

周木

秦蕃知浦江縣

成化十七年王華榜

王宗錫

聞釗

馮玘

葉預知武陵縣轉密縣陸光州知州今籍

太倉州

葉巒知金華縣卒于官

成化二十年李旻榜

郁容

朱希古知肥城縣卒于官

范輪南京禮部主事轉郎中卒

蔡坤

成化二十三年費宏榜

蘇奎

弘治三年錢福榜

盧翊

周炯

朱稷任工部主事卒今籍太倉州

時中

弘治六年毛澄榜

褚圻

鄒韶

顧守元中書舍人卒今籍太倉州

楊昇選翰林院庶吉士除給事中卒今籍

吳縣

吳一鵬選翰林院庶吉士除編脩陞侍讀
侍講學士南京國子祭酒太常寺卿

部侍郎南吏部尚書東閣大學士太子

少保致仕今籍吳縣

弘治九年朱希周榜

陳言刑部主事進貢外陞兵部郎中撫州

府知府致仕

蔣欽

郁勳知華容縣卒今籍太倉州

弘治十二年倫文叙榜

錢仁夫

周滌

丁仁

吳堂字子升知蠡吾縣擢御史陞大理寺
寺丞進左少卿以議止 巡幸事調鶴
慶府知府致仕

弘治十五年康海榜

陳察字原習江西南昌府推官陞御史遷
太僕寺少卿以論薦出教揭陽縣遷按
察僉事副使陞按察使遷布政使入為

光祿寺卿以僉都御史提督汀贛

致仕

弘治十八年顧鼎臣榜

張文麟刑部主事進自外郎郎中陞建寧
府知府致仕

王良翰

顧達

朱表知縣陞刑部主事進貢外郎卒今籍
太倉州

正德三年呂柟榜

丁奉南京吏部文選司主事進貢外郎陞
郎中致仕

周坤工部主事進貢外陞郎中陞寧波府
知府致仕

正德六年楊慎榜

湯繼文

朱寅

陳寰

正德九年唐臯榜

閩東昌

則在山西按察副使今籍太倉州

浦旒刑部主事卒

茅貢工部主事陞郎中遷雲南府知府陞
副使致仕

正德十二年舒芬榜

王舜耕廬陵縣知縣陞御史以忤當路當

外補待次于家

王舜漁

陳迺惠安縣知縣調福清縣陞御史以言
事謫合浦縣主簿陞新喻縣知縣遷
建按察僉事進河南副使

孫舟二部主事卒

正德十五年楊維聰榜

張鳳來

嘉靖二年姚涑榜

張京安刑部主事進貢外郎左遷澤州同
知 調建寧府學教授復刑部主事

馮冠鄧州知州以自陳改國子監博士遷
工部主事進貢外郎

沈韓曹州知州以舉職爲省胥所構陞慶
藩長史待用于家

王評

陸堂禮部主事進貢外遷郎中陞撫州府
知府江西副使

夏玉麟刑部主事進貢外郎郎中陞知建寧府以忤時改黎平府

謝表刑部主事進貢外郎郎中以忤時致仕

嘉靖五年龔用卿榜

楊儀工部主事轉禮部進貢外郎郎中

沈寅

周忬

嘉靖八年羅洪先榜

張文鳳知新會縣改內黃陞工部主事

范來賢知桐鄉縣陞刑部主事轉兵部

陳欽工部主事

嘉靖十一年林大欽榜

顧玉柱工部主事進貢外郎郎中

施雨刑部主事左遷濮州州判

錢籍知遂安縣陞御史

陳如綸刑部主事

嘉靖十四年韓應龍榜

錢泮閩縣知縣以才宜治煩轉慈谿縣
嘉靖十七年茅瓚榜

趙承謙

李遇春

鄉舉

宋

繆巖元祐間知青田縣

姚景熙仕杭州助教掇兩魁除太學教授

不就歸隱子嘉言

元

徐曾三梅李人至元間浙省解元

國朝

洪武二年庚戌科

張著

唐溥字彥博

鄒立誠字九思

黃著字昭夫

洪武二十一年丁卯科

施顯

洪武三十三年己卯科

黃鉞

姚伯善字德全擢兵科都給事中永樂間

同戶部尚書夏元吉治水蘇松後徙廣

西採木卒于官

永樂元年癸未科

張信

永樂三年甲申科

曹澄字彥清常德府學教授左遷餘杭縣

學訓導

陳寬字叔裕開化縣學訓導陞西華縣學

教諭

殷瓚

永樂六年乙酉科

周冕邯鄲縣學教諭陞藩府教授

嚴敬磁州學學正陞府學教授

永樂九年辛卯科

魏謙字伯恭曹縣學教諭陞紹興府學教授恭謹有行檢

楊伸字孟伸

永樂十二年甲午科

唐敏

袁方字子登

陳恭字安丘知縣

陶安字靜學濠州知州在官有廉公之譽

去任民懷之載大明一統志

連恭字伯莊寶慶府通判亦以儒術飾吏事致仕歸卒

永樂十八年庚子科

衛敬汶水縣學訓導改仙居縣學

冷融字季和世光裔孫岳州府學訓導陞

樂陵縣學教諭

永樂二十一年癸卯科

魚侃

程式

王瓊字廷璧國子監學錄

宣德四年己酉科

沈諲字希哲解元

葉說字嘉言經魁有雋才除商水縣學教

諭再除永福縣學卒

宣德七年壬子科

陳玘字廷佩金州學正轉彬州學

高德

朱敬字克讓商水縣學教諭轉西安縣學

宣德十年乙卯科

周璿字以政未仕卒

唐元字首善山東鄉試經魁順天府學訓

導陞詹事府錄事官至金華府通判

正統三年戊午科

呂困經魁

朱驥

吳淳

周中字大本盧龍縣學教諭

正統六年辛酉科

張懋

金聰字時美兵部司務

孫紀字惟正吏部考功司主事陞刑部員

外郎

王蘭字廷芳雲南黑鹽井提舉陞四川夔

州府同知卒于官居官以廉能稱

陳璧

盧信字以實河南鄭州知州轉四川潼川

正統九年甲子科

錢昕

章格

章儀

褚璵

正統十二年丁卯科

吳琳

張汝昌字仲光大名府同知以勤慎聞卒

于官

徐忭字公度常寧知縣

李毓字廷秀

王儀字叔莊

朱鉉

景泰元年庚午科

章表

蔣紱

程宗

湯洪

陸杲字孟昭

沈顯字德輝未仕卒

繆樸

楊集

章度字虞鳳汝州學訓導轉武邑縣學陞
知閩清建始二縣

張厚字文博安州學正

景泰四年癸酉科

桑瓊字廷瑞中順天府鄉試卒于京

湯琛經魁

章律

唐冕字尚周常山縣學教諭陞衛輝府學
教授

陳問字裕之南昌縣知縣

顧崙字希高大名府通判

曾玠字時寶中順天府鄉試西安縣知縣

朱仁字元復中順天府鄉試光祿寺署丞

轉寧夏衛經歷

顧以山字安道

盛汝德字
中順天府鄉試未仕卒

景泰七年丙子科

徐恪

桑瑾

盧琮字彥貴汝陽縣知縣

天順三年己卯科

李傑

王鼎

桑瑜

錢壁字應章荊州府通判

孟怡字友和鄭州學正

褚祚

天順六年壬午科

葉琮字敬儒慶元縣知縣

瞿俊

凌杞字尚忠崇寧縣知縣轉彭澤縣

周紹榮字宗勉後復姓馬善於楷書與脩

英廟實錄授中書舍人轉吏部驗封員外郎

山東叅議直文淵閣又脩

憲宗實錄陞太常少卿

陳易

聞鑑

吳璋字

禮闈遇灾卒

蔡致字德昭未仕卒

唐韶字尚虞

沈瑄字廷璧

蕭奎

李栗

成化元年乙酉科

劉竝字以規縉雲知縣廉明有爲巡按潘

臬考其績爲江浙諸縣最被旌異

州知州丁外艱歸卒

桑悅

戴昌民字商佐南宮縣學教諭陞衛輝府

學教授

沈海

陸潤

徐綬字宗章石首縣知縣轉上杭縣

孫嘉字方伯韶州府同知

屈鎰字良戴瑞州府推官有治行

許昕

郁容

成化四年戊子科

雷翀字鳳霄江西南昌人父震任常熟稅

課大使遂占籍仕彰德府通判卒于官

瞿明字德昭

蔣岳字時秀汝州知州未上卒

鈕天錫字昌胤商水縣學教諭轉永豐

學典福建鄉試陞翰林院待詔

高巽

繆鈍字魯之中順天府鄉試任丘縣學教

諭

成化七年辛卯科

高鼎

吳源字宗本未仕卒

錢昆字允熙永安縣知縣卒于官

周惠

錢承德

秦蕃字良翰

任順字叔順定海縣知縣改沿山

董彝

張學

葉預字誠之

成化十一年甲午科

周木

朱稷字相之

王宗錫

徐澤

葉巒字鐘秀

周楷

蔡宥

狄雲

顧邃遂昌縣知縣轉莘縣陞河間府通判

馮玘

成化十三年丁酉科

褚垠字弘鎮璵之子寧縣知縣

楊舫

周彬

聞釗

朱希古字宗哲

陶鸞字世祥未仕卒

陳景字叔輝中順天府鄉試未仕卒

成化十六年庚子科

盧翊

沈鼎

曹文

陳瑜字德輝以匠籍舉順天府鄉試中書

舍人

成化十九年癸卯科

蘇奎

蔡坤

蔣鈍

丘雲鶚

丁仁

趙鈇

李應夔字韶卿磁州學正左遷鄆城縣學
訓導

李嗣賢字世英栗之子湖廣湘潭縣知縣
卒

蔣績字洪勳紱之弟舉順天府鄉試問
縣知縣治以簡易聞

成化二十二年丙午科

聞武

馬儒

趙勣

陳震字康伯雲南府通判

須震字民敬濟南府齊東縣知縣嘗浚白

雲湖以利民正逸盜殺人之罪陞南康

府通判

瞿剛字用九順天府中式嘉定州知州卒

剛雅裕有清思喜詩學句法清逸字亦有風韻

吳一鵬字南夫

陳訥字近仁高安縣學教諭陞衢州教授
顧潤字良玉匠籍居南京衢州府學教授
卒

范輪字希載

楊昇字啓東

弘治二年己酉科

錢仁夫

周滌

周炯

秦慶字廷善南豐縣知縣

胡恩字天與河南布政司理問致仕卒

褚圻

時中

周忠字世臣祖戊金齒中雲南鄉試解元

弘治五年壬子科

鄒韶

顧達

顧守元

連憲字成章恭之孫經藝為士類所推豪

爽負氣好面折人

顧梗字大用遂安縣知縣卒

章洗字明之儀之子江夏縣知縣卒于官

陸隆恩

劉淑字以初中順天府鄉試定海知縣卒

弘治八年乙卯科

蔣欽

陳言

吳堂

陳播

吳寅

王槐

桑翹

郁勳

蔡禎字思周未仕卒

弘治十一年戊午科

王錫字與弼未仕卒

唐天恩

顧欽潤之子福寧州知州卒

呂祚

周坤字順中

陶成字君美

朱表字民望

弘治十四年辛酉科

陳察字原習

徐南州字子高江陵縣知縣卒

錢承業字世廣高唐州學正卒

王良翰

朱寅

何宗海字景清未仕卒

錢炯字若鑑蘭溪縣知縣致仕

聞韶

弘治十七年甲子科

張文麟字公瑞經魁

鄒武字靖之韶之弟邵武府同知以治閩
陸南京刑部員外郎進奉司郎中陞潯
州府知府恬於仕進遂請致其仕

陳復字一陽

姚奎

湯繼文

陳瑛

正德二年丁卯科

陳寰字原大

王舜漁

聞東昌

程淳字實夫嚴州府推官陞順天府通判
保定府同知致仕

丁奉字獻之

浦旒字允中

瞿奎字文華青田縣知縣

正德五年庚午科

馮冠字正伯

龔松字惟真未仕卒

周埜字質卿工部司務今籍太倉州

王留字存甫饒州府通判

周忭

嵇元鳳字世賢南寧府推官

正德八年癸酉科

王舜耕字子田

謝表字子正

李應虞字仁卿仁壽縣知縣

茅貢字承禹

周在字善卿

正德十一年丙子科

周光宙以字行順天府中式解元

沈韓字師德順天府中式

錢學字汝明順天府中式烏程縣知縣

陳欽字順天府中式

周士字厚卿今籍太倉州

李勳字成夫

孫舟字取渙

楊儀字夢羽

夏玉麟字仁甫

鄧韜字文度姓蔡氏父汝和爲鄧氏館

尚因其姓

陳迨字良會

正德十四年己卯科

張鳳來經魁

張京安字寧甫

王評

錢籍字汝貫

繆尚志字行達

連璧字完卿

錢璠字國用順天府中式奉化知縣陞雲

南府通判

褚應韶字鳴陽順天府中式

時夏字亨甫順天府中式

周坦字益平順天府中式

嘉靖元年壬午科

沈寅順天府中式

范來賢字國昌順天府中式

陸堂字子升

陳交字汝同

張文鳳字公儀

顧津字子問

華周字尚文

蘇子來字應期未仕空

嘉靖四年乙酉科

徐與言字孝宣未仕卒

繆中孚字信卿

嘉靖七年戊子科

朱木字大用順天府中式

時春字元甫順天府中式

陳如綸字
順天府中式

陳潛字用之

趙承謙字德光

施雨字潤之

嘉靖十年辛卯科

錢允字
順天府中式

王之夔字汝和

章榮字宗肅

顧玉柱字臺卿

許河字子澄

王賚汝字與之

桑介字于石

嘉靖十三年甲午科

陳諫字信可

錢泮字明教

徐甸字禹民

吳恩字

嘉靖十六年丁酉科

李遇春字 順天府中式

嚴訥字敏卿

張文光字友夫

金汝礪字良弼

程大經字

歲貢

元

徐太十六浙省貢元

徐太二十浙省貢元

國朝

陸子榮字仲敷工科給事中陞福州知府

鈕衍

金亮字伯熙工部主事奉命督餉北邊

以勞陞員外郎命往四川採木督造承

天門鹵簿金輅奏免平民為匠者萬計

人皆德之轉郎中

蔣晟施州衛經歷陞工部主事調楚雄府

通判

吳麟懷遠縣丞

崔有傳敦詩之裔永福縣主簿

衛浩

湯賢字以善安陸縣知縣

吳奕字叔和從英國公張輔伐交趾奕以
才被薦為交州府同知卒于官

陳善字良叔廣西桂鄉縣知縣

曹士希公安縣知縣

丘宗字思成禮科給事中

曹偉字叔度刑部主事

周信滄州同知

蔣忠鴻臚寺序班

繆政字尚仁御史

何濬鴻臚寺序班

鄒俊字克明靖江王府典簿

徐復字用禮獻陵衛經歷陞雲南寧州同

知

錢義字士宜工部主事

何峻字可大裕州判官

唐震淑浦縣主簿

趙安字惟靜肅寧縣知縣

周讓字孟謙萊陽縣知縣

陸庸字用常建寧府通判

胡昂字民望虎賁衛經歷

謝昇字日躋固始縣學訓導

姜景字彥昭泉州衛經歷

朱賢字朝用大名府推官

王琛字廷貴寧縣知縣

桑瓊

曾珍

黃式字民表江陵縣知縣

魏祐字原吉中書舍人陞禮部主事

陳德容初名宏以字行

李栗

陳璨字仲昭延平府推官

蕭奎

蔣績

顧岩

繆鈍

陳景

李咸字鼎順河南按察司經歷

陳原洪字相儒東阿桂陽縣學訓導

陳宣字德藩縣丞

葉球字廷珪巴陵縣丞

狄雲漢

胡景字仲昭掖縣知縣

繆禴字惟孝捷爲縣知縣

盧旭字景昭信之子南陽府推官存心平

恕治獄明允卒于官

盛怡字民悅昌化縣學訓導

徐震字原震莒州同知

沈渭字原潔不仕授迪功郎

袁英字德馨羅田縣學訓導陞翰林院待

詔

曾鑑字惟明涿州判官

陳翥字鳳翔吉安府學訓導

繆淑字廷善建昌府學訓導

蕭塾字廷訓齊河縣學訓導

錢綬字仲美台州府學訓導轉高唐縣學

陳元溥字奉儒八品散官

程塾

朱學字惟高衢州府學訓導

朱表

趙延字允中金華府學訓導

周應祥字瑞卿府經歷卒

曾汝翼字虞臣
學訓導

嵇崙字允高嚴州府學訓導

錢榕字廷秀
學訓導

周澣

嵇元鳳

茅貢

鄧敬

湯麟字奇孕未仕卒

朱臣字良臣眉州學正

盛心字天本未仕卒

張鳳來

金寬字惟裕未仕卒

丁沐字承恩未仕卒

張文鳳

蕭繹字士巽永寧學訓導

沈鉞字世武

徐松字天挺南康府學訓導

桑介字于石

沈賢字國器

韋渙字思聚仙游縣學教諭

朱召字武卿

連鑲字武卿

繆宣字時化

朱孔暘字國裳

朱蘭字惟馨

葛覃字誠之貴溪縣學訓導

葉元字子儀

袁懋字德夫

薦舉

宋

姚嘉言字亨甫景熙之子以才薦補迪功郎邕州司戶叅軍尚書右僕射趙鼎志其墓

丘琚字伯玉紹興間以才薦授迪功郎招撫司準備差遣

胡伯能字

紹興間以賢薦授奉議郎

諸王宮大小學教授

丘璠字季寶以詞科薦任文林郎太湖縣知縣

丘松字茂卿紹興歸正特補下州文學累贈奉議大夫

丘基字德元以賢薦任承議郎權法遣臨江軍兼管內勸農營田事賜緋魚袋

印肖翁以才薦任平江路儒學教授

印述翁俱應雷諸孫以賢薦任姑蘇和靖

書院直學

趙必鑛字端平以薦任文林郎海州軍推官

趙良以賢薦仕脩職郎居官有美績

印振之肖翁子以薦任雷州鹽運司提舉

元

趙同麟字季文博學通經以薦授富州知

州有治行

葉永茂以薦授海漕萬戶階太中大夫賜

珠虎符

國朝

鄒士玉以人材薦任廣信府知府

鄭璞字彥瑛以秀才薦任山東鹽運司副

使

鄭思先

瞿莊以儒士薦擢禮部員外郎

林大同

崔以嗣以儒士薦授葭州同知改葭縣知

縣

計行簡以明經薦任本縣儒學訓導轉於
潛縣學

吳遵道字敬叔以賢良薦授鉛山縣主簿
轉延平卒于官子訥

趙季文以儒士薦仕至富州知州以廉謹
稱

嚴以實以懷才抱德薦授興化府通判
褚懋字叔芳以人材薦任南城縣丞

張洪

吳訥

鄒貞字士堅立誠之子以人材薦任絳州
同知

季篴

陳敬字性孚以賢良方正薦任江山縣丞
章珪

丘方

葉諮字嘉謨以明經薦授岳州府學訓導

陸延津縣學教諭

季藻字廉輔以明經薦仕至臨安府通判
凌遠字季行以繹字生薦仕至鴻臚寺主
簿供事 內閣有才名

張懲字汝正以篆文生薦仕禮部鑄印局

副使

朱懲字彥清以醫薦授韓府良醫

陸繼善字性懿以技薦任崇明縣陰陽訓
術

高莊字 之以儒士薦仕魏國公府

此 倫以楷書薦授中書舍人

沈 寧字叔津以楷書薦授唐縣知縣
城改南海海寧

趙寧字伯康以楷書薦工部主事終刑部
郎中

榮文貴以楷書薦河南府通判終夔州府
同知

宋祥字伯禎以楷書薦刑部主事陸本部

郎中

陳善字

以楷書薦仕臨桂縣知縣

章民字天民以楷書薦仕蔚州知州調武

定州

陳常字士恒以楷書薦仕刑科給事中

鄭餘慶以書筭薦仕西安縣丞

金彛字和夫以書筭薦仕濟寧州判官

霑益州同知

王戮以書筭薦仕泗水縣丞

張智字克謀以書筭薦仕刑部主事

盧志字宗尹以薦為太醫院判

王銘字日新以書筭薦授孟津縣丞

恩蔭

宋

陳字

丘璋字仲特以父礪澤任朝散郎通判寧

國軍賜緋累贈中散大夫卒葬頂山巾

峯

丘琛字叔獻以父礪澤任朝奉大夫提舉
福建市舶

丘耒字少潛以祖礪澤任朝奉大夫知撫
州軍事累贈通議大夫

丘璧字德文以父礪澤補將仕郎卒葬鳳
凰山

丘稼字耕道寶祐二年明堂大禮以祖岳
蔭補承務郎咸淳五年廷試入格知安
東州事卒葬于盤門

丘穡字成道寶祐三年祖岳遺表
務郎

丘稷字相道寶祐三年以祖岳遺表
承仕郎

富嘉謀

國朝

程漸字希仁以父式扈從北征死事錄
入監任延平府同知

吳木字子木以曾祖訥蔭成化六年
胃監授雲南姚安軍民府照磨

許以字仁民以父蔭補國子監生
徐瑒

章淦字清之以父格蔭入監仕寧波府經

歷

李而進字仕可以父傑蔭仕上林苑監丞
李而邁字際可以父傑蔭仕大理寺副中
書舍人

士敷字以父槐蔭補國子監生

例貢

國朝

金鶚字世英肇府推官慎於蒞獄以才

被推署陽江恩平新興高明四縣各著

勞績德慶州播種叛亂鶚往撫下之又

辨連州枉獄奉賀表入京卒于南康

湯滋字益民雲南都司經歷

朱景字任丘縣丞

龍游縣主簿

繆奉字大巽金華府經歷不仕卒

唐佐字朝卿潯州府經歷

王卞字循甫南京詹事府主簿

袁臣字忠甫崇府審理副

張文明字四川布政司檢校

王撫字子元太醫院御醫

沈虞字師仁南京北城兵馬指揮

杭天駿字汝龍兗州府經歷

程敷字惟松陽縣丞

沈范字師義南京司儀署丞

程敕字惟命浦城縣主簿

程政字惟正瀘州吏目

椽仕

國朝

錢繼宗字 官至工部員外郎

李賦星子縣丞以治績陞餘于縣知縣孫

勲鄉進士

錢衡字叔平吏部稽勲司主事

徐亮字仲熙工部主事陞郎中

顧立字成夫應辟爲邑椽授烏程簿以

幹稱閩寇反大臣會師平之立主饋餉

時以策干主將盜平推賞陞雲和縣知

縣累有治最大臣交薦 朝廷將予以

郡寄 命未下而卒雲和人立祠祀之

李學士東陽撰記立有藻思所著有松

菴集孫湘刻于家塾

馬騏字驥良官至福建布政司理問騏有

清思工詩畫鼓琴為名流所重

葉芳字景明萬安縣知縣

秦澄字叔裕都察院照磨陞紹興府經歷

善畫

丘顛仕至知縣

王石芝字端夫西安縣丞

李讓字克遜清江縣丞

褚思義字

鄒平縣丞

徐勤字公立順縣丞

榮慶字德善魚臺縣丞

王治字

福安縣丞

沈鎡字

河間縣主簿

陸吉字大祐以廩生為郡掾行有陰德常

脫人於重法後仕萊陽縣丞以家艱服

闕補選適其姊被赦還鄉吉遇于奔牛

因感時事同歸隱不復出人皆稱行義

朱禴字時敬臨邑縣丞卒于官

武職

國朝

張桂字文馨市橋人 國初有戍遼東征討有功累陞廣寧中屯衛指揮僉事成化間衛籍告闕推桂襲職

尹鉉祖二吳元年屬魏國公麾下洪武四年從征北平有功充小旗十四年征施州陞羽林右衛總旗征金山坳納給

河百眼井還京陞昭信校尉世襲百戶宣德八年孫剛襲職正統十四年以彰義門殺賊功陞千戶征廣東陞指揮僉事天順五年征兩廣陞驍騎衛指揮同知成化二年隨尚書白圭荆襄等處平賊有功陞本衛指揮使鉉襲其職

尹澄字汝清祖福六從戍大河衛洪武二十一年征寧夏充本衛小旗洪武三十二年以白溝河戰功陞總旗還京陞本

所百戶征遼東陞本所千戶槐家莊與
遼東對敵陞永平衛指揮僉事永樂十
四年以隨

駕功 欽與原籍給俸

唐鎬曾祖彬永樂甲午從耿鎮撫為伍後
叔祖淵暨兄鏞累有勦賊功陞懷遠衛
指揮同知

于榮其先長淮衛軍吳元年隨康都督征
潼關有功陞橫海衛小旗洪武五年

金山等處陞本衛總旗尋陞本衛
襲百戶後調密雲中衛

于清原襲百戶洪武三年以功陞本衛世
襲副千戶後于慶襲職

殷良洪武二十一年充富峪衛軍洪武三
十五年以征進功陞本衛世襲百戶孫
昇襲職援例輸粟進千戶

恩典志

志之終而列乎

封贈者何所以重

朝命爲仕者有慶以及其親也噫此義推而
受

上之職任者益可以自勵矣作恩典志

國朝

張炯以子洪貴贈翰林院修撰

呂謙以子困貴贈按察司副使

錢德以子衡貴贈吏部主事

朱士進以子驥貴贈監察御史

錢宣以子昕貴封監察御史

陳世昌以子常貴贈刑科給事中

魚宗信以子侃貴贈刑部郎中

章煥文以孫律貴贈都察院右副都御史

章珪以子格貴封工部主事加封刑部郎中

孫文敬以子紀貴贈刑部員外郎

程士通以子式貴贈刑部員外郎

程士迪以孫宗貴贈都察院右副都御史

程景和以子宗貴贈都察院右副都御史

湯師德以子琛貴贈刑部主事

魏伯廣以子佑貴贈中書舍人

繆原善以子樸貴贈刑部員外郎

徐儒以子復貴贈獻陵衛經歷司經歷

陳宗海以子壁貴贈監察御史

李希潤以子傑貴封翰林院編修加封學士

加封禮部左侍郎

王綱以子鼎貴贈南京刑部郎中

周澍以子木貴封行人司左司副加封吏部郎中

徐孟明以孫恪貴贈都察院右副都御史

徐訥以子恪貴贈工科給事中加贈都察院

右副都御史

沈達以子海貴贈刑部主事

瞿宗大以子明貴贈南京兵部郎中

瞿經以子俊貴封監察御史

馮順以子玘貴封監察御史

王廷玉以子宗錫貴贈監察御史

陸侃以子潤貴贈太僕寺寺丞

聞廷言以子釗貴贈南京大理寺左評事

蕭鳳儀以子奎貴贈工部主事

陳喆以子易貴贈建昌府推官

錢昌以子承德貴封監察御史

盧琮以子翊貴贈監察御史

吳洵以子棠貴封監察御史

錢永錫以子仁夫貴贈工部主事
時洪以子中貴贈工部員外郎
丁愷以子仁貴贈行人司司正
褚輿以子圻貴贈刑部主事
周鳳以子滌貴贈刑部主事
陳讓以子言貴封刑部主事
鄒蘭以子韶貴封工部主事
王吉以子舜漁貴封工部主事
湯天麟以子繼文貴封兵部主事

張湯民以子文麟貴贈刑部主事

王宗讓以子評貴封刑部主事

陳覆以子察寰貴贈翰林院檢討監察御史
加贈南京光祿寺卿

蔣綺以子欽貴封衛輝府推官

楊舫以子儀貴贈禮部主事

孫艾以子舟貴封工部主事

丁森以子泰貴贈吏部主事

夏劍以子玉麟貴封刑部主事

陸南以子堂貴封禮部主事

陳播以子迥貴贈按察司僉事

范霖以子來賢貴贈兵部主事

謝天祐以子表貴封太常寺博士

顧湘以子玉桂貴封工部主事

朱益以子寅貴贈襄陽府同知

王韶以子槐貴封湘陰縣知縣加封安陸知縣

張士安以子信貴封翰林院檢討

朱亮以子鉉貴封監察御史


錢仁夫以子璠貴贈朝列大夫

王良翰以子卞貴贈承德郎

周匯以子楷貴封奉政大夫

沈渭以子寅貴

錢廷佐以子藉貴封監察御史



27

常熟縣志卷之四



邑人鄧鞞撰次

祠祀志

祠事之重於治尚矣先王疆天下爲五服而各祀其所當祀非欲帥民以聽神所以報其功崇有德也常熟列爲上邑令之與民得其職俗固崇鬼而事禱內有以義起而祀者焉然其神往往見於史作祠祀志

宣聖孔子文廟

在縣治南儒學廟三間建于宋至和中端平
元年令王燾改建于學之東久而敝圯
國朝弘治十三年令楊子器重建及兩廡
啓聖公廟在禮殿後左令徐澗建皆如
國制舊有宣聖十哲像淳古淵厚脩肖德容
蓋宋名工所爲也

三皇廟

在虞山之東南麓招真治之東元延祐五年
知州事朶兒只建正統中廢弘治中縣令楊

予器即其地爲射圃提學御史陳琳講射于
此今爲里社壇

社稷壇

宋建于縣西一里三十步紹興淳熙嘉定嘉
熙中皆有脩記元并祀風雨雷師今致道觀
前民所居地舊址也 國朝改建于縣治北
門外

風雲雷雨山川壇

國朝建于縣治南門外

先賢子游祠

在邑治東北一里三十步其址見盧氏郡志
宋慶元三年令孫應時建于學講堂之東文
公朱子撰祠記 國朝令唐禮重修以范文
正公陪祀成化二十二年巡按御史胡漢改
建于學之東市民地以益之旁爲夾室別爲
二門以出表其坊曰吳公祠

巫咸祠

宋祀于子游祠夾室鄉賢祠嘉靖中巡撫陳

御史祥行縣展禮以爲巫氏父子爲
相居葬在此邑宜有專祠邑學諸生列狀
其事提學章御史袞議合命有司于秋報門
內市居民所據致道觀地建祠今祠是也後
爲殿四楹前爲石橋饗堂四楹有司春秋以
少牢行祀

仲雍祠

在虞山之東北嶺上山下有清權坊成化中
提學婁御史謙建弘治七年御史劉廷濬重

建于乾元宮右前爲門繚以周垣中爲饗堂
主曰商逸民虞仲有司歲時以少牢行祀

城隍廟

在縣治致道觀東洪武三年建即東靈寺基
宣德初移祀於治西二十步惠民藥局後仍
于舊中爲殿四楹東西有廡前爲重門後有
堂爲齋宿之所庭有四檜甚古

太白龍神祠

山上梁天監元年山之東有燒孕一白

龍尋失所在越三日龍歸若就乳然如物之
其家即所居葬之既七日大雷雨家遷于山
腹歲五月龍率見形山間始至必疾風暴雨
既留則一境暴寒邑中以此候之唐正觀十
年龍嘗闔異龍于虞山之東山裂水出故山
以破名今興福寺是也邑人因設像事龍母
子于寺西澗旁水旱禱焉太平興國四年蔣
文懌爲縣令苦雨祈龍而霽爲之增埤封冢
濬治故池既又卜遷其像歸諸頂山寺是日

有白氣離於地而龍見舍其像佛殿西偏大
治其祠三日龍復見首闔于祠上爲餘杭陸
韶之記如此宋以來邑長吏事之甚謹每旱
必禱多奇應致和二年賜號煥靈昭興二十
二年封龍母爲慈懿夫人加封龍神通濟二
字淳熙元年加封靈澤侯又加封靈澤宣惠
通濟孚應侯祠每歲有司輒興葺復有丞魯
詹傳良朝散大夫主管亳州明道官趙時侃
國朝監察御史瞿俊三記有司春秋以少牢

行祀

周孝子廟

在縣治東南百步孝子名容邑人也事母有
孝行乾道中沒降於家曰兒爲神矣邑人陳
權簿者即其家祠之淳祐中進士趙必錦上
其事賜廟額曰顯惠邑人祠中祝史具紫蘇
乞之療疾多良愈 國朝命縣長吏春秋祭
之祭用少牢

東嶽行祠

在縣治西一里餘虞山之南麓宋淳熙九年
建中奉天齊仁壽帝左奉司命真君右奉崔
府君殿內左右塑甲將十貌龐古雄毅皆按
膝坐殿左右設二石陛臺之下有道屬于門
門內塑二鬼怪獐其外有池小石梁架于也
上道旁有二亭覆井以憇行旅每歲春邑人
群爲社集以祈歲一在福山之麓已廢其規
制雄傑欄砌雕刻精工並冠于他祠
何孝廉祠

廟在縣南百餘步孝廉名子平事見南齊書
嘗爲邑令以孝聞 國朝縣令楊子噐即俗
稱溫將廟撤其像以祀之祀後改爲社學嘉
靖十七年縣令馮汝弼復爲孝廉祠

報功祠

在縣阜民門外之東弘治中縣令計宗道建
祀夏忠靖公原吉周文襄公忱

懷德生祠

在報功祠之左弘治中海寇竊發都御史艾

璞巡按御史曾大有御史張昊郡守林世遠
邑令楊子器有惠愛邑人相與爲生祠以祀
之今已改爲社學

言氏家廟

在縣東縣令楊子器即言氏之居以祀先賢
吳公子游置祭田三十畝

范文正公祠堂

在縣治書院後之西隅東向弘治中令楊子
器重建

王忠惠公祠

在南門內爲福順庵孔氏請爲家廟邑士王
柳以其糧產辨于官乃歸以祀其先王公萬
都御史吳文恪公祠

在縣北報慈里縣令楊子器置祭田三十畝
修撰張公祠堂

在縣東半里縣令楊子器即祠之不經者改
建置祭田三十畝

太子太保李文安公祠堂

在縣治西三元道院之左

都御史主一徐公祠堂

在縣北河陽山永慶寺中

吳王夫差廟

在縣治西二里虞山之麓熙寧中羽士李正則建土人侵其址爲墓其廟僅存

要離廟

在縣西南四十里歸政鄉

越王勾踐廟

在縣治北七里羽士李正則建廟已廢

春申君廟

在縣西南練塘市 國朝宣德中重修翰林

檢討陳璠記

徐偃王廟

在縣西南四十五里膠山中相傳偃王失國至此而終人立廟祀之韓吏部謂徐子章禹被執于吳子第散處徐楊立廟以祀其先王世謂偃王終于膠山莫知其處

先賢祠

在舊子游祠西洪武中教諭傅著以祀范文正公仲淹安定胡先生瑗縣令修齋王公燾

六先生祠

在禮殿東縣令王公燾以祀濂溪橫渠明道

伊川晦庵南軒六先生祠已廢

名宦祠

南宋

海虞令何公子平

唐

常熟縣尉張公旭

宋

常熟縣知縣孫公應時

常熟縣知縣王公燾

元

常熟州知州盧公克治

常熟州知州孔公文貞

明

常熟縣知縣李公彰

常熟縣知縣柳公敬中

常熟縣知縣楊公子器

常熟縣知縣秦公禮

鄉賢祠

商

賢臣巫公咸子賢

宋

和州防禦使周忠惠公虎

尚書職方郎中贈中散大夫陸公綰

朝散郎贈金紫光祿大夫錢公觀復

江西路轉運副使中奉大夫錢公佃

孝子周公容

殿中侍御史冷公世光

翰林院權直贈中大夫崔公敦詩

龍圖閣學士封東海郡侯丘公岳

溫州府儒學教授陳公元大

福建路提舉朝請郎錢公俛

明

工科給事中黃公鉞

翰林院修撰止菴張先生洪

都察院左副都御史謚文恪吳公訥

張太尉廟

在白茆市洪武四年建相傳張士誠浚浦有功民祀之道士陸守清重修

張旭祠

在儒學門內西偏後并祀于學之梓潼神祠

縣令楊子器即學後循佛庵撤之以祀旭

褚太尉廟

神字伴哥在元有海運功祠在福山江濱

李烈士祠

在致道觀西廡神爲長興人生于嘉定中年十八而沒爲神宋濟邨之變史彌遠欲以兵屠雪川神示夢於理宗及彌遠城得不屠吳興之人德之立祠以祀其祠徧于吳下常熟之人祀之尤謹

清源妙道真君廟

在介福門內神秦蜀郡太守李冰之子嘗除
蜀都江之蛟孽有水功宋汴京爲築神保觀
邑人以常熟爲江之下流故有廟後請于
朝以祀焉

劉太尉廟

太尉宋江淮制置使武穆劉公錡也廟在虞
山南麓嶽祠之傍俗稱節使永定公劉真君
廟建于宋紹熙中元至正三年 明嘉靖十

六年邑人王環繼修

東平忠靖王廟

在東嶽行祠之右淳熙九年建舊志以神爲
淮人姓張氏沒有護國功封成濟侯宋加封
征應護聖熙寧五年加濟物侯南渡後累封
東平忠靖王無錫祀神于慧山以唐忠臣張
巡實之故常熟亦以忠臣祀焉

李應昭烈王廟

在東嶽行祠之右以祀唐睢陽太守許公遠

廟之建未詳所始

炳靈公廟

在縣治之西北洪武十八年建世傳公火神也

漢壽亭侯關公廟

在邑西虞山麓舊在邑北三元堂天順間移建于此公三國時漢名將羽漢壽亭名也

洪濟利濟侯廟

在縣治西延祐七年道士時天祐建弘治

知縣楊子器以廟為陰陽學今徙于報本道院後曾家巷神澱山湖人於漕運有功

江東神祠

神姓石名固顯人祠在何真人通神庵右

祠山廟

在乾元宮前神張氏廣德州人祀之甚謹每歲二月八日邑人為社集最盛

蓑衣何真人祠

神海州朐山人居蘇之天慶觀當宋孝宗世

行怪而神孝宗尊異之事具岳珂倦翁程史
常熟祠于致道觀之西廡

徵顯祠

在學道書院門之左祀陸茂妻節婦錢氏

二烈祠

在稅課局舊址今馮汝弼改祠如臯二節

水利志

吳之水在前代三江爲要害其在今日常熟
爲要害夫潦沴無恒時而治禦有善策得其

策則水不爲害常熟之病于水數矣古今治
之有詳略而其爲利有大小其遺法不可以
不知凡有政于斯者宜講焉作水利志

蘇爲東南財賦之區其受潦患常先天下蓋
湖西之地下下則爲水之所趨未有不爲害
者且夫震澤古稱具區北有荆溪宣歙宜興
溧水溧陽郡邑之水西南有天目富陽分水
湖杭山溪之流而震澤實受之雨暘時則其
水爲平流遇大潦則汎溢而爲害而水之出

也必由吳江以入三江由三江以入海當其
汎濫而不得泄也則必滂溢四出而旁邑亦
受之若其流之北出則常熟者乃其下流也
今夫常熟豈特受震澤之水而已凡長洲晉
陵之支流者亦入焉前人之言邑水者多矣
未有議此者此常熟之被水患獨甚於它邑
昔人於其下流濱江之處鑿二十四浦唐太
和中觀察使韓臯郡守李仲方於其上
常熟塘九十餘里邑之所賴以爲邑者

其功可謂鉅矣常熟塘迄今尚爲通流不
礙濬而所謂二十四浦易於淤塞蓋潮日二
至至則挾沙以入入則留而不去久則積厚
而至於塞雖有深鑿廣浚之工未有逾數年
者錢氏據有浙右創開江管置都水使者以
主水事募卒日濬江海之口名曰撩淺都凡
四都都二千人凡浦之要害多置牓以時啓
閉上流清水下滌潮沙不得入而田不爲害
宋天禧中江淮發運使張綸同郡守經度于

常熟開諸浦以平水患至和五年復招置開江卒立常熟城下四指揮景祐中范文正公守鄉郡適大水謂松江不能盡泄震澤之水宜導諸邑浦港以泄之躬至常熟疏浦之塞者民以為惠政和六年平江三十六浦自昔置牖隨潮啓閉歲久湮塞積水為患令守臣莊徽專委戶曹趙霖講究以聞霖上開沿浦置牖啓閉築圩裹田三議以聞乃開三十餘浦工成詔復其所奪官進直龍圖閣十四年

九月言者奏四郡低田多為太湖所浸惟白茆浦最大望令有司相視詔守臣議工具役導白茆許浦福山三浦紹興二十八年大水復議開黃泗漉崔浦許浦白茆以郡守丘宙之言而止後兩浙發運司言常熟崑山之間茜涇下張七鴉許浦白茆五大浦為數州之利比皆湮塞前任提舉陳舉勸諭人戶以漸開浚獨許浦尤未施工宜詔水軍都統馮湛開浚十月郡守陳峴言奉詔措置增展開浚

許浦今自雉浦至梅李道通橋三十八里自道通橋至許浦一十八里浚塘築隄植柳萬株以固隄岸提刑曾逮覈實以聞當許浦之䟽治也水勢順達海舶時至邑城故邑有通江橋梅李鎮橋之下水常壞舟至鑿月河以殺水勢云厥後導河之卒散而涇浦塞河蹟僅存一線陂湖之傍民皆圍以爲田矣元泰定初郡人周文英建言吳中水利請首浚石橋港以通劉家港次濬崑山嘉定常熟之

鐵塘以通各邑塘浦以達太湖之水其論悉奏不果行後張氏閱故牘得是論遂行之以所部卒來復白茆鹽鐵其役甚鉅責成於僞臣呂珍不爲怨議所奪河迄有功民謠所謂丞相要開河功深怨亦多者此也

國初吳中水 朝廷遣戶部尚書夏公元吉給事中姚公善往姚邑人知水事相與調工再治白茆耿涇而水得達於江海迨於成化之際白茆再廢水滯于邑中不得泄歲以灾

告境之民利於圍田蘆葦之入而有司莫以爲意至弘治初年議者謂三吳之積潦由白茆之不治必欲除民所疾苦非濬白茆不可公私之人尤以費鉅工難爲疑郡人刑科給事中葉紳論吳中水利并以白茆爲言監司亦繼有言於是工部左侍郎徐公貫兼都御史來治河其屬爲工部主事姚文灝水利僉事雷士旃通判張旻調旁郡夫二萬餘人而巡撫都御史何公鑑相與議即舊河故蹟興

從時議者以觀形勢以爲白茆之塞工人力可施者未幾以功竣告然浦口有漲沙直海中實爲河患而工力所不及上流河淺隘水僅得達閔二歲而白茆仍廢不治正德八年邑荐罹大水民阻飢邑之人再舉前相繼言于朝

上恤民隱爲復興白茆之役以其事命之工部李尚書充副俾兼副都御史巡撫其地其屬爲工部林郎中文沛李至則即支塘鎮營

公廨以居出咨目下詢士民言人人殊李與郡守徐讚尤持故河之議邑主簿俞浪有識幹獨議鑿新河不敢發適巡按馬御史來會議浪于道中白之馬以其言告相其形勢以爲簿議是議遂決於是連爲埧於上流大發徒卒卒取之近郡工費視前役倍之凡四越月而功成迨茲凡十餘年矣吳屢病水旱即巨潦而田得半稔者白茆之治也林勤於河事暴露風日中不以苟且塞責是役也林

有勞焉先是弘治十二年縣令楊子思白茆未易濬許浦不治已久濬之可以泄東之水於是白于監司發工二萬二千人濬之河之紆曲率取直得宋人所爲石閘于雙墩移置海口易置巡司于閘上梅李實在上流水淺阻再仍以工二萬二千濬之自城東達于江口長七十里有奇是役也不以煩郡佐皆屬之縣丞趙祥令時視役于河上趙卒任所委以底功縣之浦若耿涇水之道以入江

近且逕邑人屢有以言于司水事者弘治中
伍僉事嘗臨縣䟽治未久即塞蓋涇之口當
福山港潮沙之衝隄隘僅能容舟內外爲潮
沙所淤以至於廢其他如奚浦三文浦並阻
塞久矣土之人屢以其事言于官官以其非
大渠也責民自濬之故其功不集云鄧鞅曰
常熟固吳水之壑也昔之人於其境縱之以
爲浦橫之以爲涇爲浜小大貫輸棊布而杼
織得古溝洫之遺意甚矣功之施于世者

也今其迹具在而浦獨常廢而弗治茲非
沙之爲害乎潮沙之日至人狎視之久則不
可以有爲矣至其不可爲活而委之曰此非
人事之不至乃氣數之必至非也考之前代
有挑江之營卒有浦口之置閘有圍田之厲
禁有濬川之舟楫有水課之殿最所以爲浦
謀者悉矣今當浦之涇也則起大役以治之
役已則爲牘以奏績于朝以爲自今水可
以無暴不復爲之後計非誤歟挑江有卒則

疏導之工不闕。港口置閘。則啓閉以時。而渾潮不入。圍田有禁。則水道廣而無障。濬川有噐。則沙土不得以滯留。水課有殿。則官知自力。而不敢以苟簡。凡從事於水後者。其有能外以爲策否也。常熟之水視三江爲小異。以其力易而功速也。試操是說以見之於行事。視諸水至而爲之治。治已而無善後之圖。若有間乎哉。而敦也。何足以知之。

風俗志

民幽五常之性。而氣習不能無異。乃若山川之限。隔人事有異。宜故地自爲風尚。古云千里不同風。百里不同俗。常熟居吳之北。鄙有地五百餘里。四民錯居。其間相觀而儆。相煽以驅。波流漸染。其風俗豈有恒哉。凡此皆有土之吏。所欲聞而時其教導者。作風俗志。海虞居江之南。其地下。故其人柔而鮮爭。其上夷。故其風蕩而鮮制。不爭則近於遜讓。鮮制易入於侈靡。此古今之所同也。隋志謂吳

人習戰鬪號爲天下精兵郡國志謂吳俗好用劍而輕死彼徒見闔閭父子之用劍士以威國乃例觀後代下邑之俗可乎昔者太伯仲雍遜國于前延陵季子讓位於後民之有得於三賢之化久矣且常熟地廣而宜稼民皆事耕殖無棄地地臨湖江饒魚鱉人多事漁畧其女婦事蠶績麻枲以爲布無廢業以故家常足而有餘夫其生旣足則鮮外慕敦龐禮義之習興又子游氏北學於上國

聞孔子之道躬脩文學以名世歸而以教鄉人其流風遺響益遠而不替漢之世吳嘗爲冠帶禮文之國而况其爲言氏之墟者宋已前記載闕略其風俗隆下不可得而稽然於皮陸諸人之賦詠亦可以見其豐亨逸之俗迨宋而文治益盛士之治經術以文詞進者彬彬焉其人見於科試之所錄若夫治產之富庶士民之好事以歲時節序相競則范文穆公之四時歸田雜詠之所書可知

已三百年來習尚未之有變迨於元季法制
斁而習俗靡邑之高貴如陸莊曹氏城北徐
氏最爲雄長徐以半州稱曹之歲租三十餘
萬園池亭榭僭於禁禦飲食噐用侔於列侯
顧能好士延致名勝以誇詡於東南噫其殆
蜀卓王孫氏巴寡婦之流歟

我明御宇

吳以最後歸附被裁民皆畏慎歛戢久之趨
於淳質矣迨天順成化之際民益富庶復崇
侈尚靡以襟度好事相高蓋其人不免駸削

鈎致以遂私其迨于今崇棟宇豐庖厨溺
舞嫁娶喪葬任情而逾禮有如吳郡朱氏之
所譏者其間有一二好禮之士冠婚遵用古
儀以矯俗而卒不能變若其聽巫史事鬼神
尊事老釋傾貲以爲費葬以燔棄此其爲俗
沿染已久別錄已病之矣其可尚者民多務
本安土而重徙他邑率事商販常熟之人獨
依販隴力作守丘墓而不去近歲民有子弟
率教之舉業靡有縱之遨于外者每有司選

試輒數百人集邑校養士常滿三百人其業
精進若農治畝不懈士聚而談必以是學而
旬宣與臺察部刺史令長督勵敦勉既程其
業復考其名實故士之行業於是有可觀者
民重客有客自遠者必善視之市易不敢易
其價邑之俗舊喜遊今俗士女之出必以展
墓出郊春時載酒留衍山谷迨暮而返夏月
則泛于兩湖有遊舫張水嬉而婦女不預每
令節里巷盛服過從通饋遺具有禮意耕者

必以牛字惜甚勤視家口歲盡有牛官詞以
祝居澤中考善榜楫躡輕若鳧鴈然而不屑
以適遠民音清揚善為謳入商聲其凄婉有
楚人竹枝遺音其他盡如盧氏郡志所載云
食貨志

民生所資在食與貨班史食謂農殖嘉穀可
食之物貨謂布帛金刀龜貝之屬可以通有
無者有國以是為八政之首常置官以領之
其變通營幹謂有術焉常熟視古之侯封其

民聚亦已廣矣其所資以爲生者不可以無
述敢法史例作食貨志

昔人以陸海名吳地謂財貨所出之饒洽也
常熟爲吳下邑其土平曠而介在澤中異於
閩越巖居而坂種凡其服食之所需多取給
於原藪之間而所以供上之賦歛調徵胥此
焉出蓋力本勞力之邑而去都會有間矣然
勞力之所效乃食貨之肇源孰知有出於不
事而獲之上者蓋邑之財力具於志乘志之

失久矣往事不可考斷自今代大抵邑民之
受田以資不以口民有資力者占田以頃計
其貧弱者以畝計富民任小戶以治田小戶
出力爲人以耕而後治其田大率晦之所入
上農以二石計中農以石有贏計下農以石
計田之所入有多寡而無不得也自

仁宗昭皇帝以寬大與民用輔臣之議裁損蘇
松賦法蠲除其什二而民仰事俯育之有賴
當是時民之足食可知也食足則貨常無不

足不足則有無貿遷以遠而輸近生民之用
奚以乏爲慮乎即不幸而有方千里之水旱
則食之與貨始並以屈告如景泰之甲戌成
化之壬辰弘治之辛丑皆早潦之大者其時
斗米盈數百錢杼軸盡空商賈滯而不行雖
有珠琲刀貝組綉奚所售乎是故凡丁凶歲
民力必連三二歲而後甦其甦未幾而椽之
者繼至巨室挾兼并之術猾商邀停閉之利
大冑行筆墨之求細民競爲濫惡以相欺而

食貨之入於中室已下者無幾矣古之善爲
民者有平糶其不善者有閉糶二者至是皆
不得行智如式晏不得以制其權而常熟以
凋敝稱其孰使然哉蓋邑之民善爲種樹藝
以田之高下其種有美惡種惡而不售者弗
樹布之類殊治之亦以鄉境之高下其工有
精粗工粗而雜惡者亦售是故常熟雖僻遠
其食與貨常給乎外境每歲杭越徽衢之賈
皆問糶於邑其人弗至則食之價平矣至於

貨布用之邑者有限而舸載舟輸行賈於齊魯之境常什六彼氓之衣縷徃徃爲邑工也今夫鹽菜食貨之不可缺者也邑之人受於官販者舊矣比歲民率取給於私販官厲禁之而不可止夫民擇利而動者也其人濱江海視濤淵若平壤操貫索之資而有子母之獲朝淮而暮吳民何憚而不爲哉蓋凡澗醴之公販者皆受券於大賈力微而價踴醴味顧出淮下力微則多負價踴則民怨味善

人悅此淮鹽所以常售於邑中而莫之遠適而江濱之氓亦以之爲食且貨焉比歲有司益爲之防云若夫附貨而行者爲錢幣徃時邑類以錢博易其肉倍好而鑄古民視資之高下以爲藏若北土之以積鏹爲富自天下盜鑄起而錢益浮濫錢入邑中僅以通有無未嘗以爲藏積計錢之必廢不可以爲居也蘇爲百貨之數復以纖織綺杼名天下常熟之百貨非地產以其出於力也亦自無不足

焉

物產志

土物奚為而志也所以重民用也蓋其大者已見於食貨然其品不可以不詳詳之使人擇而取舍焉其細者不必具於史然其品可以適用錄之使人得而區別焉禹貢鉛松怪石篠蕩瑤琨皆錄之所以見其方物也作物產志

稻之品二十有九

黃稈秬

二種俱晚種

紅蓮稻

米最佳芒紅粒大

早白稻

一名小白五月初種八月熟

白米赤

晚白稻

一名大白九月熟

箭子稻

米粒瘦長雪色味香九月熟

紫芒稻

五月種九月熟紫殼白米張方平

云鱸膾飯紫芒

香子稻

一名香糲米色斑雜粒小而長以

五十餘粒入他米炊之則飯皆天
穠稈稻 五月種九月熟皮莖俱白米色

粒長性硬或名勝紅蓮

六十日稻 紅白二色

閃西風稻 一名早中秋八月半熟

百日赤稻 芒赤米白

麥爭場 稻之最早者

金城稻 米紅粒尖性硬又名赤穀米

西城稻 即早稻三月中旬種八月熟

烏口稻 皮芒俱黑秋初亦可種遇秋熟最

結實稻之下者

烏兒稻 五月種十月熟稈白芒黑米白即

晚烏也

軟黃稈 米白粒大性軟味香美

節澳稻 早熟或名時裡白

江陰黃稈 俗名三朝齊

金釵糯 米粒長性軟最宜釀酒

青稈糯 皮黃赤米白已熟而稈尤青故名

羊鬚糯 米白淨宜釀酒

趕陳糯 米白熟最早宜釀酒

手脂糯 五月種十月熟色方而性軟

護官糯 即冷粒糯種宜良田大暑節可

稔黃米白粒圓俗傳米易變色

歲代晚稻以輸租故不釀酒

鐵梗糯 稔勁無芒畏風信易落

圓頭糯 即川梗糯四月種九月熟

細葉糯 二種米俱白性軟

虎皮糯 芒赤米白

麥之品六

大麥 有早晚二種

小麥 其種不一熟有早晚有舜歌麥無

芒熟早

紫稔麥

長箕麥

籬麥 有梗糯二種

蕎麥 花白七月種九月熟得霜即枯

豆之品九

大豆

有青黃赤紫黑數種

豇豆

黑色長角邑之岡身多種之

白扁豆

吳人名為沿籬豆有數種

雲南豆

蔓生角大性軟味甘美

大豌豆

又名蠶豆九月種五月熟

小豌豆

角小蜀人呼為巢菜

十八豆

蔓生角長子十八粒

稜

稜也吳中惟高原種之其苗類黍其莢

類稻粒圓色赤

芝蔴

一名巨勝結角大如指有稜八

熟與油蔴小異

菜之品三十有一

白菜

八月種十月收俗名藏

箭幹菜

莖長如箭幹色白味佳

芥菜

名雞脚者味佳

烏松菜

葉黑莖大又名春菜冬種春收

甜菜

北人名為若蓮

蕪菁菜

秋種春盛冬月味美春初食其臺
花色黃榨其子以為油前後郡邑
志皆不辨其種故正之

菠菜

北人謂之赤根菜根類鼠尾又謂
之鼠根菜

夏菘菜

五六月之菜種此以供茹

蒿苣菜

邑中間有種者有毒蛇虻過其下
觸之即瞑目

四月臺

小於烏菘

菜

生田野中味清甘宜熟食

蓴菜

生水澤中味冷而味佳即張
所思者

苕菜

生水澤中性柔滑可為茹

韭菜

葉細而辛香與崑山種小異

蒜

海濱人多種之

蔥

有三種曰湖蔥小葱臺葱

芩菜

又名芩菜短莖根太者薰香

茄子

有紫白二種邑之五衢一種形特

巨

瓠

有三種惟盤瓠可食

蘆菔

爾雅謂之葵陳楚之間謂之豐趙

魏之間謂之大芥俗呼為蘆菔

北方味美而形小暮春一種形似

長味脆美名楊花蘿蔔舊志不能

辨

蒿菜

生澤中淹漬曝乾味香美

薺菜

生澤中土人鹽製之以供茗

藜藿

色白瑩如蠶土人呼為甘露子

薯蕷

俗名山藥有二種出梅李

黃獨

薯蕷類也冬月收有大如拳者服

之能益人

芋

紫稈大葉蜀人名為蹲鴟

香芋

有小毒種宜沙地

落花生

三月栽引蔓花落地生子霜後味

纒美

天茄

蔓生蜜漬可供食

瓜

有稍瓜王瓜甜瓜冬瓜西瓜五種
邑之北山園丁藝瓜最有法地不
宜西瓜鄉人間有種者

茭白

一名菰生水澤中中生臺如小兒
臂名茭手茭中生米可飯杜詩云
波漂菰米沉雲黑

魚之品三十有四

鯉魚

白魚

四時有之出湖中夏至前者味佳

鱸魚

出太湖者以吳邑產皆三腴肉
而味稍鹹

鱖魚

鱖魚也出江海形巨者謂之石坎
狀如鮐頰下有戟俗名白戟出江

鮠魚

中

鱖魚

巨口細鱗身有班文食之為骨硬
服橄欖則愈

鯿魚

春初出注中形如刀而長者名刀
鯿味肥美四五月形小而多子及

鮎子為黃尾黃江陰歲以八貢
曬為鱮可致遠

鮠魚 身圓而肥至秋始出

黑鱧魚 味不佳浙東人不食

鯉魚 出江中骨露皮外大者有三四百

斤俗謂着甲鯉魚味腴美可為鮓

鱖魚 出江中大者踰二三百斤味美可

為鮓

鮓魚 出江中初夏有之味腴美多骨

艱行吳人以為珍味

針口魚 唇尖細如針多雜之鱮殘魚中味

亦腴

鱮殘魚 出太湖者名鱮魚此魚相類而小

味過之俗云吳王江行吐殘鱮所

化清明前出者佳

銀魚 狀似鱮殘而小又一種大如筋瑩

白可愛名玉筋魚

箬魚 形扁薄如箬即比目魚也

赤魚 形如釜蓋尾骨如劍出江中

赤眼魚 俗謂之赤鱗似橫魚而小

橫魚 細鱗肉厚口堅利能穴網罟

鱧魚 鱧魚也味淡而腴

黃頰魚 似鮎而形小色黃魚品之下者與

荆芥相反食之能殺人

鯽魚 鮒魚也味平服藥餌者食之無忌

鯖魚 春末出江中形特巨土人名為

花鯖

青 魚也有青黃二種黃者味劣於

青

玉桂魚 魚小而肥

黃鱮魚 身狹小

吹沙魚 常張口吹沙亦名推沙

河豚魚 出江中一名鰐鰓魚有大毒治時

去其子及肝膜熟煮雜薑蔗橄欖

以解其毒鉦之不得其法則殺人

其小者二三寸味美可食名斑魚

又名班子亦有毒

蝦虎魚

類土附腮紅味勝湖鄉冰候有之

他邑無此魚

蟹

出色之潭塘湖鄉巨於常蟹味腴

美疊于竹籠其爪拳縮不露土人

云潭塘金爪蟹

蝦

出湖中織竹為具取之出尚湖首

有瘦

龜

有綠毛小龜出破山澗中亦艱得

鰲

生澤中

鯉

出濱江沙土中

鳥之品二十有七

鶴

多自遠致巨室亦有菴之而生者

鷺

春鋤也生澤中

雉

魚虎

翠鳥也其羽可飾冠多穴棲岸上

野鴨

其類最眾每風高則羣就稻梁澤中

鶉鷄

似鳧而小

鷓鴣

出湖中

鷓

有紫白色二種

鷓

鳥之類好群食田禾

鷓鴣

形如鳧又類鷓鴣羽具五色

王雉

山鷓

青色長尾類鷓多棲於林木間

白頭翁

八月能化為鷹

櫻桃鳥

紅嘴白頭黑身

黃雀

冬初始有味腴吳人羅取之以入饌

青鷺

集澤中以鷺禽取之土人恒以之

饌

鶴鶉

生野中

戴勝

布穀也額有立羽農月降桑間俗

謂催耕鳥

採桑子

形如白頭翁嘴紅身黑桑椹熟時

有之

百舌

能作百鳥鳴夏至則不鳴

噉棟子

有棟實時群集以食故名

練帶

有紫白色二種尾長

噪天

麥熟時有之亦名告天子

偷倉兒

形小能竊穀即鷓也好緣叢薄

青鳩

異於班鳩羽有文棲山林間味

美

竹嘈

一名鶻鶻尾短多聲

繡眼兒

最小而巧

鵠搗

身小肥美可食

鵠鵠

鴿

獸之品有五

麋

兔

邑山舊無麋兔近始有之

獾

有二種穴于丘壠獵者以煙熏取

之

青狼

穴居似犬而足短能以足揚塵群

則善惑人

狸

有班文黃色二種黃色軀尾皆長

藥之品二十有五

山茨菇

出山地葉似羊躑躅三月生苗結

子三稜交夏則枯肉如獨瓢蒜外

有綿裹能解諸毒

香附子

即莎草根出梅李岡身者佳

牽牛

蔓生有黑白二種

小茴香

即懷香子

薄荷

白扁豆

紫蘇

山人多種之有鷄蘇氣最芳烈

天門冬

陳皮

青皮

天南星

出虞山

半夏

出山地必姜製入用

地骨皮

即枸杞子根

天花粉

即瓜蒌根寺院園圃中多有之

白芷

一名白菑楚辭所謂葍也生下濕

地

穀精草

出虞山八月收

吳林莢

有三種惟色綠而變紫者霜後採

泡去苦水用之

車前子

何首烏

一名野苗又名交藤又名地精黃

蔓相交葉有光澤根大如拳春秋

採之

鐵脚草

即歲靈仙出虞山八月收

紅藍花

秋末種五月開花人用之以染絲

即茅蒐

蒲公英

冬初生田野間開黃花如菊莖空

如鵝翎管斷之有白汁亦名黃花

地丁

地膚子

忍冬草

又名金銀藤生籬落間能療諸腫

毒

虵床子

狀類蘼蕪生田野間治瘡疥多用

菓之品二十

梅

山家多種梅花時遠近如積雪古梅經百年無斬伐樛枝老榦花繁有高韻內有鶴頂梅品最珍其實圓碩破山消梅惟可生淡紅梅綠萼梅多出接種園圃植之以供佳賞近時最盛蠟梅出虞山致道觀色香清竒格雖高說者謂非真梅也觀中已無此好

橘

事家尤有傳其種云

有數種綠橘出自洞庭兩山比常橘特大未霜深綠色臍間一點先黃味最甘平橘小於綠橘純黃方可啖味亦劣其皮入藥湘橘形匾而皮薄味亦佳形大於綠橘有朱橘皮薄而小類匾橘亦名糖囊橘

柑

有數種膚厚磔磔香味俱超絕衢柑近始有之佛手柑吳無此種蜜罈柑

出邑之東鄉味特勝其小如彈者名金柑味酢但以形勝宋汴京最貴之以温成后所嗜藏于菘豆中則經久其形類牛乳者名牛乳柑小視金橘山中寺院多種栗出頂山者特珍于時比常栗差小而軟按之長寸餘味甘號麝香囊土人得數十百枚則以絲囊貯之以相饋遺或謂與易州栗形類而此獨殼瑩淨元時倪瓚張雨

栗

歲末于寺僧近歲僧厭客徵索代樹種幾絕矣

梨

出邑之西鄉惟韓墩種乃佳宋范文穆公云皮褐色肉如玉歲所生殊少價極貴凡梨經削色輒變韓墩梨經日不變又云洞庭之梨有數種日久則變而無味惟此梨味久不變喬梨張公梨皆次之

柿

邑有綠柿牛妳柿方蒂柿山柿火珠

柿舊志云蒂小而方能治病惟出東鄉者名海門柿味甘冷而無核

棗
多出邑之西山有鷄子棗大於常棗而味佳

櫻桃
含桃也范文穆公云自唐已有吳櫻之名品高者出常熟色微黃名蠟黃今所種朱櫻尤盛將熟山鳥羣食人以網籠之范詩云漁網蓋櫻桃

桃
桃有數種有灰桃味佳而實巨邑產

不用楊接種

杏
種有海東紅者出自燕地比常杏佳

李
虞山前後皆盛花時人競移席賞之宜於夜景王荊公云積李兮編夜

枇杷
冬花夏實葉綠可愛實叢生如金丸園圃中多種之頂山上方院有一種無核

林檎
一名來禽郡城此果最盛邑中間有

種之者

葡萄 有紫色水晶二種

藕 濱湖人以種植為業其佳者視橫塘

所產

菱 有青紫家野二種邑有湖泊人以菱

為歲業焉

芡 俗名鷄頭其盤小於荷蘇子容謂五

穀之甘味湖鄉人間種之

銀杏 又名鴨脚學宮山寺所種榦有連抱

者

茨菇 一名烏芋生稻田水候方長春初可

食

鳧茨 即野荸薺也生澤中

木之品十有三

松 虞山地宜松土人以種植為業其始

沉子以種針出名松秧數十輒分蔣

之逾數年高可尋丈葱鬱森挺如偃

蓋

檜 地宜檜園工擇其柔嫩者盤結以供
玩或屈之為屏障

栢 檜身葉匾肌理黃者為栢丘隴多植
之

栢子松 沉子而生土人植之為軒檻之玩
鮮有高大者

木犀 葉澤花黃而清馥吳人皆以為桂桂
嶺南所出蘇郡嘗有一株見於白居易
易所詠後人遂以木犀為巖桂博識

之士皆從而實之

桐 有二種質重而榦非綠色者不中琴

瑟材

梓 有清蔭其種宜於城邑瓦礫地質輕

亦中琴瑟材

槐 榦有合抱者有屈之如偃蓋

柳

杉 虞山丘隴間多樹之

楮 材理堅重可以為器產于高燥地

榆 榆類樗而質堅出北土者有莢
女貞木 冬青也其葉澤子可以爲燭
竹之品有九

質厚而堅者爲筍竹幹巨而葉細者爲猫竹
節長而皮韌者爲胎竹幹細皮韌而葉麤者
爲篾竹質脆而有班者爲班竹皆可以適用
其有紫竹鳳尾竹細而叢生者爲慈姥竹惟
可供庭砌之玩致道觀中有一種燕竹其巨
類猫竹筍特佳有象牙竹質薄脆不入用其

笋亦佳

卉之品二十有七

綿花 有白紫二種種宜高壠西北鄉人
歲計賴焉

牡丹

其品最盛見于歐陽公之記可考

已邑中所產有崇寧紅壽安紅玉
樓春疊羅紅一捻紅崇明紫好事
者花時張宴以集客有御衣黃潛
溪緋湘江紅太真紅瑞雲紅睡堂

春泥金紫軍容紫左紫晚霞紅紫
香獅紫鸞嬌水晶毬玉板白紫雲
芳紫鳳尾近出吳中花圃售種

芍藥

有紅白二種千葉者尤佳

芙蓉

一名拒霜有紅白三種多生水邊

菊

其品最多品之佳者具於范譜有

勝金黃疊金黃棣棠黃芙蓉菊金

杯玉盤狀元紅喜容千葉麝香黃

皆品之佳者

薔薇

有名佛見笑花大而色嬌

百合

有紅黃二種

長春花

花紅黃四時開不絕

紫薇花

夏開秋後方彫俗名百日紅

山茶

有紅白二色來雲閣下巨石間有

樹高二丈花繁麗三界山僧寺山

茶榦盈抱樹蔭盈庭花時如蒙錦

幄落英布地江南一株也

凌霄花

紫葳也花紅黃色絡石而生

蜀葵

有紅紫粉紅黃單葉千葉之異花
小而微紫者名錦葵

梔子花

一名簷蔔白色有香有千葉一種

海棠花

二月開有垂絲鐵梗之異色之文
村有樹高二丈餘幹盈抱花最穠
艷云種出海東吳中海棠未有巨
於此者

玉簪花

巨葉叢生中抽幹作花白瑩如玉
名玉簪

辛夷花

即木筆花葉如梔子花未開如筆
微紫色

玉蘭花

花如木筆白色有清韻

萱草花

一名忘憂草又名宜男擢幹花作
紅黃色

渥丹

類萱草而花深紅可愛

繡棠花

花黃有甘香或挽結其柔條以為
屏

醉釀

細朵淡黃柔條俗名木香

郁李花 小花繁縟可愛

繡毬花 花小朵叢簇如毬色白帶淺碧

錦帶花 花如海棠葉重綠抽柔條花綴其

上品最勝

攔地錦 花絳色朵如海棠四時皆有花獨

盛於春

八仙花 花色如繡毬八朵叢簇幹高丈餘

桃源澗旁多此樹

罌粟花 花如葵有四色葉類商陸

官廨志

官廨之設必有廨宇以出治凡屋宇之弘傑
模陋視其力摧圯廢壞視其時脩廢舉墮不
苟謹以俟代視其志常熟固大邑官宇在於
治之內外者按舊志而證今蹟與古有異矣
記載之士兼存而著之此談官理所者所欲
聞也作公宇志

常熟自唐武德中移治于茲邑其公宇不可
考舊志闕之也郡志云縣廨多治平間屋縣

廳頗雄壯廳事之東北有琴堂紹興中令孔
瓚修之淳熙中令劉穎改名學愛又有堂曰
君子曰共賦四年令孫應時再新之于東創
笑軒爲亭於後圃曰友山於西曰是亭嘉定
初令葉凱于廳南爲軒曰簾畫紹定四年令
史彌厚于此建堂後令戴衍扁曰讀書嘉熙
初令王燭改之曰道愛淳祐中令別桷治
圃名其堂曰直節廢東圃

承廳

在縣治之東淳熙初丞張孝伯建廳事名正
燕坐曰涉筆曰篤素

簿廳

在縣治之西淳熙中簿蕭達重修名其燕坐
曰愛蓮曰靜暉曰寄隱

尉廳

在縣北二里鄰順民倉紹興中尉趙笈夫創
後小閣曰樂山曰挹翠北有小圃亭曰藏春
曰野趣淳祐八年尉周介夫新之扁其軒曰

梅隱臨流之亭曰濯纓

縣樓

建自宋盛時頗壯麗令孫應時脩之左右各有亭左曰御筆手詔右曰寬恤事宜凡此皆舊廨今已廢

國朝因元之舊其廳事宣德中令郭南新之弘治中縣治災令祝獻重建廳三間令楊子器扁左掖室曰至公右曰至誠為佐貳之治所廳事東西有二門弘治中名曰左規右矩廳

事之後堂曰君子縣令徐淡易曰尊仁前堂後為今宅前有堂楊令名曰今雨中堂三間後有池池上有亭以過寢室前後各三間東西有廂房今宅之左為丞宅有堂三間二廈前有抱軒後堂三間東西有廂房今宅西為管糧丞宅又西為水利丞宅丞宅之東有主簿宅典史宅在治廳之東北凡四宅其堂宇制皆畧同廳之左右而下為東西廡分為六曹為吏治文書之所二廡之後為吏舍廡

之南為儀門凡三間建于令廳禮門之左為
土地神祠右為縣獄獄西南舊有馬廐廐鄰
譙樓樓為永樂二年令柳敬中重建凡三間
其下壘石築土為基規制弘峻弘治九年楊
令鑄銅漏於樓上樓之外有東西二廊廊之
南有外門三間天順初照磨王冕攝縣撤之
門之南有牧愛坊令鄧珙立後易為花封東
有旌善亭西有申明亭亭前有井亭今已廢
儒學

在縣治南稍東二百步中有堂淳熙中照
曾祭名為講堂紹熙中令葉知幾更為明倫
堂堂扁為文公朱子書東西為號舍中設二
齋曰志道據德庭下有二亭度碑其二門曰
進賢其前為泮池池前為學門門前為科第
坊東西有二坊西名學道後易曰會元東名
育俊後易曰解元堂之後有尊經閣五間閣
為周文襄公所建閣後有

御製箴碑亭三座教諭宅在明倫堂之東訓導

宅一在西廡之後一在二門之右並有堂三間後為寢室三間旁有夾室教諭宅其堂名曰留竹子游祠之後有號房若干間乃舊射圃地也

學道書院

在儒學西即宋舊館驛宣德中工部侍郎周文襄公忱巡撫恒居此周常寓郡城鶴山書院故名此為學道書院後巡歷都御史多比嘉靖中令徐澐徹其堂宇改為射圃

大學書院

在縣治東北行春坊內醋庫橋東元至順中巨室曹善誠建以祀吳公子游有司上其事設山長主之善誠割田二千六百畝以給師生廩費有秘書少監黃潛翰林待制楊剛中記宣慰使王都中題扁

射圃

舊在縣治西城隍廟東正統七年提學御史彭勗遷圃于學之東北弘治九年又遷圃于

縣西北三皇廟舊址提學御史陳琳于此講射圃北有臺築亭其上以觀射

學圃

即舊射圃弘治九年用其前地建察院以後隙地爲蔬圃仍歸于學

社學

在縣治西弘治中令楊子器即其地改建察院周慧日寺西隙地建社學前爲門三間堂三間兩廡各三間

社學

在阜民門外東偏舊爲懷德生祠嘉靖二年令王繼禮改爲社學門三間堂一間前有軒扁曰坐春選教讀陳璞於此訓迪蒙士璞又鑿義井於感惠坊下以便汲者

稅課局

舊名市易務在順民倉之南國初移置縣治西跨塘橋之西內有正堂三間廊庫寢室陰陽學

在縣治西弘治十年令楊子器即金神廟爲學其堂前後各三間中堂二間

醫學

在陰陽學之左即惠民藥局也前後堂三間中堂二間天順成化弘治中治爲公館後乃復之

僧會司

舊在慧日寺四堂三間前有門洪武十五年建弘治中令楊子器建于寺門之右

道會司

舊在致道觀內洪武十七年間建弘治十年改建觀之右制與僧會司同

許浦福山白茆黃泗浦四巡司

皆洪武元年建各有鼓樓三間廳三間後屋三間挾室各二間監房二間土地祠一所厥後公宇多廢壞或假民居以棲焉

國用庫

在縣中門之西廡

省庫

在縣廳之右

苗倉庫

在縣廳之左

軍糧庫

在縣治西南

醋庫

在今醋庫橋

戶部贍軍塘頭河陽常熟支塘四酒坊

酒

在縣東北坊橋

市易務

在尉廨西南今有市易務巷

本府梅李尚墅徐鳳奎松陸河五酒坊

馬軍司莫城五林二酒坊

凡諸酒坊課之盈虧縣皆無預酒不越境境

內私釀訴于縣縣乃治之自國用庫已下皆

宋制今已廢矣

濟農倉

即順民倉在縣東北東臨漕渠宋治平間令
向宗旦建紹熙四年常平使者徐誼慶元二
年縣丞傅良四年縣令孫應時各修其廢
嘉熙元年令王燾以廢廨地增創

國朝洪武二十三年修建預備倉創東西南北
四倉于開元歸政積善崇素四鄉以貯糶歲
夏給冬收以惠貧民久而弊生糧多不入
德七年巡撫周侍郎忱與知府况鍾議即順

民倉廢址建倉百間以貯平糶又勸分富民
共米二十萬餘石八年秋復增置四十間榜
曰濟農倉成化以來倉廩積貯米悉為豪猾
侵費弘治八年巡撫都御史朱瑄命府僚增
建廳事廩六十間

東倉 西倉 南倉 北倉 義役倉

已上倉基見前今廢

常平義倉

在順民倉之北廡宋康定二年知府王琪奏

置紹興六年制司申明大觀指揮每納正苗米一石帶義倉米一斗不及一斗不入義倉所以備凶荒也若夫常平之制蓋取沒官田所入專以濟給老疾貧幼之不能存者今本縣則以常平義倉合而爲一其倉已廢

南門總收倉

在縣治西南阜民門外正統四年周侍郎忱用民負郭田地四頃五十畝計其所入歲給與之代租分爲四場各建門垣每場創倉

六十間命縣官分掌其事俾軍衛於此允遷成化三年知縣甘澤再新之四場共廩三百二十間中有門樓上扁今額廳三間抱軒一間後堂三間廚房二間

東門總收倉

在縣治東南落星港上其建置年月廩數與前同

學倉

舊在禮殿東北今在泮池之西每歲縣撥米

三百五十石爲師生廩餼設斗級四名守之
都察院

舊在儒學之西即宋舊館驛也 國朝凡都
御史侍郎巡撫多即此以視事弘治十年令
楊子器以其地狹隘乃請于巡撫彭都御史
禮議遷于縣治西山巷之左市地以建其制
雄偉前爲門三間儀門三間中爲大廳以舊
扁張之曰願治廳後爲穿堂二間後廳三間
前廳兩旁爲隸卒宿舍各三間後廳之旁有

夾室後有亭覆以茨旁鑿兩池圍以欄楯旁
植名卉臺門之外有小廳三間門一間前有
庭除繚以周垣爲縣官聽治之所

察院

舊在縣治東數步前有門三間儀門一間前
後廳三間中爲穿堂旁有夾室弘治九年縣
以其迫隘遷於今都察院西舊公館地其規
制亦同臺門之外有小廳三間前有庭除繚
以周垣爲縣官聽治之所

公館

即舊察院

迎送亭

在阜民門外臨漕河亭三間

尚書行府

在支塘鎮往時視河官即鎮之瑞真道院治事嘉靖元年工部李尚書充嗣以都御史來治白茆乃治爲廨宇而居之後巡按胡御史體乾仍命縣令徐濙葺之厥後院之道士仍

請于官以守有碑存焉

急遞總鋪

在縣治前州橋之側內有房三間廊房六間郵亭一座額設鋪司一名鋪兵六名

偃涇鋪

潭塘鋪

吳塔鋪

俱在四十四都其屋宇司兵與總鋪同

湖橋鋪

在縣西二十里

官瀆鋪

在縣西六十里已上二鋪宋時所立今廢

常熟縣志卷之四

常熟縣志卷之五

邑人鄧鞞編次



歷宦志

邑吏為近民之職吏之有賢否而民之休戚
係焉其人已往賢否必具書于冊者乃嗣來
者之鑒觀也可弗慎歟常熟以雄邑在江之
南今佐貳晉迨唐五代間有見其名氏治各
者是史氏之所存也自宋中葉迨於叔世其

人名具而實亡者蓋題名碑版之所列也入

于

國朝其時近其治行多所遺者蓋記事者之失
職也古之方國必有小史厥有義歟邑志之
續近世之令佐貳有賢而不勝書者焉有不
肖而不容諱者焉然賢者常多而不肖者間
見也作歷宦志

縣令

東晉

江康之

濟陽考城人文雅有才思梁文士

淹之父

戴顓

字伯若譙國鉅人安道次子世居

會稽之剡下起為令時縣名海虞

後隱居吳下白鵠山嘗春日携斗

酒雙柑人問何之曰往聽黃鸝聲

此俗耳針砭詩腸鼓吹也

南宋

何子平

廬江潛人也世居會稽少有志行

事母至孝揚州辟從事史元嘉末
除令海虞祿俸悉以供母不以及
妻子母喪去官哀毀踰禮幼持操
檢敦厲名行雖處閭室如接大賓
學堅義明處之以默安貧守善不
求榮進士彌以此貴之舊祠于學
宮名宦弘治十一年始建專祠于
縣治南

鮑照

字明遠上黨人家世貧賤少有大

梁

思宋臨川王愛其才以爲國侍郎
始興王又引爲侍郎孝武初除海
虞令太學博士兼中書舍人

何之元

廬江瀟人好學有才思爲梁司空
袁昂所重辟爲五官掾尋除信義
令陳太建中歷湘州刺史始興王
叔陵諮議叅軍及叔陵誅之元屏
絕人事著梁典三十卷移居常州

之晉陵

唐

劉太真 字仲適其先自彭城徙居金陵弱冠以行義脩潔詞藻瑰異為蕭穎士所知廣德二年江淮宣慰使李季卿薦授左衛兵曹浙江觀察使李棲筠聞其名表為常熟令到官未朞而邑人化之後歷官禮部侍郎出為信州刺史移疾去郡卒

李曠

元和年間劉允文記新開常熟塘碑曠有勞績

顏顥

魯公真卿兄子為常熟令

周思輯

汝南人咸通間令邑歲旱禱于破山白龍祠澤被一邑皮日休記之後為給事中

朱梁

許延祚 知常熟遂家焉後孫式登景祐進士第官至禮部尚書

宋

蔣文懌

朝奉郎試大理寺司直行常熟令

事兼監察御史太平興國三年錢

氏納土後首任七年見餘杭陸韶

之頂山龍祠記

崔彤

李璨

文正公昉族人也為常熟令淳化

四年任滿赴調授著作佐郎

夏侯延祐

朝散大夫行上柱國知縣事淳

化四年見仁王院帖

裴署

承奉郎守大理寺評事知縣

酒稅茶鹽至道二年見重脩仁二

禪院記併脩延福院

王世昌

字次仲許州人端拱初進士知鹽

官縣改知常熟縣轉運使張式以

治狀奏充秀州判官終都官郎中

盧永

張川和

太子中舍知縣事

許辨

衛尉寺丞知縣事

張士廉

一作康懷州人承奉郎秘書省著

作佐郎知縣事大中祥符三年見

龍堂碑文

韓宗幹

韓常

胡順之

著作佐郎知縣事天禧元年見

嚴寺記

李文盛

國子監博士知縣事

王步

太常博士知縣事兼兵馬監押天

聖三年見慧日寺經幢

吳寵

大理寺丞知縣事

張霖

太常博士知縣事

李衡

太子中令知縣事

何知至

一作至能屯田員外郎知縣事

陳漸

殿中丞知縣事

梁佐

資善大夫知縣事

楊文敏

太子中允知縣事

張士程 殿中丞知縣事

鼂宗裕 字孝宣原州臨涇人登進士第試

秘書省校書郎歷青州從事改著

作佐郎知常熟縣遷秘書丞

鼂宗恪 字世恭以世父迥恩補將作監簿

知常熟縣修學校理溝坊民賴其

利

范琪 朝散大夫行太常博士知縣事兼

兵馬都監管縣界塘岸公事騎

尉慶曆六年

馬耿 國子博士知縣事

江中孚 殿中丞知縣事

桑澥 宣德郎守尚書都官員外郎至和

初知縣事兼兵馬都監管勾塘

公事騎都尉

張貴和 駕部員外郎知縣事

成偉 衛尉寺丞知縣事

蓋著 一作署殿中丞光祿寺丞知縣事

兼兵馬監押嘉祐四年

向宗旦

河內人宣奉郎守太常博士兵馬

都監及管河塘溝洫公事治平二

年

陳知白

朝奉郎駕部員外郎知縣事見王

琪送圖照歸瑞石菴記

饒珙

一作英秘書丞知縣事

李執柔

大理寺丞知縣事

李祐賢

太子中舍知縣事

王于韶

太常寺丞知縣事

趙君章

寧海軍節度推官知縣事

崔怡孫

太子中舍知縣事

劉拯

字彥脩宣州南陵人進士及第知

常熟縣紹聖間為御史言脩哲宗

實錄事醜詆司馬光蘇軾門人范

祖禹黃廷堅秦觀等官至樞密直

學士

宋順國

奉議郎

王植

通直郎元祐二年見明因院改題寺記

林會

通直郎元祐五年見破山重刊二詩碑

項瞻

承議郎

吳勉

奉議郎

朱之劭

承奉郎

徐齊

承議郎

胡庶

宣德郎

柳恣

宣德郎

趙岷

承議郎崇寧丙戌至大觀改元去任見跋趙獻公詩

傅裔

承議郎知縣事兼管學事勸農公

事兵馬都監及管縣界河塘溝洫

事武騎尉大觀二年見頂山碑

馮躬寬

承議郎

黃呂衡

前志宣德郎見壽聖院及永樂寺

結界記

朱彥求

奉議郎見新建宣尉侯廟記

李光

字泰發上虞人宣教郎時朱劭父

冲倚勢暴橫光械治其家童劭怒

諷轉運使移知吳江光不為屈不

附秦檜竄嶺表後官至叅知政事

謚莊簡俱政和年間

宋晦

通直郎

吳祖仁

奉議郎

高大中

朝議郎

石集

承議郎

李闔之

朝請郎建縣四門

余彥嶼

左朝奉郎建炎三年高宗車駕初

幸杭州韓世忠從海道領兵從縣

勤王四年元本犯吳李閻羅屯兵

于縣彥嶼周旋其間

施堦

右通直郎知縣事主管勸農公事

兼兵馬都監見脩福山嶽廟記紹

興二年六月至四年四月去任

陳適

右通直郎紹興四年七月至五年八月去任

夏元亨

右奉議郎紹興五年十月至六年六月去任

祝邦翰

右奉議郎紹興六年九月至七年十月去任

上官世美

右宣教郎紹興八年四月至十一年四月去任

劉寬

右承議郎紹興十一年四月至十

許聿

三年三月同李椿年行經界
右宣教郎帶主管學事紹興十三年六月至十五年三月去任

孔瓚

右通直郎紹興十五年四月至十七年八月去

王筠

右承議郎紹興十七年十月至二十年十一月去

曾慎

右通直郎紹興二十年十二月至左朝散郎紹興二十二年十二月

陶任古

左朝散郎紹興二十二年十二月

至二十五年正月去任

柴叔仁

右奉議郎紹興二十五年正月至二十七年正月去任

王子滑

右通直郎紹興二十七年五月至三十年六月去任

莊班

右通直郎紹興三十年六月至三十一年五月去任

沈功永

左宣議郎紹興三十一年七月六日至十二月去任

慎知柔

左通直郎紹興三十一年十二月至三十二年九月去任

鮑格非

左從事郎隆興元年三月至二年三月去任

唐光謙

左奉議郎隆興二年九月至乾道二年二月去任

孫份

左宣教郎乾道二年五月至三年九月去任

趙善括

左奉議郎乾道四年六月至七年

八月以賑糶有勞特轉一官通判
平江府

王宗巳 奉議郎乾道七年二月至淳熙元
年六月差監登聞鼓院

劉頴 字公實衢州西安縣人紹興二十
七年進士淳熙元年七月知縣事
有善政以治水利有勞特轉一官
終寶謨閣學士贈光祿大夫

陸瀛 通直郎主管學士不入銜淳熙三

年七月至五年九月去任

何濛 奉議郎淳熙五年九月至七年五
月去任

林京 一作宗通直郎淳熙七年九月

陳映 通直郎

曾蔡 宣教郎淳熙九年五月至十一年
十月脩儒學重建跨塘橋縣衙寢

室

晁子温 通直郎淳熙十二年四月至十四

年四月去任

陸相

通直郎淳熙十四年八月至十五

年七月去任

周復

承直郎淳熙十六年四月至紹熙

元年正月去任

程準

宣教郎以文名紹熙元年四月至

二年四月去任

姚俱

宣教郎紹熙二年十月至三年四

月去任

葉知幾

儒林郎以烏程丞遷縣令紹熙

年一月至慶元三年四月去任

孫應時

字季和紹興餘姚人早從學於象

山陸九淵登進士第初為黃巖尉

有惠愛常平使者朱熹重之丘富

帥蜀辟入制幕改常熟縣既秩滿

郡將以私憾捃摭倉粟累欠三千

斛邑民感德至相率擔負詣郡願

代償不報竟坐貶秩故曰為詩謝

其邑之人云牛車擔負媿高義豈知薄命非兒寬至今人思之授通判邵武軍未上而卒自號燭湖居士今列祀學宮名宦祠

朱燾

通直郎慶元五年六月至八月去

任

邵公翰

通直郎慶元五年十月至六年八

月去任

何究

宣教郎嘉泰元年八月至三年正

月重建縣廳立望湖亭

婁孝則

宣教郎嘉泰三年三月至四年

月重建城隍廟

王良臣

宣教郎開禧元年正月至十月去

任

何叔忱

宣教郎開禧二年二月至十二月

去任

葉愷

宣教郎辟差開禧三年二月至嘉

定二年四月以平反冤獄得旨任

滿轉通直郎脩儒學刊琴川志脩社壇

徐次鐸 宣教郎嘉定三年二月至以文名

趙師耀 宣教郎嘉定五年八月至十年十

二月差通判廬州

錢厚 宣教郎以文名嘉定七年十月至

八年三月去任

趙崇焄 字安伯登紹熙龍飛第嘉定八年

八月至十一年九月滿替作

亭宗人朝散大夫趙時侃記其累曰其操心誠其律已廉為政無愧於幽顯云

張堯 宣教郎嘉定十一年九月至十三

年轉通直郎特差僉書寧海軍節

度判官廳公事

沈璞 承奉郎嘉定十四年正月至八月

轉承事郎十五年轉宣議郎

陸仲垣 宣教郎嘉定十七年三月至七月

准勅兩易知紹興府餘姚縣

惠疇

字叙之江陰人舉進士嘉定七年

七月勸農造士擢良擿奸政遂以

成時移縣樓建景言閣砌府塘路

丞相曾魯公榜其閣

趙師雱

通直郎寶慶三年八月至紹定三

年八月去任

史彌厚

通直郎紹定三年八月至端平二

年八月去任

二

字重潜一字伯晦紹興新昌人嘉

定十三年進士端平元年知常熟

縣興學舍飾社稷正經界立役法

創義阡百廢具舉以政最聞累遷

禮部尚書加龍圖閣學士知平江

府淮浙發運使五年入朝進端明

殿學士咸淳初拜僉書樞密院二

年拜參知政事十一年爲左丞相

兼樞密使德祐初進平章軍國重

事七月特授觀文殿大學士充醴泉觀使燼為人清脩剛勁賈似道歸天台葬母過新昌燼獨不見之泊入相於國亡之際爲天下之所係屬與陳宜中不協而去今列祀學宮名宦祠

戴衍

嘉熙元年十月以奉議郎至三年除提轄左藏庫

趙師簡

嘉熙四年三月以通直郎至淳祐

三年三月去任

張從龍

宣教郎淳祐三年三月至四年八月去任

劉渠

宣教郎淳祐四年十二月至七年正月

趙與翊

淳祐七年三月以奉議郎至除提轄權貨務再留任八年四月除臨

江府都廂

別桶

通直郎淳祐八年六月至

石森

宣教郎淳祐十一年九月至十二年正月去任

鮑廉

淳祐十二年四月以宣教郎至寶祐元年轉通直郎二年辟差充沿江制置使司幹辦公事脩琴川志

程在孫

寶祐三年二月以宣教郎至轉通

直郎四年五月以憂去任

王文雍

寶祐四年五月以通直郎至六年六月準省劄除提領戶部犒賞所

主管文字重脩譙樓置刻漏

春手詔興復縣務創兩務官廳

浚縣前河并福山塘砌承流門并

慧日寺前街建寶祐新隄脩承流

秋報二門脩明版籍

元

孔文貞

字從善東平人宣聖之裔至元丁

亥至有治才催科不擾剗剔縣蠹興學獎善治獄多所平反去任邑

人思之爲立德政碑云

韓居仁

字君美汴梁人至大己酉見唐詠
涯脩孔廟記

張成德

字彥卿東平人至正間在職縣政
修舉民庶悅服秩滿得代民爲叙
其治於石

盧克治

字仲敬濮陽人大德癸卯至沉敏
果斷識量宏遠興利除害斷獄無
冤脩葺學校範器像賢築社稷壇

恢拓公字續脩邑志政興務舉
爲立生祠今列祀學宮名宦祠

火失哈兒

欽察氏泰定間由江淞行省理

問陞武節提舉大都酒課始至州
有五十都追呼徵斂皆屬里正民
訴不勝役爲稽版籍酌地大小稱
力而任之田不及十頃皆釋不事
田有額而無徵抑里正代輸勸民
樂助田一千三百頃得米六萬四

千石以補無徵之稅杭州糴貴郡
下省檄勸富民平糴火失哈兒知
田已粥而多抑派奮身廷辨以去
就爭遂得蠲釋頻歲災民稍他徙
至是流者皆歸業乃募民開所棄
田八千餘頃增官稅三千石如開
淞江浚練湖秋糧三十餘萬石皆
不擾而集春秋朔望謁廟皆如禮
大成雅樂廢壞命工修治俾士人

習正已率下士民敬悅有碑文
政績以虜族而監州能此可謂難
矣

班恕
字惟志至元間知州事兼勸農田
有才名書翰尤稱于時

王英
字世傑燕山人延祐間蒞職解任
有去思碑

盧鎮
淮南人至正間以領兵副元帥知
常熟州政蹟多不傳卒襍居民間

戢而不肆邑志久不修鎮集儒紳
續之其治有可觀者

國朝

李彰

性寬厚有大畧洪武二年三月十
二日邑人朱蝦蟆夜劫庫兵以爲
亂居民升屋以瓦擲之瓦盡而賊
斃守兵踰城馳報太倉蘇州二衛
翌日兵至城下彰出迓之從容謂
兵將曰民爲盜民捕之已矣

聞于朝矣公等宜還師將曰衛
得報以反闡安敢釋去彰賂其將
以牛酒勞軍駐以待報未幾

上遣主侍御來彰與耆民迎于境上環
視城邑民皆按堵御史乃令軍還
民德之謂其子女曰爾輩皆李公
活之也

田義

山東人洪武間

解常

山西平陽人

陳德

邵子南 洪武二十二年

潘棠 字子華杭州人洪武二十四年宰

常熟樂其土俗因家焉有若拙齋

詩文稿

高瑞 守官有廉操嘗着弊袴隸人竊見

納絹二疋于其第瑞知而鞭之加

絹於項斥出縣門外人無敢以私

餽者洪武間至

成天奇 河南人

鄒德輝 洪武間

柳敬中 慈谿人洪武三十一年以登封縣

學教諭陞知縣事前政弛弊積不

可爬梳敬中蒞政精敏隨宜剗解

廢墜脩舉田野開闢崇重儒術尊

禮賢士有孔氏裔流寓於邑貧不

能娶無以自存敬中曰罪實在令

乃為娶妻築室於宣化門外給產

以爲養范文正公族裔其少孤無
生業爲築室以廩食之又爲製衣
巾具束脩俾學于邑庠永樂六年
以憂去服闋邑之吏民詣

闕請留陞爲蘇州府同知今列祀學

宮名宦祠

趙楫

陝西白水人由監生永樂六年

廖璉

江西新淦人由監生永樂八年詔
求賢陞蘇州府通判

張用中

湖廣石首人由監生永樂九年

馮謙

山東鄒縣人由監生先任縣簿
人保陞知縣

彭英

湖廣醴陵人由監生永樂十年

傅良玉

江西新喻人由進士永樂十二年

至有文藝

田疇

山西蔚縣人由監生永樂十五年

後卒于官

廖英

廣西安邑人永樂十五年至

張政

福建古田人由監生永樂十六年

至

曾榮宗

湖廣攸縣人由監生永樂十六年

至

靳理

山東人由監生永樂十七年至

溫恭

山西人由監生永樂十八年至

蘇進

河間人由監生永樂二十二年

羅榮

江西饒州人由監生洪熙元年

李原

山東歷城人由人材宣德間

劉正言

浙江上虞人由人材宣德二年

鄧嘉會

江西吉水人由監生宣德五年

劉應祖

湖廣醴陵人由監生宣德八年

郭南

浙江上虞人由吏進宣德五年授

縣主簿後以民請留陞知縣南有

幹畧在縣興舉廢墜任使盡其器

能是故政通而民悅正統十三年

以病乞歸

魏健

河南衛輝府人景泰元年由寶慶

府經歷陞知縣三年以病歸

蕭鳳

字士薦江西泰和人由監生景泰

四年九月至

熊諒

湖廣崇陽人由監生天順二年至

勤慎平易以受誣去

唐禮

字敬身浙江武康人由賢良方正

薦天順四年至其治簡易好文禮

士

孟璉

開封府祥符縣人由監生天順

年二月至成化元年以憂去

甘澤

字洪濟開州人由進士任監察御史

直隸撫臣劉孜奏陞知縣食正五

品俸剛方有為豪猾屏息其治以

嚴稱後以事罷歸

嚴稱後以事罷歸

鄧珙

字弘中福建閩縣人由進士成化

五年至鋤姦惠良政務修立九年

陞南京戶部主事

蘭玉

字廷璋趙州人由進士宰邑豈弟清謹慎于聽獄未始以私刑一人在邑有惠愛民謠云好爛肉富當熟成化十三年北覲以病卒于京

黃慶

字元吉河南鄭州人由舉人成化十四年八月入邑貪殘鮮倫民罹塗炭者六年其才能媚上固位得久不敗二十一年御史鄒濬請

南臺黜之

祝獻

字廷夔金華府蘭溪縣人由進士成化二十二年三月蒞任性度寬厚不事威刑人至其前皆得自言雖觸之不為怒訟者歛息聽之不深求也待士有禮意時縣未分為州地廣事煩邑亦就理民多便之者然以其寬也事或不舉居久之

會

朝有知之者遷太僕寺丞致仕歸卒

王綸

字大經直隸開州人以弘治三年進士授知縣事為人淳靜簡易不設機巧於監臨平心事之不承迎其意好以干進政如其行已事至不辭劇易訟牒可諭則決遣或委者人理之多平服其在任荐嘗數歲躬出勘災雨塗沾體不為止粥以食飢民得實以報於上無稔為災者待吏嚴整未始有偏

吏亦畏悚不敢肆歲漕如期而集任內鮮逋賦以學法塹諸士得其俊異而禮之號舍不能容闢地構屋與居其文明暢學者推服守官靜謹自平陰遷衢州府通判又遷山西沁州知州致仕卒

楊子器

字名父慈溪人丁未進士弘治九年夏以巡撫都御史朱瑄薦自高平縣改今常熟蓋高平邑小子器

為之有政聲然子器猷畧弘遠蒞
任尚未久風采一新教民築隄捍
水民流亡者召之復業田稔而後
稅之立歲徵法先入者免贈米越
三日量免之不數日米入已盈數
萬折糧銀往時隨糧以納至銀貴
米賤而傷農子器諭小戶以米轉
易事畜養紡織春半而輸凡輸銀
近在堂廡監收者不得橫取徭役

視其丁力始至即召里胥
居方向籍書事產丁力審役
籍而定之民靡有自匿者邑
稱多士子器親為之講授月朔集
之課試雖祁寒盛暑不易期因鄉
飲賓禮其有年行親造其廬為鉤
敵禮有以割股為孝子器為製衣
冠俾其坐於賓筵之下鄉賢之孫
議姻非其儔者子器取以嫁先賢

之後而躬臨其婚其於名教尤所
敦重冠婚禮久廢每月朔望召儒
士張堯民林傳季鶴輩講肄于社
學訟者許投牒即日閱之揭訟者
名氏于縣門俾里正集之以候審
至則聽斷明允片詞而服刑罰取
懲而不殘戶小大人賢不肖舉知
之自其視篆病者不禱於祠游惰
不飲於市爭者不鬪於道威行信

孚政稱神明其尤無賴怙終板書
其名氏于縣亭乃准古式修大成
樂弦誦雜歌蓋子噐有文學以飾
吏事卓然有古循吏風監司數面
勞之前後有薦召入爲吏部考功
主事歷官至河南左布政卒子噐
諸文於詩尤工有集行於世

秦禮

字從節台之臨海人叅政文之弟
試于禮部在高選弘治十三年來

為令禮性度淳厚貌如其心政不
立異凡前令揚子噐之規畫守之
而不變事至平心決之不以好惡
先入為縱人人服其誠不忍欺守
官清慎用法近寬邑以治聞民方
安之而禮素恬泊不喜事迎謁有
不樂者上官入其言改令于鉛山
邑之人咸惜之上官後亦自悔禮
所至有令政擢南京工部主事進

郎中出為河南按察僉事卒

計宗道

字惟中柳州馬平人舉進士以弘

治十五年授知常熟縣英果有為
濶達持大體臨事意見定為之不
可奪遇歲歉輒先事具白於上官
議蠲減知府林世遠稱賢牧素重
宗道以災爭於林林未許宗道曰
令誠非才安敢忽萬人之命而迎
合郡太守令農已入種而官府徵

之急使其失業而轉死非特令之
罪也林雖不懌卒從之邑諸豪猾
常營事役罔官府宗道燭其姦終
無所聽信居三年稅足而事集操
履清慎於民有威愛嘗旱索神而
禱雨不至焚神像于庭宗道有文
藝暇則禮諸名勝之廬相與爲文
會諸生有詞學者厚禮之以最遷
同知延平府入爲戶部郎中擢知

衡州府卒

鄭濬

字克明閩縣人以進士正德二年
知縣事陞南京戶部主事

胡巍

字世高開州人以進士正德五年
知縣事淳質有吏能被名卒于家

張濬

字深甫黃縣人以進士正德九年
知縣事縣理久弛強宗得撓法病
民濬性方峭持法無所回徇其人
皆斂戢厨傳簡約居之晏如費省

而民以為便勤於吏職當盛暑循行郊野以是致疾卒行橐蕭然以是見其守官

梁朝宗

字東之吉安府龍泉人由進士正德十三年知縣事朝宗悉其土俗政適寬猛好以繩矩約下不以言色假人其事上亦然後以家艱去字汝嘉洛陽人舉進士正德十四年知縣事政尚威稜然不事苛細

劉乾亨

以為察縣鉅號難理乾亨為之以辨聞考滿入京遷戶部主事

王繼禮

字行之階州文縣人以進士先任阜城令嘉靖二年改常熟繼禮端已臨下寡嗜慾人不得窺其際凡向時媚官亂法者皆莫敢進賦役多因前政之善不務更張以示才其出語必信有為必果雖巧說眾沮不能奪邑多巨室服繼禮之公

莫敢于以私布袍蔬食一切汎費
皆停罷民樂其不
敬其清方
常熟前後多良牧求其履官廉直
守法不撓者蓋可數焉以治狀召
為監察御史今官于澗憲

梁英

字邦彥祥符人舉進士由曲陽令
改常熟英有治才裁決如流庭無
留務其性資平恕不以刑立威為
按部御史劾罷官

黃州

字文明黃州黃梅人以進

事蒞官詳謹不苟簡以塞責備
不嚴而集廷有獄決之各當其情
公於聽受不以人言為喜怒其律
已尤嚴以治聞遷南京戶部主事
徐淡

字景字淳安人以進士知縣事淡

律已廉白欲以宦業顯當官而行
不以毀譽得失為意性明察能悉
人情偽每臨訟一見而決人訝以

爲神御史嚴使其坐曹受事無事
不得近往時定役以其書付吏猾
書得與吏爲奸高下其等或當蠲
者復俾之出丁銀或抑之以代當
役者澆旣定其役揭之縣墻使人
知其應役與免吏胥不能售其奸
縣有積逋數萬多漁入者澆逮繫
而徵之尤嚴治惡無所縱舍有沈
欽者兄弟以盜橫一方澆縱心

捕得之斃獄中徐達者名健訟
嚙人比訟得意益逞至以刑劫稅
長使書由澆捕論抵死邑人皆稱
快澆在邑凡以豪猾稱者皆不得
肆尤精于鑒裁士被賞識者多取
名第以去性不能媚上坐是久不
進考滿得荊州通判卒以治狀顯
聞召爲南京考功主事

沈弘燹

字君叙陳州人以進士嘉靖十二

年授知常熟縣事賦性淳篤產中
州能悉南俗厥所建設具合機宜
精勤職業晨興視事宵燭而後入
凡徵稅役法率用前令之善民稱
便焉慎于官守衙前供費視徃時
多所裁減吏有易其初仕玩法弘
彝覺之立置于法不少貸攬其事
權聽受公允風采一變邑濱江平
盜竊發前後擒其雄猾餘黨散

縣境以寧勤於課士甄別精當邑
士賢者尤賓禮之上官移文交獎
均田檄下弘彝供事有勞以累薦
召爲戶部主事

馮汝弼

字惟良平湖人以進士授行人擢
工科給事中時有大臣不協物望
汝弼首劾之出爲潛山縣丞被推
令常熟嘉靖十六年八月二十日
至

縣丞

宋

郭三益

字慎求海鹽人家義興琢之子也

元祐三年進士才高有器識大臣
屢薦之爲常熟丞常平使者調蘇
湖常秀州之人濬青龍江分地程
役而三益所部前期告辦使者留
之俾常熟人爲他邑代役三益即
引所部歸使者怒檄追甚急三益
以爲戚其母周曰青龍之役連數
郡其分地程役賦廩食皆已上聞
今我先畢何名復役之使者儻再

思行悔矣雖然汝不可無會第無以所部從也已而使檄止丞勿來事遂已

鄭穆

字應和汀州長汀縣人家于無錫由濠州定遠令改常熟丞攝縣事有潰兵絕江由福山闖關邑人大恐穆單車撫諭遂定有久訟得直持金數斤爲謝穆正色却之終朝散郎徽州通判

王

朝散郎見頂山蹇路記

陸韶

文林郎大觀間見頂山龍祠記

魯詹

文林郎主管學事政和間作宣惠

侯廟記

林友

文林郎

劉敦

脩職郎

陳宗盤

通直郎紹興八年三月至

陳份

朝奉郎賜緋紹興十年三月至

朱旛

承議郎賜緋紹興十二年四月至

王大隱 承事郎紹興十四年七月至

李孝純 宣議郎紹興十八年六月至

胡履泰 宣議郎紹興十八年八月至

蘇楷 通直郎紹興二十年十一月至

俞民康 奉議郎紹興二十二年十二月至

黃伯達 宣議郎紹興二十四年十二月至

江續之 承議郎紹興二十七年二月至

黃誘 通直郎紹興二十九年四月至

鄭穆 朝奉郎紹興三十一年四月至

胡信康 承議郎賜緋隆興元年六月

宗嗣尹 通直郎賜緋乾道元年八月至

趙伯信 奉議郎乾道三年十月至

秦焯 承議郎賜緋乾道六年三月三省

樞密院劄付差委同許浦御前水
軍統制脩理武備

黃夏 宣議郎乾道八年四月至

張孝伯 文林郎淳熙元年七月至

施遲 宣議郎淳熙四年四月至

木施顯 宣議郎淳熙十一年四月至

沈梓 宣議郎淳熙十二年二月至

康丕祖 承奉郎淳熙十三年六月至

蔡興文 從政郎淳熙十五年十月至

傅巖 承直郎紹熙二年四月至

趙公傳 承直郎紹熙四年十月至

趙善勳 承議郎紹熙五年十一月至

傅良 儒林郎慶元元年三月至脩白

祠記

姚汝龍 從事郎慶元三年四月至

丘壽邁 宣議郎慶元五年六月至

趙端 宣議郎嘉泰元年八月至

張漑 無錫人承直郎開禧元年

趙善箴 承奉郎嘉定元年十月至

詹彭祖 宣議郎嘉定二年四月至

廖颺 承務郎嘉定四年四月至

趙必愿 宣議郎嘉定五年二月至

蔡駿 從政郎嘉定七年八月至

蕭好古

承務郎嘉定十年八月至

趙時份

承奉郎嘉定十二年十月至

劉南

承直郎嘉定十四年十月至

趙希翺

宣議郎嘉定十七年十二月至

陳改

脩職郎寶慶元年十一月至

趙汝溥

承務郎紹定三年三月至

孫沂

字彥溫丹徒人擢進士紹定四年

三月轉常熟丞時長官有不親民事凡所以下息田里之爭上應臺

府之令惟沂是賴民有歲久不決

之訟皆請於臺府願以屬沂旁縣

亦然使者再委攝府學教授皆謝

不就以病丐歸卒

趙希魯

承直郎端平元年至

傅充

儒林郎嘉熙元年十月至

賈喚

承務郎嘉熙四年十二月至

錢宜之

儒林郎淳祐二年三月至

孫由義

承務郎淳祐五年四月至

錢學祖

從事郎淳祐七年六月至

趙善腆

承直郎淳祐十年七月至

蘇速

迪功郎寶祐元年七月至

郭端朝

元

段天祐

字吉甫河南人泰定甲子張益榜

進士選為常熟州判官富文學後

官至儒學提舉

國朝

周泰

見東坡志林

林暄

杭州仁和人由監生洪武

年十一月授試縣丞三十三年八

月實授清介勤幹贊佐有方永

五年詔求賢陞袁州府通判

李原廣

山西太原人由人材永樂十三年

至以廉謹稱

王恂夫

浙江溫州人宣德二年至精於筆

劄

李子廉

江西分宜人由吏員宣德四年至
蒞事寬平好文禮士嘗建橋梁脩

學舍秩滿陞南京中城兵馬指揮

陳澄

江西豐城人由吏員正統七年至
創立尊經閣

趙紳

邑人稱爲趙佛子

高遠

陝西人正統八年至秩滿陞祈門
知縣

余茂

河南固始人由監生成化四

月以病歸

程瑾

直隸永康人由監生成化九年六
月至後以憂去

張翺

順天府密雲縣人由監生成化十
一年十月至管水利循行不怠民

不敢干以私九年考滿衆皆惜之

丘安

江西建昌南城縣人由監生成化
二十二年六月至端方有爲以公

事罷去

王閻

湖廣麻城人由舉人弘治元年三月至坐事罷官後復職而卒

王錦

山西遼州人由監生弘治六年三月以病乞歸

張翰

字鴻漸保定慶都縣人由監生弘治十年十二月至猷幹優敏以公

事免官

趙祥

山西人由監生弘治十二年十一月至濬許浦有學績

費誠

遼東都司復州衛籍由監生弘治十八年二月至正德三年十月陞

應山知縣

郝尚質

榆次縣人由監生弘治十八年二月至任本縣主簿後陞本縣丞以

病致仕

李時杲

陳州人由監生正德六年七月至佐縣有善政民皆愛誦十一年五

月陞建陽衛經歷

胡深 崇德人由監生正德七年四月至
才優吏事政亦寬簡九年三月調
曲江縣丞

姜巒 曹州人由監生正德九年二月至
閻敏能立事十年十二月為誣訟
解職

趙經 尉氏縣人由監生正德十一年
月至

朱濬 鎮平縣人由監生正德十二年

月至

周岐鳳 陝西涇州衛籍貫山西邠州人

監生正德十五年閏八月至嘉靖
四年四月請致仕

鄒賜 新陰縣人由監生嘉靖三年二月
至七年十月以有幸邑才陞魚臺
知縣

商汝隨 淳安縣人由監生嘉靖四年十一
月至恬素厭吏事六年二月請致

仕

單經

莒州人由監生嘉靖七年二月至
性慈良政暇喜讀書本年十二月

丁母憂

明義

興國州人由監生嘉靖十一年六
月至十四年二月罷官

白瑾

昌黎縣人由監生嘉靖十一年八
月至性淳直職事脩舉悔從吏從

十三年三月請致仕

甘雲

湖廣清浪衛軍籍貫麻城縣人由
監生嘉靖十三年十月至富有猷

畧可以任劇行政具合人心十四

年四月前任為怨家所搆去官

蔣玘

任丘人由監生嘉靖十四年六月
至十六年五月致仕

梁宗琚

羅城縣人由監生嘉靖十四年八
月至十六年十一月致仕

鄧烜

清流縣人由吏員先任通渭縣丞

當路以治能薦改常熟嘉靖十六年二月至明辨有聲又善詩俄致其仕歸

史獻

偃師縣人由監生嘉靖十七年三月至

鄭聰

劍州人由貢士嘉靖十七年六月至

陳堯

渾源州人由監生嘉靖十七年七月至

王培

主簿

唐

蕭存

字伯誠一字成性蘭陵人梁鄆陽王恢之後穎士之子亮直有父風

能文詞與韓會沈既濟梁肅徐岱

等善浙西觀察使李栖筠表常熟

主簿顏真卿在湖州與存及陸鴻

漸等撰韻書數百篇建中初拜殿

中侍御史四遷比部郎中

顏頤

字■純魯公真卿兄子常熟令顯之弟見顏氏祠堂碑

宋

范擴

為縣簿曾鞏舉其博學能文詞通經術敦重恬靜見於人為以母老家貧樂仕鄉土堪充館閣及國子監直講任使

呈冕

淳化四年至見脩仁王院記

劉元同

將仕郎試秘書省校書郎至道二年至見脩仁王院并延福禪院記

錢振

登仕郎天聖五年至見淨慧院記

范文正公送歸省詩姑蘇臺下水如藍天賜仙卿奉旨甘梅淡柳黃春尚淺王孫歸思滿江南

李居正

將仕郎天聖五年至見乾元宮陰符經碑石

夏侯詢

將仕郎慶曆六年至見寶嚴寺佛

殿碑記

余六
將仕郎嘉祐三年至見勝法寺新
十方記

廖鼎臣
登仕郎熙寧元年至見順民倉記

許異
將仕郎兼管河塘溝洫元祐二年

至見頂山甃路記

徐布
元豐五年至見瑞石菴破山八詠

詩

張叔達
兼河塘溝洫元祐二年至見

改禪院記

鄭僖
將仕郎大觀三年至見頂山龍祠

記

陳廩
登仕郎政和五年至見宣惠侯廟

記

趙子宗
右廸功郎紹興三年至見重修嶽

廟記

趙憲
右從仕郎紹興六年至見嶽廟石

座記

趙彥清

隆興癸未至見龍祠感應記

王

右從仕郎紹興十五年至見慧日

寺度僧公據

蕭達

迪功郎淳熙八年八月至

趙汝伋

脩職郎淳熙十一年十月至

施季熊

脩職郎淳熙十四年十二月至

黃直史

脩職郎紹興二年四月至

張拭

脩職郎紹興五年六月至

趙彥侯

迪功郎慶元三年七月至

鮑端亨

迪功郎慶年元六年八月

盧子及

迪功郎開禧二年十月至

曹仲珪

承直郎嘉定二年十二月至

陳逢堯

迪功郎嘉定六年正月至

張正巳

承直郎嘉定六年十二月至

李昌祖

文林郎嘉定七年十一月至

王澤

脩職郎嘉定十二年二月至

臧中輔

承直郎嘉定十五年七月至

承直郎嘉定十五年七月至

趙孟孫 從事郎嘉定十六年十月至

李興宗 脩職郎寶慶元年七月至

趙希弘 紹定元年十月至

洪坎 紹定四年十月至

趙善從 端平元年十月至

張必達 嘉定二年二月至

趙汝拙 嘉定四十一年至

趙汝廓 脩職郎嘉定八年十二月至

趙時喆 脩職郎淳祐四年十一月至

唐世忠 迪功郎淳祐七年十二月至

游杞 淳祐九年十一月至

舒斗祥 淳祐十二年七月至

俞文炳 迪功郎寶祐三年十月至

元

姬鎬 字周卿磁州邯鄲縣人至元間主

縣簿治多善政時元至延祐丁巳

始陞縣為州見德政碑

國朝

陳瑗

湖州烏程縣人由訓導累官至大理寺丞洪武三十二年五月左遷常熟縣簿永樂元年復舊官

郭南

浙江上虞縣人由吏員後保陞本縣知縣宣德七年

王益

寧波鄞縣人宣德九年十月

蘇鈞

濟南歷城人正統間

郭先

山東朝城縣人由吏員立功天順六年八月至

荆進

真定府寧晉縣人由監生天順六年八月至

曹銘

河間府肅寧縣人由吏員天順七年六月至

曹旻

貴州宣慰使司貴竹長官司人由監生成化七年十月至後以事致其仕

鄭顯

四川劔州人由監生成化十九年三月至

吳淮 河南裕州人由監生弘治八年四月至

郝尚質 山西榆次縣人由監生弘治十二年五月至

張宗智 山東歷城縣人由監生正德二年十月至豐悌有吏才

王獻 山東費縣人由監生正德七年六月至九年七月致仕

俞浪 新昌縣人由監生正德十六年二月

月至浪識畧優敏臨義敢為在邑

多善政慎操守工律詩政暇不廢

吟詠為巡撫大臣郡守所知白藟

之瘡將錄其功為上官所抑坐以

小法會丁父憂去後浪奏理前事

得白吏部聽致其仕

劉繼

山東掖縣人由監生嘉靖五年

月至性行豈弟形於政事以致仕

去民尤惜之

王淮 長垣縣人由監生嘉靖十年八月
至其治行如劉繼殆仁吏也以致
仕去

歐義 廣東番禺縣人由監生先任徽州
府檢校丁母憂服闋改常州府
校陞邑簿嘉靖十五年十月至
更外任

郭敬 山西陽城縣人由監生嘉靖十六
年二月至十七年六月請致仕

劉信

尉

唐

張旭

字伯高一字季明吳縣人與集賢
院學士延陵包融及賀知章張若
虛皆有名當世號吳中四士旭嗜
酒每大醉呼呌狂走乃下筆或以
頭濡墨而書既醒自視以為神不

可復得也世呼張顛初爲常熟尉
有老人陳牒求判宿昔又來旭怒
其煩老人曰觀公筆竒妙欲以藏
家爾旭因問所藏盡出其所書旭
視之天下竒筆也自是盡其法官
至金吾長史文宗時詔以李白歌
詩裴旻舞劍并旭草書爲三絕

宋

善言

字從之其祖守江陰因家焉初調

常熟尉侍郎劉穎叅政張

見噐重終朝請郎知臨江軍其

官勇於爲義所至皆有陰德

李順之

又林郎乾道二年至見脩延福禪

院及脩仁王廟記

胡賑

天聖三年至見淨惠院帖

宋盛

登仕郎慶曆四年至見寶巖寺佛

殿記

楊惟善

將仕郎嘉祐三年至見勝法寺十

方記

丁惟一 將仕郎兼河塘溝洫治平丙午至
見瑞石菴記

陳于

文林郎試秘書省校書郎守縣尉
管河塘溝洫元豐二年至見頂山
蹇路記撰明因寺改禪院記

葉之漸

元豐五年至見破山八詠碑

洪彥昇

兼管河塘溝洫元祐二年至見明
寺新改禪院記

嚴挺民

將仕郎兼管學事大觀三年至見
頂山白龍祠記

吳驥

將仕郎政和五年至見宣惠侯廟
記

強公邵

右迪功郎紹興三年至見重修福
山嶽廟記

王敏

脩職郎添差紹興三年至見重修
福山嶽廟記

趙子溥

右迪功郎紹興六年至見福山石

座記

卓元龜 脩職郎紹興二十九年十一月至

李緘 迪功郎隆興元年

劉永平 從政郎隆興元年五月至

趙善熙 迪功郎乾道二年十月至

李楠 迪功郎乾道三年十一月至

葉藁 迪功郎乾道六年十二月至

李閑 從政郎淳熙四年四月至

程達 迪功郎淳熙七年四月至

吳源 脩職郎淳熙九年二月至

章賡 脩職郎紹熙元年二月至

趙笈 迪功郎紹熙四年四月至

曾達 迪功郎慶元三年六月至

劉祖邁 從政郎慶元六年六月至

莫燾 迪功郎嘉泰元年八月至

邵泰 從仕郎寶慶三年三月至

陸銓 承直郎淳祐五年十一月至

周介夫

奚煥

常懋

字長孺武康人淳祐七年舉進士
調常熟尉廉公自持不畏強禦部
使者交薦之

霍超龍

李相

迪功郎嘉泰二年八月至

薛宦

迪功郎開禧元年七月至

黃應西

迪功郎嘉定元年秩滿酬賞改承
務郎在任政績超卓

鄒孟

迪功郎嘉定四年九月至

趙希燿

脩職郎嘉定七年十一月至任滿

酬賞改承奉郎

陳斐

迪功郎嘉定十年十二月至

侯璘

迪功郎嘉定十四年正月至

余紹祖

迪功郎嘉定十四年九月至

趙崇璋

林文郎嘉定十七年正月至

施居仁

脩職郎嘉定三年四月至

顧顯道

趙希謐 嘉定六年六月以從事郎端平三年九月至因賞改承務郎

趙崇歡 從事郎嘉定三年十一月至

俞夢得 迪功郎淳祐二年十二月至

典史

國朝

周從善 河南光山縣人由吏員天順八年

四月至九年考滿

黃寬 莆田縣人由吏員正德八年

至十三年二月陞富川守

所吏目

皮昌 湖廣黃岡縣人由吏員嘉靖十六

年六月至

教官

宋

林松洲 福之長樂人混補省魁任常熟儒

學教官遂占籍焉

无

薛舜舉 守君壽温州人至元二年至

林近思 松州子大德間為州學學賓

唐泳涯 至大元年見重修州學記

林脩德 近思子字立誠開封府學訓導

大同之父至正間為州學直學

朱枋 温州人

徐夢吉 字德符杭州人

傅則明

王鳴吉

馮章

王守道

陳大鵬 字萬里台州人

顧元龍 字仲明温州人

葛瑛 字藏之嘉興人俱至正年間

陳聚 字教德台州人至正十九年

千德潛 為州教授至正二十二年見陳基

重脩州學記

黃明德 字止善給事中黃鉞祖至正間為

州學學賓

黃歸德 明德弟至正間繼為學賓

凌攀 字彥沖武林人為州學教授

文學書院山長

元時州人曹善誠建書院在縣之東北賜額

曰文學置山長職教事

達理 字擇善燕都人至順元年庚午以

易經登第授文學書院山長

馬臻 字應龍號雲山辟文學書院山長

唐浦 字彥博沂州人明春秋

陸景玄 字子善號鞠區州人漕運公之孫

教諭

國朝

傅著 字則明蘇州人

盛宗義 洪武十七年

張瑜 江西新喻人洪武二十四年

繆慶先 江西上饒人洪武三十一年

吳以永 浙江永嘉人永樂四年

孟恪 浙江諸暨人永樂十二年

羅汝寬 江西吉水人洪熙元年

李宗應 閩縣人宣德八年

趙永言 浙江黃巖人宣德八年教法修飭

士咸敬服秩滿陞吉安府學教授

王端 江西泰和人正統十年

張才 浙江餘姚人景泰三年至

李晟 廣西永福縣人景泰三年補考陞

湖廣平江知縣

杜貞 字克正湖廣房山縣人景泰六年

至

謝紘 江西樂安縣人由舉人天順五年

黃體勤 福建莆田人由舉人成化八年六

月至忠厚有師道秩滿陞開封府

學教授

張景元 字弘仁浙江天台人由舉人成化

十七年至考滿陞湖廣郴州知州

徐朝翰 陝西西安縣人由舉人弘治四年

十一月補考至學政修舉士德其
教十三年陞蘇州府通判

李隆

洛陽縣人由舉人弘治十二年十

月至正德二年四月陞山西臨汾

縣知縣隆行已端莊教嚴而能愛

周淮

慈谿縣人由舉人正德二年六月

至六年六月陞福建漳州府儒學

教授有經學

陳德

閩縣人由舉人正德八年六月至

十三年十二月陞廣州府番禺知
縣德端厚善教種竹于齋舍士懷
之立石以寓思

劉文詔

安福縣人由舉人先任丹徒縣儒

學訓導陞邑教諭正德十四年二

月至文詔以經造士凡貧者不較

其具禮嘉靖四年四月陞授汀州

府永定知縣

劉海

直隸南皮縣人由貢士先任汲縣

儒學訓導考滿陞邑教諭嘉靖四
年八月至八年七月告致仕

鮑鐸

瑞安縣人由貢士先任六安州儒

學訓導陞邑教諭鐸踈暢無畦畛

善遇士又善為律詩嘉靖九年八

月至十五年五月致仕

全政

鄞縣人由貢士除寧國府南陵縣

儒學訓導陞偃師縣儒學教諭丁

父憂服闋補常熟嘉靖十五年十

一月至

訓導

元

黃進德

字晉之劍城人延祐間任州學訓

導

國朝

王守道

衛鎬

字伯京崑山人文節公五世孫

吳廷彥

本縣人

馮炎

字章甫吳縣人

王謙

字鳴吉縣人

王福

福州閩縣人

計行簡

縣人以明經徵為邑訓導轉開封

府學

魏勝安

浙江會稽縣人

熊冕

江西南昌縣人

侯誠

台州臨海縣人

徐萬益

嚴州分水縣人

翁玘

紹興新昌縣人

周哲

莆田縣人秩滿擢南京監察御史

聶廓

子時昇江西崇仁縣人由舉人景

泰元年

蔣銓

字時勤江西泰和縣人舉經明行

脩補考景泰五年

諸倫

浙江桐廬縣人由舉人天順四年

六月

高且

河南祥符縣人天順五年八月

薛方

河南杞縣人成化七年六月

鄭焯

福建莆田人由舉人成化八年十

二月

蕭高

江西泰和人由舉人

覃恕

廣西人由舉人

黃仕宜

福建莆田人由監生俱成化間

陳暢

台州天台縣人由舉人弘治五年

八月補考八年九月秩滿陞南京

國子監學錄

黃淑

江西廬陵人由援例監生弘治元

年十二月至十年滿陞福建縣學

教諭

董禎

江西安仁縣人由舉人弘治九年

九月至禎治經精苦與士並學有

麗益十四年三月遭憂去職

周夔

浙江山陰縣人由監生弘治十年

八月至久有教績正德元年六月

考滿陞其官

汪穎

江陵縣人由舉人弘治十五年十一月至志氣英邁績學事進取正德二年陞會昌知縣後以軍功歷官九江知府坐事落職

龍縉

洛陽縣人由監生正德二年二月至十年七月陞兗州府滕縣儒學教諭

林汴

閩縣人由監生正德三年六月至治經有造詣四年五月丁父憂

木昂

華州浦城縣人由舉人正德五年正月至七年十一月陞澤州沁水縣儒學教諭

李伯珠

新都縣人由監生正德八年四月至性行和厚勤迪士十二年十一月致仕

顏應時

永新縣人由貢士正德七年七月至經學詞藝為士所推十五年五月卒于官

林愷

建安縣人由貢士正德十三年十月至十四年二月以祖憂去

韓恂

興安縣人由舉人先任武昌府咸寧縣儒學訓導丁母憂服滿除前職正德十四年十二月至經學淹該淳篤有士行嘉靖二年八月陞授慈谿縣儒學教諭

薛笛

山陰縣人由貢士正德十五年十二月至待士有禮誼嘉靖六年十

李鳳

一月陞河南崇善主周府教授歸德州人由舉人嘉靖三年十一月至五年六月卒于官

應復

淳安縣人由貢士嘉靖六年三月至

陳當

崇仁縣人由監生嘉靖六年十一月至十二年四月陞河南府孟津縣儒學教諭

李璠

瑞安縣人由貢士嘉靖十二年五

月至

周鑛

貴州宣慰司民籍吉安府廬陵縣

人由舉人嘉靖十五年正月

至

仇鸞

海鹽縣人由貢士嘉靖十八年

月至

常熟縣志卷之六



邑人鄧鞞撰

邑人志

觀邑之望常視其人物常熟自巫咸父子顯於商言叔氏起于周末沿于秦漢三國六朝隋唐五季邑之大雅寢不逮古豈史傳所書吳人例曰吳郡人而不別其所出之邑耶抑纂記者之失職與志乘之久闕也今合前志與近世之人物錄之名之曰邑人其間才品

不同各因其所就以類而列之亦畧以世次
為先後有事功無聞名位弗顯其心與行有
足予者亦不敢遺其善大畧如宋史所書崇
宣建紹諸人例賢者如寶玉在山輝采莫掩
其否者多倖會使人有不得以顯書者昔
氏於宗國多微詞故並陳之使覽者自得
夫志也者存法戒也作邑人志

商

巫咸大戍時相書曰巫咸又王家有咸又四

篇七

巫賢咸之子書曰在祖乙時有若巫賢皆賢
相也

周

言偃字子游史記以偃為吳人少孔子四十
五歲聞道甚早北入中國而學於孔子自
江淮以南為孔氏之學者偃一人也蓋孔
子晚而在陳偃時尤在其門既受業始仕
于魯為武城宰以禮樂為治孔子聞其若

子學道則愛人小人學道則易使之對而
深喜之孔氏之徒列爲四科而偃以文學
稱蓋就當時學者之所見也而史遷言孔
子以爲子游習於文學

宋

陸徽之字彥猷高才博學如陳起宗錢觀復
張栻皆事之建中靖國初有詔求直言徽
之進對與雍孝開等力陳時政闕失唱第
日皆駁放大觀末彗星見復錄孝開等徽

之已卒慶元誌云徽之由太學上舍生免
殿試賜同進士出身終於開封府濮陽簿
論曰徽之於鄉郡以詞學稱蓋髦士也當
建靖中有詔求言而徽之以言過直被放
落則其時事可知已夫當國是不明邪正
雜進士以附和黨同幸見收孰敢昌言闕
失以取廢而不自悔者哉而斯人也與雍
孝開等躬蹈人所難嗚呼其可謂賢矣
張僑字安道有聲場屋間登皇祐元年進士

第因言事謫衢州終於朝散郎同年資政
殿學士趙卞雅重之數遺以詩子顏孫厥
功四世孫攀皆登科

攀字從龍由太學登淳熙十一年進士第初
調明之鄞縣尉楚州教授知建康府溧水
縣嚴州倅監登聞鼓院慶元倅知興國軍
除將作監丞太府寺丞祕書丞詮次中興
館閣書目凡萬四千九百四十三卷上之
兼權右曹郎官除尚右郎官改尚左軍器

監拜殿中侍御史兼侍講在憲府凡兩年
除起居郎兼崇政殿說書卒年七十贈通
議大夫集英殿修撰攀寬厚易直遇人必
以誠款無一毫矯飾幼年群試即不肯隨
衆減年爲欺家世清白持之益堅仕州縣
以治行稱有益齊集奏議漢唐論若干卷
張栻字材仲繇三舍法貢京師入太學治書
有聲登政和五年進士第初調臨江軍司
刑曹知嚴州遂安縣方臘寇嚴領兵入邑

丞簿尉皆遇害枹與力戰矛中脅被擁去
枹曉以禍福逆順賊聳聽釋之賊平改知
湖州歸安縣臨安府通判知泰潤衢三州
皆以惠愛稱枹性純孝知衢州日母年九
十九卒枹年七十矣執喪甚哀人皆賢之
初得郊恩舍子昇姪族有貧而喪不舉者
哀而葬之年七十八官至朝議大夫贈正
議大夫

吳汝文字公巽其先潤州丹陽人後徙常熟

登進士第以親老不調者十年擢議禮局
編脩官召對徽宗嘉之除祕書郎三館士
建議東封汝文曰治道貴清淨今不啓上
述三代禮樂而師秦漢之侈心非所願也
責監宿州稅父之召除著作郎遷起居郎
皇太子就傅命汝文勸講除中書舍人言
者謂汝文從蘇軾黃庭堅遊不可留贊書
之任出知襄濟唐三州以謝章自辯罷未
幾起知陳州召拜中書舍人外制典雅一

時稱之命同修哲宗國史遷給事中內侍
梁師成強市百姓墓田廣其園囿汝文言
于上師成諷宰相黜汝文守宣州召爲吏
部侍郎出知廬州徙密州密負海產鹽蔡
京屢變鹽法盜販者衆汝文曰祖宗法獲
私商不詰所由欲靖民也今繫而虐之將
爲厲矣悉縱之密歲貢牛黃汝文曰牛失
黃輒死非所以惠農宜輸財市之則害不
私於密欽宗即位召爲翰林學士改顯謨

閣學士知越州兼浙東安撫使楊應誠請
使高麗圖迎二帝汝文奏應誠欺罔君父
若高麗辭以大國假道以至燕雲金人却
請問津以窺吳越將何辭以對後高麗果
如汝文言紹興元年召爲翰林學士叅知
政事汝文與檜在政府嘗請治堂吏受賂
檜怒固劾汝文右司諫方孟卿因奏與長
官立異豈能濟事罷去以卒汝文在密檜
爲文學汝文薦其才故檜引用之然汝文

性剛不爲檜屈對案相詬至目檜爲濁氣
汝文風度翹楚好古博雅精於篆籀有文
集行于世

論曰士歷官有本末其趣向端挺而不易
者必君子也汝文之始進以親老而不上
次在三館以桎東封之議而見斥中論梁
師成強市民田而謫守郡後與秦檜異趣
面詬其惡而罷執政節操如是人主安得
以利祿而籠致之者乎汝文之先丹陽人

後徙常熟汝文之主焉而卒于是故列之也
人重其賢

錢觀復字知原於大越爲䟽屬由太學登政
和五年進士第邑人土著登科自觀復始
初調越州諸暨縣主簿改温州教授過瑞
安巨寇方臘正猖獗觀復贊邑令王公濟
備禦時流民歸瑞安相屬于道或議驅出
境觀復曰驅之適資盜耳遂徙之海洲寇
不得掠調湖州戶曹同郡來勸勢方盛以

鄉人故願妻以女力辭不就授楚州士曹
衢州判官虜騎犯江淞衢當要衢觀復白
郡守縱民老弱皆出戶留一丁既而諸兵
欲乘時爲變顧城中子女無所獲乃止除
國子監丞改諸王宮教授太常丞祕書郎
戶部員外郎起知廣德軍歲上供民輸送
回遠加斂水脚錢請于朝寄廬湖之四安
至國門纔五日費減太半卒年六十五號
正靜居士有文集十五卷論語解二十卷

劉待制一止誌其墓子侯佃

論曰洪範稱凡厥庶民有猷有爲有守是
三者今所謂才德也而能舉之者鮮矣觀
復徙流民於海洲而寇不得掠縱老弱避
兵而虜無所獲非有猷有爲者能之乎朱
劭竊威福勢傾天下岳牧侍從皆出其門
欲妻觀復以女力辭而不就非有守能之
乎鄉士如是志之以見時之多賢也

曾懷字欽道丞相宣靖公公亮之曾孫世爲

泉州晉江人居京師公亮葬于祥符曾氏
後寓常熟宣和元年以文調任鎮江金壇
簿授和州烏江令瀾西帥幹知嚴州淳安
縣濠太平二州通判提舉兩浙市舶知江
州孝宗踐祚改真州訓練民兵有紀爲張
俊所竒隆興中爲浙西提舉以懷有應用
才除度支員外郎別置拘催錢物所令專
行以豐裕闡超除權戶部侍郎兼領贍軍
諸庫除戶部侍郎奏臣不敢進生財之說

以傷陛下愛民之心亦不敢進苦節之說
以傷陛下惠下之心但量入爲出使天下
之財足天下之用上悅再歲除尚書在版
曹凡五年未嘗以錢穀語人凡錢穀之數
州郡所積與夫出納之多寡纖悉必記上
以蕭何劉晏目之丐開除龍圖閣學士知
婺州甫三月趣召面賜御書松賦以示歲
寒之意復爲戶部尚書乾道八年二月賜
同進士出身除叅知政事九年十月拜右

丞相淳熙元年六月除觀文殿大學士甫
及故里復拜右丞相力疾赴闕上以疾未
全愈免赴朝叅惟令入堂治事遇大政則
宣引特令製輕小金帶以賜復力上印綬
仍除觀文殿大學士官觀歸僅三月疾復
作以淳熙元年薨于常熟私第年六十九
贈少保懷由世家登宰輔以清約自持焉
相侃侃得大臣體嘗言事之大者視之以
小事之小者視之以無則天下無復事矣

有文集三十卷

論曰懷當隆興之際以才被眷用未幾遂
長戶部掌利權自是漸階大用正位揆席
而議者謂其不能舉賢用心錢穀何哉豈
孝宗有志恢復國力未贍故以計司委懷
懷受知遇不敢不盡心於職事將先其急
者而後其所緩乎而賢才之登薦未可以
爲事之緩者考懷之在位慎密而深沉榻
前之推引或人有不及知者不然則懷忝

厥位矣故曰宰相之能事惟曰用人集衆
才以經國賢於親領度支下勤有司之職
遠矣

鄭時字是翁樞密文肅公戰之後少魁江東
漕登宣和六年進士第改秩知太平州當
塗縣律身廉介撫民以寬有訟在庭訓諭
不悛而後加罰民多化之秩滿通判建康
府留守晁尚書謙之待以君子長者凡所
贊書言無不從以疾奉祠而歸終於朝奉

大夫時天性嗜書至老不倦自左氏史也
東西漢三國志南北史以至韓柳杜樊川
東坡諸文集皆手抄編錄下至稗官小說
莫不經覽焉

令世光字賓王與弟世修世南同入太學時
稱為三令又與弟世脩同登紹興十八年
進士第調湖州歸安簿知和州歷陽縣寧
國府寧國縣廣德軍教授改秩知衢州龍
游縣朱文公爲常平使者旁邑令見訴于

民文公命體實世光辭焉文公曰選委也
往遂得其情兩省交薦幹辦行在諸軍審
計司監察御史遷殿中侍御史條奏忠切
彈劾無所避既而去國奉祠尋知嚴州丐
辭得請既又引年致仕作閑適堂晚歲優
游里社泊如也年八十終朝奉大夫世光
事親孝居喪哀與諸弟和於子孫盡其教
自其父通奉力賑施邑里世光兄弟率行
之不替鄉人至今尊仰之有奏議彈章二

卷東堂類藁二十卷刀筆五卷

世脩字良器與兄世光同登進士第調秀州
寧德縣簿太守張瑜異之移攝理掾獄屢
空知泰州興化縣辟監行在北門外激賞
庫改秩乞改次等官回一階以封母阜陵
特命詞以寵之知建康府上元縣民有互
訟者世脩諭之曰骨肉爭鬪非美事也今
以律繩汝汝終身不可復聚委曲諭以恩
義民感泣願息爭通判和州守尚嚴峻世

脩濟以寬秩滿吏民相率走詣臺乞留得
知南康軍未上曰知足不辱即丐祠以歸
作留耕堂以示子孫卒年七十三終朝奉
大夫有雜文三十卷祠科類要十卷
論曰紹興已後鄉士之著者數三冷世光
彈奏不避權要名能舉臺職世修以恩義
息互訟名能舉令治二人者又能明進退
之節敦孝義之風秀出一門其高風豈只
及耶

趙公豫字仲謙自父少師家常熟幼聰警
左氏傳不謬一字登紹興二十四年進士
第調無爲縣尉太平州錄叅福建運司主
管帳司行在激賞酒庫知臨安府仁和縣
兩易紹興府餘姚縣分差鎮江糧料院知
高郵軍真州常州提舉浙東常平茶鹽除
倉部郎官兼刪修勅令官遷大理少卿差
充接伴金國賀正使遷太府卿除祕閣
修撰知太平州江東轉運副使進集英殿

修撰宮觀開禧元年年七十一抗章引年
陞寶謨閣待制致仕嘉定五年卒年七十
八公豫沉厚清苦平居以清坐爲適無毫
髮于州縣居官廉正嘗言吾求爲循吏不
求爲健吏晚歲懸車勇退識尚高遠故宸
音褒獎有察辭避之真情全始終之大節
蓋誦其實也有奏藁一卷燕堂類藁五卷
第公升公願仕皆至麾節類有政績可紀
云

趙思字再可本洛人後徙常熟治春秋登紹
興二十四年進士第調濠州鍾離簿時相
虞允文力薦之孝宗賜對便殿問恢復大
計思對合上意除太府寺簿太常丞兼度
支郎官台州闕守帝因以命思不數月治
聲翕然上親書姓名於御屏除淮南路轉
運判官過闕辭帝曰知卿忠實故畀邊節
除直祕閣陞副使除戶部郎官淮東總領
遷起居舍人充金國賀生辰使不肯稱御

名虜以爲慢來詰朝廷不得已罷之除廣西提刑奏事帝曰朕每愛卿才不令卿遠出改湖州直龍圖閣再任除起居郎權吏部侍郎官觀知靜江府廣西經略以職事修舉除祕閣修撰進集英殿脩撰再奉興國祠累轉中奉大夫卒年七十內翰洪文敏邁誌其墓

富嘉謀字君美弼裔孫居常熟以祖澤仕調湖州歸安尉無爲軍判官南安軍上

今監行在省倉上界時荆處州廣濟
才選知縣事再任臨安府通判建康分
權轉改行在權轄知饒州改知秦州淮西
運判兼憲倉兩節淮東運判知和州奉祠
家是累年卒年七十七嘉謀才具素優臨
政不苟居鄉尤急於義云

國朝

吳訥字敏德世居邑城子游巷徙于北郭外
七歲能背誦五經既長淹貫群籍屬辭以

理爲主永樂間以薦徵至南京館于襄城伯李隆家時黃河清群臣皆頌賀李厲訥爲頌其首語引天地位萬物育爲言

仁廟監國見之悅問隆曰汝武臣未解此是孰所爲耶隆對曰此臣客吳訥譔也

仁廟書訥名于屏既即位拜訥監察御史出巡江淞風紀振揚立宋高宗所書九經論立斷碑去秦檜所刊諸邪語振陸贄之賢表岳飛之忠皆扶植綱常正人心明年巡貴

州其政有威惠夷人安之率衆詣闕請留不許訥既行夷羅鬼計毛率其族追送至境外以鷄酒跪于馬前訥駐飲與別皆泣而去宣德五年陞南京右僉都御史尋陞右副都御史掌院事訥蒞憲務大體不以苛察取威一時百僚推重焉正統己未以老疾奏乞骸骨特賜宴勞鈔錠以遣之訥少以學自命非聖之書不讀文非關於世教不爲其於濂洛關閩諸子之書探討

辨析各有指歸所見真其信篤守其遺說
不必以文字著述求異於前人於性理則
有羣書補註小學有集解開示後學明切
懇至晚歲道望尤尊接引學者動以古誼
爲勉考其行事皆有實踐恭儉廉靖得之
性成官崇而不庇其家望高而不駕於衆
完名高節世鮮比倫可謂篤道君子矣少
師楊士奇謂訥心行皆古其人如金玉所
著又有北溪字義晦庵詩文抄文章辨體

文集共若干卷行于世卒年八十有二
上遣官賜葬祭弘治初謚文恪從祀于游祠號
思庵學者稱爲思庵先生孫淳

淳字厚伯少稟家教性度溫粹動止有儀儉
舉正統戊辰進士時訥尚無恙時遺書訓
以蒞官之方淳奉行不敢失墜擢御史出
理鹽法于淮揚以清謹振職聞以疾卒于

官

世德

論曰自元季之亂士失職而道術隱學者

沿晚宋詞章末習以浮靡纖艷相高而聖
賢翊世植教之旨殆鮮知之思庵吳公訥
生維新之運當群儒凋喪之後以完厚之
資爲篤實之學有志乎許文正公衡於是
乎有小學輯解性理群書補註之述開示
後學迪之正途使不迷於所適其任重詣
極亦畧相似使其入贊樞要參預大議必
有事功陰利萬物少見世儒之效乃僅出
入法從以雅道貞則重干縉紳豈其在當

時尤有顧慮而不得行其志者耶迨今學
者去訥日遠州里殊域不聞其事行聲歎
語正學必曰吳公莫有異詞嗚呼何自致
之何自致之然則篤學之流光乃如此
衛浩字季洪洪武中起邑校以才行貢入

國學與脩

太祖高皇帝實錄書成預賜宴金幣擢監察御
史永樂初奉勅閱幽薊諸郡文案搜抉
隱弊時

仁宗在東宮守北平浩入見應對稱 旨賜經
書食物以寵之丁外艱歸起巡遼陽克振
風裁在朝屢進讜論

上識之曰長面御史直臣也凡寃獄多所平反
嘗有邊將繫送從征後期者至京師法當
處大辟浩白於戶部尚書夏元吉相與請
于

上曰偏裨違將令固當誅然邊陲急於用人請
俾其立功以自贖

上納之陞江西按察副使轉福建浩居職鯁挺
務行其志有刑部侍郎某奏 旨巡視閩
中得專刺舉藩郡皆入賄以冀免浩介然
無所附麗且顯持其不法將奏之其人偸
浩甚亟會浩遣家屬回使人潛伺于途葦
洲中至則括其裝無所得舟有小鉦以警
盜執此以爲浩家擅用軍器鍛成浩罪遂
勒停其官以壽卒于家

鈕衍字公裕洪武中由監生授常德知府在

郡有令政郡當湖貴道衝使客旁午衍治
清不敢有干索時有妖人挾左道爲民害
民神其術莫敢忤其意者衍旣視篆廉得
之獲妖書二帙論誅之郡人稱快官終廣
東叅政以廉白稱

施顯字孟微洪武中鄉試會試皆第一選入
翰林爲庶吉士授前軍都督府斷事又署
北平按察司事坐累謫遠州踰年乞留中
自效拜江西道監察御史卒于官顯文

典麗於程試之業尤工篤志於學盛暑夜
讀于帳中帳頂皆黑其集有兩魁遺藁子
緒

論曰衍顯浩皆國初仕進也其履行政事
紀載殊畧而邑人至今言官守清方尤能
舉三人而其家累世寒約稱其先也以是
信其賢故表列之

章珪字孟瑞宣德初以薦授廣東按察司知
事擢監察御史出巡畿甸值歲旱奏蠲逋

稅三十萬石獄有濫繫皆辯釋之頌聲載道正統八年與其僚成某疏論大臣罷歸特予其直號全名有全名集子儀表格律叢字來鳳以鄉薦任教諭陞荊州府學教授學行爲諸生所敬愛陞南京國子助教轉北京連典山西河南試事致仕年八十卒儀性敦厚澹於世味諸弟鼎貴儀道遙林下如野士視之泊如也

格字韶鳳舉進士授南京工部主事陞刑部郎中當塗民三十餘人盜官蘆連繫十有司以劫盜論格讞之爲從輕比清涼門有吳虎者久爲民害一日坐法格論之以重典人皆快之陞廣東按察副使奉勅巡視海道琉球國夷以番貨轉販他境遭風漂至香山徼吏得之欲盡戮以爲功格知其無他爲奏辨于

朝詔如所論還其資而遣之鎮以簡靜海道以無事聞格去任後連有警遷雲南

按察使木邦孟密夷相仇殺其酋曩罕弄
尤桀驚兵連徼外一省皆聳 詔下邊臣
議格言夷保險相噬未易剪滅且懸兵深
入萬一失利反爲夷輕昔者麓川之役靖
遠伯王驥雖有靖夷功所喪失多矣宜事
綏輯徐圖進取 國初待制王禕以使虜
不屈死雲南久不秩祀格請建祠以祀遷
福建左布政使政尚簡易藩人樂其不擾
上杭盜起聲搖旁郡格與撫按官謀以兵

追之卒得其魁就誅召還爲南京光祿
卿內臣擅派物料爲按故籍除之未幾遷
大理寺卿格用法平不事深刻論決多所
平反論寺以爲得棘卿體至是歷仕已四
十年廷議將有殊拜而格方懷止足遂以
老請 詔允之格守官清慎家無餘資歲
入僅贍其家而處之裕如性度寬厚人莫
窺其際平生耻言人過舉處僚友必以誠
款不爲矯亢之行而人以厚德尊之卒年

朝廷遣官賜祭其家爲之營葬

律字鳴鳳舉進士筮仕刑部山東司主事陞山西司員外郎民有姑訟其婦以逆者有司鍛成其罪律疑而鞠之乃婦寡居夫兄數挑之婦不從他日夫兄喪妻姑強婦耦之婦又不從以此連失姑意遂搆以罪律乃脫婦罪并治其夫兄嘗燕坐部署閭外有移二人首以殺姦告者律召至躬問乃

卒有艾妻卒貧無資縱之與所屬千戶久之千戶以此喪其資他日卒有求千戶無以應卒啣千戶乘憤殺之事窮乃殺妻以自釋律乃正其罪擢保定府知府保爲畿郡地雄民悍號難理律均其賦役理帶訟興學養士痛抑其豪不爲勢奪時已滿考民相與赴闕下奏留聽再爲三年初律父珪以御史言事爲權貴所黜至是其子夜率人劫姑家獄在郡人謂律必重其罪

律以親屬相盜論曰危人以違怨非吾心也遷雲南右叅政特安南遣使入貢欲取道臨安律以非故道拒之且言夷情譎詐其請道將覘我虛實不可許丁外艱轉廣西左叅政再遷左布政使荔浦獞賊竊發律被命帥泗城兵由象武路扼陳村口以當賊衝軍令嚴肅士皆用命與賊戰賊不支仍事招徠以全脅從遂擒其渠魁營中稿竹復生人以爲不殺之祥捷聞 賜勅

獎勵進秩正二品轉貴州左布政使丙寅擢都察院右副都御史奉 勅巡撫雲南律嘗叅藩事悉其土俗審要害至是爲之具得經制機宜 朝廷嘉律功召爲南京都察院左副都御史仍食二品祿先是諫官有忤執政補外律請復其職執政嚙之未有以中律在雲南巡按御史何某入謁請講鈞敵禮律以臺綱拒之何怨之會何以事被謫將行以臺印委律律不納時律

父在外得疾有歸志馳奏于朝不允何時在曲靖府進奏吏歸入見何知律請歸不獲命遂誣奏其入夷人賂時律已在古臺逮問按驗無實詔還其章服以歸律躋要任罕近物情以是得怨至失其職家數年而卒所著都憲奏議春澤文稿其若干卷

呂困字希顏號復菴幼好學爲文有奇氣登正統己未進士第授行人轉監察御史巡

歷湖湘以舉職聞陞湖廣按察司副使岡徭寇竊發民懼其殘毒困會師討平之進雲南按察使尋陞左布政使困在藩以資當遷時執政方納賂使人來諭意困曰與其枉節而遷不若納祿以歸竟罷其職有集藏于家

繆樸字尚質閩爽有經學邑中髦彥多游其門舉進士授行人司行人進司副遷南京刑部郎中蒞獄務盡囚款不以察爲能嘗

有坐重法異得免使人以燻鵝爲餽中實以金樸覺而發其事白于部長面蒙嘉嘆年逾六十致其仕題其居曰草窩有草窩稿

朱鉉字良玉領京闈薦試事於禮部會御史貞缺詔選用貢士鉉得試貴州道御史實授江西道巡視五城出按宣府諸邊城往時衛官占士役于家乃致城堡乏人以守爲虜所乘鉉因論其事請定占役法

國法邊牆二百里外虜屯牧者不問有數人馳近塞邊將獲之解于京鉉援詔請釋之以息虜怨四川盜發所過殘破戶科都給事中童軒陳撫勦事宜

朝廷乃以其事付軒軒至蜀賊僞稱就撫不敢復亂軒信之未幾賊復聚爲亂而軒已離蜀入朝蜀守臣以聞且請兵軒尤不引罪鉉廷劾之鉉會藩臣有入覲奏對失儀鉉當劾不即舉調桐廬縣令

憲宗純皇帝即位 召還復前職出按南畿以疾卒於太平府鉉之南巡值歲飢發倉困以賑踈決滯獄其卒也人悼之其母陳伯母錢皆嫠居以守鉉卒申其節子紳字朝佩謹靜好學不涉俗事其言動率依於禮晚尤不振父所交居政地欲汲引之紳辭焉其靜退如此

論曰宋之中世郡有南北兩章語官闕者尚之近歲常熟有章氏珪徒步起取富

逾三十年諸子有陟臺院長卿寺分教學出叅省議纓組蟬聯父子咸有聲績而儀格以和厚全功名茲又盛者歟若困樸鉉任事有淺深事行有存亡其存者足以見其歷官之不苟是故不得而遺之也

程宗字原伊舉進士任刑部主事轉貢外郎蒞獄公恕不事深覈反覆訊究多得其情廣昌有大臣當

英廟復辟畏罪自盡仇家陷其子以謀殺久不

決法司奏委宗往讞一訊而得白物論稱
快宗有經藝禮部會試宗以部屬爲同考
鑒閱精允時名得人陞吉安府知府郡素
難治前守黃景隆許聰相繼坐重法朝士
補吉郡多畏行宗以清方治濟以寬厚郡
人交口頌德訟獄率手自裁牒使吏從旁
以書吏無以容其奸咨詢民利病爲之興
革先賢名節次第表揚士類皆勸歐蘇文
履善文集當時學者不獲全覩宗求閣本

版行之以惠學者治爲諸郡最值外艱歸
服闋補知真定府以病未赴吉安人群叩
闕下願得宗再任時已除宗知武昌府
詔不許吉人皆悵惋而去尋陞四川布政
使司叅政陞陝西布政使所至皆有善政
擢副都御史掌院事時關內多故議用大
臣鎮之

上命宗往西番滿松諸族屢入寇宗偕總兵官
率師征之直抵洮州虜遁去命沿邊修堡

寨選易將領分屯以守虜至各以兵策應
宗在鎮邊以無事丁內艱服將闋會木邦
孟密爭地相讐殺守臣以事聞

詔付廷臣議僉謂孟密險遠用兵非便宜
遣大臣往諭之兵部以左侍郎李敏戶部
侍郎李衍及宗名上

上乃特命宗遣序班蘇銓賫勅符即其家起
之宗受命馳至雲南先是木邦酋罕窆法
潛使人入金齒通於鎮守太監王舉能以

師征孟密當以重貨歸舉力以征孟密
諸鎮守太監覃平黔國公沐琮巡撫都衛
史吳誠三人不知舉謀信之宗至與衆議
撫輯皆不樂宗謂受詔撫夷若用師不
利乃遣布政使吳玘副使董俊捧勅先
往諭之宗與鎮守後發至騰衝孟密大酋
曩罕弄與罕窆法皆遣人來迓二夷皆懷
疑謂鎮守總兵官曷已終不出宗駐干崖
宣撫司以待鎮守二人皆還鎮而宗獨進

踰大小南牙山有憚細復間之夷逃歸宗
回駐騰衝使人詰其故曩罕弄扣首言爲
人所間遣其酋以方物入貢宗具以聞

上勅宗申前命且許以其地設安撫司明年正
月宗獨至騰衝至南甸罕窆法率其族五
百餘人見宗宣勅諭之皆聽命乃踰南牙
山曩罕弄累遣人迓前至孟密夷兵象萬
餘分布營外宗令譯者宣勅切責之夷
伏地叩首謝罪遂命三司頒宴賜以部

檄木邦以所侵寨歸孟密立孟密安撫司
屬雲南布政使司事聞

上悉從宗議於是羣夷皆輯睦兵部言宗不用
一兵而平三十餘萬獷悍之夷宜有褒嘉
詔轉宗爲左副都御史加俸一級將還
朝會都御史誠卒

上謂宗威信在南方遂以巡撫命之兼贊理戎
務明年召還陞刑部左侍郎時尚書杜某
方去位宗掌邦刑論讞不專倚於法常斷

之以古誼時

憲宗純皇帝在位治尚寬大宗視獄率原情實
每重辟上必敷奏再四宜再下法司議

上多從之有所平反明年進南京工部尚書衆
惜宗散地非所宜處而宗釐務精勤出納
公慎協於物望性耿介不能媵阿順時爲
上下在藩郡皆靖重自守南夷平當路者
多忌之屢抑其進蘇銓者久從宗于南有
勞績宗還朝銓異得守金齒求于宗宗

拒之僅得永鴻臚喙宗入骨謗宗
嘗入夷賂宗上章自辨

上命御史覈之卒無實事既白宗因請致其止
上不得已允之賚賜優渥宗事母有孝道處諸
弟厚爲鄉邦所稱履官清謹不事矯裸仕
垂四十年位列卿俸入無贏事產不加於
舊宗甫卒諸子無以爲資至鬻其田廬李
學士傑介士也知宗事尤詳惜其以勞臣
而去國而好事者媒蘖不已因著之於文

以寓感宗卒年六十八其屬詞典則詩尤稱工有宦游撫夷二集奏議二十卷

論曰國家之於南夷所以御之者有道矣當麓川之累不庭王師再執其酋而誅之

皇威已申於雕題之域矣至于木邦孟密之以私忿構爭雖兵連不解初未嘗有逆命之責也當時萬一

天子過聽守鎮諸臣之計而棄孟密豈惟師

不直其啓釁滋亂寧有已哉故

憲宗純皇帝之命都御史宗可謂聖謨之弘遠宗之奉詔以往惟以撫綏爲要畧可謂得任事之持重卒之兩夷雄強片言而下其視景泰之未調師二十餘萬使勝士膏于原野孰爲得之必有能論之者而履險旣命之臣不轉一階使其再滯南中比歸而卒置之於散地則夫用事專進退者其於宗也何如哉宗蒞官清方不能操術

以銷衆嫉既卒尤有爍金之口焉觀其居南還朝之本末公論可得矣宗之歷仕有政業而撫夷之事重且有涉於國是故特著之

錢昕字景寅舉進士擢監察御史時尚年少有清強譽出按淞江勲臣家有僕陸某者行商於淞挾多資怙勢橫郡邑以輿蓋出入僮從甚盛奪人婦女掠其資民苦之官府不敢問昕入境廉得之民競來訴逮陸

至按考立捶殺之一省稱快還臺出知州州府昕以寬簡廉靜爲治民爲謠以頌德進叅政再遷左布政使昕性度長厚色容晬然喜怒不形人莫窺其際臨事則執守純固毅然不可奪家居矜莊有禮御子弟不少假有尚書學篤老尤能連舉其箋疏詩文淳雅有則昕謙謹其行治未嘗語人鄉邑獨重其清厚湖藩迨今推爲良牧伯云

論曰世之重昕爲其蒞官之廉慎而昕故富家也廉操何足道其資過於寬而持憲以風力聞守藩以政事顯閱六十年湖湘之人尤德之可以爲仕者之則故可重也李傑字世賢邑之石城里人少凝重寡言笑嘗夜坐庭中從兄指紫薇星令屬對傑應以黃道日其竒捷類此稍長就學日記千餘言年十七領鄉薦成化丙戌舉進士高第選爲翰林庶吉士時命學士劉定之

諸吉士業得其文器之以爲嘗業古文詞者延譽於館閣丁亥授編修每應制賦詩多稱旨有寶鑑之賜三年考績得封其親因乞歸省

上許之仍賜道里費乙未禮部會試爲同考官充經筵官戊戌進侍講選充

東宮講讀官同兵部都察院清理武臣貼黃凡六年辛丑甲辰連同考會試丁未進侍讀學士殿試讀進士卷

孝廟踐阼以春宮講讀恩進左春坊左庶子掌
坊院事弘治初開經筵賜勅獎勵有
白金文綺之賜纂修

憲宗純皇帝實錄兼校正官進其階己酉主考
順天府鄉試辛亥進南京國子監祭酒時
實錄將進御命留以俟賜金幣加級
俸宴勞而後行丁巳改太常寺少卿兼侍
讀學士脩大明會典充副總裁

東宮皇太子出閣首被講讀之命孔廟災遣
祀闕里還朝遷南京禮部右侍郎壬戌以
禮部右侍郎俄轉左侍郎甲子春不雨至
于季夏命祭禱

天壽山即日雨

大悅乙丑知貢舉

孝宗皇帝上賓充山陵使預修實錄為副摠

裁兼理部事是歲遷南京吏部尚書明年

上念公召為禮部尚書賜玉雕麒麟帶錄感

上眷遇釐務多所建明時士子為時文崇尚浮

靡有傷雅道因奏乞戒天下舉子革其習
尚惟務詞暢理明如成化初元之製有司
亦以是取士時逆瑾亂政廷臣多爲之下
傑獨無所附麗瑾嘗厲以私傑不從嘗饋
之瓜以觀其意又不報蓄怒未發會有鎮
國將軍乞爲郡王先是禮部累奏得

不允至是瑾堅欲改議集府部科道官於
左順門出

祖訓詰之傑對曰

祖訓親王子封郡王今將軍乃世子所生不

膺王封

先皇帝已有成命矣詞氣益厲瑾怒馳去欲中
以離間罪

上不從傑知不得行官守遂請致仕

上不得已許之瑾誅詔起用才望爲瑾抑者

吏部首以傑薦堅臥不起傑性行剛方惡

詭隨常弘治中內閣大臣得政能進退士

縉紳多迎合傑遇之無加禮既於會集忤

之他日綰院章又以職守忤當國者徊翔
內外爲儒臣久次一節不變以至爲逆闖
所間奉身而退其直道清節爲正論所歸
一時都顯位擅大名有不能及者傑在講
帷敷陳明暢

上特眷注加以優稱旣引謝高蹈丘園若無名
勢者其文醇雅清美簡而有法詩筆婉麗
溫厚有集百卷字畫適逸得黃米法卒年
七十初號雪樵又號石城居士

上賜葬祭加贈太子太保謚文安蓋異數云

論曰士被掄選儲之材館

天子不責之以吏事苟積以鉛槧之勞行業當
台席之意可以坐階清顯矣是故當時所
得類多溫謹之士然尚同非治世之所須
必有違衆而特立者焉尚書傑蚤躋禁從
後綰院章行已落落未嘗巽容以求合雖
與鄉曲靡有假借他日抗論黃扉氣凌權
闈乃是人也人有不爲而後見其能守若

傑可謂與

天子守官矣

徐恪字公肅邑之漁梁人父訥別有傳恪儀狀俊偉父竒之以爲國器書過目輒記嘗與兄忒索左傳兄未即與恪私取讀之悉淹記他日爲兄誦之允大驚以書授焉未冠窺覽羣籍學成舉進士擢工科給事中中人領郊關稅苛取怨聞道路恪與同列論之有旨命恪等蒞其事俄召還科會

憲廟太后崩梓宮神主祔禮中人有異

與禮科給事中魏元論之哭于庭大學士彭時亦以爲言

憲廟嘉納卒成禮 昭德宮方承寵震位尚虛

妖僧劄實巴以其法惑衆人無敢言者恪皆抗論之時內閣大臣兵部尚書某禮部尚書某以度僧濫殺黷貨恪復與同列論其罪請罷之以弭天變復請停不急之工發內帑以賑窮困因力求罷

上盡納之直聲動班列由是當路有逐恪之意
乙未出爲湖廣布政使司左叅議分守湖
南道俗剽悍喜亂兵荒後民物凋耗恪寬
其賦役鄰境多盜撫臺因推恪兼督盜盜
旋平辛丑 梁王薨太監韋貴大理少卿
吳某被 命與恪錄遺資貴等以言坐免
官恪獨無所累中人被 旨賦筭于武當
恪謂非地所產移文罷之居九年進河南
布政使司左叅政職理戎籍嚴而不

民稱便陝右飢 詔河南輸粟賑之恪請
以銀往寬道運之苦從之某王請開對數
邑棄地恪以法爭不與因援山東河南洪
武二十七年後新墾田地不再稅議上戶
部

上竟予恪議諸 王府祿例給米府請折銀規
溢利恪請遵舊法進右布政使未幾進左
布政使河決蘭陽恪請下流多鑿河以驅
其勢 某王府承奉司自置吏恪移文革

之 王奏恪侮慢

泰陵賜書與 王言恪守

祖訓未可罪 王得書遂沮恪因言歲入不勝

費今地不加闢賦不加益而宗支日蕃供
億日衆存貯起運不仍舊規欲歲計之足
民生之遂難矣請如舊制廣積貯節起運
出內帑借漕粟停織造以惠下民歲大飢
省臣慮流民爲亂宜逐之出境恪謂是速
之亂議停漕粟數萬賑之期以明年秋熟

還所負衆請先聞而後發恪謂民命在旦
夕即有罪請身任之

上可其奏民賴以濟庚戌河徙近汴有奏遷藩
于許洛者恪爲五不可遷奏

上事遂寢癸丑遷都察院右副都御史仍巡撫

河南會災異數見恪言南京蘇松浙西財
賦甲天下近又遣使織造御衣內臣所至
事聲勢財非天降地湧皆出民膏血民不
堪命鮮不爲變大禹惡衣文王卑服願法

以先天下柰何以服御之故重困東南之赤子乎又言天下冗官無補於治請裁革以責成於正設 王府兼民太厲役民太傷各省抽分以增稅爲賢貴戚之家以增設盡利䟽上

天子盡行其言 王府占魯山民地恪覈地還之民且劾其長史失職戶部理河南積逋恪言河南爲天下根本地民多流亡今稍復業而徵之將啓變部符督愈急恪卒奏

罷之御史李興以保護鄖漢四郡境上盜藪請設布政司以撫之議下恪執奏其不可議乃寢往時撫臣歲入京會議戶部假事奏止之恪陳六事一清仕籍以杜欺罔二節起運以充歲支三肅閭閻以正宗支四寬民力以脩馬政五懲邪慝以崇名教六專將領以清地方所謂清仕籍者蓋有所指其五事皆藩方要務又以災異上八事且言臣所言者一省計今各省皆有

災異更望悉聽其論列甲寅復陳四事一
治黃河以保運道二計倉儲以便軍民三定
事例以紓民力四量存留以濟艱急恪在
藩知無不言言無不盡以是積爲人所忌
請致其政引范鎮與王安石論不合求去
爲言

上素知恪忠蓋不允初河功未成恪請不計小
費以防大計宜蠲民之稅以役其力則功
集矣後卒如其言流民就食河南恪捐已

廩以餉飢曰一人之祿豈足以活民以是
爲倡耳藩府積爲恪所持有奏訴于朝
恪自辨

上知之以書諭王調恪巡撫湖廣命下即
行兩河士民如京師奏留不克藝香于頂
號泣以送汴城爲罷市恪在湖廣其興利
除弊一如河南時諸藩府違制有所陳乞
營建繁興民力不堪恪爲疏其事湖南北
蠻寇橫發恪知將官養寇按劾其無良者

都督僉事克叅將趙晟以酷暴失軍心恪劾正其罪以災變上五疏詞多不錄

念恪撫河南功至是有白金文綺之賜恪在外臺振舉憲度以遏肆橫然用法平恕人德其寬有不便其所爲者謀傾瘖之一日忽以中旨除恪爲南京工部侍郎恪上言臣平生出處有本末不敢用他塗以進乃今名不薦于廷臣銓不由於吏部臣之心迹何以自明乞收新恩以全晚節遂以

疾請

上優詔答之乃就職會尚書闕恪蒞部事脩舉廢墜不以散地自懈出納詳慎吏無所售其奸往時勢家多占匠私役恪靳不與怨者尤衆恪在汴有貴璫將密旨機察衆趨迎謁過當恪獨後往遙見其倨不見而出以河事會議張秋巨璫李興張燕欲據上座恪議講主客禮李倉皇就主席都御史劉大夏時預宴稱嘆以爲非已所及恪在

湖汴修廢舉墜凡先賢名德之在境內者率命有司建祠修墓事關名義爲之如恐弗及其在南都譽望益尊公卿大議多訪於恪每日自公還寓第使吏覘恪出而後退其見重於人如此至是再引年不允當奏績

上留治部事進階正議大夫資治尹恪請去益力

上重其去謂少師徐溥曰徐恪純臣也朕方屬

任之何請去之力溥頓首曰誠如

上諭顧其情懇切可念耳乃聽致仕 詔給驛

以歸天下莫不高恪之節而惜其用之弗究恪早失恃怙後遵行家範不敢失墜嘗御綾服父斥之終身不敢服旣老兄懷前在恪友愛尤篤作家廟以奉先朔望必具袍笏展謁恪自負甚高其學識其大者以身範物語默以時辭受以道老尤不廢學以主一自命志氣清明超然獨得布衣蔬

食居之裕然歷宦垂四十年田廬不加於
舊御家以禮冠婚循用朱子家禮子弟班
白非禮服不敢見誠信厖厚人敬服之士
大夫有爲于家惟恐恪知晚節操存益勵
大書于柱以自警接人曲有禮意不以名
位自居蓋恪自入仕以范文正公自期較
其建立多與之合雖剛毅寡諧人有善必
延譽推引薦士前後凡三十餘人皆有名
于當世初與王端教恕善後爲戶部某尚

書所間它日王見恪自悔薦用之晚何
毅岳爲吏部議薦爲總督燕臺不果後言
者尤屢奏起恪而已捐館矣恪之學務爲
實踐不爲空言奏疏剴切敷暢善叙事情
達治體邵尚書寶謂如陸贄尺牘言簡意
足得法于歐陽氏卒之年七十有三臨終
戒家人勿請恤典巡按御史馮允中特爲
之疏請 詔如例從祀于游祠號主一翁
有主一齋集三十卷奏議二十卷字綖綰

絹緇紵字華父修謹有士行力學不倦行其所知不希仕進好周人之急恪嘗稱其孝友於名流殆能世其家者

論曰古之所謂良臣者豈易得哉蓋其才與誠合而其所處未嘗不以正己正則以身徇道有乖於度則裁之其出也必有益於國與民而毀譽爵祿禍患有所不計雖人國用之有弗至卒能傑然有以自立而可以爲國重

其在廷則有忠言在

方岳則興惠利在臺院則訂謨畧振綱維身障頽俗之橫流樹士大夫之名節以是抗宗藩觸權貴至於再四而志不少挫惟以孤忠結

主知至不可爲則力請而去

天子每示保全禮貌之使不失其守且與人主辨出處之大防君臣之間可謂盡矣世固多賢也彼謹介修潔者其自守則有餘致遠則恐泥若恪之賢何嘗乏此其任重

受則有非人所及者嗚呼盛哉

蕭奎字漢文邑之河陽人幼嗜學父嘗晒麥于庭命奎守之雨驟至奎誦閱不輒家人收麥去不知也攻苦茹淡人弗能堪用是博通群籍於時學尤精成化八年舉進士授工部都水司主事命往淮安府督造運艦勤慎自將人不敢干以私江西解船料銀至有常例銀千餘兩奎斥去之解官以下皆拜泣而去稅司銀鈔解入京庫餘發

貯淮安府錙銖無所預居三年其所

皆遺事宜不煩而事集旣得代還朝

廠官卒與耆老詣漕臺請留臺欲具奏奎不可而止送者逾淮而北人以淮酒爲饋奎收其一而却之詔修太倉奎被命蒞役與巨璫蕭敬共事蕭欲有爲奎屢以法裁之蕭不能堪而服其公進貢外郎兼領神木廠太監顧雄者嘗事

憲宗純皇帝于東宮命監軍北邊擅杖一大

將死有罪當刑

上特宥之減死斥居廠中他日占役廠卒奎不許不少假以詞色廷議復用雄奎上疏論之謂雄蠹法其人不可再長雄泣訴于上衆皆危之銓司乃擬奎爲雲南按察僉事督學政已而旨出復改理刑既上道人謂仇將使人機伺奎曰禍福豈人所能避哉吾向以身委於國矣奎與邑人御史褚祚中書舍人凌遠有鄉契二人卒于官爲之

斂護其柩以行仍輟已舟載其柩凌有後妻或勸改嫁奎勒之守喪曲爲之經紀未赴官俄以疾卒于家奎嘗少喪父伯父視之有恩奎旣貴推其所應得產歸伯父後躬教育之皆有立奎產固薄鄉人稱其義焉其心行高古一時名人如學士吳原博侍講李賓之諭德陸鼎彝輩雅相敬服子維謹靜守家法通古文詞不振而沒湯琛字魯寶敏悟絕人摘文頃刻數百言以

妍捷爲工舉于鄉有司刻其文舉進士擢
刑部主事進貢外郎出爲廣西按察僉事
皆勵職業有清強之譽性剛寡諧好攻人
過惡面斥不少避人皆畏之故舊寒峻者
交特厚視時富貴蔑如也與里儒陳表善
每赴之必褫巾服高家飲以詩相角一日邀
表飲室中邑有豪以輸進得官橫鄉里郡
守繩之顧爲所嚙而去琛以主事還其人
具牘儀來訪琛使人辭之隔屏語曰彼

弱民膏血以自雄常時不相識茲乃爲
部主事來乎表起掩其口不止其剛徧類
是琛詩有倚韻牡丹梅花百詠傳于時
瞿俊字世用邑之五瞿人狀偉岸不喜事邊
幅家故寒峻俊力學不問其生事成化五
年舉進士授知崇仁縣縣喜訟多豪族俊
爲之三年政行而俗弭以最遷監察御史
出按于江西刺舉不避權要治賊吏無縱
舍者遷廣東按察副使兵備海南先是黎

人時出寇掠俊戒約羣吏修軍政諸黎戢不敢出嘗有貴臣家撓法俊治之律已廉不可干以私人以爲矯亢鄉有巨室子薄游謁俊于官俊飲食之慮其翫法命官傳送出境卒死道中在廣臬出見市筭者呼而入分筭給諸僚有僚素乏清譽倍給之問故俊曰君庭多穢耳僚捉研擲之俊被傷自江右還朝縣令祝獻知其清苦遺以裝金俊却之祝益之使吏饋于途俊怒欲

執吏付于官吏亟馳去廣坐中肆談時俗上下人賢否語過直人不能堪入朝以病乞致仕 詔允其請家室敞陋四壁徒立有圖書數百卷室中但設臥榻不着嶺外一物舍傍有地自操耒耜治之比舍皆漁戶時時就之席地飲箕踞相爾汝飲輒醉每入郭率晨候載芟小艇歸仍附之善爲詩酒次立可數百言豪俊超脫有興致在嶺外和蘇江月韻最爲時所稱其他文豐

瞻無雕刻思字學宋仲溫俊官治未嘗與
人言其所傳止此

論曰吏治之不立也患乎剛介之不足使
士之從仕媿阿巽懦以觀望則人國何賴
焉奎琛俊性質異等而剛介之氣有不可
挫者奎尤有家行可以勵鄉俗其較賢歟

常熟縣志卷之六

常熟縣志卷之七



邑人鄧敦謨次

邑人志

桑瑾字廷璋以儒士領鄉書與其兄瓊弟瑜
在國學有名瑾謁選得處州府通判麗水
松陽二邑之間故有通濟堰蓄水灌田可
數萬畝一夕爲震霆所破瑾修復之民賴
其利巨寇吳大八夏文義負山險肆劫掠
郡將委瑾捕之瑾出諭散其脅從乃選士

窮其窟穴擒二賊以還處有銀礦內臣銷
銀以貢多擾民瑾節其費以充貢民以爲
德在郡凡八年將循資以遷以病請致其
仕當路成其高許之瑾謙厚淳篤出于性
成晬容德氣達於面目孝友之行可方古
人嘗以祿不逮養終身自奉儉薄不受燕
賀瓊病于京邸至嘗惡以驗疾仲兄琳卒
于旁州不得返葬立祠于家以祀女兒少
寡迎歸以養族黨貧窶數周餽之辭受取

舍必以義其言簡而盡理其御家不嚴
內治需選吏部後其弟兩月而拜命同日
出於都門其並致仕皆出預約同舟以還
高風雅操士人鮮儷家居口不言時事而
心每切民物之憂年逾大耋不廢書其文
醇質尚理詩和平清婉晚而學易有所契
入有讀易備忘二卷三經集說三卷節義
林前後集八卷淪齋詩文草續集共五卷
蘿窓雜記一卷同舟稿一卷讀史景忠四

卷韻府摘玉四卷既卒有司祀于邑學鄉
賢祠門人錢仁夫輩私謚之曰淵靜

王鼎字元勳邑之梅李人敏悟絕人十歲作
聽琴賦其詞甚工弱冠舉進士授南京刑
部主事精法比同列多就鼎議京衛指揮
某抵重法託尚書求移獄尚書召鼎諭旨
鼎不從江浦民張某與其弟有怨謀殺之
弟婦訟于官張欲自脫誣其子殺叔初尚
官惑之鼎廉得其情婦以實告婦無子鼎

謂之曰我爲若夫雪冤而使其子養汝可
乎婦曰幸甚鼎白于尚書以張瘦死獄中
俾其子養婦其子感婦恩事之不敢怠遷
郎中旋陞湖廣左叅議總督糧餉湖地下
歲有水旱往時督餉者不以災爲意漫賦
于民倉卒取盈民多逃亡而賦不集鼎在
任凡以災訴遽下有司覈之隨災數多寡
爲停斂賦其全稔通融調補以充運比計
符下稅已足矣諸 王府歲預借祿米有

司不能給以爲患鼎至謂祿入有常期預借非法持不許比鼎去 王府無以預借擾州縣者五開衛軍舍田洪豪猾事脅持官長畏之俸多入其家以此致富勢傾郡中鼎廉得之捕至使自疏其惡得十事鼎曰足矣立杖殺之湖藩諸道例有隸役銀有司以此媚上鼎謂此非法移文止之遷廣東布政使司左叅政仍領糧餉廣之糧稅准以給邊衛先是所在邊庾多告空鼎

視事甫半載衛糧皆足嶺外帥府類有叅隨靡費縣官鼎惡之移文革其糧給衆羣訴于督府都御史閔珪由是與鼎不相能鼎會以母喪歸遂解其職篤於友誼南臺御史何舜賓與鼎善何以事被謫戍歸里中與其邑令鄒魯有怨魯凶人也械何赴戍使人於途中殺之復欲滅其家以杜後患何之子競挈家來歸鼎鼎授館而衣食之誓與之復仇久之競請行鼎曰未可也

汝未有子少待之競得子會魯陞僉事將
去縣鼎乃資遺競授之計使召魯仇謀伺
魯出次江滸擁之道周廢其目法吏擬競
死大理寺評事曹恕謂魯既遷官非親臨
且以唐梁悅事爲證競得減死天下皆稱
競之孝而高鼎之義浙人以鼎義爲勸撰
劇戲名曰襄湖傳嘗經呂梁有舟壞未沉
鼎出資募人救之舟得皆獲濟問之乃山
東學職也慨然嘆息輟裝金以贈又嘗宿

常德驛舍聞廡下有呻吟聲乃奏襲
以病爲同行者所棄鼎命驛善視之仍留
資以爲道費他義舉多類此都御史羅鑒
訪以民事鼎以水灾告羅議不免歲徵鼎
爭之甚苦羅爲奏免十六萬石都御史艾
璞索鼎詩鼎以詩爲諷艾不能平鼎弗恤
也鼎襟度高邁不以世俗事涉慮接人謙
恭雖穉幼必與抗禮其言詞清雅皆可書
而誦工於詩格律高雅刻去晚宋纖靡僻

怪之習以盛唐爲宗卓然名家有集若干
卷號鶴峯又號銘菴居士

錢仁夫字士弘高祖甦嘗應詔言事歸老東
湖之濱子孫因家焉仁夫童時有高稟學
于邑儒陳九疇聞性理之學又質經義於
處倅桑廷璋出試輒首多士讀書于虞山
中俊異多受業弘治己未始舉進士時年
五十四或勸減年以便仕進仁夫以實書
曰方仕而爲欺罔乎明年授都水司主事

分司于臨清領衛河提舉司兼理漕渠開
事閫夫額三百人多河濱游墮未久多逃
逸仁夫移于州僉鄉之有丁力者時按其
存亡由是皆服役會省冗官仁夫兼理磚
廠出納勤慎還 朝改虞衡司北虜入貢
群次鴈門仁夫被推攝主客事輪役匠免
役例出銀解部歲久匠戶亡耗過半銀不
入而官徵不已里役以爲累仁夫建議請
徵清出匠以補其乏宜悉蠲其舊負者曾

尚書鑑是其議會

孝宗皇帝燕閒以逃匠問曾對如仁夫議乃盡
除無徵者奉 命監稅于淞江往時稅不
及額官輒益稅以足仁夫至之歲商賈適
鮮通或請益稅仁夫不可以實稅解曾知
其事爲受其課還 朝遷繕部員外郎時
逆瑾方竊政仁夫知衣冠異日當被禍遂
以疾請 詔聽其致仕後瑾益張輒誣逮
中外官株連旁引多破產褫職一時清

世不免人始服其明決性度豈易過人有
禮意好客座嘗滿客慕之不遠千里而至
久之無怠意內行甚修親沒常撫其遺物
以泣與弟信夫友愛闢廣義莊貯粟以助
族人歲凶募人收道屍與地以葬朝士張
郎中爲瑾所逮親舊無敢往仁夫獨問遣
之人以爲厚仁夫博綜群籍覽已輒記老
尤不忘造詣淵粹其文雅贍有體裁不事
雕篆詩和婉有唐人風所著有歸閒文纂

八卷水利詩曆八卷和高季迪吳中百詠一卷和鳴鶴餘音一卷字學四體皆善楷隸尤精畫山水竹石有逸致號東湖居士桑瑜字廷瓚年七歲失其怙家貧力學兄弟自爲師友弱冠有時名舉于鄉不第釋褐温州府通判其治尚寬務盡人情不輕用敲朴盛寒暑不禁人於獄屬邑泰順有銀坑歲久礦微官取盈額民多破產瑜白於上官遂得奏減瀕海有地曰蒲莊設二

戶領卒以備倭寇平陽舊籍居民三千餘其田漸爲衛卒所侵民爲之代輸累訟不決瑜被檄往勘道經鐵沙嶺有嵐瘴從者憚行瑜往籍其畝數賦其租以爲官軍俸給民喜躍護送過嶺盤石衛軍劉惠冒法禁有司抵以死罪瑜以憲檄理出之温有鹽竈戶多逃亡課坐是虧部官議以三丁充一丁竈戶移老幼泣訴于瑜瑜假寐若有言于旁曰有舊額瑜寤訊之人云舊額

在戶部爲言于部官從其言自是兩制南
北直隸皆用舊額以徵課元儒史伯璿墓
久廢瑜訪而復之謝靈運守温有夢草池
瑜作堂其上兄瑾來自處相與會合觴詠
以繼其風義他政多類此瑜初仕與瑾相
約早致其政年四十五卒解其任如約同
日還故里瑜自傷親不及養語輒淒泣得
一味必設位以薦與諸兄敦友愛瑾之疾
當會試不忍行留以侍疾雍睦之行極一

鄉黨其風神夷散趣尚澹泊兄弟有山水
之好每風日佳霽必出游游必有篇詠其
詩清曠而語工有吟牕選粹四卷續集八
卷號檢齋因以名其集

論曰周書有云庶常吉士謂有常德之吉
士吉也者迪於善則吉也矧茲大邑寧無
若人焉者乎瑾之仁厚而清夷仁夫之高
雅而豈弟鼎之英特而秉義瑜之冲抑而
知退皆有得於常德之吉而蛻迹於塵俗

之外矧又有詞學以行之是誠足以爲鄉邑之重者歟

朱驥字漢房豪雋有才正統壬戌舉進士授行人司行人補監察御史奉命慮囚淮南出獄濫入者百餘家其人德之相與爲生祠以祝又命按永平等處有獄淹久驥召而訊之立決吏庸冗者多被斥時李實以使虜迎駕勞被眷寵爲臺長驥嘗有德於實爲實所信任臺事獨召驥

議他御史不預也大學士李賢方得政尚書金璉附麗之驥攻璉爲賢所擠出爲廣西按察僉事進左叅議都御史吳琛薦之會進

萬壽節表過吳以疾卒于家驥有智數以是爲人所敬憚云

陳璧字仲奎質幹修岸有才器舉進士擢監察御史居臺中名詳練出按于湖廣瀕行冢司以地方切要五事委之歲滿還朝

無所報乃謫爲長汀縣丞尋以內援遷浙
江按察僉事職事修舉處郡有銀課民歲
盜爭久不息璧往監之怙亂者不敢動未
幾罷官歸璧以才自奮耻庸碌充位起輒
得躋性好學家居日事討閱頗多篇什率
以章草書之

楊集字浩然工程試業舉于禮部梓行其文
授知安州州當兵荒集省徭役停諸所不
急民免於流徙值大水郡倅來視災集以

潦浸難履畝倅命閱民資議徵集不可貴
戚奏求莊田內臣出畋畿郡所過行暴集
皆力爭之北畿荒上官行勸分令以多寡
爲殿最集謂穀貴而勸之是益重其貴耳
命里胥籍民出穀之數而緩其入倅稔至
集方以爲憂夜半聞車聲殷殷使人視之
則納戶輦載而來矣州有牧馬有詔赦
令種駒倒死皆免他日馬不繼今復徵集
以不息牝馬充數遂紓民之急其政之可

稱如此會同事坐法事連集時遠杲典詔
獄集遂落職以歸集以高科起家出領方
州得意於壯歲峻其崖岸頗忤物情以故
與世齟齬蓋晚而懲艾謙抑靜重游心經
史謝遠世故高年令終士又多其識云
陸潤字昌澤其先江陰人四世祖宦元海北
廣東道肅政廉訪使贈吳興郡侯謚莊簡
祖治始徙常熟潤為諸生學過勤為其母
所憐潤夜蔽燈光俟母寢再讀舉進士授

知閩縣邑有吏與隣爭垣潤以垣歸隣吏
嚙之且誣奏潤深治吏訟風少止番使入
貢餼餉無藝潤為定其給以憂去官服闋
改知清平縣縣久乏科選為走聘閩浙經
儒以教士士連有舉高第者民有節婦養
其姑夫妹亦不嫁潤每賑恤其家且為請
旌典遷太僕寺丞部送馬價銀二萬餘千
邊考滿擢知温州府境有銀礦盜每竊發
豪猾代輸公賦潤皆嚴禁之樂清民鄭趙

二姓有怨俟其俗競渡日將襲之適村樵
鼓而出趙意鄭舟也率衆逐之樵舟壞溺
數人死獄久不決潤減趙死論倭寇劫臨
安守禦巡視彭侍郎韶欲以失機淪潤以
海鄉無城壁力屈於守禦為爭彭從之卒
以繁言解其仕然潤謹厚家居不與公府
接是可稱也有詩二卷子隆恩

論曰驥四人者以甲科起當時固所謂
往之士也彼其効柄臣之庇援壓礦丁之

竊發梟中人之畋近郊正上官之論成
是能舉其職矣然尤有係於利達或不
而遭鍛驥早亡三人晚節周慎康裕克保
後問斯得居閑處晦之道歟

馮玘字良玉先世戍鳳陽子孫因家焉至玘
貴乃還常熟玘治春秋學有名舉進士授
知泌陽縣縣多豪猾撓吏治玘至取數人
寘于法自是相戒不敢犯陝右兩河飢民
流入境上就食殆數千人玘言於上官發

粟以賑全活甚衆民以田爭不服多獻之
藩府玘受其訟而直之聽決明敏獄無侵
繫以治聞 徵爲山西道監察御史奉
命往視荊州倉儲刻其積弊京師大雨壞
民廬舍玘適巡城上言燮理失職致災且
論時政數事疏入不報出按貴州都勻獠
叛戕官兵玘論獠肆惡不可長宜發兵進
討

去朝重用兵弗許又論之後師出果有功主

李文祥以言忤權貴謫興隆衛玘疏
祥不可罪得 召還復出按淞江鎮守中
貴恣橫其下憑勢撓政病民玘取而治之
勢窮誣構玘

天子震怒配其八于邊徼還 朝會召胡僧領
占竹玘言妖僧不足辱

王命遷福建按察司副使咨詢民隱以事興革
雖僻遠邑必躬歷屬郡有以旱爭水聚徒
相攻玘亟馳撫定之而罪其爲首者嘗按

舉受賅吏顯官爲之請玘執不從曰法如是不行矣久爲臺官不勝衆嫉因致其仕正德改元進其階從三品玘寬厚有容未嘗見喜愠其履官修謹自奉甚約也將還故邑悉推其業予其弟有奏議若干卷號醒菴居士

沈海字觀濶先世嘗業儒至海力學爲進取其文平粹爲輩流所推旣壯舉進士授刑部四川司主事囚有段能者嘗與婦私媾

婦先與私者手擊殺之使人斫屍首棄他所事敗有司當斫屍者死其人稱冤不服海閱檢狀詞云首頸無血知爲擊死後斫也乃以毀屍律議斫屍者刑官皆服焉按事于福建比還部長以雲南司事繁進海爲郎中以才辨聞出知泉州府泉有永寧倉歲多逋負考其足數則以倉出朱鈔爲證海以爲疑究之果得僞倉印二十三顆蓋印久莫辨置其人于法請給新印以弭

後弊泉士久失解海請進士黃乾尊輩授
之業自是多領科薦以內艱起復補重慶
府知府海久更郡寄臨事常有餘力簡徭
薄歛民力用紓大興其學郡人爲謠以頌
之海又精法比憲司有疑多就決其政常
爲諸郡最資當遷以年至致其仕以去性
資謹厚家居手不廢卷既篤老尤日與經
生辨析疑義喜爲詩其詞流暢平實所居
在城南有園亭水竹之勝福履純備人

能及年八十有三有集四卷名曰葵藁

王宗錫字元善姿翹楚有俊才居鄉校工時
文提學御史戴珊得其裴度論賞之延譽
於衆舉于鄉遂取進士時重牧長選宗錫
以榜髦得知餘姚縣縣士喜持論吏遭貶
議輒遭回不進宗錫政有芒刃聽闕精審
有抵禁不輕貸由是其人皆誦令治無後
以詞譎者蕭山餘姚有陂介其間遇旱民

阻水以爭抵刑辟訟拏不解宗錫審其地勢爲築堰防使民各保其水利訟乃息以治聞 召爲南京廣東道監察御史未幾召爲北臺吳士時同爲察官若劉纓王哲及宗錫三人皆久次而宗錫尤爲衆所屬望奉 命往福建理戎籍宗錫嚴以連坐法凡以計脫隱者許自實得漏卒無筭還朝命按江西列郡俗囂善訟民有以詐辨代訟者訟家率賂之舁棺而訴于庭不即

受則走境外逾數百里不休宗錫積知之他日果有以棺來訟者痛治之頑風少阻彭蠡湖有渡舟其人負險出惡舟入湖索無藝不遂則加虐焉宗錫入境知狀他日命造官艦集故以渡爲業者使領艦一以盡得之皆置于法吉有顯仕于中 朝於宗錫有契舊其弟怙勢暴鄉里監司不敢問它日來謁宗錫於臺中執之以屬吏卒死獄中浮梁人有豪侈爲不法姻於臺

長宗錫捕訊治如律比還宗錫造臺長
曰此吾所以舉子也士於是兩賢之考
遷山東按察副使治司事憲使戈瑄相
甚驩事多倚於宗錫以勞致疾卒于官有
西臺奏草若干卷

錢承德字世恒昌之子舉進士授知真定府
阜平縣政有惠利當歉歲民無竄徙平
贊皇二縣有滯獄御史林堉檄承德決
得其直而還御史以其

西臺奏草若干卷

德擢廣東道御史俾巡北城兼九門鈔法
出稽兩廣錢穀又命理山東鹽法巡視
河道天津衛官盜販中使以公差私帶承
德皆論之德州有滯獄承德奉朝命往
辨獄遂決當朝叅承德失期被劾出知隄
為縣縣境連馬湖有鹽井北山竈丁頑悍
負險不服役有公需徵之弗入承德選有
幹畧為衆所服者為耆長俾諭以禮法有
徵斂率於耆長取之馬湖人聞其治有訟

亦來質于捷為丁外艱闋遷知蘄州復以
母憂服闋改知冀州丙辰擢山東按察司
僉事 命督京衛真定河間德州天津各
衛屯田未幾遷副使奉 勅飭理密雲邊
備兼永平府衛屯田訟牒邊關堡障修其
廢壞旗校有侵漁衛卒取數人置于法遼
東永寧守將張天祥襲殺熟虜以累死事
聞于 朝

上命大理少卿吳一貫錦衣衛指揮楊上往勘

之二人以永寧連山海承德宜知狀今請
承德同事一貫等以實奏被逮者奏一貫
等偏徇章留中甲子九月 詔遣勘官十
月二十五日早 朝畢

上御午門親鞠之以次召問

上召承德而前承德執詞不變時刑部尚書閔
珪左都御史戴珊持律以進二人奏對皆
直中官從旁折難不已

上霽色論曰此有

祖宗法度我不敢廢尋有旨付法司獄上貫等皆降職承德降知雲南新興州乙丑復四品職明年正德改元除福建鹽運司同知司使闕承德釐革弊政有廉白之譽吏部擬陞太僕卿不果用承德在密雲日指揮李其縱其子奪民資而殺民夫婦承德與巡撫都御史周季麟副使何琛郎中劉麟相繼預獄事至是獄變遂與琛等俱罷職承德守官不能翫法取容以是數至

於頓什士論予之詞業清美善楷法
奇石五峯號五峯居士有集若干卷

蔡坤字一寧世居邑之白茆鎮坤資貌豐碩少負遠志七歲爲詩竦長老嘗有盜持刃入其室坤疑立無怖容盜異之不敢逼壯歲遊鄉校誦習連晝夜資億不繼食於同舍不以爲憂也遂於經業舉進士擢刑科給事中輔臣萬安學士尹直皆憑寵專恣坤疏其罪不報最後李孜省以左道進內

侍梁方陳禧等相倚爲不法坤並論之直
聲震一時

孝廟登極奉 詔如淞江祭禹穴往時侍臣出
使郡邑厚爲傾接坤悉峻却之還 朝以
朝叅後時出判興國州坤去要地留心於
吏治遷知安順州安順在南夷坤順其俗
爲綏輯民夷安之貴州布政司闕左叅議
御史以坤名薦時述職于 朝已遷衡州
府同知不果用坤於衡有令治監臨有節

在淞中與之相失至是求其罪以逞滅
能得超拜山西按察僉事奉 勅兼督河
南等處屯田有儉人專持上官爲奸利坤
廉得之置于法卒散屯巡內力耕無棄地
食用不乏坤久踐州寄王端毅恕居吏部
議稍收叙之而坤已得疾不起坤慷慨喜
功名顧仕輒齟齬而靜重有執守未嘗希
內援其存心洞坦不立畦町仕之出入鄉
邑未嘗知家清約至無貲以遺後人以此

尚之所爲他文有氣格多不傳

聞釗字遠明性嚴峭與人不輕用情舉進士擢南京大理寺評事進左寺副寺正守法堅正其論駁無所阿縱大璫蔣宗居守南都專橫多不法給事中方向論奏之宗誣奏向事下理寺讞釗竟直向處宗以罪逐爲所搆左遷華容令在縣能振其職以清強稱未幾卒于官釗之兄鑑字理明鄉舉擢知榮昌縣爲人篤厚開爽有直

縣人樂其治以疾卒其子武韶性行

易純實居家有子弟之節篤志經學不治事產武未仕而卒韶爲建寧府同知居官以廉清稱卒于官

鄒韶字性之父蘭和厚有令資韶力學舉進

士授南京工部虞衡司主事虞衡有蘆鈔吏穴弊于中韶訪而革之有匿官貨久不入韶發其隱悉徵其負歸于官司務劉某坐事韶久攝其職當有其役銀辭不取悉

以還于劉人服其義以部委督磚運於儀
真運者便其簡靜不擾尚書難其代因留
韶再任皆以績著擢南京刑部員外郎有
邏卒誣人以劫盜又有於內府折柳以出
者中人執之以盜論韶當其獄皆論出之
擢司勳郎中有官于工部當考績嫉之者
行毀于吏部韶知其人力爲之辨得免充
州闕守吏部以命韶覈大郡訟牒紛委不
數日庭中爲清判決如流境多盜發其

伏擊殄之盜皆引去正德初逆瑾始亂政
遣卒四出偵事以取賂絡繹于道上韶知
不免禍上疏乞骸骨

上許之初瑾欲逮韶而韶得請去乃摘以二罪
俾以米贖不憊復加譴俾再贖不勝求旣
而瑾敗得免久之庭臣疏爲瑾去職者韶
名在列有旨擢韶爲山東左叅政命
下而韶卒矣與其弟潯州守武皆靜退鄉
邑以爲賢云

時中字大本先世以役籍順天之大興至中
貴乃還常熟中治易學弱冠即有名弘治
己酉首捷京闈有司梓其文明年舉進士
甲科以部差入廣東壬子授知絳州絳雄
郡藩邸四十餘號為難理中端已以治皆
歛飭無于法者民賴之五載考蹟臺官凡
六薦擢南京刑部員外將出絳民遮道以
送車不得行南京時有營造中蒞役人不
告煩中官有因役入賂中發之以內外艱

去任服闋除南京刑部員外郎凡擬案多
吏手中自為之吏無容其奸累辨枉抑以
能稱陞山西按察司僉事奉勅提督屯
種逆瑾用事誣中以小法下除衡州府通
判為巡撫王都御史給所知俾閱長沙諸
府倉庫寶慶府通判畢某以贓敗中論之
于法陞嚴州府同知瑾誅中復舊職奉
勅飭廣東清遠兵備猺獞寇連州中率兵
平之陞按察副使領海南兵備黎人據峒

險常出抄掠中威惠莫敢肆郡有怙貴臣
勢病民者按之不少假指揮徐某獲罪暮
夜懷金請免中執而治之中性簡易其治
尚清嚴所至有治聲丙戌致其仕中居家
有倫行事其兄謹甚聚諸子於一室躬授
之易其家事寡約不以爲戚也

論曰邑在成化以後士之出登仕版多莪
惠文縮郡級備鄉弁冠蓋之盛耀于里閭
若圮海宗錫承德坤釗韶中實任斯寄雖

其性度識趣所操有不同咸能奉

一壘

以振綱維居堂皇以條吏治或蹶而再起
或方揚而弗究亦有奉身而全歸所至名
實有可序述士患無才才則有政諸人之
政有可觀者矣而其行已則各見焉

張信字孟孚少負奇氣弱冠有明經譽未幾
舉鄉試赴銓授建寧府學教授信修學矩
勤於課督士遵其教是時用人不次陞國
子司業信謂司業國學師長必以才望豈

容躡處竟辭不拜乃授國子助教久之陞翰林檢討著作爲同列所推名能舉職以疾卒于官信宅心誠愨言行有繩檢其文多不存藁

褚璵字廷暉以鄉薦初授汝州學正轉滄州陞興化府學教授再遷國子監博士璵方介不同於俗所至教有古誼諸生事之甚恩三典鄉試文衡鑒裁公允有以私託之者不可奪其守致仕歸老不廢學隱居江

墅雖有司禮請未嘗入城府以高年終
圻

圻字弘望少從父學于官學成文筆妍暢歸試于鄉皆捷弘治癸丑舉進士有司竒其文欲置之高列不果授刑部主事遷負外郎慎於聽讞有枉濫必申之不以成案爲難囚有手搏三人而掠其貨圻謂囚初無械安得一人掠衆貨辨脫之有坐強奸者圻調知婦行素蕩其人得減論有婦坐謀

殺夫圻考夫死自外婦庸得釋湖廣叅將
趙晟殺指揮某其家訴于朝 命圻往鞠
之圻知晟力能移獄兼程以進至則得其
實按論晟於死擢知寧波府府多勢家右
職號難理圻爲之有能名郡濱海倭船歲
時集岸下夷黠而肆圻在郡無橫于境者
桂御史有庶子且幼族人利於其產墮以
爲乞養圻折衆論議以爲嗣歲歉舉荒政
修廢堰使民得灌溉建小學以育幼士其

政多令舉會逆瑾索貨于外郡圻拒之不
得竟不及其下遷廣西按察副使尋致其
仕圻襟度坦易於族屬有恩不蓄怨與母
愛其弟推田資以予之其義足稱云

褚祚字昌胤家食時未有仕進意因役累
奮勵事學學成遂取成化八年進士授江
台州臨海縣縣巖險民事產瘠薄祚約已
以裕民政事卓絕爲屬邑最縣有嶺途兩
三日淖陷則薪米斷絕有事于縣者皆不

得前祚發工調材治之遂便行者邑人目
爲褚公嶺台守劉忠治嚴刻凡以盜告者
輒捶殺之祚知其多寃先事察訪以其枉
爭於守守多從之縣有茶山久爲僧業後
爲鄉豪所占僧訟于官逾數年不祚知
之閱其訟牒嘆曰僧今得理乎顧其後有
僕在焉祚謂僕將賣獄亟召僧以山論還
之語僧曰吾僕累汝賄一文則以山歸仇
家矣祚究意於邑政得其利弊輒興置之

不遺力按察使楊繼宗剛嚴於屬吏無
可最喜祚爲之延譽于衆且禮貌之祚以
薦召爲御史 命理畿內馬政革其隱弊
俄以疾卒于京邸在臨海其第往視之瀕
歸無以爲遺以父所授田予之比卒至無
以爲斂其年友吳侍讀寬斂之以被父國
蕃淳直有隱德祚既卒交游有仕于吳者
多慰恤其父有所贈遺國蕃皆辭無所受
祚當得 恩封及其父 誥命將下而祚

卒知府孟俊來視國蕃勸其服所應得命服國蕃辭焉曰某田里之民不敢罔上以叨恩賜孟嘉嘆而去人有冒重法在郡守適召國蕃國蕃至其人以千金餽之請釋國蕃峻却之其操守如此

郁容字弘德世以醫為職容姿俊偉力學舉進士授刑部廣東司主事精于法比然持心近厚不事深竟獄有枉抑必辨正之無顧避都御史秦紘與安遠侯柳溥以事交

訟于朝久不決刑部尚書何喬新為讞之容竟直紘抵溥于罪容後至南都亦已為戶部尚書容避不往見秦初不憚卒服容之義陞河南司員外郎御史李興性剛復積為眾怨出按陝西坐濫刑下獄巨璫楊某欲坐興死容援法以爭興得末減楊謂容右興中之以罪調撫州府每判每行縣必延見士民訪以民事有所與革白于監司郡守行之居三年以薦陞知澧州

澧俗悍豪右多冒法容治之不少假囚常
滿獄容至條其輕者論釋之撫臣以州租
久不入將罪長吏容爭之不得解印綬請
罷官撫臺自悔卒從容請荆門州知州張
壘爲民訟久不白御史以獄委容容寓荆
門閱月得其實坐壘以輕比白于當道調
壘官以釋衆怨陞雲南按察司僉事所巡
地方產金每銷礦金戶率有例入容至禁
絕之蠻賊阿則聚山谷久爲亂容被檄討

之以計散其黨與後乃以兵深入賊不
被擒以功當論賞格會丁母憂聞計即行
其裝不置南中一物以是人皆重其廉抵
家以疾卒容性度簡易居家有倫行子勲
強記絕人以進士知華容縣抵澧二百里
容時遺書以訓勲亦蒞官清謹卒于官往
哭之慟容有文業遺集數卷曰見庵務齋
晦人鮮知云

丁仁字明德冲靜寡嗜好蚤即勤學壯歲多

病終日臥幃中以是該覽載籍癸卯舉于鄉上禮部不第入南雍李文安公傑時爲祭酒得其文異之己未舉進士授行人司行人考滿陞司正柴薪歲折例有羨銀數十兩仁取購書千卷皮于司中諸行人無事得相與披閱以爲他日專對之助正德中持節冊封慶符王使還藩府餽遺皆峻謝陞南京工部屯田司郎中司有蘆洲歲課銀二萬五千餘兩諸工費皆取給焉

往時當司專出納仁視篆具文白之部長請委吏受銀於堂廡郎中無所預尚書王某是其議比仁去銀仍歸于司仁在職以謹靜聞部署其課以爲最擢廣西布政司左叅議命督糧餉仁政簡有恩信不煩而餉集巡歷屬郡不以炎瘴辭歲大歉軍儲闕仁謀于總鎮大臣請糴粟于鄰省議既合仁躬往監運舟敗于祁陽以救得免軍餉以此獲濟賓州梗王化民以堊塗屋

自別仁出入自如使人敦諭州人素德仁
不敢肆以進

萬壽聖節表入京師用老疾請

上許致其仕仁舉止詳雅自奉儉約有田三百
餘畝歲計有贏族之人有不給者數有所
周助客至必留之飲醉乃聽其去邑事有
涉義舉仁必建請于官巡歷長吏並致優
敬居南都日節其俸入盡置書籍日取以
讀以博洽名其文平實行裕邑中葬銘多

出其手號梅谷居士

狄雲漢字天章沙溪人後徙華蕩為人清
有風槩少業文不工累易藁同學皆畏之
父尤未捷成化初有 詔年逾四十者得
入國學雲漢年應格舉鄉薦於北都弘治
初選授沅江縣令沅江爲湖外小邑俗尚
朴野而易治雲漢治尚寬靜刑禁鮮用廷
見其父老示之誠信民皆愛之郊外有佳
山無事時攜其妻子出遊遊必暮而返民

移婦子挈果茗候于郊雲漢停輿受之童
堅為掖輿而行語之曰汝等善自愛吾數
出遊汝不能供也皆喜拜而去沅有湖盜
終雲漢之任盜不入邑郭既滿考都御史
馬溥然嘉其治許與御史索課牘雲漢造
馬阻風於城陵磯十日不得達比至馬已
遷去坐是無課調判臨清州蒞任兩月有
御史嘗識雲漢于舟中見之曰州水陸
君乃在此予喜漢曰政自未得去爾遂

御史以請解其職歸寓于虞山之下舍
不繼好事或餽之非其義不受也然不以
貧自言閉戶斷炊對牆竹吟嘯不輟年八
十裹足登高上下無難色有薄田二十五
畝于湖壩不任耕而廢之戲自號為餘夫
其詩清古絕俗嘗與太倉州守李端登城
遠眺其詩有南去好山都入越東來滄海
半吞吳之句李揖之曰先生語工若是信
坐窮也治本末乃其為鄙韋言之尤詳故

爲實之于志詩二卷其墓在破山龍澗之南岡

張學字時學居邑之支塘教諭懋之族也生儒家貧薄常不給篤意於學至忘其生事治詩經有時名其文平粹務理勝以鄉薦入禮闈多被放學士李_三發其卷讀之至自谷邑有令性暴不可近獨敬愛學延之廨所集邑俊屬授之業學未嘗以私干之歷滿知遂安縣縣小邑其俗剽詐學以

易治有古循令風縣人格其化時之監臨尚新進明銳士病學柔良非撥煩才學旣老且病以爲請解其任以歸歸則社門以學自娛其操存甚端氣宇粹然見者知其爲德士卒年七十有五

徐澤字德潤持已方介不苟同於俗淹貫經籍頗好言兵仕平谷學教諭撰禦虜安邊策數萬言平谷近邊諸生服習其書始知用兵古法以干鎮守大臣時無知者獨武

弁相與禮重之爲刻行其書以母喪歸服
滿補袁州宜春縣學教諭士重其經行相
與守其教嘗預考藩試迄以坎壈終有文
集若干卷

論曰士出處要不能同事功之樹否有時
焉苟心原無所係累雖宦業靡彰亦不失
爲令士信等職任雖有劇易其心迹多可
諒者而祚之治邑容仁之在曹皆以勤慎
聞澤不試而書存圻方融而官解雲漢與

學可謂吏而隱者也

盧翊字鳳翀邑城南市人父琮海陽令有廉
操嘗平反死罪二十人以直道忤其守罷
官翊姿字端厚既冠以經學稱邑俊多從
之學弘治庚戌舉進士授新喻令俗善訟
蒙右事脅持翊自律謹勵精以治每晨起
書其所欲爲於堊板盡日內行之其庭無
留務政尚簡易縣以治聞以內艱去官服
闋知獲嘉縣前政姑息官租不入上官逮

吏家屬以徵翊諭之猶未應有豪久負稅挾刃自衛翊捕置于法租遂入縣有屯率調自澤州其千戶橫邑中翊持千戶罷法事千戶窮叩首謝不敢復橫御史李瀚行縣不復問吏事嘉嘆而去以薦拜山東道監察御史出理山東軍政往時御史以清出隱脫爲最抑平民以爲軍稱冤滿道上翊許民得自辨禁有司召集料率之擾入朝命巡按廣西省當徭徭竊發兵疲

敝翊加意撫輯柳度叛亂被旨錄
時逆瑾擅國以苛刻立威取賂會省城瑾論翊與三司失救罪時翊已遷湖廣按察僉事尤不免罰寇平瑾尤未釋又以功冊稽緩爲罪翊自列益忤瑾命停翊官瑾敗

上念翊前勞賜以織綺衣一襲復前職改任四川川南兼視水利蜀有都江堰其水灌田利甚博翊䟽鑿之以灌歲連大熟天全六

番招討司所統礪門土軍以重斂爲亂蜀
中大震鎮巡官議進兵翊以爲非計乃厲
翊招撫之翊有恩信皆詣軍門降殺牛以
誓不敢復爲亂寇平事聞 詔益翊俸銀
十兩瞿塘千戶徐啓夷種也白晝行劫言
追之則深入險阻翊訪其所善指揮某誘
出而縛之江漲不得達順流械送湖臬竟
伏法戊午遷副使守禦松潘其地介于羗
戎爲全蜀屏蔽松守卒自成都調分諸八

勞逸不均卒怨多逃翊白之撫臣爲定
戍法每戍至其長斂索無藝卒既遠戍又
患於掊剝未久纖細輒引入熟番稱貸番
利重息與之稍不入則引衆來取卒或轉
貢於生夷緣隙構亂守將畏禍務姑息翊
嚴其禁亂始弭松常患糧餉弗繼積逋至
六十餘萬道遠難致攬戶出爲奸利運者
多破產翊治攬戶以重比由是糧饋以時
三 小河抵棧閣久廢壞運道不通商旅

不行翊調工治之道乃通土人名爲盧崖
閣龍州之西有鐵索橋土官叛亂多斷橋
以守兵不得進翊命益其索而上施之板
行者稱便翊在邊將有殊擢副都御史馬
昊舊與翊同事馬以竒功驟遷巡撫兩川
馬受 日寇平當駐松畏難不至翊躬至
綿州趣 馬怨翊奏調翊于川南 朝廷
三羽事 子遷爲雲南布政使司左參政
又更遷任凡事務持重博謀賈州

之界有鐵索菁夷諸熟夷入寇輒導之入
雲南議以兵勦之翊條其利害謂夷未易
殄請于姚安界中創大堡擇將率其屬以
守仍諭各堡相機堅城濬川夷竊發則相
徂擊使生熟夷不得合可以取勝矣鎮巡
官用其議行之武定土官鳳朝鳴者有幹
畧藩鎮每有捕擊多用之父死不得襲職
常快快有司不察顧徵其父嘗所侵入朝
鳴謀爲亂三司以爲慮翊使人諭以禍福

便宜授以冠服俾其奏襲于朝朝鳴計
屈不敢肆蓋翊處邊務綏輯不勤遠畧如
此弭海雲南之西常苦旱其地有品甸開
步二陂可以儲水安南坡諸處有美泉可
灌溉翊諭民治二陂築梁玉山填障水以
入田歲比登公私有儲粟當道交薦之遷
廣西右布政使道中得疾蒞任未久卒于
位翊器度弘裕其言簡而盡理不爲蘄絕
之行而是非予奪介介不苟遇兄翰弟某

恩意隆厚老而益篤歷官久而家無贏資
門闥蕭然不異寒窶實行素孚所至人以
君子目之莫敢有貶議者其文雅裕有作
者風有玉渠稿四卷松西奏議一卷興利
稿一卷都江志二卷藏于家玉渠者翊所
自號卒年六十六

周炯字光宇徧誦五經撰萬言書言國家
至計父抑止不果上弘治己酉領鄉薦
舉進士授工部屯田司主事監稅于瀾

往時商稅皆貯于分司烱命貯于杭州府
中官同事者敬其廉公不敢撓其法進員
外郎再遷郎中時羣璫用事費官物無藝
烱按籍以給視其可緩者輒移停之以
爲羣小所怨謀于偵事者將構以罪久之
無所得會西藩叛 詔五月出師事起猝
邊烱調軍械整暇如常時工部畢尚書
面稱其有應變才一日劉瑾令官校來
問曰虞衡司所峙戎器幾何烱從容告

數藏於庫蓋瑾已有逆志故語塞之如此
久之遷雲南右叅議雲南民夷雜處烱待
之以誠信麗江軍民府爲羈縻郡巡歷所
不及巡按御史張璞屬烱諭下之知府木
定以貨餽烱峻却之定再拜願盡力守邊
十八寨久弗靖邊臣議征之烱獨持不可
後卒如其議所全活甚衆遷右叅政職理
戎伍撫臣薦烱才任邊儲有 旨命督理
糧儲兼理鹽法剷除奸弊名動一省衛卒

月給多爲鎮守私人所侵炯嚴其禁治其
怙勢者以外艱歸起復赴闕銓部以前
巡撫范鏞薦仍舊職炯久次當遷或沮之
於是轉陝西苑馬寺卿凡烙馬有泛費苑
軍多逃亡草場見侵於勢家馬倒死者徵
其價炯皆釐革而爲之法馬亦大蕃息揔
制都御史巡按交上其治狀遷山西右布
政使明年轉左布政使首禁官買病民數
事同僚已不便按部御史所遣人有擾州

縣者炯治之御史嘗取書籍於藩司置
者失署炯名御史疑之遂撫他事劾炯炯
適以喪歸它日巡按御史言炯治狀方召
用已卒矣炯儀觀修偉心事軒洞荐更難
仕不失其守官居岳牧俸入無贏亦未嘗
問其家族屈有不給者視其力爲助中歲
以病不出方出而仕寢顯矣不乂以歸士
以此惜之自號簡默有遺文四卷

論曰弘治首科所進士三百人常熟得三

人皆良士也翊之端厚清裕樂善無間有公輔之器顧不得久居內而常爲

天子守邊有勞有惠寵辱兩忘豈若淺夫謏謏然以名位爲動者耶烟周謹軒直行稱其貌有志於古人之業顧早嬰疾疾奪其壯圖晚躋大藩持體宣力爲時屬望又以行職不合而去二人者皆用之弗究不辱其科名者也

高鼎字良新在孕失其父稍長語及輒感

居貧力學伯父德器其文數稱之舉應鄉試後入銓擢知歸州州在巴峽間地僻民頑鼎有撫馭才廉靜而善斷鋤暴惠良上官以爲賢以病卒于官母氏以節孝顯愛其女鼎迎其家同居白首敦友愛人皆稱之

許昕字寅東任山東掖縣令政尚寬簡掖人懷之母年及九十昕請歸養既歸治圃自給性淳直遇人謙厚有禮意殆令德士也

蔡宥字原錫雙鳳人徙邑城以鄉薦入國學授江西袁州府推官性度坦厚容氣粹然治獄有公明之譽履官謹畏不以營私亂其政累有推薦得疾請致仕卒于家

沈鼎字端甫爲人沉靜詳謹年二十舅氏凌中書李行見而異之勸令爲舉業得筆輒過人以鄉貢士就選得處州府通判處山州民負險習亂屬邑慶元令周某爲其民夏某所怨訟于監司聚衆圍令第謀殺令

聲傳洶洶鼎受委行縣人以兵來迎鼎去之有衆以紅抹首執械聚于道傍鼎諭之以禍福衆乃散去遣人護令家屬出境會守病攝郡中官以銷鑛餘銀寄州庫中官死於旁郡典庫以無籍請入焉鼎不從籍之於公嘗寢疾士民相率以禱鼎聞而辭之以家艱歸終喪赴部改判南陽府在郡有美政念親老謀歸養以情告於巡按御史御史留之妻以戎籍竟以疏請

許之比歸士皆予其知退鼎舉動以禮杜
門事學手不廢書其文善述事理自號南
洲居士

曹文字孟章福山人舉鄉科授福州府推官
獄在前平心決之上官意有所輕重文必
援法以爭素抱羸疾復作乃乞歸閩中稱
爲良法吏喜爲詩嘗做韓蘇賦石鼓人訖
其工後卒于家

褚垠字弘鎮興嘗鞠以爲子淳謹寡言笑

歲掇鄉科有俊譽後銓授南昌府寧縣今
縣僻俗強戾垠之治不煩有繩矩有所治
不少貸其人聚黨攻令垠度不可爲遂致
其仕

周惠字元澤美姿儀壯有俊聲遂舉鄉薦不
利于禮闈閉戶事學秀異多從講授赴吏
部銓得台州府通判士民譽其政陞紹興
府同知嘗攝守事裁決公明庭無滯務約
已守官監臨擬薦以病解職歸惠性行周

謹鮮過舉詞令閑雅有醞籍風喜詩學亦善筆札一子亡有墓在露臺山居之左

楊舫字弘載治家學居圃中不事外接業成舉鄉試累上禮部不集弘治中擢知莒州莒俗勁悍舫政清簡導之力本平其賦役每於聽決示明辨人服其治有劇盜李花者剽掠境上民苦之舫以計殺卒捕得之餘盜散去郡士未知學莒先賢子夏所治也乃作賢賢堂親聚士以教律已嚴不受

私託鄉士徐寔時爲州倅敬其官守燕未嘗干以私居久之藩臬多知舫議薦之時年已逾六十方述職行次平原得風疾請于朝不俟報而還舫有弟五人聚居有恩意迨老未嘗有睽言舉正有儀矩喜儲書籀校不倦攻古文詞其文明整善述事情有水利書一卷言水事者多取之邑中古事多形之筆記有集若干卷

周楷字民則居邑之支塘父匯行具鄉士楷

篤學壯歲貢於鄉後從選調得袁州府同知袁巖郡郡守王俊治有綱紀楷協心佐理多所裨益事涉民利病爲之盡力治狀日著上官以聞詔旌其賢例得封贈其父母妻考滿如京師得疾卒于邸楷恭慎靜默言動無所苟既仕恂恂如書生有志於治業不復問生事俸入輒盡其家無贏資

趙鈇字民威東湖人負意氣不能爲人下好

直言人戲以鐵稱之任山東澤縣令

顧達字德孚既壯始知學勤苦至撤其臥具舉進士補臨川縣令運軍恣橫過取耗糧長多破產達疾驅入縣拘其已允者每石予耗三升以其餘抵正允二萬餘石臨川當驛道中使過必橫索達待之以驛給民有王方與其鄰馬山鬪謀陷之昇其病子至鬪所而死方訟于縣達微服至方所問道上牧豎得其實歸破山械而出之布政

承差蔡堂數撓縣政達得其撓納鹽鐵奸
賍事論戍邊衛堂求解守倭姚太監達不
從縣有羨銀二千餘兩掌庫役毛昌夜持
銀請入達不納明日以銀解於郡而罪昌
主簿申屠祥以旁戶入賄達塞之祥行謗
于巡按御史王其蓋王與祥有姻故書達
考無善語奏調爲龍泉縣學教諭未幾還
達魯山令達守官清慎爲士民所稱以治
遷南京刑部雲南司主事持法平恕多

人於抑枉戈尚書瑄待下方嚴雅

見必霽容以待考滿入朝請老

許之進其階爲奉政大夫遷郎中年七十一
而卒子袞性淳有至行後達亡

蕭塾字廷訓奎族兄仕齊河縣學訓導以文
業爲藩臬所知性和易有風韻詩語清圓
善地理術

呂祚字慶之五衢人舉鄉闈正德初就選得
處之麗水邑小而民獷祚且老熟於民事

平其賦役以簡靜爲治民以爲賢其俗厚
嫁以是產女多不舉祚滯禁之全活甚衆
邑當驛道使轍旁午祚從宜酬應皆滿意
而去監司予以善課以年得請歸祚闔爽
易直與人無怨恩年七十九而卒

馬儒字良佐居邑校以經藝常拔羣試舉于
鄉得汝州西平縣教諭以薦擢知湖廣臨
湘縣縣人宜其政以老曠得告歸自號玄
圃鹿奴儒於雜文筆墨富爛以通捷生

壯歲性豪邁負氣不能爲人下然心
易無畛域言詞率易多不酬仕歸無餘
以筆墨自給云

趙勣字國勳鈇之姪英邁有遠志好自標置
久被抑乃受蕭山教諭嘗受山東藩聘爲
考官以舉職陞閩中令未久卒勣雅志詞
墨至遺世事常與人異趣

吳寅字敬夫入鄉校即領薦會試不第肄國
學祭酒劉震程其文首學試授武昌府

知會府政煩陪他治又嘗攝守事上官亦
譽其才巨盜劉七殘河汴官捕之急入于
鄂民皆逃逆寅出諭止之調戰守具民
無恐巨盜趙璲變形服匿境內寅命健
擒之械致于京以父喪去官服闋補常德
府以政最獲封父母未久以母喪歸補襄
陽府進其階爲正四品考滿入朝供事
禮部會試事竣遷河東都轉運使司同知
凡爲醴司多相譽寅蒞職謹名特起御

與寅不咸加擢劾寅亦馳奏以辨竟解職
以還單車上道至無以爲行鄉人有巡撫
河南者爲助之性狷直遇小忤輒詬讓而
實無留蓄亦以是去職文詞敏贍援筆立
成有集若干卷年六十四卒縣令馮汝弼
往吊之見其清約且周其喪云

徐瑒字文伯以蔭得西安丞邑治久弛瑒至
振起之吏持官土豪恣橫皆置于法郡旱
邑以象爭得蠲賦江右軍興以勞被督憲

嘉勞與時不合遂以病歸宅心長厚輕財
好義而家行甚脩有遺文數卷

論曰郡邑舉親民其治不以厲察爲工而
取諸簡靜淳約計其效則有餘也鼎等數
人皆善吏勵聲實者被旌用事悃愾者得
惠愛若達者平居無以異而作邑有操行
鉄與勩志有餘而所遇乖寅雖用而忤於
時琢方試而遽解其職是皆可置惜者也
國滌字進之三上禮部舉進士擢刑部福

司主事奉 命慮囚淮南論決稱明允
考進刑部山西司員外郎尋進郎中以才
被推閱諸司奏牘爲閔尚書珪所器待擬
薦不果逆瑾竊政每求朝士過文致以罪
士重足立滌在司持法頗峻椽史小過必
詬責司吏董某積不能堪思有以報會歲
盡刑部例發庫贓物轉市滌家人於市中
得二絹吏告滌私取下獄案問瑾方事威
噬滌不敢理乃勒傳其官瑾死 朝命理

瑾時所抑枉或欲援 恩旨爲之營起滌
已老辭焉滌有治才仕既齟齬退而治生
享有居閒之樂弟姪用其澤皆有生殖女
未行者厚資送之居邑之東郭號東郭居
士

王良翰字仲申處士鳴吉之後質豐下敏給
過人王故右室至良翰舉進士授工部虞
衡司主事勤於吏業司弊多所釐革監稅
于杭課額登入還 朝當路有不悅者

是 致其仕初其父得惡疾在寢
二十年日費侈靡剗其產良翰後悉收復
之先世遺集多散逸重刻置于家塾初與
兄良輔處事之和謹比兄卒待其後無違
言尤善傾接言笑溫浹隨其人軒輊酬酢
之無或失也

王槐字公甫起鄉貢授知湖廣湘陰縣縣負
山帶湖民恃險出惡槐爲平其賦役躬諭
之多格心者善平訟常德豐城沅江民有

疑獄就槐決之得理而遷知安陸州
去湘陰三日州人聞其治皆順服會大水
槐措荒政仍謀積貯以備緩急撫臺知其
才多委以他州事今

上之正大統扈送饌用百需皆立具是
歲

迎

太后就天下養槐供備如初以治績遷順天
府治中獲封其父母妻癸未南郊特

命槐分獻南鎮上疏乞歸省詔不許
五十五卒于官

陸隆恩字晉卿以鄉薦入國學久之授知浮
梁縣縣歲供磁噐入太官主者緣之爲奸
利民以爲患隆恩疏請停中人督造

上嘉納之盜起鄰邑攻城壁害守吏隆恩練卒
爲戰守具盜知不可攻引去王師既平

盜民尤懷疑隆恩被檄綏輯民乃定入覲
改令江華邑數苦徭獍剽掠賦不入隆恩
敦諭之乃出賦 藩府奉御嘗擄殺大賈
某其家訴于 朝隆恩被 命往覈卒正
奉御罪遷南京後軍都督府都事以親喪
未上服闋改北府三載考績遷前軍都督
府經歷未幾遷福建都轉運鹽使司同知
在官釐革鹽弊鎮守中貴縱其下私鬻以
文禁止之按部御史爲行嘉獎俄以疾卒

姚奎字天章以諸生起田間學于顧達其
苦有人不能堪者遂舉于鄉累上于禮廢
竟由銓調得湖州府通判奎有幹具性和
易爲守所倚任頗有政譽按部御史厭其
人遂按之乂乃得解大臣有嘗識奎者改
調于東昌府終歲居獄下收祠錢居滿歲
俄召爲太僕寺寺丞奎故喜言民利病前
在湖有奏白茆浦廢當䟽治至是又論太
倉州之建有數害請革州以惠東南之民

事下蘇州卒爲浮議所阻會覈內職有不
公者遂勒致仕奎喜交游與人有意氣雖
一官地尤事學在泰山有詩一編其詞多

傳

陳復字一陽以鄉貢入銓初仕長興縣令縣
民勤種植俗嗇而敢訟復有吏能舉其廢
墜再易歲當路許其改邑自效得改大庾
用是遷韶州府通判韶大郡當嶺道民物
豐阜士人皆樂仕焉復爲之三年致其

以歸復性和敏異物無不嘗仕而
人嘉其知止云

朱寅字時元資敏異學於外家總角游場屋
舉進士授知吉水縣有耳疾常於聽受以
示聰其用法峻民皆畏悚屏息吉水故無
城寅至而築之有薦之于中者擢工部都
水司主事理山東泉源偶得疾解職以歸
抵家而卒寅昔與弟居比仕歸推其居以

予姪

周懋字光政楷之子警敏通世務領鄉薦試
國學名在高等久之舉進士授知定海縣
筮仕有吏能測省鄉試與諸僚入供事能
而出院歸于里中得疾寢劇卒

論曰術知猷敏此仕宦之所須夫惟以道
用之而不累於已斯可以濟難成之務而
名之爲才矣君子之所謂難其在是夫是
術知猷敏者滌良翰槐陰恩奎復寅懋其
資皆近於是是故處部曹而以善讞推

卿寺而以民事列守方州而以勤慎遷
司領邑展其所長彼皆嘗赴於功名之會
使其於此而無係焉其能可少訾哉

蘇奎字炳文少好學授徒以爲給以攻苦得
齒薦列舉進士授知南昌府新建縣縣隸
省治藩府諸司督責叢委奎治有餘力以
辦治應集得優待然性嚴喜以法操下吏
民悚恐亦以治聞以家艱服闋起知廣東
清遠縣次知上虞縣人有持吏者奎久更

縣道任既不進厭於吏務卒解職以歸思
以諺治名治園居于第外廣購載籍掇其
要略會粹成書幾百卷多雜聞舊事

張鳳來字子庭容哲有儀觀少有俊聲薦送
在應天尹冀綺得二總角特試之鳳來六
見賞許後爲典學者所識拔己卯舉鄉試
刻其文明年舉進士擢工部主事監稅于
杭遷刑部員外郎以才被推慮囚福建事
且竣會考內職當路者不悅左遷其官

外補鳳來喜功名至是遂以疾請 詔免
之居數年而卒好文詞每有述作必久
後出其文敷牋無艱僻之習

沈寅字伯恭早失恃能自力於學又善大書
邑人目爲奇童例貢領順天府鄉薦舉進
士授知進賢縣事無劇易至則決之勾攝
不遺隸役製木隸使甲持至乙家輒與偕
來其政之尚聲槩如是進賢固難理邑寅
治三載以治集名累有課薦陞工部主事

卒于家

聞東昌字會鄉武之子以進士擢工部主事未上卒于道中性明直行亦修謹

王評字審言槐從弟明敏少有器度與衆處或躁競譁然評時以溫言厭釋之舉進士甲科授刑部淞江司主事詳慎善決入稱無冤有以偽造稅司條記繫者評考其印文漫竟論以誑財有怙內臣勢迫人於漁死者前擬以夜入人家殺不問爲此評

以不拒而擅殺遂正其罪其用法不阿如此以親老不便於養乞改南曹

上憫其情許之以母喪歸明年得疾卒年四十一有二評事親名能養父喜客自奉厚評常潛有以給之雖費弗問也既仕攻詩學多警拔語

論曰諺有之作宦不如逢時鳳來等以諸生取名第登仕版雖以程業之利進謂非逢時可乎而皆以壯齡違世不究於用其

於時又何也然其筮仕即有能名而評也
聞其居家知所以爲養審爾茲其可惜也
夫

王舜漁字子澤祖廷美有孝行父老病不能
行臥小樓廷美時負之行室中上下勞甚
父憫之曰汝誠孝必有後舜漁生有奇質
授書數篇頃卽成誦綴詞援筆盈幅年十
九舉于鄉丁丑與兄舜耕同舉于禮部
廷試居甲榜擢工部主事明年分司湘江

時倖臣江彬方用事中官以賂得預司
怙權橫征商人患之舜漁以法裁之凡計
入命錢塘仁和二縣蒞收貯于縣庫錙銖
無所與中官不得志會彬從幸南都愬于
彬人爲舜漁危之舜漁不以屑意寧藩之
反泐鎮守太監畢真與謀將應之巡按御
史張縉庶得之以爲備張知舜漁忠畧移
司入省城與謀議真一日召張與舜漁飲
將殿之座上舜漁知之先往以辨折其氣

約張先出真謀不得行真後竟服法入朝改刑部廣東司主事叛獄未奏欵刑部林尚書俊選才整刑官一二人委之舜漁預焉最爲林所屬信以勞績獲封父吉如其官俄遷貞外郎有 詔獄舜漁往叅決多所平反東廠理刑千戶陶某受重賄囑舜漁以事舜漁拒不從某使官校日偵舜漁他事無所得而止舜漁病䟽累上不允尋遷山東按察僉事督武定兵脩州

警舜漁修軍政躬習馴射暇則召父民所疾苦知州事素貪沓劾罷之以內勅歸繼丁外艱服闋 命分巡遼海東寧道東寧近虜地邊墻多圯壞舜漁以撫臣檄修築地亘千里百雉屹然虜不敢窺撫臣上其事有白金文綺之賜有挾中貴勢擅士諸衛俸給舜漁捕置干法又有持官長短起訟取財至三百餘人舜漁廉得之配戍于極邊一道震懼舜漁起書生通武事

其命發多中將校自以為不及遷副使整
飭臨清兵備遼人數千泣送出境有圖其
像而去者臨清當道衝多奸細所窟穴
漁申憲紀創演武廳簡驍士訓練之皆為
勝卒往時商賈患官府損其貨直至是嚴
其禁上下誦其治巡河郎中某前領磚甃
有囚繫不決舜漁之理獄囚梁仲山等五
十餘人訴淹禁舜漁察其寃命知州事語
郎中俾釋之又按考州庫贓罰銀有隱

之急遂為所許奏舜漁他事

命二人候勘千家舜漁事後得白吏部擬
都御史舜漁預焉而遼人願進舜漁官社
撫其地奏未上而卒矣年四十有七舜漁
有宏才應變處艱不見聲氣風神明爽議
論英發與舜耕居內外憲皆歛起舜漁之
肆南雍也年方壯居外舍有艾婦夜奔之
固拒而不答明日亟徙其舍亦不以告人
時推其厚德云

湯繼文字引之按察僉事琛之孫也爲諸生
矜莊有儀知舉進士擢南京武選司主事
遷職方司員外郎俄遷武選司郎中奉職
詳慎弊事多所釐革官校恣橫繼文痛抑
之有勲貴抵法當戍邊實緣請脫繼文執
不從陞福建左叅議會部有選事尚書諭
留使畢其事而後行至閩分守建寧諸郡
事臨法守不少回假閩連歲侵軍儲告闕
有 詔蠲民租適有秋省臣議變通法將

加徵焉繼文謂 詔旨不可違軍儲當別
措卒如其議長樂有豪據紫陽書院繼文
勒還先賢後慮囚使者臨境有司以撫按
成案爲言繼文曰拘案斷而入人於罪可
乎爲之抗論得白者甚衆以薦轉湖廣按
察副使分巡湖南道時衡永多盜警繼文
謂吏失職則民失業盜乃起於是命所司
緩征節費和糴以賑仍戒守將固守要害
毋贖武以覲勦由是盜旋平繼文有意見

不得專決則詣撫臣質焉撫臣聞其議輒稱善春漳作以巡歷久勞遂得疾卒于位繼文少志事功筮仕郎署因職自效時喬尚書宇領武部有德度故繼文能以職辨是非人並賢之繼文惜名檢政業蔚然可觀比卒也人皆惜之

論曰仕誠難哉惟有志者宦業與人殊夫既儋人之爵而食其祿矣而復思以名利盈其欲相師以成風則其仕也寧有可觀

者乎故志不立者未可與言仕舜漁繼以二青衿取高科躋美仕其所建立皆有聲實當人意卓然與衆殊致非用志曷以及此若其折逆豎之謀感邊氓之思漁也實優為之人固有能而不能而管斯人之早亡也故於邑宦之末書此後選之舉職者以二

陳寰字元大察之弟總角有異實日記千餘言為邑子文推輩類舉于鄉名第三辛未

舉進士有司皆刻其文以式選為翰林院庶吉士每閣試必蒙賞予授院檢討充史職史成被 賚賜遷南京國子監司業以家艱服闋改比監尋遷南監祭酒學法寬簡士皆德之寔久居侍從職事清簡靡有以自展一日超進益致衆嫉會考內職疏請解其職

可其奏然性資和敏不尚矯擻事至能以容茹濟遇人有禮意不以官位矜肆居家

有子弟之節杜門端居耽玩載籍時命舟遨遊於湖山之間若將終身焉文詞暢贍時出竒雋善大書號琴溪卒年六十二有集若干卷

論曰書稱敷教在寬寬固得衆蓋因人情之所安而利導之亦教之一法歟顧所以望之者何如耳乃若寔之於國學以寬稱亦可尚已志旣成而入諸梓而其家以卒告以事狀未悉其久而將遺之也故列之



子
此

六

嘉縣志卷之八



邑人鄧敦撰次

邑人循吏志

吏受天子之民而爲 牧其政善者其民懷
而史之傳循吏代可數十人則民牧之壞職
多矣常熟士之出牧而有賢名前後相望蓋
君子學道則愛人其諸吏之方也歟作循吏
志

宋

錢佃字仲耕弱冠入太學登紹興十五年進士第調嚴州分水尉池真二州教授改秩除諸王宮教授遷大宗正丞通判太平州太子尹臨安擇僚案佃獨以外僚在選中擢吏部郎中對便殿言三事上稱善累遷左右司檢正兼吏兵工三部侍郎出爲江西路轉運副使時盜賴文正起武陵朝廷調兵討之佃餽餉不乏繼使福建再使江西奏蠲諸郡之逋民深德之歌舞于道

州飢闕守帝曰錢某可郡荐飢禱雨霽爲白勸分移粟所活口七十餘萬政甲一路朱文公熹時爲倉使與陳亮書稱其治績云婺人得錢守比之他郡事體殊不同佃忠信恭寬根於天性臨政不求赫赫聲以字民爲先務所至得民家不取盈捐橐裝買田合族名曰義莊卒年六十二終於中奉大夫秘閣脩撰有易解十卷詞科類要二十卷文集二十卷誠齋楊文節萬里

誌其墓

國朝

殷瓚字廷璧以進士知建德縣縣居山中民儉陋瓚治以不煩除民所疾苦興學養士躬爲之勸導平其賦役民得盡力於生事舊尚闕訐至是鮮以訟言者以最遷岳州府同知未幾遷臨江府知府政事精絕治譽常首列郡瓚所蒞民輒詣上官願留以治比去又相與泣而送之守官以廉至無

恒產以業云

陳易字一元邑之文村人父喆見儒林易治學患無資與家人躬習勞事手抄默記殆忘寢食以詩領鄉薦居國學同舍共就之資請謁選得建昌府推官其父有書名居官一覽易遵行之謹于庶獄民有胡萬八者以怨殺其叔事秘久不決易廉得之胡託其親官清要者請免易執不從竟抵于法廣昌獲劫盜誣引五十餘人郡將鍛成

皆抵死易行縣察其寃辨于上官破械縱之去富民饒某病且死時其子留京師饒以貲囑僕需其子歸日授之諸子求分貲僕不從會有舊蒼頭逸于外者歸爲盜僕夜逐之使蒼頭誣僕與謀且賄縣吏殺僕易調知狀僕乃得直廣昌歲仍旱民失業聚爲盜官捕擊之不能止易遣人入賊中以色線縫其衣盜潛入城驗其衣輒得之盜驚以爲神易言於上官曰盜之非靖困

于歲也使民得食則亂可弭矣於是請行屬邑發倉以賑民多全濟盜皆散去易母老而賢手製紡織具遺官中家人治布以資費郡守聞而賢之以爲內法上官交稱其治行予以上考遷黃州府同知職清戾籍易蒞事寬明使人得以其情自實得隱丁無筭清浪衛以總司命致禮幣與文來勞易受其文而歸幣鄰郡有劇盜久不即平憲司委易招之盜聞其治行棄仗來降

遇水旱禱多應廣昌有虎患易移文于神
逐虎焚其穴舉火之夕雪深三尺虎遁去
嘗述職于 朝吏部王尚書恕迎謂之曰
若非爲建昌而有清節者乎第其治爲諸
郡首將擢用之易以母老力請致仕王高
其志嘆息久之爲言于

上并予其父母妻所應得 恩命易性稟醇慤
動以名檢自持母病思肉不能進易感之
終身不御肉於諸弟情意敦至更相飭勸

期底于成母嘗愛幼弟易晚推田廬以
之宗屬有待易而衣食喪葬婚嫁皆爲之
經紀不自知其力之不足也家儀準之司
馬朱氏可以習行鄉之人有化之者縣令
楊子器不輕下士獨重易數造其廬嘗嘆
其質行年七十卒有柘菴集既卒之數年
郡守提學御史表其名行祀于學之鄉賢
子俸通譜學有士行後易卒

邑人廉吏志

廉固士大夫之一節然欲激頑以立治則潔
介之士固賢於衆矣夫是道也有力可代耕
寧矯厲以崇譽者焉是可能也性本堅白生
不懷祿以義自安窮餓之死而不悔不可能
也邑有是人焉作廉吏志

國朝

魚侃字希直城東人舉進士任刑部主事轉
員外郎進郎中以清嚴稱部長舉往清河
總督漕運清河多淺漲常梗漕舟侃

淺鋪夫時加䟽濬運遂通撩淺置卒自侃
議始陞知開封府斷決明允請托不行吏
民畏服人謂其治可繼包孝肅公家幸揭
其名于柱䟽其下曰廉母亡家人往計不
敢遽告侃覺之長號以出即日束裝行不
持官府一物致仕歸貧無以爲資或日罷
炊所居敝壞病臥雨溜濕床簣侃寒衾蓋
單薄家人愠見呼之曰開封守亦有今日
耶侃之姻王蘭謁選得黑鹽井提舉侃謂

其職司鮮清譽爲功名累盍自解其職蘭
曰君能爲庶吏其獨不能自拔乎蘭後果
舉職進官同知夔府侃數稱之侃守禮有
家法生辰客持酒往壽之其婿王韶方居
喪以素服往客止之俾易服侃遙見之執
婿手詫於衆曰此真吾婿也是日飲盡歡
侃之請歸吏部奏加其階以三品獎其廉
退其行治多有世不傳鄉人至今但以廉
吏稱

邑人孝義志

民行重於孝義敦行衆者其俗厚也常熟前
志所載其事多偉烈有人所難能而不可繼
者豈非理義素明臨變而不敢有其軀歟
國家詔書下郡國舉至行率由里生所薦而
賢者常蔽於無力幅楮一上監臨省曹不能
異也然其人安可謂無得於公議者故今志
之續凡前事所收有覈之以示重後事所益
有擇之以示謹名義所在其安敢誣哉作孝

義志

唐

龔景才字敦禮五世同居以孝義稱麟德九年旌表其門

宋

周容父名... 母朱氏容早失怙... 人所稱... 縣從事嘗有言於... 數乘... 附歸以奉母妻匿之以他... 母出... 之以食容容... 疑焉遂詬譴其妻容尤好

元
為義舉既卒邑人相與祀之

朱良吉支塘人延祐乙卯冬母錢病危剔胃肉煮粥以進母啜之而病愈良吉心痛不能起邑人俞浩齋者聞而過其家觀其瘡僅五寸氣騰出俞為納其心以桑白皮線縫之不逾月而愈

國朝

徐植字元芳縣人父彥達掌鄉賦徂于元季

弊政賦入後期法當刑植時年二十八赴
所司自陳引爲已罪所司不能奪遂從其
請臨刑有詩曰父母恩同日月高願將一
死報劬勞三盃白酒濃如鴉七尺青絲利
似刀風送斷冤歸故里月移枯骨葬荒郊
遙知親族偏憐我淚灑西風濕布袍邑人
王廷珪爲作孝子傳

錢迪甦之子少有至性洪武初父坐事當刑
迪慨然詣闕求以身代

上許之死時年甫十八甦得老而終從子完感
其孝爲特祠于家

沈良字性本甫十八歲時母疾篤醫藥罔効
良禱于天乞以身代遂剔肝雜羹中以進
母食之病尋愈

張遵字孟循父文德痼疾弗瘳遵告于天剔
肝雜羹中以進父病尋愈

葛潤字孟寬幼失恃怙鞠於祖母陳氏旣長
事陳老敬陳病劇潤剔肝肉和粥以進遂

得瘞縣令楊子噐聞而召視之動容稱嘆
爲具奏請旌表禮部議不可旣沒子噐爲
具其喪葬蠲其家役表其墓

宋

陳字字伯愛古靈先生諸孫其先自吳興徙
常熟以父蔭補莆田尉得劇賊當霑賞字
愀然曰吾不藉人命以階仕進卒辭之調
紹興府司法隆興中改知富陽縣差行
權貨務知房州歸卒年六十一字天性

友居母喪鬚髮盡白撫愛諸弟食必同
祿俸不入私室

國朝

殷庸家貧以治梳爲業凡得新味必奉母隣
巷社飲殺核皆不敢食必携以歸奉焉冬
溫夏靖人擬之黃香母患滯下穢汚必親
除滌他孝行多類此

陳壽字仲噐父母亡廬于墓六年目失明一
夕夢白衣老人治之旣覺而目復明有僧

見白龍見於其墓木士林有詩詠其異
瞿興嗣字華卿沙溪人母某氏患癰癩潰當
長夏臭穢不可近興嗣躬洗滌執扇祛蚊
蚋靡晝夜旣而又罹氣疾百藥不治興嗣
割股肉作羹以進母不食已五日忽啖之
疾愈母又思芟時芟始花興嗣凡川有芟
者輒解衣入覓之俄得三芟人以為精誠
所感宅心仁厚遇單窶者必賑給之有王
氏貧臥疾無食鷄初鳴興嗣往其門以錢

投隙而去民有告糴者鶉衣百結興嗣愛
其直佯忘其所湏倍其直與之歲大歉來
相依數十人興嗣擇旁近舍居之會癘氣
作病者相枕興嗣每晨躬携粥藥撫視卒
賴以全興嗣朝出道拾遺囊悉歸主者某
人勢家奴因失主物畏懼欲自盡興嗣為
之代償謝曰某微命公所賜也

陳貞字子固洪武初母沈患心痛垂革貞割
股雜羹中以進母食而甦越三日痛復作

貞欲剔心再進母覺謂貞曰汝誠篤孝若爾我心益痛止之是夜沈夢土神周孝子授以紫蘇飲服之愈人以為孝感云

周源字尚本性純篤有孝行母病久不瘥源割股以食母母疾尋愈源博學能文詞年八十餘卒

元

趙良濂字順卿宋宗室裔靖康初六世祖士巖扈蹕南渡寓於金華再世祖崇驥以雲

安軍使仕吳遂家常熟良濂性純孝父必鑛為海州節推歿於官值宋季道路多梗良濂奉母備經患難卒以柩歸元大德間東上大飢良濂以米二千二百石助賑延祐間又飢復助以四百三十七石里中有飢寒者周以粟帛死無殮者給以棺木有司上其事都省旌其門

徐德賢字孟明漁梁人博學通春秋雅尚禮避亂客于蘇城尤行喪禮以勵俗性好義

常以睦俗調鄉爲急隱居不仕張士誠在
吳欲仕之不往所交多名士有靜庵集

國朝

黃鉞字叔揚邑城人祖明德縣學賓鉞有異
資家貧苦無書日游市肆借覽輒記不忘
洪武中以庠生除宜章縣典史舉湖廣鄉
試明年舉進士授刑科給事中陞戶科左
給事中以父喪歸時

太宗文皇帝入靖內難蘇州守姚善起立赴

國善故與鉞善以書招之鉞請畢其喪既
而善爲許千戶者所縛被戮鉞初不食後
稍食報至乃具冠服赴琴川橋入水死焉
將欽字子修邑城人父綺別有傳欽少警敏
事通博治書學精詣諸儒箋解悉淹記於
史學尤專也居鄉校端攝有儀不與佻生
狎提學御史王鑑之最愛之每稱其文以
勵多士弘治乙卯舉于鄉明年丙辰舉進
士有司刻其文筮仕衛輝府推官欽治獄

惟視法監司多以訟委之其所治無駁異者以薦召為南京山西道監察御史每欲以職業聞大臣有物望者欽亦疏其失衆推其直正德初諸璫怙寵恣橫朝士側目欽與其僚二三人及給諫並疏論之逮諸言者於獄杖于朝欽不勝死之

武宗皇帝他日惜其忠為下卹典贈光祿寺少卿後又錄其子于國學

唐天恩字堯仁修軀癯竦坐立必張拱舉應

天恩字堯仁之諸鎗得河南葉縣今有文廟其治常有餘力時盜起河朔趙璘者橫河南天恩增城塹池繕器械賊知有條引去是歲十月劇盜劉七徒黨尤盛抵城下攻圍甚急天恩嬰城以守二十餘日外無強援城遂陷賊執天恩及其父政懸於庭叢射殺之天恩庶母任氏二妹皆遇害妻錢氏子詩臥亂屍下得脫巡按御史李元以天恩死事聞

武宗毅皇帝憫其一門死難 詔特贈光祿寺少卿 賜祭錄其子為國子生今縣令馮汝弼為建專祠以祀之

程式字以則舉進士授南京城方司主事遷北京刑部員外郎詳于庶 欲經其論者以為平正統己巳虜大入權奸

主親征式扈從我師潰于土木 大駕蒙塵式

預死難以衣冠歸葬常熟景泰中 詔加贈其官天順改元錄其子入冑監式所著

有兵政十策葩經衍義

蘇金字用之嘗賃一舟出篷下獲布囊一中皆金銀噐艤舟以俟失者至悉還之夜有盜踰墻足躡假山石仆不能去金覺與錢一千俾事生理盜感愧卒為善

蔣安字仁伯洪武間其弟懋以累戍開平安時為邑庠生去巾幘詣御史泣曰懋幼弱不任戍且老母所鍾愛請以安往御史許之

張巽字公遜洪武間兄公讓坐事謫戍貴州
歿于戍所有司檄取戶丁補伍父命弟公
豫往巽曰弟幼弱宜留以待親且遠戍勤
親之憂吾當徃父不得已遣之鄉人皆予
其義

李壽字景仁洪武中御史藍勝臨縣羅織無
辜入重法株連百餘家閭境騷然無敢訴
壽愍之為詣闕陳狀

上即遣御史張定來理出之勝被誅壽自是足

不至城年八十三而歿

吳琳字潤夫幼有至性事親以孝聞舉于鄉
授東平州學正轉霸州學順天鄉試聘為
考官所取多名士陞汀州府學教授念母
老解官歸養與弟瑄最友愛出入居處必
與俱瑄亦修謹善事琳鄉人並稱之

李栗字翼寬李市人家饒於資栗獨不以家
為意力學異科名有敏思舉筆數百言以
貢入京師鄰有蜀人陳清者以倉使秩滿

留京邸緣闔殺坐大辟當刑其子寵年十四請代父死繫獄粟憐之爲之營救費白金三百餘兩 朝廷嘉寵孝併赦之粟未嘗以爲德厥後清補崑山縣丞俄以疾告歸願以女侍粟粟曰以財濟人而入其子女非人也固却之資其行復求縉紳詩文章寵之孝刻之以傳題曰榮孝集粟後舉順天鄉貢擢處州府通判廉直有爲資匱老無以爲生日以詩寄懷多不存藁

周彬字近德木之弟周氏名有世德彬器識蚤成成化丁酉舉于鄉累試禮部不集癸丑再上留京師忽感寒疾卒其兄以例請于吏部授順天府通州州判初彬之家居兄久仕于外調家資以佐官費父旣老且多疾彬順其意欲以爲養彬兄弟於起居侍膳之節有常禮鄉人誦而慕之所居逼縣治營別墅於城北有山池亭館之勝日御親輿以往父嘗遭橫侮訟于官連歲不

解必申其怨乃已木官于南都歲徃省之
至則以學爲講二弟幼撫之皆有立與人
有意氣持操鯁挺不順時爲上下其鄉譽
甚著有王恩者夜嘗遇劫盜于途中盜掠
其資異其貌問姓氏王詭曰吾常熟周某
也盜驚曰吾聞周某名甚熟歸其所掠而
去卒年四十有三子光宙

陳播字中定性稟完粹敏悟過人父宏以耆
儒老邑中播師其學不經他授領應天

薦上禮闈不第以母老應教官選行慈終
縣學教諭慈士三百餘人播損益學法度
士可守日以治心養性爲建簡易懇至士
皆悅服邑令重播時訪以事播盡誠匡益
多見納鄉人褚圻爲其郡守與播有契誼
播旅見未嘗爲私謁守重之數通問但以
函牘叙謝其辭受必度於義議論可否必
依於正家貧事繼母生母孝敬無間弟抗
長尤未知檢播温言警誘委之以家費其

資殆盡播知而不問第後悔革故習播於
於文援筆輒盈紙議論平實不事怪音所
著甚富年五十三卒于魚臺

季儒字季珍文村人弱冠負遠志謂功名可
立取視世齷齪澆忍賤之如土芥提學婁
御史謙閱其文以爲語工如夙鍛久滯於
科試意氣不少沮顧好言民所疾苦每撰
長書白于當路巡撫張都御史鳳行縣儒
以邑災傷陳于前都御史聽有厭志

却儒升堂挽其裾請畢其說縣官旁視皆
失色儒自若也歲歉縣督逋甚急儒與
辨于府官令怒面發頰詆爲狂生府官曰
此志士柰何詆爲狂明日特召慰謝之吏
有兇殘拊貨怒輒殺人縣獄淹繫常滿則
繫于倉庾不數日皆死至聯舟載屍以出
以賄結權要得考滿將發鄒御史滂居南
臺聞而欲治之亟馳以來問吏於儒及
儒等儒指天而呼曰吾豈爲一不肖吏而

罔明監司乎乃以實告御史嘆曰此之謂
國人皆曰可殺者儒居族有義從叔躍與
儒試于學臺儒當補廩負念叔老白之節
史請先廩其叔御史義之從其請其兄家
多貲儒貧無所賴兄有外侮儒傾身赴之
雖犯難不避朋友有以窮歸儒儒經紀之
盡力每讀史至忠義事必感憤泣下其師
薛大章每謂儒喜言劉安世陳東事儒平
居接物恂恂如恐傷拱揖柔聲口無咎語

退然如儒夫年五十餘有司將貢之以
儒好商確古文詞倣趙孟頫行書小字尤
佳也

居璠字永美縣之許浦人性醇朴自其四世
未嘗析爨璠尤有義問

國朝

陳剛妻錢氏

李益妻李氏

陳守恒妻陸氏

吳本妻林氏

陳復妻鄒氏

吳克存妻陳氏

王允仁妻莊氏

錢景豫妻徐氏

錢宗時妻包氏

郁蒙謙妻陸氏

蔡克溫妻凌氏

徐元亮妻曹氏

錢景暘妻鄒氏

顧希秀妻胡氏

朱亮妻陳氏

蕭綸妻顧氏

朱鉉妾葉氏

聞武妻顧氏

韋秦妻張氏

郁汝濟妻叢氏

凡二十人皆以節事聞于朝

詔旌表

其門

劉士達妻張氏

戈廷輝妻鄒氏

李敬妻徐氏

殷興益妻陸氏

程廷珮妻吳氏

陳宣妻桑氏

曹信妻項氏

錢靜學妻陸氏

葉凱妻桑氏

言景容妻高氏

錢叔元妻徐氏

姚振玉妻陸氏

桑瓊妻程氏

徐德輝妻陳氏

朱伯昂妻蔡氏

劉熙妻高氏

顧淮妻陳氏

程景先妻瞿氏

蔣信妻顧氏

秦彥中妻王氏

何敬妻陳氏

褚聰妻錢氏

嚴文昌妻王氏

徐繼善妻夏氏

姚鏞妻戴氏

朱杲妻蔡氏

王尚質妻葉氏

唐霖妻朱氏

蔣勸妻徐氏

余伯雍妻蔣氏

徐斌妻盧氏

張鏐妻朱氏

劉寶妻許氏

沈常妻劉氏

聲妻楊氏

章本妻孫氏

徐完妻劉氏

丁森妻徐氏

沈坤妻何氏

凡三十八人皆守節以壽終未預 旌典
元

丘氏名端一礪之後家東始贅花林齊億億
早亡丘守節靡他元季淮兵寇吳下突入
丘氏其父遇害端一不得脫盜見其姿美
欲污之端一大罵不辱遂被殺

國朝

布政使夏恕妻鄭氏金之妹恕爲四川布政
抵重法鄭沒身爲某指揮家婢主欲

妾義不從至出金玉錦綺以誘之鄭曰此
吾素所服御者主強之再乃曰吾尚書夫
人必擇日行禮至期則截其耳主驚啓
蜀府命從其願遂爲尼以終身

黃迪妻蘇氏諱妙真父子茂贅迪爲婿踰二
年生子聰週歲而迪卒婦時年二十二將
歛之夕自縊屍傍家人馳救不死伏枕慟
咽水漿不入口者三日服除里人聞其賢
欲娶之婦聞以刀斷一指以示志內外驚

嘆而不復敢言終身不御華飭不預燕集
勤苦紡績以自給年七十七而終

王永妻張氏年二十五夫沒張舅姑憐其少
欲嫁之張乃掩戶自縊家人奔救止之乃
剪髮斷指以示信年八十四而卒

朱琪妻張氏年十八夫亡兄憐其幼寡誘其
歸將改嫁龔姓者要諸途張聞之適隣舟
自邑歸挾老嫗附舟得返於朱引針刺傷
右目以示志龔誣訟於縣令唐侯得其實

治龔而議舉將以事聞于

上以年未及而止

高通妻鄧氏諱妙春年二十二而夫亡遺囑
五月生子鼎家貧無恃妙春姪洪歲資給
之先是遇姑病劇嘗割股以進病尋瘥
行完粹鼎舉鄉貢欲上母節妙春力止之
壽八十三而終鄉邑稱為節孝云

陸茂妻錢氏邑之劔城農家女也嫁同邑陸
茂有婦道夫年二十二患癆瘵病家貧婦

紡績以給一日夫謂曰我病不起矣死後
汝歸父母家他適可也婦泣而誓不事二
姓歲餘夫病篤婦從母求得斗粟負之以
還則其夫已死婦哭之甚哀具甌飯而
祭畢遂自縊於夫傍實宣德乙卯三月六
日也

錢珍妻顧氏諱淑清元季張氏之亂游江川
掠舉家逃難時珍先妻邵遺一子名六人
顧生子名虎俱在襁褓欲負與俱力

勝乃謂夫曰胤子不可失當棄吾兒乃棄
虎于強家灣抱友安入江陰城七日兵退
而歸鄉里咸稱其賢方之魯義姑云淑清
後生二子友仁友義皆成年八十四而終
學士黃淮誌其墓

如臯縣婦盧氏失其夫名氏夫以役累渡江
逃入常熟居于邑之白茆市中盧與女並
有姿色居常並以禮容自攝市懸張島等
見悅之島世兇險橫于一方所禍人於死

無筭其黨倚之爲惡烏時得幸于太倉兵
備李副使 捕某以刑酷鍛之使承爲亡
命劫盜李以某無贓證却不受於是乃沉
之于海中島等歸議以盧爲妾以女歸黨
盧時宿于外舍知將污已夜向晨家人婦
入炊盧隨婦入厨中藏一刀以出與女泣
女先受刃盧繼自刃倉皇收二屍焚之埋
于圃中他日巡按陳御史 廉得之會邑
人陳其事御史捕島等至鞠之一問有

伏初盧三人之就害其事甚秘

以爲御史之明亦有天道云

凡九人皆以節孝烈行聞已載于舊志
氏母女之節尤偉故特表著于左

邑人篤行志

士有不爵而隆者謂其有長厚之德也此
性得行成不容強矯有

國之初常熟民習淳厚故老尤能言之其最可
稱者一人時以爲尤古之士也作篤行志

徐訥字敏叔博學有高行累世聚居輯古今
同居者爲集刻行之又取袁氏世範浦江
鄭氏遺範爲家規旦夕男女長幼聚一室
以飲食每晨列於堂下鳴鼓述訓警勵之
已乃升堂叙攝題于楹曰永遵家訓不耽
婦言人有善必獎勵以成之有過必爲之
覆掩有田百頃躬課僮奴以耕察其勞苦
未嘗加以詈讓夜大雨水暴漲壞防其僕
其獨往視水當缺處以身障之亟呼衆

之及僕從田間歸訥慰勞甚至曰汝不
士人之心豈可久役於我乎斥田百餘畝
以業之使居於旁舍不復待以僕隸家量
出入無二每歲歉必捐粟以賑當雨雪輒
使人問貧乏者施之宿賢好士常若不及
布衣大帶食無加味其言動行皆有繩矩
與人語必依於忠信孝友君子以爲有萬
石君之行按部憲臣守令皆禮重之詢以
民務卒年七十一號南溪翁子恪自有傳

邑人儒林志

自丹陽公北學魯中得聖學之傳載之而南士漸被教澤宜代興起於儒而常熟近代道術之士靡有登於史錄者豈非學者安卑近競浮末而不得聞道之要乎昔孔子以儒告哀公可謂盛矣故今輒以見聞以補志之所闕大抵折衷衆說羽翼聖經玩心理究成家言宜以儒歸之彼記問該洽經業專攻學者嘗推之矣竊以爲可附於其人作儒林志

宋

應綰字權叔本名絳字伯厚慶安鎮人登呂溱榜進士第學通理道本聖心著書因經以救宿儒之弊嘗提舉江淮茶稅充淮南路制置發運司運鹽公事終朝奉郎尚書職方郎中贈中散大夫嘗推先疇捐俸以賑族鄉人重其義有春秋新解三十卷易學有雜說未成書工歌詩蘇明允嘗贈詩矣其篤學好文於諸經有造詣

陳起宗字興祖少入上庠連冠多士文譽甚
重一日歸省囑同舍生投試卷起宗治書
禮記同舍忌之輒易以周禮迫試乃告之
起宗即以周禮試復第一登政和五年進
士第年三十七以徽猷閣學士知并州卒
起宗工詩瀟灑有陶謝風

錢俛字廷碩一字惟大弱冠舉於鄉考官徐
良能見其文義淵永意必老儒以為選首
及開卷大驚異之繼補太學生登紹興

十一年進士第授泰州教官除太學正從
容學省歛以靜晦人莫窺其際除宗正寺
簿太府寺丞宗正丞知袁州除祕書丞著
作佐郎遷將作少監除福建路提舉終朝
請郎年六十俛平生少嗜好沉冥書史藏
書數千餘卷皆手自讎校朱墨精謹於書
無所不讀尤精於易有文集五卷諸經講
解十卷易說三卷崔紫微敦詩誌其墓

張洪字宗海沙溪人姓侯氏父常遊燕不歸
洪爲邑人張烱所鞠遂因其姓十歲能誦
書詩既壯爲其隣所累戍雲南總戎知其
學行加異待時木邦刁于孟逐其主思倫
法

高皇帝命三司相度以聞布按二司皆以爲宜
置之待其自敝都司以問洪洪言思倫法
歸順有急不救無恩有亂不治無威今其
下叛亂可納則納可分則分時不可失

朝廷用其議擒刁于孟誅之而立其子納
思倫法于麓川洪武三十三年以明經除
靖江王府教授永樂初陞行人奉使日本
國二年脩茶馬舊政於番界時緬甸宣慰
那羅塔殺孟養宣慰刁木旦併其地代納
其職貢銀 命洪賚 詔責還其地立孟
養後那羅塔不服凡六往返始聽 命那
羅塔欲毒之不果與其使陶孟洛霞復
命時交趾未定事遂寢以薦入文淵閣與

脩永樂大典充副總裁官書成命主安樂堂餼恤事尋陞本司右司副洪熙改元進翰林脩謨贈其養父如其官脩

太宗

仁宗兩朝實錄宣德初乞致仕大學士楊士奇重其文學欲進其官以留之洪辭焉以病請 詔允之有白金彩段襲衣之賜洪有高才其詞敷腴典則不事藻刻而理自勝在翰林時文武 誥勅多出其手既歸學

益力博綜羣經會粹折衷羽翼諸儒所未及一時爲經學者莫先焉所著有四書解義周易會通尚書補傳詩經正義春秋說約禮記總類又有歷代詩選史記要語續文章軌範琴川新志攬轡集南夷書日本補遺志清溪集翰林類藁學選詩和陶詩小學翼贊詩共若干卷其書多散逸號止庵成化中與吳訥列祀子游祠

周木字近仁總角有高識居小學或問讀書

奚爲曰爲事君人皆異之既壯舉于鄉明年舉進士游心理性欲以學自名其於詞藻之業擯不置思觀政于工部奉命如河南爲伊悼王營葬還朝授南京行人司左司副司事清簡益務探索王端毅公恕時典留務雅知木始有進木意居久之吏部推任尚寶司卿不果用明年王適秉銓於是奏用木爲稽勳司郎中

志廟賓天預修本部實錄成有白金文綺之

賜命清文職貼黃特

懿祖

祧祭木奏言禮莫大於祭祭莫重於

祧凡廟之祭哀與樂平祧廟之祭則遷祖宗既成之主離合享久安之廟而入獨居不享之室比之常祭殆樂少而哀過然祭以肅敬爲本今祭涓晨與視朝時刻相連前禮甫畢後禮繼行雖有強力之容恐肅敬之心未免倦怠而不專不專則無誠意何以爲交神之本伏乞特降綸音免

朝庶乎

君臣上下精一其心以供祀事己酉歲奉

命持節如湖廣冊封 岷王會災異有

詔求言木上䟽論王者以民爲天書曰天
視自我民視天聽自我民聽民雖微其視
聽與天爲表天之變於上由民之不安於
下何者民之所愛者莫如財所惜者莫如
力江南之民困於財江北之民困於力今
則賦之重者或兼兩公役役之繁者或兼

苦於賦此天下之極弊不啻救焚拯溺而
不可緩也請 勅戶禮兵工四部將天下
諸司大小賦役自洪武正額添置者逐一
條出可因者因可革者革務在公私兩便
因者必杜其請益之門革者必絕其復開
之路并行淞江等布政司南北直隸等處
巡撫巡按官各條所屬地方一應大小賦
役凡有在外添置而不申部宜查出因革
廢置 時禮部灾下尚書耿裕 等于

獄木言禮部職司

天子禮樂且尤賓禮四夷 朝貢往來各有常
典煨燼之餘文獻無證將啓釁端今首罹
于火事豈偶然未可專咎于人而不知所
警也今之尚書等官乃股肱大臣

皇上所當改容而禮貌者設有大罪尤當徐議
而緩處之寧使廢退而不可使刑辱也臣
於耿裕等未惜其他但知位列大臣國體
攸繫頃緣失火荐荷優容繼求罷免今者

復置于獄臣恐群情不知有識之士皆
寒心耳木在郎署恪謹供職繼言時事識
者重其知體遷淞江布政司右叅政永康
民有訟府縣畏其豪日久不敢竟木至
決之且治其黨數百人理杭州前後二衛
戎籍發其隱漏而辨其枉抑人稱其明杭
俗葬用水火木惡之下令以戒立義冢于
三山予民葬木政尚體要以興化正俗為
首務有所建立風采動物時同省兩叅

周姓別木爲新叅相戒不敢犯作道南書院以處孔氏之裔修岳武穆墓復其墓且召其孫宇之闢候潮鳳山門路以便行者廷議推爲河南右布政使不果遷木自信厚高自標榜已積爲衆所忌而其所論建漸廣不能與同官爲順承坐是與察官不相能遂謀以傾木詔許致其事既去位論者欲爲木直之而惜其用之弗究也自宋季迨元吳以僭割偏安理教不競士惟

治文詞事綺靡鮮以理學爲務

明興吳文恪訥出厭末習病名教於是究心理要闡發正義其學自小學入字析章解寧爲切近而無深於隱奧所得粹然鄉邑尊之木自後出益振起之嘗讀近思錄而悟爲學之要大學自經朱子定著諸儒尤有紛更木以已見緒正不爲苟同晚尤好易於陰陽之消長象數之該攝嘗致力焉所畫諸圖因義文邵子之所命者而衍之縱

橫變置不害其爲自得其於洪範之所陳
配合皆有倫類木厚自韜抑凡其所著迨
久而未行木於親孝母不逮養乃數厚其
家與弟彬友愛尤篤於族人計口而給歲
費甚廣而其家廩無贏積也冠婚喪祭禮
廢已久木考古以行于家尤敦重鄉德先
賢仲雍子游吳訥張洪祠事皆自木發之
其書有易心逸說若干卷文集奏疏共若
干卷詞義高簡善古隸年七十有二號勉

思學者稱勉思先生

論曰儒者之學貴於適用纂箋釋談名理
皆儒之資也洪居編伍建平夷之策使絕
域折暴虜之氣木在郎署言一廟朝之體
叅藩省首風化之政其才亦畧見於用與
儒之拘陋者異矣洪之於經信有功書多
散逸而將亡木之書幸無恙而不勝平媚
者之衆然則儒之顯行信有時哉

陳九疇字公範弱冠即厭科舉習有志於性

理之學探索隱奧欲發先儒所未及嘗讀
周子通書疑其倫次無統因其遺文九篇
之語遂以其意定著爲九篇篇有解以程
氏之學莫大於求仁述求仁至言其說多
有所自得嘗有用世志時憫東南數被水
患而白茆廢不治爲述水利事宜一書以
告用事者而人不能用也九疇於象緯占
候方技之學無所不窺嘗與邑人錢世恒
入郡泊于岸下命亟移舟錢問故曰此有

火厄頃而火作延藝池舟有史漢學校備
甚精能誦之終篇集若干卷號悅齋居士
陳喆字成夫文村人隱居好學家貧無書常
入書肆耽翫過日即記時跨黃犢牧于田
間挾書以讀治春秋學折衷諸儒之說而
會粹之名曰集解學者推其專喆有高行
其取舍必以義務自韜晦不干流俗之譽
集解今行于世所著有北遊紀行雪崖集
居官一覽藏於家號雪崖居士子易別有

傳

湯洪字宗範嗜學至廢寢食汎涉諸經治書
尤精與邑儒講難衆不能屈爲提學彭衙
史勗所知彭論南士經學以洪爲首晚奉
鄉薦授江山縣學訓導陞祁州學正任不
得意遂棄去家窶甚劬書得目青吳士劉
欽謨以學自雄人莫與抗一日聽洪講歛
衽嘆服遂巡避去博覽強記人以書厨目之

吊孰縣志卷之八

常熟縣志卷之九



邑人文苑志

邑人鄧敦撰次

俗龐則思塞思塞則文敝而入于陋文之與政通固然歟常熟稱文物之邑宋已下登述作之錄可指而數比于近歲一二名士矯然起思振前風而易之然任自得者失之肆工擬古者失之詭躡躒時流以筆墨自名可謂豪矣世亦有不可以法度槩其平生者魏文

有言文士類不護細節嗚呼文豈易言乎作
文苑志

宋

王伯廣字師德梅李人登紹興十二年進士
第調湖州德清尉既有官祿家產遜諸弟
一毫不取試教官授温州教授再調常州
教授而卒年五十伯廣少工於文從
中生人楊邦弼學嘗道過臨安謁張作
賦張曰試教官乎曰基不習經張為

以文示張張大驚曰天才也即
魁教官精於詩四六亦為人贈多與張紫
微孝祥遊詩筒往復有聽雨集

周甫字次山

幼穎悟五歲讀論語輒引類以

證淳熙癸卯秋試主文郭頌取為解魁以
失書塗注郡守耿秉移嗣榜首遂棄舉子
業研精經史百家文筆凌厲操履慎重號
無碍老人宇文叅政經節館之以邊功累
官不就令孫應時甚愛重之精漢史所著

韓生傳章華臺記石頭城歌皆冠時所稱
卒年六十一

嚴煥字子文有俊才嘗與同里錢南試聖人
以人占天賦出場問冒題押何字南曰押
南占字煥曰余奪魁君第二果以首選登
紹興十二年進士第調徽州臨安教官通
判建康府知江陰軍遷太常丞出為福建
市舶終於明奉大夫煥文體整健於書學
精

國朝

林大同字逢吉其先長樂人祖松洲而下相
繼為常熟教職大同於洪武中以耆德薦
授開封府學訓導後被黜永樂三年叙用
洪武舊臣入覲以疾辭被賜宴賞予
勅以歸大同當國初譽望甚尊其文弘
肆行迤大學十徐有貞贊之以為張太史
之學博矣而猶以先生為博吳中丞之學
約矣而猶以先生為約先生之學其殆兼

博約而有之有非俗儒之支離躑駘者所
著範軒集若干卷

錢甦字更生剛挺寡合當元季居邑之罟里
村力田事學與陸子善鄧仲瑀傅則明衛
伯京諸人游以義理相切磋洪武初以星
變上言時政又上祭元幼主文稱 旨將
用之以疾辭歸將行

上賜之杖俾所過諭其吏民以 國家更化之
意後以壽終于家有遺稿三卷

唐敏字志學有異質年十三能誦五經歷澤
梁寧津棲霞教諭詞學典贍所著有詩經
鈎旨博古要覽寒碧歸田二稿子元

傅著字則明元季鄉試乙榜文詞典則見推
于時洪武初預脩元史史成 命爲常熟
教諭後官潞州知州卒著在史館爲宋濂
王禕所知其遺集有味梅齋藁

季箎字仲怡永樂末以經明行修薦任崑山
縣學訓導陞曹縣學教諭爲文醇潔有法

度詩亦清美嘗脩崑山崇明常熟縣志有
友梅集若干卷

張懋字時勉衡之孫以鄉貢士任鄞縣學訓
導教法爲士所悅服學旁有惡少暴鄉里
懋召至諭之其人爲改行後陞武邑學諭
致仕歸日事筆研以酬請謁其文質而近
理所著有遜志錄歸間集子堯民湯民安
民堯民字從仁治毛詩累舉不集邑俊多
受業其門舉止有儀色容溫然時之言教

考推堯民其詞率宗家體善字法
從禮治禮記邑中爲禮學者自湯民始少
英邁試久不利謝去性夷易中無城府安
民字從敬亦治詩性淳質無偽授徒以爲
業遇人信之不疑人察其心行不忍欺三
人者皆不喜治生而以韋素自足安民亦
好篇詠然並有士問故附著之

高德字以仁以鄉貢爲寶坻縣學教諭陞國
子監學正轉助教學行出諸學職右成化

初致其仕歸無以爲資售文爲給其文整
贍不浮與丘方季篪相上下子巽字良順
治經善於講辨鄰邑士髦多請學授潼川
州州同民樂其簡靜以疾卒於官

丘方字仲野東海侯岳之後攻古文詞其文
醇則無纖靡習正統初應賢良方正科授
江西泰和縣丞歷二考辭歸少師楊士奇
重之贈詩有清徹壺冰之語號松濤有集
若干卷子雲鶴字世騰以鄉舉授知湖口

縣有治才文筆勁健有家矩致仕卒于家
鄉稱爲西園先生

章表字翔鳳資豪俊有拔群志初與昆弟學
皆領薦表獨後曰必劉主靜典試吾首薦
乎他日劉主應天試表果名第一景泰辛
未舉進士選入翰林爲庶吉士每閣試輒
軋同進文譽騰甚高學士穀最愛其文語
諸當揆請留之館閣表不樂請他補以自
效出爲行人司行人陞刑部員外郎進郎

中考蒲遷廣西布政司左叅議居久之大
藤峽猛賊殘廣右都御史韓雍督師討平
之營中枯竹復生韓異其事爲築亭以紀
績而屬文於表其詞瓌麗卓越韓竒之議
薦而表恃才傲兀 官府道中韓不憚會
以考察去其官表歸里中無所事則喜事
生產又以居處逾度爲御史所裁年七十
餘卒號貞庵居士表文筆有鍛鍊工不務
蹈襲故弊而一出於竒古其卓詭間

樊宗師有集四十卷燬于火惟瑞竹草
名二記爲時所傳

蔣紱字洪章登天順甲戌進士會御史冒闕
紱被擢試事臺中以詳練見推忠國公石
亨有母殯朝士縞素送之紱獨不預袂色
服騎而過石使人問得之蓄怒欲以事中
之不可得李實以迎

駕功被寵眷爲左都御史進退臺屬如反掌僚
有前進與紱有故隙譖紱於實黜紱爲吉

水縣吉大邑俗視令政爲歛肆紱治明辨
邑人皆畏服郡守與紱同鄉閭以清嚴稱
紱與辨是非不爲之下改光山復以治聞
憲長嘗以事攝紱紱託疾久不往會王尚
書翽爲吏部雅知紱召入將用之擬爲大
理屬有旨命理卿保任時憲已長寺持
故恨章不上王謂理寺侵官沮選法紱亦
不果用王既去位紱不得志解職以歸肆
志於學博覽群籍悉涉其流文詞莊密

學趙孟頫又深於醫理有集藏于家子鈍
字子礪有俊才詞筆健爽厚自許爲大名
滑縣學教諭卒

桑悅字民懌父琳自有傳悅生有異質讀書
兩行下總角善文賦自高其才矜然以爲
無倫年十九預鄉薦試禮部不第入國學
祭酒得其所試君子避三端論大加稱賞
又試于禮闈其策語有刺時事知貢舉官
見而惡之黜居乙榜例出爲教官得泰和

縣學訓導悅教士不責以訓誥程試以古
學迪引之士始訝其迂後皆悅服邑有文
士數人悅與之上下其議論相切劘爲文
章又時越境往訪諸閩士監臨知其人皆
折節傾接禮爲上客不問以學事終忌其
才莫有理之者考滿謁吏部王尚書怒惜
其久滯爲遷長沙府通判時潭倅有佳士
以遷客寓王慰之曰吾與子好伴不久召
子矣悅職領糧事豪猾多侵入積逋常三

十餘萬逮繁滿獄悅盡心理欠賦旋入而
俗吏類謂悅但文士催科非所長悅自笑
曰是著名我必欲以敲朴登賦府判官於
此未可以歲月待也乃作賦以弔湘纍賈
太傅自見其志其詞曰歲成化之庚子兮
予較文於湖湘懷先生之結懷兮敷纖詞
以明敷惟先生之啄菹兮已翩翩乎天梁
夙覽光於河鼓兮憇翼於扶桑金鳥翼以
刷羽兮冀燭昭而有暉雲鬣鬣以比颺兮

六冥而糝霜吹吾霧而薄冥兮俟靈霰
於下方詭九疑以刺天兮邪莪莪而挾場
守羈的而不貳兮尋三后之康莊前荆棘
之蓄鬣兮後魑魅之動勦循荒澤而沉吟
兮目湘水之洋洋覩沉光之閃矚兮魂恍
惚以周章倩馬童之餘沫兮下寄聲乎真
陽審同異而較真贗兮猶結襪而昇竦仰
蒼昊而雪涕兮見雲颺霰霜之縱橫吾豈
不能戴太階以爲冠兮紉七襄以爲裳乘

六氣以爲馬兮抹匏瓜以爲根宅太虛之
精鑿兮棄塵世之糝糠慨宗國之一帶兮
逝將去而彷徨雷隱隱其發聲兮草木無
知而坼芒伸悃悃於九歌兮庶十脫而一
償黜翳翳莫予入兮猶格菸葉以清商時
蛻皇祖之餘熱兮颯然冒之以寒涼羗肌
骨之獨凜兮衆營窟以自障觀時晏而歲
暮兮心袞袞不如以無生賦懷沙而湛淵
兮併靈湛而俱亡吾安愁愁以長逝兮蓀

或激剔壅以自強餘此心之不朽兮與元
氣而頡頏果超無爲以至清兮與太初而
爲鄉初先生欲質重華兮陟幅幘之茫茫
操智楫而北征兮泝二典其室堂挹皞皞
之至和兮易侘僚之心腸世鉏鋤以難入
兮晦山澤以徜徉惟生中而死過兮準難
易以相當難先生之一死兮配夷齊有耿
光曰丈夫生懸弧矢兮壯有事乎八荒習
逸初於方春兮偕九有以樂康紛瑋瑋以

盈肆兮自珍襲乎璆琅擊磴磴以相
謂鳴鏘爲不祥濯山泉以儲潔兮栽皇
而擷芳予爲先生之易兮與巢許而同歲
湜星沙之莽莽兮中有江曰汨羅惟靈均
之往湛兮衍千古之清波何先生之埃罪
兮正靈均首丘之所都投雄辭而慨吊兮
暴情棕之陂陀珮帶遺乎蘭蕙兮衣裳留
乎芰荷儼騷經之滿目兮邀予辭以相斂
赫炎漢之方隆兮匪弱楚之一蠹穩機衡

以乎運兮午聳灼乎羲和飛脩壙而肉薄
兮手排挾乎嵩嶓驅颺颺而比健兮豈暇
息之微瘥本根豐而孰孰兮亦盤翳乎終
柯鬱鬼旄之拄天兮入剪伐而么麼倒
屨之上下兮視蟻垤而嗟峨僉譚譚以
語兮獨已淚之滂沱醴黃潤以成匹兮
欽止乎龍梭左控搏乎南威兮右撫抹乎
姣娥憐陵華之竒質兮弄光景而逶迤
馳驟而守閭兮夢天山以秣禾賦旱雲

吐臆兮惜來日之無多悲崦嵫之易暮
慨致鵬之非囿團圓土之汶汶兮鑄寶鏡
而爲模堯空言之際遇兮的夜壑之鸞坡
予又倅先生茲土兮後千載而刹那遭
聖明而獨詘兮胡今古之同科審人生之窮達
兮直寒暑之經過委吾身於造化兮任刀
抹而香塗紛世紛之變幻兮消長袖之佳
篋予將釀沆瀣以爲酒兮味淪陰以成鋪
井都嶠以爲嘯兮陟委羽而高歌至息慎

而默默兮欲反觀乎太初終吾生以泮與
兮補先生之婆婆竟以催科無課調柳州
柳民夷錯居悅柔之以簡易特以誠信其
人皆歸心焉左都御史鄧廷瓚鎮嶺表常
收之幕中特以客禮自以父居夷若柳氏
知不復振遂以疾請歸家資益落門人故
舊來南多賙助之入手輒盡不復枝所餘
時海上盜發常熟令計守道柳進士也嘗
師于悅迎致于廨舍餽給之無何卒年六

十有五子阜早喪無子令爲具棺

于穿山悅志高遠初欲以功名奮既與

齟齬又被擯抑遂一發之於詩文其詞瑰

麗汗漫間以晉人言語風度形之篇章

間而其議論行已亦畧似之中歲後頗

華繪趨於平實探索理奧於易春秋周禮

皆有傳解其說多本之儒先不務出於己

其集凡六十餘卷遺集二十卷草書流暢

法懷素行楷有姿韻宗晉人號思玄居士

族弟翹字民起瑾之子少好學卒踐世科
累舉進士不第授江西萬安縣令俗好持
吏短興些言議翹吏行修謹議刺不及邑濱
江城久壞翹置浮議迄城之後大盜起饒
撫萬安有城無恐陞泉州府通判翹攻古
文詞頗好竒僻時倣兄悅文體波瀾衍裕
不及也其承家之孝稱於鄉士年六十有
七卒所著有寒青集

論曰吳士言桑氏之學本莊騷而他文有
不及其論信然夫莊騷善言物理卑名實
其文豈易學哉悅晚歲潛心經術有書盈
篋非苟以所得名盖有紹述前儒之志而
以支言爲諱矣君子讀而悲之彼有以文
自命因陋襲故以尺度體裁爲工力不能
繼蕭然稿喪讀桑氏之文汪洋恣睢譎恠
間見暢極而止其氣有餘其長豈可掩哉
悅好以氣駕物其中隘故其詞廣惟楚纍
有之豈惟文於世也畸其身亦坐是遭抑

云

陳宏字德容以子行珪之子才藻敏贍少有
文名以貢入國學念母老請于國子先生
願歸養國子先生嘉其志許之宏自是不
復出他日有司以詔恩致章服宏拜賜
藏之不御以授徒綴文爲親養嘗學于吳
訥吳亟稱之所撰給事中姚善墓文特爲
人所稱詩亦律度圓熟有集二十卷訓釋
伊洛精義歷代序畧補遺又若干卷子播

見義行

陳蒙字允德穿山人博雅好古性豪邁恃才
不輕爲人下於文詞皆通而特工於詩宗
中唐溫翫流安類許渾以其長名吳下聲
籍甚嘗游杭之西湖詩人皆會限韻以賦
蒙詩特工坐客皆奪氣有育菴集泛雪藁

邑人隱逸志

仕與隱一道也惟道全而器周者適仕隱之
宜史之作有隱逸以爲冒進懷祿而自掇悔
尤者設耳長沮荷篠謂之廢士而忝名教漢
已下肥遯之士類可數若司空表聖邵子堯
夫其最賢乎表聖道高末世不爲一禮部尚
書而蹈節中條堯夫學具皇王逆觀時事而
甘老洛下進退之旨有隱顯焉常熟自昔稱
多士彼以隱爲高者代有其人準諸史之所
謂隱逸者誠有間亦足以律頑而敦競蓋一

邑之高尚也宜並存之作隱逸志

晉

瞿圃先生字磻子晉太和末居宣城文春
中桓温與其僚嘗造之見其被鹿裘坐
室神無忤色温異之乃命從事伏滔爲之
銘贊而去事見晉書隱逸傳

宋

胡暉字仲連世爲婺之永康人因祖葬吳下
遂家縣之塗菘暉姿稟澹泊恬於世嗜步

趨言動皆有尺度而賓嘉喪祭率遵古法
退處于家與方子通林祖德放浪泉石之
間居五柳園中松窓蓬戶植竹疏沼兄弟
雍如父子論學二小童供薪水役客至談
話終日不涉世蓋隱君子也建炎登極特
命以官一至銓曹授廸功郎欽州安遠尉
辭不赴其父稷言作五柳堂至嶧又取杜
子美宅舍如荒村之句榜其堂曰如村因
號如村老人紹興十四年十一月卒有詩

鍾璇字振遠一字叔齊縣人六歲而孤育于
繼祖龍圖學士林適適家多書因得縱觀

焉與其孫璟瓌瑒同肄業課率先成後璟
三兄弟並登甲辰第璇遂棄舉子業取所
藏書盡閱之 侍官天台一日游巖谷間
遇異人手列禦寇書揖而與語坐盤石指
一泓定水曰此水滔滔乃皇極大中之道
語久別去自是有所省悟放浪漁釣間築

室梅李所居多時香草自號藥圃隱居閉
戶者二十年家雖貧殊不戚戚然有求者
解衣分粟無靳色知建康唐侍郎瑒自留
守歸寓梅李往見之遂爲忘年交浙西倉
徐常丞誼吳門守沈侍郎揆皆造其廬以
竒人目之范叅政成大等嘗薦之于朝不
報卒年五十二有藥園藁山中錄續孔白
帖秦漢以來鍾鼎竒字藏于家

元

黃公望字子久號一峯又號大痴道人本
氏子少喪其父母貧無依永嘉黃氏老無
子居于邑之小山見公望姿秀異愛之乞
以爲嗣公望依焉因用其姓性稟敏異藻
思日發應神童科長乃博極羣籍其學無
所不通浙西憲司辟爲掾史憲使徐某禮
重之然非其好也一日着道士服持文書
白事憲怪而詰之公望即引去自是絕意
仕進放浪湖海所交皆當世名士開三教

堂于吳門高僧方士多執子弟禮遊錢瑱
與陳存甫論性命之理公望曰性由自悟
命假師傅陳云不然性則由悟不假師傅
命則師傅必由理悟公望服其言愛杭之
南山笱箕泉結菴其上將為終老計已而
倦於應酬歸富春八十六而終善畫山水
師董源晚年變其法自成一家其峯巒多
礮石筆墨高雅人莫能及公望居小山人
以酒發其高曠恒以一髷臥於石梁面

飲飲畢投髷于水而去卒悟山水神
村人發其髷殆盈舟焉山下有黃氏相傳
公望之後

王珪字君璋其先汴人珪天稟靈悟博覽載
籍悉契其旨尤深於凝神養氣之術嘗以
材異辟同知辰州珪隱居養親辭不起中
歲築室于虞山之間澄心觀道益有所得
其居曰中陽丹房註道德經撰泰定養生
主論還原奧旨原道集四書道統山居幽

興集善鼓琴又工畫布置繁密意趣幽雅
趙孟頫器重之號中陽老人晚辟穀年九
十餘而卒其弟子高敬齋亦知名

國朝

徐洪字彥弘家富甲邑中號徐半州洪尚禮
好士時之名勝如楊維禎倪瓚陳基輩皆
延致之又以博雅稱元季吳中豪右多踰
侈國初更化彥弘諭幹人潘珪曰家之
廢興厥有常理吾家業盛矣必有代謝令

將令此而去之爾宜有吾志遂舉
虛券授珪獨享妻子築室宣化門外先
之側布衣蔬食謝遠交游自號桃源小隱
年九十而終

邑人藝學志

藝爲君子所不廢邑之盛也士有餘力治詞
翰繪畫有卓然成能者焉然往往有士行風
韻以發其趣博雅之士尚之作藝學志

元

時太初字大本博學有詞與楊仲弘于壽道
為文字交嘗仕海昌其官

繆貞字仲素好古博識隱居不仕中吳間士
皆禮重之善八分小篆追踪張有正書尤
高古致道觀虞山福地四篆字李烈士碑
隸書其蹟也旁有正書題識尤佳為俗所
流斷之可惜所著有書學明辨行于世
謝庭芝字仲和號雪村家于任陽善書畫山
水竹石各臻其妙詩亦工

國朝

張衡字以平詩筆清麗書法適美被徵入京

師書 誥勅以老乞歸子繼字性中有醫
能

鄒胤字會元忠公浩之裔有清才書學趙孟
頰得意可亂真兼善篆隸以薦為四夷館
儒士

張緒字廷端姿豐秀居鄉校有才名以薦為
會昌侯府教授詞筆通贍楷法端勁善寫

墨竹亞於夏太常景緒之後以詞墨稱者
有周宗魯周澣薛章孫詡朱天宥王授
宗魯字宗道沙溪人和易有清思律詩殊警
拔以貢未仕卒

澣字時顯和敏得士愛爲吉安府學訓導卒
于官善草書超縱有神正書小字清媚可
觀

章字大章梅李人客游吳淞山水間一時名
士皆賓禮之律詩清婉亦善雜文

詡字甫卿性豪邁業古文亦善小詞與章
學張雨書皆場屋士詡尤利捷後皆以隱
終

天宥字洪恩攻舉業累膺薦送行已有意趣
正書學沈度草倣解縉以酒致疾卒

金黼字用文嗜吟詠書清勁畫山水梅竹蘭
石有佳趣號竹泉生

陳儀字羽伯舉止有儀檢通篆隸能鑒古器
物弟仔字時佐有四裔考異蚤吟續響集

子佑字惟孝篆刻尤精亦善鑿古有小篆千文

林宗字思考大同之孫與弟完俱隱居事學並善楷隸子儒字應良傳字應祖通家禮邑之治禮服多質之兄弟亦善篆楷同時有袁惠字弘濟性亦和謹習禮容熟于鄉射儀以壽得章服

陳珪字伯珪元大孫務學不希仕進有清思師米氏父子作山水筆意高雅頗自愛不

輕爲人作洪武中嘗居京邸夜有鄰女款珪珪正色拒之邑有朱某聚衆爲亂珪設策擒之子允文居鄉有隱德後進見之多拜于庭下能詩章亦善寫生

朱祺字孟祺行已方雅有高韻畫山水能兼諸家所長名籍甚號拙菴居士子佐字廷輔侃字廷直能繼其業並精於人物佐入京隸畫院侃山水師夏珪尤超逸早亡佐之子蒙亦以畫名

盧景春字以和清修違俗居城西繞屋種梅
善寫花竹翎毛梅入佳品號燕居

范禮字宗嗣善畫山水師馬遠

錢復五衢人清逸不羈亦能書畫師董元入
能品

瞿杲字炳暘五衢人性坦率無畦畛嗜酒落
魄自號醉漁畫花鳥有名蘆鴈入高品亦
能詩後隱于澄江之龜山杲以藝傳里人
錢祖蕭完祖性趣亦類杲蘆鴈亦佳完次

之

朱士謙工於寫人物設色精古可並古作

蔣宥字朝恩儀觀清雅善畫人物巡撫朱都
御史瑄薦入京臺閣鉅公皆延致之衆推

應制寫

御容宥以草野辭宥之作畫家推爲高品

吳麒字瑞卿性溫謹善清言從隱士沈周游
識度開朗宋元名家舊蹟多所規倣臨筆
尤精

李子安善寫真子文奎奎子躍能傳其業
楊士廉善草書能斲琴

王鳳字舜儀師于蔣宥亦精於人物兼工雜
畫其筆有逸思時有張宏儒畫學趙千里
邑人技學志

伎之至者有益於人國漢尚圖讖而專以占
候名方伎夫醫卜觀象相方其事著於經非
伎之要者乎然非有學識精思而有士人之
行未足以與此常熟之技術衆矣合之前志

得若干人作伎學志

元

趙元行精於星命取人之生年月日轉數至
時得五行之數併以安命所屬水一火二
木三金四土五日六月七過七五除過九
七除用零數所配一星爲用斷人壽夭休
咎多驗

國朝

顧顥字昂夫邃於醫嘗徵入太醫院供事尋

乞歸顯通儒書有士望綸巾羽服出必以
籃輿挾書卧觀貯藥遇有求者輒予之有
遺集梓行顯之諸孫樸旻翺恩並精其術
恩字榮惠尤明於診視其學多祖朱彥修
匡忠字體道其先山東人以醫仕常熟遂家
焉忠讀儒書精醫術子愚字希顏以能醫
被徵從中使鄭和三海外諸夷歸老于鄉
房伯珪號東野精醫理

郁繼善醫有名砭熨之妙得之鳳陽劉伯淵
伯淵得之竇文正公子鼎文世其學嘗被
簡使西洋國授蘇州府醫學正科孫蒙貞
宗亦以醫能爲邑正術

趙璧馬中皆善醫中隸太醫院

周煥文世業醫成河間代歸其術盛行于時
施緒字功永顯之子有醫名

凌伯川號中和老人以儒醫鳴淮上後卒于鄉
張思字成學兄恐字淵學弟恩字榮學連山
字志道並溫謹有醫譽同時以兒醫稱者

有夏寅賓賜以鍼灸稱者有瞿奉希董
馬天用字遂良精地理術被薦入京試藝居
高等

太宗皇帝居藩日天用入見應對稱 旨賜以
睿翰

徐堅字伯溫習天文能詩以藝仕欽天監

蕭鳳鳴奎伯父清重有士問精地理術

徐佐字朝卿弟儀字朝端堅之後並通陰陽
地理學佐有士行慎取舍嘗浚井得錢盈

萬以爲妻家所藏也揜其井召妻之弟
盡以歸之儀善詞章教授里中禮于有司

邑人林士志

士無論隱顯凡有善不可使無述於後世恒
較事功崇名位於寒畯里彥紀載獨畧非君
子予善不遺遐隱之意志之續索於韋素之
士得若干人其淳風雅操往往有可觀者作
林士志

元

黃錫孫字禹疇少明敏事學長勵行檢居窮
不易其介善爲詩有穀山集子進德明德
修德皆以學行爲本州教職

曹貞字元度陸莊人與族人善誠以義稱貞
元季喪其家資去游湖海上寄意詩酒終
身不娶有十洲三島詩傳于時

陸景元字子善行義端飭博學有文其詩高
古有思致隱居城市凡游寓間士皆來
交多得其力州牧縣長禮以爲賓

鄧士瑛字伯瑀其文學行義與景元同士
遭亂不仕與錢甦輩以學相命吳訥序
文推士瑛爲前輩二人事行多遺僅見於
林大同張著集中知其爲鄉士之賢者

朱鏞字子新世有豐產鏞折節攻苦讀書無
統綺習至正末家燬於兵鏞視覆敗不以
介意挈妻子隱於城市後又避兵居長洲
自號笠澤漁者隔遠人事不知所終

論曰時當屯塞不可以出惟有學行自薦

此居窮之道也景元士瑛有之處豐用汰
為衆所擬時事已去鴻飛冥冥弋者徒莫
貞與錄有之

朝

郁瑞卿性敦直慎於取舍初為州戶曹富人
徐忠以數十金為賀瑞卿堅拒不受或謂
彼以禮餽非有所為也柰何不受瑞卿曰
忠為富民官有所徵必先及忠吾受其餽
而不已其徵此非人情也不若先事

瑞卿洪武中以壽卒于家

陸祺字龜年博聞強記隱居以壽終號雲巖
翁

王珙字廷珪以積累致富然秉禮好善喜近
賢士亦工詩有竹居集傳于家

陳彰字天章蚤歲以家累戍雲南武弁重其
文行遇以殊禮老歸于鄉永樂中嘗進為
君難大禹勤儉自謙二疏所著有古齋藁
計嗣字蒙正東湖人屬詞有理致治司馬氏

通鑑有叩請輒舉之終篇以書覆之不遺
一字行亦謹介鄉俊多學其門遺文有蓬
庵藁

連璞字魯質其先北平人父德忠仕元爲江
淞漕運萬戶洪武初徙實鳳陽沒于其地
母劉氏攜璞歸常熟璞少勤學鄉邑文獻
多所記識邑有纂輯璞與張規必預焉

張規字運生著之子學行能世其家
鄒永年字士能宋龍圖閣待制忠公浩之

居於邑之東始孤介絕俗繞屋種竹
其間不營俗務

衛楫字宗濟浩之子端介有父風以學授于
鄉

徐駿字叔大博綜典籍善爲儷偶之語有對
類總龜行于世行亦修

吳諤字正德訥之弟有士行

周鼎字季新性靜退弟士良爲御史鼎欲杜
遠人事徙于邑北郭外以耕稼爲業母病

十餘年侍養無怠嘗其惡以驗疾處友先
擇而後交行無詭隨以是與人寡諧里人
有被誣抵死罪鼎知其枉爲爭于縣令而
釋之自號最拙翁子琳字以素通敏有才
器家居好延納邑士有資望者皆樂與交
相與餽遺之其遇族有義能爲小詩諷刺
時事後以輸入補散官號如軒老人鼎之
孫澍

澍子時望早失怙識度凝遠如成人長

世中好爲陰德事訓術姚義者險詖
以口吻中人嘗欲代收徐氏官布不得造
俚語譏毀異得流布以傾其家澍聞之曰
此小人習不可使長爲力寃其所從而斥
之醫人沈恕暑月疾革其子謀售其屋以
殮鄰人王某者幸其喪故折其屋價澍施
錢二千以賙之屋得不售譚虎者無子納
婿以養暴鄰誘賣其女於娼家婿暗弱不
能爭澍與義士周棠共訟于官以資贖女

歸譚氏族黨有婚喪貧匱類有所助嘗受業于邑儒湯先生洪湯年八十無子依其婿郁氏以居澗年已六十餘執門人禮甚恭歲遺以衣米綿炭復月遺以錢爲蔬菓費終其身無少懈

李希潤字子產隱居北山龐質簡靜提身以善處富貴無驕肆之習鄉邑咸重之

桑宗道號野雲道人恬淡無競舉止閑雅嘗遇雨行無疾步好道術多所悟解農有

田間爲物怪所擾乞宗道符篆揭之茅舍得安寢覺而窺其外有黑虎蹲其旁怪遂息其行己端厚人目爲德士

論曰君子之居鄉興懷前進謂其風習之淳可尚爾瑞卿等十三人有臨財而知擇近勢而思遠強學耻於無聞行義及於不報皆非有所爲而爲者其習之淳可想見焉

桑琳字廷貢宗道之孫居於穿山平心率物

見者敬愛履行任真不事表襮博涉文史
詩瀟散簡遠有隱趣字畫清美所著有蔗
鄉雜詠鶴溪集鶴溪其自號子悅見文苑
蔣綺字洪煥以儒士累應科試爲長洲劉氏
館甥劉故聞族諸所往還多名士綺用是
器識開發辭令舉止安裕詳雅後歸常熟
以隱爲高目言數年得醫再明終日披覽
不倦其詩文沉鬱有密致晚以子欽貴被
封子以言死職綺能自開慰歲計累不入

處之晏然行爲鄉人所尊號瞻梓翁卒年
九十六

周匯字行之隱居支川以文史自適與桑琳
昆弟輩爲詩友其詩清婉有韻集曰漱石
藁子楷倅袁州作爲攻節要勗之同時有
俞憲字民度趣尚高雅以詩翰見推於時
錢昌字允言性方嚴好禮邑士推重之博學
攻詩其詞溫麗有律書學宋克

蕭韶字鳳儀該洽有俊才其詩多警語居族

有義問年三十餘卒

論曰邑以文獻名其處士可知已琳匯昌
韶以詩流譽綺以學待問然皆有行以副
之而擅林丘之樂安得復見斯人哉

姚榛字叔用給事中善之孫隱居務學博綜
傳記性淳篤不飾貌以悅人有司行鄉飲
禮榛爲大賓善於永樂中採木卒于全州
湘山僧舍逾五十年榛悲感授徒得資屬
弟鶴迎其柩歸葬于常熟士林義之以

詠其事年八十餘卒號友荆居士

陳九韶字公美九疇弟謹介不與俗接記覽
精博以書得目青隱士沈周贊其像以爲
介而能和其子修字子身徧誦五經亦有
世德家居晨起營薪水卑肩其戶不入一
客其狷靜若此

陳稷字允材祖繼芳父叔維號市南清隱皆
有耆行稷性稟淳懿所居近廛市不爲俗
遷居常好以禮容自攝治田以自給不事

望鏡聞市人履聲即之輒引去時爲章詠
凡觀省有得率寓於詩平生耻言人過失
喜愠不形鄉飲與親舊招集皆不赴安常
履善以壽終

張繼字克紹其先金壇人曾祖天民號鶴溪
翁有高行祖彞字德常以才諳仕嘉定令
松江府通判官至淮西廉訪使父子並有
詞行與楊維禎鄭元祐李孝光倪瓚諸人
游父寶洪武初仕咸陽令罷官徙常就之

尚湖繼生焉長清修篤學授徒以自給
統中有司以賢良方正薦辭不行詩園
尚律字整媚可觀號正庵有正庵集

嚴芸字允芳其先江陰赤岸人祖志道大理
寺寺正父雍有隱節工篆隸贅常熟張氏
生芸狷介寡儔邑士名隱居率通人事應
羣集芸獨不出訓徒室中巾服儼如縣令
公廨強市其地令召芸來領地價芸辭曰
某平生未嘗造縣庭難往見也令笑遣吏

以地價歸之他日令以抑市地使人來諭
將撤其茅苦易以瓦芸辭曰先人舊廬安
之父矣令重之請爲飲賓謝不赴善大書
篆隸有家法

陳天麟字祥夫大父繼宗字復本父表字世
望皆業儒有詞學天麟孤獨自將不與
偶嘗事進取不利輟不復事教授居里中
晦其所人鮮知者家清窶居之甚安宏
其室左未炊天麟與之談益欵諸

生尚未飯客乃退繼有至者待如初
逼市廛其左有坊門右有小橋足跡不及
者二十餘年或居橋外強之夜飲過焉愕
然嘆曰今乃至此乎尤悔其出也以書養
親親亦安之其取舍辭受必度於義有古
狷士之風知邑故事嘗預纂集之聘卒年
七十餘

論曰榛九韶稷繼芸天麟六人者其性靜
其守固游于蓬籬以善自足故不可得而

辱者也

桑玘字廷珪長厚士也學醫於外家施緒能盡其術有名于時晨興病家集其室予藥不問貧富良賤邀之視不以數爲難有以簪珥衣服爲酬玘必辭之曰此女婦所惜失此將益病吾力能具藥何論報也邑有暴令以醫故特禮玘玘於邑事多所匡救有絀於法者從容爲語出之其人來謝拒不受掩瑕譽善不置德怨昆弟皆邑彥衣

冠每集人皆羨之子榮華榮字文耀
玉立宅心坦易氣宇和粹棄家事不問
詩畫詩冲淡有逸思畫善墨竹華之子鳳
性行和謹有二父風哀訪家集如不及能
世其醫云

孫艾字世節南京刑部員外郎紀之子通朗
有俊質累舉弗利遂棄去事博洽風情流
暢不可嬰以世務家有豐資艾用之無靳
惜獨嗜名畫玩噐所遺留者皆是物有來

售者必收購其費不貲以善鑒稱雅愛客
客至無不禮接或留其所終歲不厭故舊
在羈厄必爲之極力紓救所居近虞山發
其幽蔽剗剔崖石導泉以汲游者家有園
亭水石之勝中歲產落而營構不已遂以
好事聞于東南雅好吟詠詩多律體又善
爲南詞畫法巨然布置蔚茂有佳致晚
子舟貴封工部主事卒年八十有二號
川翁有西齋橐梓行

錢潤字惟霖布政使昕族弟性夷曠席有豐
業不以家縈懷獨喜近林藪詞墨士與邑
善詩者爲吟社每月集于其家遇風雨必
遣舟輿迎之客至出所業評竄夕而後散
時以醪米餽遺口不及俗事人或犯之茹
而弗校以是歲租常不入詩溫麗可誦書
倣宋仲溫

王韶字鳳儀蘭之子居邑之南郭外終歲未
嘗入城邑王氏之先名有家教韶敦行以

率其族人倡睦宗會月一輪集以申勸戒
有率教者雖幼艾必進而禮之宅心平恕
不殖貨利言行皆有繩矩鄉黨推重之

繆沈字公濟隱居城南行誼端謹為鄉飲賓
呂庸字時中資專敏該覽羣籍以筆墨治生
為道釋為應用之詞麗贍可觀性簡率有
所造留之不拒飲輒醉士皆愛厚之以壽終
季鶴字聲遠治經學有名以儒士連入場屋
既老不出以講授為業舉動有儀見者加

敬弟子從之學有取名第以去晚以耆

禮于令長委之纂集時稱能事詩語莊麗
有松雲葉藏于家

夏元玉性謙厚與物無忤館授于外開道懇
至諸生悅服淹記載籍其詩婉麗有佳句
李第字永錫工於詩其詞清拔弟樂並隱居
授業以高年終第子應夔應虞

胡埜字章伯母病哀籲于天乞減年以益其
壽親終勺水不入口訓徒于家雖暑不釋

祖居家方嚴有法每日月蝕必率子婦具香燭拜于庭復明而後退其子習允世守之時之言教者稱胡氏

劉昇字仲昇其先歸德人宋有以都統制鎮許浦子孫因家于常熟昇少以開敏聞鄉曲縣庫灾縣令將歸罪於下昇白令曰罪非已致固當順受柰何陷無辜於死地令愧而止令彭瑛沒於官妻孥無所歸昇為之僦居營其途費而送之時人以爲義

范欽字崇望居潤室能下士鄉多豪族數侵茹而弗較邑有役常以財爲佐親黨以匱告必賙恤晚好章詠庭有巨石時嘯詠其下自名一峯居士遂以名其集

徐綰字清甫恪之子樂易有文恢達好士謹法自愛人犯之弗報淹記國典以襟量聞王訪字啓道鼎之子性行端和辭令可親好山水與其友趙欽敬夫爲游侶欽有逸趣並善詞墨

余銘字新之邑校生周謹自好力學異科名
累被薦不得意以疾卒嘗議婚妻後喪明
其家請罷婚銘曰夫娶者豈以貌哉卒娶
之待之良厚銘與人交有信義取舍無所
苟有不當其意必面舉人皆服其義
論曰玘之技良矣而以性資重艾之間肆
矣而以才情勝士各有所居也潤處富而
勤游藝之志韶承先而厲保族之道其尤
有世德乎彼有厚挾而以茹納爲賢

而以教席自重此皆不失爲士若夫性本
清真濯然完璞榮獨能之厚於倫誼不以
媮俗置念於銘亦已難矣

義俠志

史遷傳游俠謂其言行必於信果赴人之急
而不矜其能羞伐其德比於拘士效功當世
不可同日語又恨其人湮沒不見於世常熟
盛世間左之豪其恢度顯名郡邑者得一人
焉有赴急之仁無怙肆之習而行過於士夫

故以義俠名所以予其善也其末附一人取其有是氣足以行其豪其行誼取舍非所論也作義俠志

國朝

劉倣字以則穿山人父檄以資被推長鄉賦周侍郎忱理江南財賦思得有幹略者用之令郭南白見檄等數人周每寓鶴山書院檄等每入見不通謁周臥榻上與語若家人然檄已老倣任父事名有襟度時與

倣埒者十有八人他日令以單起遊倣事倣不平語十八人者曰吾與若為彼事即有費均任之何煩此曹則吾輩也衆曰諾邑有水旱災未上倣輒陳于官官素義倣多見從同輩有病民畏倣議正為少止其寓舍臨渠上人有以貧困喪葬及官累歸于倣每日晨候于門伺其出羣拜以請倣振財分給無空返者語有公事者曰且從我詣縣汝再以情告我我善忘也既

受縣事將出乃攜其人以白于官委曲紓
救吏有賕則以已財予吏吏以倣不敢較
由是閭里皆稱其賢僧會戒定居慧日常
有游客倣語定曰但有羈窮官以告我一
日有二舉子至今甘澤鄉人也令暴定不
敢白二客留其所久之戒因語倣倣訪之
時天大寒倣爲治裘絮昇薪米食物積庭
下二客驚喜過望居數日爲二客置酒集
十八人者私語之曰令有客使寒餓

土地邑誠無人乎治其裝費五十金衆
以力爲助可二百餘金客既去竟不以聞
于令令終不知也檄之沒倣使人以禮幣
如京師請顯貴爲墓文哀輓文既得無以
當其意邑陳生者故金州學正陳廷珮子
也與劉有舊一日造焉倣讓之曰先故人
子乃獨無言於義謂何陳退爲詩攜之以
徃其詩有兩京冠蓋知名久百室飢寒感
惠多之語倣大喜撫几高叫曰我厚致金

帛爲先人請曷嘗有是詩先人不亡矣留
數日禮意篤至問陳來舟安在出視之曰
是不勝載以家舟載米百石而送之它日
見客輒舉陳詩以詫京兆杜董工詩畫游
吳中客陳蒙所蒙謂董不可不一見使來
諭意傲邀之董至見其簡率大悔欲去館
賓篤留之越三日傲自邑馳歸見董在大
喜曰允德以其能禮士客一去其何面目
見士乎治豐具始以詩畫請董辭去張夏

以何素上設小奩置三十金揖曰某有久
累多不逮先生其母較也董喜語人曰人
固未易知也傲家無留蓄有田數千畝以
其入爲好事費常不足則稱貸以給或疑
傲與官交私以公帑佐用度然彌蓋不見
其迹其心無伎害畏物議未嘗撝取柔弱
官亦聞而才之金山寺火王僧求于周侍
郎周命僧爲齋會曰得劉檄等至事易集
矣檄聞之使傲往以數百石題其䟽衆皆

視以爲助惟吳江某所施倍於衆倣自愧
弗及也凡邑中祠宇橋道有請皆樂助倣
亦能詩楊維禎高啓諸人遺集皆爲之梓
行時有張士良者白茆人也居近海擅漁
鹽萑葦之利有僮奴四十餘人並悍強善
擊刺邑有盜多命之盜憚之盡輸欸前後
所擊盜無筭一日獲數盜部送于縣縣疑
不受士良盡縛歸殺于江中以氣勢暴於
鄉有與抗者必摧辱之終身不解嘗入閩

門買羅巾于肆中主人要一巾五錢直語
微侵士良士良大怒問爾巾有幾何主人
具以所有對士良盡取裂焚于衢盡酬其
直而去主人愧惧不敢出一語一市大聳
福山五嶽樓慧日鐘閣壞其費鉅士良揮
其橐成之不以煩衆顧狼戾不循法惟以
粗豪爲士流所易倣迹頗類於俠而有時
問士良者非倣匹也

寓人志

君子之所居人常以爲重邑居吳之下其山
水清秀而地饒魚稻又其俗尚淳謹而易與
故昔之奔兵亂而擇木者多即而居之或籍
以葬遂爲邑人然其世不敢誣也在商周之際
又得名世之賢茲非其可弗重者乎作寓人志
商

虞仲周太王之仲子與兄太伯同逃荆蠻讓
國于弟王季虞仲隱于吳北山中故山以
虞名

太公呂尚當商之季紂失其政太公避之隱
于東海之濱常熟地臨東海虞山下有湖
名尚疑爲太公隱釣處

宋

富元衡字公權文忠公裔孫寓居常熟曾祖
嚴咸平調科元衡幼入太學有聲場屋間
登宣和六年進士第調隨州隨縣簿建炎
初爲襄陽招撫司機宜都督張浚以材薦
改秩爲諸王宮教授太子宗正丞知江陰

軍嘗辯盜有不應死者全活數十人知興國軍改袁州遷湖南常平使者改利路提刑蜀舊例監司交餽不下數千緡元衡却而不授改湖北提刑治獄多以平反隆興中召還中塗遇盜行李皆被掠帥李師顏餽以匣金不啓緘而還之除工部郎中未幾上疏乞骸骨詔以內閣奉祠睿訓獎之知止不殆之語爲堂榜以知止繼乞休致上嘉其志從之慶禮成賜金紫卒年八十

六終朝散大夫平生清節終始不變書
蘇軾尤精柳葉篆

丘礪字師說家海州之朐山建炎初仕于吳因寓居常熟少讀書刻苦有志事功登政和戊戌第歷蔡二州教授知吳江縣入爲國子監丞御史臺檢法大理寺丞權戶部郎官知筠秦建三州除福建提舉兼提刑改轉運判官在建凡十年惠政不可勝紀秦檜當國以礪同年生每示意嚮且欲

以孫締礪之女礪實不願欲遠之乃以兄
姊未葬力請祠而歸屏跡杜門以詩自適
奉祀凡十二年壽七十六官至朝請大夫
累贈光祿大夫礪天稟純實自律甚嚴更
迭中外三十年田僅數百畝不給則舉質
以繼處之裕如有易說及超然類藁千餘
篇杜詩集句百篇子操應博學宏詞科璋
寧國倅琛提舉福建市舶璠舒之太湖令
諸孫未將作監丞名德相望簪紱蟬聯爲

品望族

丘耒字少潛以於潛簿慶元錄事參淮東
幹所至有聲知嘉興起學宮築捍海堤二
十里代民輸積欠租郡有疑獄率委覆按
守議賞輒辭民德其政爲立碣以頌薦者
十有八人監三省樞密院門遷將作監丞
知台州惠州撫州皆不赴終朝奉大夫年
五十六耒生平尚義加厚族黨捐已田以
畀姪王萬狀其行謂天資素高才足以建

慮足以謀明足以察得其實云

崔敦詩字大雅世家靜海晚僑居常熟登紹興三十年進士第主揚州高郵簿兩浙運幹除祕書省正字兼翰林權直其所爲制詞溫潤詳雅兼崇政殿說書權給事中兼內外艱時翰林學士周必大乞補外壽星中批問吏部尚書韓元吉曰崔某今安在元吉具言之既召見除樞密院編脩官後爲權直既拜命即言翰林權直爲名未

即更爲學院權直遷著作郎兼權吏部郎官又兼崇政殿說書進國子司業改權直學士院拜中書舍人加侍講直學士院敦詩賦性端厚議論疏通知大禮自直宿迺講遇引對所陳必剴切至造膝密啓有人不得覘其藁者上深所器許九年夏以疾卒年四十有四贈中大夫有文集三十卷內外制藁二十三卷奏議總要五卷通鑑要覽六十卷制海十編監韵五編南澗

韓尚書元吉誌其墓

周虎字叔子慶元二年武舉第一世家臨淮
靖康南徙寓于常熟虎個儻輕財尚氣節
慶元二年擢右科第一授殿司步軍同正
將除武學諭閣門舍人充金國賀生辰接
伴副使知光州楚州繼知和州實開禧二
年也時虜會諸道加其大帥以平南盪江
等號使長驅入寇十有一月至和州虎部
分將士乘城以守且語父老曰吾國家守

臣一朝去此則爲奔亡之人失節敗名生
不如死效死弗去雖死猶生吾計決矣合
戰凡三十有四殺虜驍將以十數最後射
死其右帥石矻礎虜氣沮甚大創引去於
是和議始堅而江淮奠枕矣虎推功於母
進封永國夫人州人德之爲其母子立祠
特轉武功大夫正任文州刺史除主管侍
衛馬軍行司公事特授成州團練使除侍
衛馬軍都虞侯帶御器械兼幹辦皇城司

丐養提舉佑神觀言者指爲權黨母死誓
不仕以寔辭尋謫徽州得旨自便復元官
再除知和州者一特轉行一官者再遜表
上至八九必得請乃已家居凡十有二載
紹定二年轉和州防禦使致仕卒年六十
九謚忠惠虎功在江淮忠節鮮儷而文詞
敏贍大書稱獨步劉少監宰誌其墓

王萬字處一世本浦江人後徙濠州定遠晚
寓常熟居濠梁學舍者九年讀論語忽有

所得慨然有求道之志登嘉定癸未甲科
授和州教授吏部架閣國子錄添差鎮江
府倅除樞密院編修官兼屯田員外郎知
台州嘉熙二年乞官觀又辭召命來居常
熟復入爲屯田員外兼編修改尚書右司
仍兼編修崇政殿說書除監察御史時嘉
熙三年首論史宅之爲故相之子恃權害
政不當復玷侍從上命宰相諭旨迄不奉
詔乃出宅之知平江府又論之疏凡五上

時蒙古屢敗宋師帝悔用兵下命學士吳詠草詔罪已詠以宸旨訪之萬曰邊民生意如鬚宜有以振勵之爲條上沿邊事宜詠從其說遂具以聞會時有宰相者上疏劾之且引歐陽修之論趙括謂天下皆知其不可獨其主不悟者最爲莫大之患疏入卽除大理少卿尋改太常少卿知寧國府令赴行在奏事除直寶章閣與宮觀再令赴行在奏事依舊直寶章閣福建提刑

除直煥章閣四川宣諭使司叅議百六
少卿並累辭不受家居累年凝塵滿席
如也淳祐三年卒年四十有八五年中批
前太常少卿王萬立朝蹇諤古之遺直爲
郡廉平古之遺愛可特贈集英殿脩撰十
二年賜田五百畝會子五千贍其家賜謚
忠惠萬聞道甚早談經析理不涉支離與
人交不爲崖異之行故其蘊蓄深厚人莫
能窺每書事天二字以自警盛年而卒善

類咸惜之號抑齋有文集時習編書志編并奏議共若干卷

丘岳字山甫礪之族紹興間魏勝恢復海州祖琚在勝所叅謀督戰有功後議棄海州琚與子松歸於宋琚除迪功郎松下州文學琚爲招撫司准備差遣卒葬吳縣松之家常熟岳中嘉定十年進士授太湖尉辟蘄州推官從淮東安撫副使趙范平本全有功范進沿江制置使辟爲叅謀通判

州知其州北虜大至岳以孤城抗之冀軍渠魁殲焉改兵部郎中淮東提刑提舉常平倉改知太平州兼江東轉運徙知江州兼沿江制置副使移鎮淮東力求奉祠淳祐十年以工部尚書召尋謝事歸寶祐初授華文閣直學士沿江制置使兼安撫和州無爲安慶三郡屯田使丞相奉旨移書趣行舟發京口北兵闖和岳遣新知和州印應雷禦之應雷奮入卒保和州寶祐

三年授龍圖閣學士致仕卒年六十九岳
自典郡持節躋從班制闢凡四禦大敵未
嘗敗衄其爲人簡淡威重寡言望之若不
可犯及其論事則洞開肺腑言皆平實理
宗御書忠實二字賜之官至正議大夫封
東海郡侯贈特進光祿大夫

印應雷本通州靜海人登淳熙戊戌進士第
知和廬二州寶祐二年北虜侵和時應雷
新之任以制司命率兵突入士氣益張卒

保其城咸淳間授朝奉大夫權尚書兵部
侍郎兩淮安撫制置使兼知揚州淳祐壬
寅徙居常熟封靜海縣開國伯食邑七百
戶贈端明殿學士子德博仕元爲通議大
夫南雄路總管兼府尹

印應飛字德遠應雷之弟登淳祐辛丑進士
第初授朝奉郎權知鎮江軍府調永嘉尉
爲太社令擢監察御史差判鎮江府知鄂
州兼湖北運判閏慶元年元兵圍鄂都統

張勝登城誘以約降元兵信之盡焚城外
民居歸然獨一壘存應飛自外督兵來援
圍遂解承制充宣撫司參謀官除戶部侍
郎淮東總領知鎮江府與兄徙居常熟之
城西卒贈朝議大夫子正傳仕元爲通議
大夫杭州路同知次子直傳元爲陳州司
法參軍

季世良字元善其先開封人建炎四年金虜
內侵宗社失守太常少卿陵奉九廟神主

行隨駕南奔渡江遂家于許浦元善淳熙
間由邊賞授迪功郎宜興少府以東朝慶
壽恩轉從仕郎蒞官二考有能聲未幾辭
歸卒元善兄弟六人世亨登仕郎世綱從
仕郎安吉州德清縣尉世南知宿松縣主
管勸農公事次爲世良世光監太平州蕪
湖縣工部贍軍酒庫世輔皆仕縣佐世輔
男了翁

季逢昌字子明世亨之子以麟邱懿屬補登

仕郎授迪功郎調通州支鹽倉兼沿江淮
東制司物料官所至以廉勤稱宋季海隅
經北虜殘毀惟醴官僅庇司存井邑荒寂
無行跡逢昌至弊端如絲與剡解暨秩滿
爲羸十五萬斤平章魏了翁時制江淮間
議復通城以軍券爲慮移檄委逢昌糴百
萬緡逢昌不辭難旬月事集魏嘉其能舉
以練達科鏡齋丘岳佩玉麟符時爲江淮
制置副使思得賢以分撫辟逢昌爲安慶

府桐城令至則邑之吏民僑居于池之水
王河編茅葺葺俯瞰洲渚縣庭猥爲墟學
校鞠爲圃逢昌爲爬梳之五閱月而縣廨
學宮皆成民以寧居絃誦之聲盈耳魏記
其能與副閫趙范淮南李埴等皆欲致之
幕下於是交剡薦之淮閫愛其才不使出
他門復辟滁之清流宰逢昌有疾辭歸惟
義是尚立義莊以賙族人仰給者幾千指
嫁孤女之不能嫁者葬窶死之不能葬者

稱爲長者云卒年六十六子淵

周材字仲美吏部尚書武仲五世孫其先汝南人祖昂爲常熟尉遂家焉嘗爲沿江制機以疾在告度宗咸淳乙亥元至元十一年也征南帥府檄仲美與諸武弁分部撫安武弁所至括銀於大姓不得則魚貫斬之仲美勸解悉破械縱去兵有虜居民鬻於市者詢其鄉里贖歸其父母同里朱氏蘇氏有世讐朱賂武弁期一夕焚蘇而

之仲美流言蘇仲美武弁朱計

二氏曉以報復之禍令結婚以釋

年丁丑有謀以兵危富室吳氏者仲美

之曰兵入境豈但吳氏無噍類將及於吾

民亟持帥府招諭符文迎勞兵遂不入境

來歸者皆廩食之事平署縣設官共事者

上其功仲美曰吾前朝賤事也所以周旋

患難者誠不忍生民塗炭耳其可復希名

位哉遂老於耕桑幅巾杖屨與前朝諸老

以詩酒自娛終其身焉嘗著宋史畧十六
卷吳塘集若干卷子文英克世儒業有澤
物親民二藁及庭芳集

元

季淵字宗淳逢昌之孫大德初授登仕郎官
於文學博雅好古識鑒過人凡器物書畫
一經品藻其價莫逃吳興趙文敏公子昂
深加愛敬遂與締姻簡札往來尤多至今
子孫亦世歲之官至蘄州路總管子希字

爲太醫院學錄族居文村今尤有世望

陳元大字孔碩福之候官入樞密直學士
五世孫任温州儒學教授宋末遊常熟愛
其風俗山水遂居焉尚友前儒有理學所
著四書講義行于世人稱爲北山先生子
某克紹家學人以后山先生稱之以別其
父

朱子榮字公顯晚號信菴睢陽五老貫之五
世孫也金泰和中淮蔡亂子榮年尚幼南

奔至揚子西津舟入需渡金不得以篙挂
墮江津俄而舟抵丹陽子榮躍而登焉舟
人驚訝問故子榮徐曰附柁來矣衆皆嗟
異同渡僧謙竒之携詣吳郡守賈青得寄
育于史元長家及長好讀書貧無以爲養
時販繒自給寶慶初詣行在所上書言時
政授從政郎江州文學又言方今邊隅之
臣常制於總領官或不諳軍旅者經畫之
際輒成齟齬自今朝官雖帶總領亦須練

習軍事庶幾調度合宜况邊廷之上民情
未浹險阻未知而輒易守臣此皆措置失
宜也書再上時相難之不報三年轉左藏
提轄進直祕閣以歸正人安置淮西至元
十三年江南歸附子榮歸卒于吳年八十
三孫德潤字澤民元征東儒學提舉

國朝

鄭東字季明號杲齋弟采字季亮號曲全平
陽人元季避兵家常熟兄弟並有高稟試

有司不合即棄去肆力於古作歐陽玄嘗
薦之會病卒采亦坎壈終東遺文百篇采
三十餘篇宋學士景濂序之曰杲齋之文
氣韻沉雄如老將帥旌旗火鼓繽紛交
錯咸歸節度曲全之文製規俊整如齊魯
大儒衣冠偉然出言不煩曲盡情意然皆
有臺閣弘麗之觀而無山林枯槁之氣子
思本字甌伯思先字甌仲思宗字甌叔並
有文行思先隨父僑居常熟洪武六年

徵授國子助教轉磨勘司令爲監察御
所至奸壬斂跡官至福建左布政使

陳基字敬初台州臨海人與兄聚僑居吳中
俱有文名初從黃潛學授經筵檢討時並
立后基草疏以諫謂此乃致亂之本幾得
罪遂避南歸教授于吳會開行樞密府用
基爲都事轉淞江行中書省郎中張士誠
有吳基參謀其軍事士誠自王基力諫已
而超授內史遷學士院學士階通奉大夫

一時書檄碑銘傳記多出其手士誠就俘
基從入京獨宥免預脩元史書成 賜歸
卒于常熟之鳳凰山基文詞清雅爲時所
推所著有夷白集

張著字則明永嘉人元季避兵于常熟遂家
焉洪武初以易經舉進士授陝西膚施縣
知縣陞臨江府同知所至有治績著持行
清謹鄉望甚尊有俊才其文醇正有則
清婉得唐人句法吳中諸名流多重之

著自永嘉集長安唱和集易經精義
官歸葬于海虞

鄭金字公濟洪武二十四年由明經授大理
寺評事進監察御史陞廣東按察使改福
建左遷濟南府知府爲人明敏有操守能
詩善書翰

孔克良字仲良父思進其家有譜傳爲 宣
聖後思進元末避亂來吳中生二子克良
克明克良贅于邑之河陽里錢氏生子希

敬克明貧無依邑令柳敬中爲之娶妻築室於宣化門外沒無嗣希敬子顥頊頊頊皆無後顥生詩禮樂藝詩六子昭章陽借曼易禮四子麒麟鳳凰樂三子舟雨梅今仍居于河陽

錢玄十四濟南人以蘇州府判官謫永常

熟遂居其地

談懋字勉之嘉定人父復教徙常熟之梅上族徐克禮者見懋而異之妻以女

築室以居之懋負志不凡欲以學行名鄉事親有孝節博學強記文詞爾雅務有裨於名教其所著有註釋孝經刊誤叙古千文小學大全儀止儼肅縉紳尊禮號勿菴卒葬鎮之珍門涇

朱旦字汝明吳江人從父寓學常熟遂家焉

旦方嚴靜默行履不苟以師道自居鉅室錢允言氏敬禮之旦為買田築室于居旁不聽其去旦所與接皆良士以文詞雅道

屢益其詩多選體年八十餘卒號習齋子
臣字良臣以貢為眉州學正賓字元賓
行並肖其父有經學書法趙孟頫

外教志

老釋何以書書其能攝心鍊質于幽寂之境
其靜極也其神出雖不可以為訓而其人多
魁詭之士至術動

宸眷道為民所信向復有詞藝以文其教亦足
以見邑之多異材也作外教志

齊

張道裕龍虎山道人齊永明中隱虞山今邑
致道觀丹井其所棲處也

李則正嘉禾人道行高雅好以藥濟人疾苦
隨得隨施不爲宿貲計住持邑之乾元宮
熙寧中賜紫衣

唐

單以清縣人元陽觀道士大曆中嘗之嘉興
入船聞異香疑焉遍目同載者一人儀趣
頗殊單君移與並席因從容問之答曰吾
少病大風迤深山遇一老人哀之令從之
行有草堂數間老人曰汝且居此一月

自來視汝以藥丸一裹令餌之老人遂行
吾餌藥不飢渴身日以輕兩月水濱照之
鬚眉皆生顏色益少老人曰汝旣服吾藥
可長生人間且勤脩道術以二十年爲期
遂導令吾歸拜問其姓名老人曰子闡國
初衛公李靖乎是我也乃辭出山今期且
及再入山尋師耳單君因記其事出原化
記

宋

白元道泰陵人師事徐神翁得修煉之道
鄧道樞字應叔綿州人端平中從魏了翁出
蜀居于吳以齋法精嚴際遇理度二宗後
居城東會道觀別號山房家鉉翁爲之記
工詩善琴嘗往來於常熟致道觀今觀中
三清殿址有石記其道游之勝

應錫智字子信仙居人咸淳間來吳愛虞山
之勝建志和院以居精於道法尤善詞章
弟子王大成平江路道錄性好學年七十

猶秉燭觀書

丘禾字少穎號雪蓑東海侯岳之從叔任兩
浙運司酒庫官棄儒學道受法於湖州趙
彥能以符呪著奇驗

元

沈應元字雷伯揚州人泰定間居雙鳳普福
宮精道法其事甚異

周隆孫雙鳳人至元間賜號清寧抱一凝妙
真人住持普福宮提點平江路道錄常遊

武當舟次儀真風逆不可行隆孫畫一符于帆檣舟並發獨乘順風而往人以爲得列子之術

國朝

周玄真元高道莫月鼎之法裔道行脩潔奉聞朝野月鼎五雷斬勘之書得之徐無忌王侍宸後授王繼華王授張善淵善淵授步宗浩宗浩授玄真皆解狎雷致雨而玄真尤爲偉特

太祖高皇帝命禱雨雪皆奇應賚

賜優渥大樹宗風其徒尊事之事行見鶴林集尚守謙號清溪有道行爲本縣道會

林復真字剛伯大同子博學能文辭寄蹟老子法中用以裊身養親永樂初舉往龍虎山較正造書又預纂修永樂大典勸善書道藏經籍洪熙改元以老疾辭歸居于致道觀之來雲堂授本縣道會號止庵有止庵集既卒吳訥爲撰葬銘

王志玄總角資穎悟人目爲奇童隨林復真
龍虎山較正道書嗣天師張西壁噐之給
祠部牒有司薦送考補道會遇雨暘愆期
命之禱輒應道字廢壞皆興葺之號秋崖
道人

鄭心淵號碧潭有道行行五雷法每歲旱請
禱必有驗邑尹蕭鳳高其術嘗遺之以文

唐

懷述字體如

常達字文舉隱居破山寺

宋

彥偁虎中獵夫箭彥偁爲拔之見破山寺記
晤恩已上世稱四高僧

希辨吳越忠懿王子也出家修業聽戒律於
楞伽受心印於天台乾德初居清泰院號
慧智禪師太平興國中隨王入覲見於滋
福殿賜號慧明端拱中乞還故里賜御書
急就章道遙詠祕藏詮及太平聖惠方凡

一百三十卷以寵之居常熟之寶嚴院

元

了通智林寺僧也嘗晝寢寺僧呼之覺曰通
州火吾適救之明日人渡江云狼山寺火
有僧于烈焰喫酒滅之火有酒氣狼山人
來謝了通衣尤焦灼

清珙號石屋縣人溫氏子參學及和尚得其
指的居霞霧山三十載樵蘇之役躬自
之有古德士之風焉禪餘喜作山居

多傳誦有石屋語錄行于世

妙聲字九臯景德寺僧也卷之七慧日

寺戒行為時所重詩文錄傳

于世

明空山興福寺僧始居功德

太宗文皇帝春賚欲官之一日北歸山中晦迹

不出寺廢壞明以其力新之

顯用潛能詩文

震起巖有戒行工於詩

完敬脩號碧菴長於染翰師法虞世南深造
其妙詩才清俊名播于時

平熟縣志卷之九

平孰縣志卷之十



名構志

邑人鄧鞞撰

邑以名勝為談者所尚豈特山水之清美其
園亭堂觀入于名士之賦述者眾矣兵亂後
鮮有存者好事者相與嗣起之其間亦有名
義而非徒事乎登眺燕息者是固不得遺之
也作名構志

鹿園

在縣北七十里世傳吳王參鹿之所後

人易名祿園

梧桐園

在縣北十八里陸莊鉅室曹氏所

曹氏盛時延致一時名勝種梧數

本客至則命僮子洗梧長洲劉浦

詩最工

北園

在宣化門內叅政周木與弟貢士周

彬所營內有池島堂館佳勝

詩樂園

在虞山南麓撫州守陳言致政歸所

營

極目亭

在乾元宮前舊名望湖縣令徐次鐸

易今名

朗吟亭

在致道觀後嶺上邑令傅玉良撰記

青雲亭

在虞山北嶺環亭有松數千株左有

流泉邑人封主事陳讓建

丹井亭

在致道觀

品泉亭

與丹井亭對員外郎錢仁夫建

賞心亭

在縣治西即弦歌館

光祿亭

在虞山南五六里張栢建亭前有杏

一本榦特鉅又名杏花亭富元衡篆額竒古枿為三衢守花時邑之勝士皆集亭今改為佛廬矣

翠微亭

元虞似平建今廢

空心亭

在破山寺亭以唐常建潭影空人心之句名有元知制誥段天祐及禮部尚書李傑記

雅集亭

在致道觀後山中邑令計宗道建

三角亭

在福山大慈寺

望遠亭

在福山嶺上弘治中府推官

里人福州府推官曹文撰記

見海亭

在拂水高峰上縣令沈弘彝建邑人

鄧敦謨記

瑞石亭

在頂山龍祠之後縣令馮汝弼建邑

人鄧敦謨記

遠觀亭

在虞山乾元宮前高峯上縣令馮汝

弼建邑人嚴訥記

常雨亭

在拂水崖上郡士杜愿葦建今廢

館月亭 在清權方山下臨影娥川時大理卿

章格致仕家居令揚子器易曰仰高

小虞山亭 在縣東十八里邑人錢仁夫建

紫霞亭 在致道觀來雲石上邑人陳察撰記

煮石山房 在致道觀後山上邑令揚子器建

桑悅撰記

大石山房 在虞山南麓嶽祠之右士人孫文

鑿石築室以待游客石之上右孫文

先祠

不梅書屋 在虞山東麓令揚子器建

昭明太子讀書臺 在致道觀後之東縣令

子器作亭其上後令沈弘彝重建

人都御史陳察撰記

唐莊元陸器讀書臺 在河陽山中

宣風樓 在縣治西宋縣令曾察建今廢

凌虛樓 在致道觀景泰中王志玄建

景言閣 在縣治後宋縣令惠疇建今廢

樂山閣 在今縣治北尉趙笈夫建今廢

救虎閣 在興福寺之左高僧彥偁拔虎中箭處十王殿基其故址也

體國堂 在支塘鎮李尚書充嗣所建

城南佳趣堂 在虞山東芝溪上邑人虞子賢

嘗得朱文公和張宣公城南雜詠真蹟遂以居之元學士周伯琦書扁崑山秦約記真蹟今在武進工侍沈暉家

古堂

邑士繆貞仲素嘗得述古圓研作堂

以居之述古研者圖宋蘇子瞻子由黃魯直秦少游陳履常王晉卿蔡天啓諸人西園雅集元侍講學士黃潛卿作記

來雲堂

宋咸淳中道士應梅創致和觀于縣

治西作堂名曰來雲宣德初道會林復真復以來雲名致道觀之山堂道會陳尚義道士曹嗣榮以東西雲堂別之堂負鉅石而起景殊勝

古蹟志

邑之有廢遷其城郭解宇不能不失其舊訪古之士具喜言其蹟盖有感於時代之存更也常熟舊蹟在於境內縉紳博士能言之以邑志之嘗錄爾此志乘之不可不作也作古蹟志

城

在縣北五里越絕書石城闔閭所置美人離城也吳地志越王獻西施於

吳王王擇虞山北麓以石甃城為遊樂之所

扈城

在縣北五里世傳吳王遊樂石城又建離宮扈蹕故名扈城

攔馬城

世傳吳王牧馬于此故名攔馬

莫城

城有二一在縣南十二里俗傳莫耶鑄劍之所亦謂之劍城今有廟于墟中名曰莫耶大王其塘曰莫門寰宇記以為莫寵所築以捍海寇

鴈城

在縣東十五里隋大業十一年二月詔村塢皆築城唐廣明中盜起詔州縣聚落各築城堡以禦盜城必築於此時今廢

尚墅城

在縣北十八里張士誠入福山港築此城以駐兵

金鳳城

在縣西北四十里

則城

在縣東南已廢

陶城

閭城

二城俱廢皆不可考

利城

輿地志晉元帝以海虞北境之土山立利城以處流民

塘城

在縣東四十五里周五里張士誠浚白茆時所築今廢惟南門北關東城

西城河之名尚存

郭城

已廢不可考

琴川

在邑治中自北而南有渠七道橫貫其中其蹟多堙意者昔人鑿此以疏

泄山水今觀渠上有橋一二低平木
通舟楫可知矣

歐陽墩

在五十都世傳歐陽丞相渡江葬母
于此然歐陽氏未有為丞相惟文忠
公修叅大政公未嘗至此也

羅墩

在尚湖南四里高二丈

金鷄墩

在縣西北二十五里世傳偽吳張氏
渡江妃死厝于此

桓墩

在河陽山北十餘里舊名桓墩

獻陵在縣北為韓邑人錢氏有墓
其誌以桓為垣地出美梨

韓墩

在韓墩西東西有二墩西墩之側民
鋤地得斷誌云唐咸通十二年蔡
軍墓銘曰哀哉先君大道無聞夫人
先喪府君後臨雌雉二劍俱飛碧雲
蔡墩之墓千秋萬春

石墩

介林

在虞山南杏花亭叅議虞似平之圃

北門驛 在介福門內

琴川驛 在永流門內西向漕渠舊址曰南亭

嘉熙初令王燾增闢榜曰琴川

甘棠館 在迎恩橋東又名八德館紹熙五年

令葉知幾易名和旨堂

弦歌館 在縣西南二十步令葉凱易名百花

堂後改賞心亭已上皆廢

待潮館 在南沙鄉近鹿園宋陸綰建今廢

聖繪 在致道觀植自梁天監二年今

三西北一株形特奇古西兩株幹斜
錯尤怪偉東北一株直聳而巨宋慶
曆中所植也

居宅志

士之有令望者居于鄉入其里馳過其舍必
式尚之至也昔之賢而居于邑者彬彬乎盛
焉其井已堙其木已刊人尤有知其室廬之
所棲者是曷故哉而况乎其人未遠其室尚
存愛其人又忍見其廢也乎作居宅志

處士夏統宅 統晉人宅在崇德山

宣城太守邴臻宅 臻晉人宅在崇德山嘗推

祿資以賙鄉人

范冀宅 冀梁人也宅在范山兄弟同居于此

龔景才宅 在縣西

曾丞相宅 丞相名懷宅在縣西北袞繡坊

冷副端宅 副端名世光弟世修宅在縣治西

北叢桂坊

鄒御史吳訥宅 在報慈里

都御史徐恪宅 在鳳凰山鷲山之間

工部尚書程宗宅 在鎮橋東巷內

禮部尚書李傑宅 在報慈里吳訥宅之後

給事中黃鉞宅 在縣治東北

陵墓志

古之君子生有德烈揭於時沒有令問施于後凡其墟墓之所在必識而守之而况貴為萬乘主遭運改物遷而葬在江海僻遠之地過者能無念乎常孰境內古今之葬其有名

稱者志嘗錄之今又益其所未書豈日徒存乎往蹟百世之下仁人義士相與存之可也
作陵墓志

晉廢帝陵 陵在白茆市晉書廢帝名奕字延陵太和六年桓温廢爲東海王咸安二年降封海西縣公食邑四千戶四月徙吳太元十一年十一月丙申崩于吳年三十五與庾后合葬吳陵石獸常爲怪鑿損眼足埋諸土中今呼

爲石馬潭

巫咸墓

在虞山上子賢亦葬其側見史記正

義宋王爚爲縣令嘗修其墓令孫應時撰墓碑云墓在邑之青龍山嘴

仲雍墓

史記索隱仲雍冢在常熟西虞山上

與言偃冢並列吳地記云仲雍墓在

虞山東嶺

周章墓

圖經周章闔閭長子墓在海虞山上

齊女墓

在虞山東嶺上寰宇記海虞山有仲

雍齊女墓東為仲雍西為齊女

言偃墓

史記吳世家註子游墓與仲雍冢並列

黃香墓

在梅李鎮宋乾道初梅李有蘇忠翊直上葬得古冢石刻乃黃香墓碑書八分體首二句八字中二字不可識曰延陵慈父葬父博羸孟光貞曜窆夫于吳碑陰會稽東郡都尉張紘誅又有薛綜修祠日月題刻可辨者八

字子瓊孫琬位登三事蘇氏挈歸夜有光怪棄昆承湖中今德安郡志黃香墓在雲夢縣東豈香之後嘗徙葬于此歟而銘竒古類漢人文字似是香墓也

瞿劭墓

在直塘市廣安寺側居民浚塘得古冢刻磚稱瞿劭先生字磻子廣川人隱居不仕後徙常熟卒葬東陵武丘重岡之原武丘蓋廣安舊額云

龍母墓

在頂山舊傳母卒葬頂山之下一夕雷雨大作冢移于山上今墓樹陰森墓後池水深黑宜為神物所藏

蕭天子墓

在寶嚴寺之東丁家灣西按梁察帝為蕭鸞所廢豈用桓温徙廢帝上海西故事遷之常熟崩葬於此耶或以謂唐蕭穎士學者稱為蕭夫子存為縣主簿穎士或卒葬于此後人誤稱夫子為天子

閻將軍墓

在勝法寺東將軍元和中含宅為寺鎮北尚有小祠

李開山墓

在邑之李墓開山吳越錢氏將也後人稱為李王墓

陸丞相墓

在開元鄉岡下村左有大墓浜

宋中散大夫陸綰墓

在破山綰為江淮荆湘

發運使臥疾真州官舍困篤儀仗無故動搖尋卒歸葬破山居民每夕聞呵道聲紅燭夾道由是數里樵蘇無

敢死暴

和州防禦使用周忠惠公虎墓 在邵家灣公守

禦時死節子孫收遺骸葬於此

和州觀察使周興裔墓 在虞山北

直秘閣朱子榮墓 在練塘縣令楊子器為其

裔孫狀元希周表墓

邕州司戶叅軍姚嘉言墓 在河陽山有趙忠

簡公鼎撰碑

龍圖閣學士虞衡墓 在頂山曰龍祠左

朝請大夫福建運判丘礪墓 在頂山曾孫

直大夫烈祔諸孫未葬河陽山

周孝子墓 在宣化門外四里即上神容也父

百十點檢母朱氏在焉

左丞相曾懷墓 在虞山興福寺北

制置使印應雷墓 在尚湖南濱與漚涇鋪相

直

兵部侍郎印應飛墓 在興福寺左

龍虎上將軍上護軍海道都漕運府萬戶徐瑄

墓 在邑之邵舍理以功賜地營葬

制幹季子明墓 在文村南臯里

常熟縣令陳公墓 在石梅崖下公長樂人有

全城德於人卒葬於此

行省郎中陳基墓 在鳳凰山

徐泰初墓 泰初為淞江中書省掾棄家隱于

宣化門桃源澗卒葬于澗北

高僧常達塔 在興福寺東南三百步

高僧懷遠塔 在常達塔之東

高僧彥偁塔 在興福寺之東

高僧晤恩塔 與彥偁塔相近

明按察使鄭金墓 在虞山維摩灣

戶科給事中黃鉞墓 在報慈里與吳訥先墓

並

翰林修撰張洪墓 在寶嚴灣張氏後已微今

嗣孫侯鯤居于東城者守之

都御史吳訥墓 在報慈里

都給事中姚伯善墓 在小澗北

廉吏知開封府魚侃墓 在報慈里御史吳
墓之後

臨江府同知張著墓 在報慈里

工部尚書程宗墓 在虞山南維摩灣弘治

奉 勅營葬

布政使錢昕墓 在寶嚴灣

禮部尚書李傑墓 在興福寺北嘉靖中 奉

勅營葬

都御史徐恪墓 在河陽山南前臨讓塘正德

中 奉勅營葬

大理寺卿章格墓 在頂山之西南正德中

奉勅營葬

都御史章律墓 在虞山之陰朱家灣

澗江叅政周木墓 在興福寺北子布政使烟

之葬附焉

布政使盧翊墓 在邵家灣

友梅先生季篴墓 在望海門內虞山東麓

工部員外郎錢仁夫墓 在拂水岩下

處州通判桑瑾墓 在丁家灣

思玄先生桑悅墓 在穿山

隴叟先生林大同墓 在黃鉞墓左

臨江知府殷瓚墓 在周孝子墓北

政使呂困墓 在寶嚴灣

義塚

舊在宣化門明府塘橋之北嘉熙元

年令王燾市民地為之繚以周垣凡

葬者占地廣幾尺修幾尺命報慈寺

僧司其事別創屋三間以居之買田

六十二畝入米四十二石以為給今

居民治而為田宣德中擇縣北城隍

廟後隙地為之

漏澤園

在宣化門外報慈里

寺觀志 庵院附

佛老氏之教行天下其崇宮傑構莫盛于京會而常熟一邑淨坊琳宇領號于祠部者庶矣考其建設多出梁唐宋元之舊則當時之好尚可知已其在今日寢失其舊豈王教明而民習牖取將篤于利而莫之有捐也愚於是乎有感作寺觀志

慧日寺

在縣治稍西梁天監中僧惠嚮建宋大中祥符元年勅爲禪院紹興十五

年燬于火乾道淳熙嘉定始復舊

元元統元年僧普明建觀音殿於東

偏殿前有鐘閣二級懸宋邑令張觀

復所造銅鐘官設夫司鐘以警旦暮

國朝宣德九年閣壞邑人張士良重構今

爲祝 聖道場歸併寺二菴三

東塔崇教興福寺 在縣東北宋建炎四年僧

有名文用者謂邑客山高主位低請

立浮屠以鎮之令李闔之然其說工

未畢而僧卒咸淳間僧法潤撤遺構
重建高九級江東諸寺浮屠此最堅
完規制峻整 國朝洪武八年僧淨
惠重修迨今每敝輒修之

破山興福禪寺

在縣北九里齊始興五年邑

人郴州刺史倪德光捨宅爲寺名曰
大慈梁大同三年改興福寺舊有飛
泉石橋修廊複閣氣象雄古多唐時
屋僧堂三柱皆有雷篆倒書竒怪不

可識庭有纓絡樹左開花右結實池
產白蓮千葉香色異常有巨鐘相傳
爲僖宗咸通九年所賜寺有通幽軒
空心亭蓋取唐常建詩語歷歲久其
蹟皆廢獨石梁外尊勝石幢尤存其
上經刻乃宋平原陸展書清勁有法
妙蹟也寺址修廣自官路外山門皆
僧業兵火後僧徒散去爲人占而爲
墳比歲豪右據者不已地理家以爲

山以破敗稱不利葬地僧舍故得僅存縣令馮汝弼見而矜之特與蠲除寺基稅一石四斗一升寺已廢訪勝者率喜至焉

大慈教寺

在縣北四十里福山鎮梁太清元年僧普明建天監中又爲法水院宋大中祥符元年改大慈寺中燬于火元初重建江中有巨木出沒濤中大慈僧禱而得以爲僧堂巨棟名汎

寶嚴禪寺

梁後廢國朝洪武初僧善持重建

在縣西十六里梁天監中建初名延福禪院宋天禧中改今額吳越錢氏時高僧希辨居此後隨國入朝賜號慧明大師歸隱故處寺有浮屠七成相傳泗州僧伽塔第一此爲第二仁宗朝賜銅鑄東嶽聖帝像爲伽藍按中吳紀聞吳越錢王之子祝髮於此太宗賜御書急就章道遙泳聖惠

方於寺中而陸絳記乃云賜書乃希
辨非錢氏子景祐中僧清鑒重建
國朝永樂初始改爲寺近代爲邑人
侵占爲墓僅有畝餘介于其間僧營
小屋以棲有縣令揚子噐撰記
永慶寺 在縣西四十里河陽山下梁大同二
年侍御史陸本捨宅爲寺宋大中祥
符元年賜寺額山頂有石井大旱不
竭 國朝洪武中僧如海重建

勝法寺

在縣東北梅李鎮唐元和中闔將軍
捨宅爲寺乾元元年置離火宅寺晉
開運中改爲境寧宋大中祥符元年
賜今額至和初更名禪院闔將軍今
爲寺之伽藍神頗著靈驗人有移家
以居者必有蛇虺見于箱篋床席間
寺之東即將軍墓也歲時寺僧設蒲
饌祀之西北有洗馬池池之側有小
冢蓋其劔甲所藏也寺廢已五十餘

年 國朝嘉靖 年僧 道人

重建于故處

維摩寺

在縣西八里虞山上宋隆興元年僧法運翔寺後有石井名湧泉淳熙三年丞相曾懷請為功德院孝宗賜額顯親資福禪院 國朝洪武初僧壽松建觀音殿宣德四年僧曇敷建四大天王殿甃石為路改額曰維摩寺併寺一院一菴二

智林教寺

在李墓村唐乾元元年建初名永安寺宋大觀四年以犯宣祖陵名改賜今額寺舊在岡身後以寺鐘聲不聞其地而聞於李墓遂徙于此異僧了通嘗居之併院一菴六

妙清寺

在縣東南二十里莫城陳禎明二年僧宗梵建寺有鐘傳自汎海而來緇徒迎歸于寺寺東有迎鐘塘 國朝洪武初僧弘道重建永樂九年僧信

見修今燬于火

鷲山法輪寺 在縣西四十五里鷲山南麓梁

天監間僧宗印建後廢 國朝洪武

五年僧勝行重建殿像永樂二年僧

智杲增建法堂藏殿山門

中峯講寺 在頂山龍祠之下稍南梁天監二

年僧月澄建後廢 國朝永樂元年

僧淨心重建

頂山壽聖禪寺 在頂山之麓梁大同三年石

史君捨宅爲之因名頂山院宋治平

四年改賜頂山壽聖院後改今名但

曰頂山寺寺有十景烏目山桃花澗

翠珉橋羽客臺烏翔石石門菴白雲

泉碧菽園龍母池石雲逕

褒親崇惠寺 在支塘市宋僧日東建 國朝

永樂初僧惟敬重修

壽聖東靈寺 在縣治西北梁大同中建唐嗣

聖二年爲中興寺舊在吳縣界神龍

元年賜今額移于今所宋熙寧元年重修有子院曰延福教院端平中重建今城隍廟即其地也

齋樂寺

在縣治西二百步梁大同二年建後為尼寺今廢

天寧寺

在縣治西北不詳其建始後為尼寺今廢

太平寺

在許浦東臨浦口將入于江其西岸即宋御前水軍寨址

法解寺

在許浦舊名泗州塔院宋李寶徒建

法華寺

在縣東花莊宋端平三年

白雀寺

在縣治北三十里僧如瑤建

陸和聖像教寺

在縣治東北一百十里陸和

市吳僕射徐真捨宅為寺晉建興二

年於海上得二石佛像奏請寺額宋

嘉祐八年朱玟新之後廢 國朝洪

武初僧永康重建

靈寶寺

在塗松市開元初僧如鑑建

萬壽能仁寺 在甘草市崇寧五年建

廣安教寺 在直塘市唐開元初建名寶林寺

紹興六年僧了悟鑿池得磚有長安二年瞿像寶塔之字乃知武后時所建 國朝洪武永樂間起廢

法輪教寺 在雙鳳鄉晉咸和六年支遁開山

宋祥符中賜今額 國朝洪武初僧至琛重建同上五寺今入于太倉州

拂水塔院 在虞山拂水巖上 國朝洪武四

年僧道原建後併維摩寺

高道山居 在虞山西十里二面峯巒拔地

起前有長岡山居臨于澗上有曲徑石橋景最幽勝宋之中世有高道人者居之故名高道山居俗稱露臺隱士沈周有詩

梅林東塔院 在梅李鎮之東臨許浦塘宋紹

興間邑人錢道者建浮屠七成

塢丘增福院 在塢丘山上宋端平三年建併

慧日寺

如存院 在白茆塘北宋咸淳年建

報慈教院 在縣北五里虞山北麓宋崇寧中

建

上方院 在頂山寺北嶺臨澗院之下即白

龍湫也

山峯禪院 在龍祠南嶺之前岡

廣福院 在馬涇

延福禪院 在縣西十二里虞山嶺下梁大同

三年置今廢

五門院 在五瞿村宋咸淳二年僧真辨建

北方門院 在縣西北宋淳熙間僧得蒙建

觀音教院 在楊尖市宋政和五年建

僧居院 在河陽市元大德中建

施水甘露院 在練塘宋淳熙六年建

吳塘接待院 在縣五十里宋建炎門僧顯造

浮屠未就而沒

宗教院 在興福寺雍熙中高僧晤恩修天台

教于此

南市崇福院 在縣西南宋建炎間僧宗岳建

壽聖晏安院 在許浦陳禎明間建

光明菴 在破山澗上熙寧中僧海素建境最

清勝

瑞石庵 在頂山寺上方院右宋明道元年邑

民陳氏築庵延僧守常居之今為章

氏據以為墓庵中井尤在

三休庵 在拂水下臨山路建自宋時又廢弘

治中道人徐可璿重建

吳王庵 在西門城內 國朝洪武初徙去

二里

蘆荻菴 在縣東北十二里宋咸淳間建

福順菴 在縣治 宋紹興間僧萬山建

金李菴 在縣治西南至正間僧如芝建

九里菴 在縣治東九里元至正中建

顛墩慈福庵 宋嘉泰中建

白龍菴 在頂山天監中建

平墅菴

沙溪菴

並元至正中建

羅墩菴

元祐中建已上併入慧日寺

善濟菴

在東顧庄

圓福菴

在廟橋並宋淳熙中建

高浦菴

元泰定間建

法華菴

在朗城宋咸淳中建

杜相菴

在思政鄉

馬菴

在許浦元泰定中建

吉存菴

在王巷吳赤烏中建併入智林寺

雲慶菴

在死山元泰定間建

慈義菴

在陸莊宋政和中建

邵莊菴

在端委鄉

崇祖利濟菴

在李墓端平建

朗城菴

在開元鄉

奚浦菴

在奚浦市

永福菴

在奚浦宋紹定中建 國初里人錢

友義修

餘慶菴 在陳墩宋乾道中建

屠太菴 在縣東南宋至和間建

東殿菴 在縣東端平間建

福田菴 在許浦鎮治平間建

尚墅菴 在尚墅

西資菴 在十九都咸淳間建

崇福菴 在梅李鎮

員應菴 在新莊

陸莊菴 在福山鎮之南

大師菴 在四十九都

中沙菴 在二十都

致道觀 舊名乾元宮在縣治西一里虞山之

南麓梁天監二年漢天師十二代孫

張裕居此號曰招真梁簡文帝賜以

王牒一鐘一紫薇殿後有丹井為舊

蹟宣和七年勅賜致道觀額今制門

臨通衢榜曰虞山福地簷牙軒翥規

制峻整八門茂木

去

上爲中門廣庭之內七星檜在焉中
爲虛皇壇上爲三清寶殿宋道士李
正則遺構也殿後爲紫薇殿今爲玉
皇殿殿之西由來雲堂以入于山宋
李道士鄧道樞建知止山房於西北
嶺上立李神祠于西廡以護法 國
朝洪武初道士周玄初募邑人杜春
重修紫薇三官殿二十四年孫常

建雷神殿三十年道會林復真建
聖殿殿及廡塑像相傳劉鸞所造雷
部四壁畫筆尤奇古也今爲祝釐習
儀之所

致和觀

在縣西舊名至和道院宋咸淳中天
台應梅所建元大德間道士王大成
拓之陞院爲觀 國朝永樂初道士
張仁靜重建殿宇塑像道會林復真
建三清殿觀後隙地爲鄰所侵成化

中道士崔一誠始復之

清真觀

在縣西半里許今義塚右清真宮土地祠即其地梁普通四年建後爲女冠所居今廢

乾元宮

在虞山上宋元祐中海陵徐神翁弟子申元道始來插竹爲菴以居名爲竹林菴紹興丁卯道士喻抱元增葺改名抱真淳熙邑人以致道觀舊名乾元宮額請于郡改今名宮門外

極目亭米芾書扁元未廢

國朝

樂元年道會林復真重建玄元老君殿并置老子像按像高古厖壽疑宋人所塑也

報本道院

在縣西南半里許至元間道士泉得王建

佑聖道院

在縣東五十里之周涇宋乾道間都統制馮湛所建嘉定丁丑江濤侵嚙道士馬碧潭遷于許浦塘東

朝永樂初焚修缺人道士張仁靜爲衆所推領院事其徒陸洞宸嘗主之嘉靖中法嗣陳明珍呂紹榮重建

崇真道院

在許浦鎮紹興間都統制劉震建後爲江潮侵啗而廢今遷于支河浪夾濱嘉靖十年里人吳信重建

龍旋真武廟

在縣二十五都元至正中建有鄭東所爲記道士錢祖陽修後壞嘉靖中道士陳守潔復修之

棲真道院

在許浦鎮宋嘉定間周智靜建元癸丑間江潮侵啗道士管元範遷于縣治西南

真武廟

一在縣東二十里均墩村創宋乾道間代著靈異鄉之人敬事之修其宮宇嘉靖中里士薛民大延羽士鄒玄澍守之仍斥田二十畝以爲祠費一在拂水崖上嘉靖中鄉進士褚應韶建

顯真館

在梅李鎮申道人鍊丹之地人名爲顯真宮今廢

潛真館

在福山鎮南亦申道人所棲之地今廢

靈寶經堂

在縣治西南隅至正十六年董叅議捨宅鼎建

三元堂

在縣治西北一里建于元祐己未國朝正德間道士謝玉成重建

平寇志

蘇爲江南樂土自宋室之被狄難元有武崗淮寇之擾兵戈相尋而

大明統一海內削平僭亂百有餘年吳之民安于田里恬豫富足生平不見兵革奔播之事然常熟有江海之險巨猾大盜或憑之以爲亂亂興輒撲以滅蓋有制勝之道焉作平寇志

元至正十四年八月邑之河陽有朱者嘯

聚其徒作亂劫庫兵將據城以叛邑令李彰
調民兵平之時太倉蘇州衛聞亂以兵來將
屠城令及其未至止之曰盜已就擒民無預
也至以闔室保明會王御史者任其事民得
不罹于兵令有善政後人德之相與請祠學
中

成化中吳淞人劉通以販鹽出入海上久而
有衆至數百人劫掠濱江民被其害其黨至
入雙鳳擄人子女以去有司招之不能下其

衆習於水技官兵不能當勢益張時都
白昂領操江躬至海上使鎮海衛指揮
誘出之通來降擒之戮于市支黨多逸去
弘治中崇明人施天泰雄長于沙上時縱人
肆出江中擄劫有司不能制嘗與其豪相讎
殺事聞于郡郡使太倉州州佐諭之賊留之
不聽其歸勢猖獗邑之慶安西洋奚浦皆遭
其焚劫嘗至福山戍兵禦之不敵府推甘泉
與衛兵至邑臨江盜乃逸去都御史艾璞

郡守林世遠招下之天泰謫戍南丹衛當時
以爲失刑後二年施之黨鈕東山與土豪黃
氏仇殺踵爲亂藏奸細于郡城爲內應事舉
都御史魏紳命郡發卒入海追之東山技窮
死其黨來降林以計散其所挾兵皆伏法
正德七年河朔大盜劉七齊彥明亂北土所
至荼毒海內震動大將以兵蹙之無與敵者
都御史陸完時以師駐濟寧監軍御史吳堂
以爲玩寇陸乃出師賊乃入襄漢於武昌奪

舟順流而下凡沿江郡縣皆被殘逼商民
守兵不能制至京口又殘其人六月至江陰
常州守李某與江陰令議禦之調度有方略
夜使壯士泅水鑿沉其舟賊驚乃引去至通
州狼山將由江道窺蘇州不可得引舟西上
時陸與都御史彭澤師皆集陸所將乃遼卒
其將爲遼東副總兵劉輝游擊將軍郤永七
月賊復集于狼山二十一日大風雨賊舟皆
擊碎有舟漂至常熟邑兵捕得支盜陸時駐

于邑之福山僧寺械至悉誅之明日遣二將將江陰所募水工以兵渡江擣狼山賊下石以敵遼卒遂火其寺賊窮下投崖皆被斬齊彥明時病于舟中一卒斬之持其首而出賞其功官以指揮其時劉七赴江死或傳其逸去賊所擄婦女多被賊戕是日晚還師抵福山明日晡時入邑城卒皆宿于民間秋毫無所犯明日卒以首級獻功陸委巡按御史李雲驗實戢其耳首級皆埋于義塚之南是日

陸欲刑劉七妻孥不果凡婦女被獲者皆留縣獄有物主訪而來官許挈之以歸惟男子被脅虜面有黥者給照驗而遣之而士宦家子女被擄杖殺之時以爲濫刑是日昏後師啓行明日入郡城是役也北兵行稍緩不盡至盜必徧掠江外官以土兵當之士志素怯懦未嘗申之以紀律必望風而潰盜得志入侵其爲患未已論者以爲吳郡邑之得全自天幸而盜至此勢必就殄無遺云

災異志

凡志郡國者必書災異示政教之當修也
職吏曾莫以此動其意其易於天道久矣邑
自有國已來其變異僅有紀見於志蓋志不
恒修而盡失之也然邑有令政雖災不病民
天道豈終形長吏之罰哉作災異志

梁

大通中邑大水

天監元年五月頂山民蔣氏姥得異感孕生

白龍姥驚死

唐

貞觀十五年五月有黑白二龍鬪于虞山之東北

宋

乾興元年五月大水

天聖元年大水

元豐元年七月四日夜大風雨水高二丈

四年七月大水

國朝

永樂三年五月大水

宣德九年八月黑嘗見

景泰五年正月大雪

六年春夏大疫地震十月虎入城突入民溫氏獲之

天順四年五月大水斗米百錢

七年十一月夜大雷雨

成化元年大水

十五年九月二十日地震

十七年春夏大旱蝗食禾秋大水虎食人
十八年春夏大水

二十一年秋大旱

弘治元年五月大風雨禾盡壞飛鳥殞傷十
二月虞山鳴

四年正月至六月淫雨民不得稼二月十九
日縣治災

五年五月大水田禾壞民多流徙大疫

六年五月大水有蟲大如蚊棲于屋壁樹
羣飛蔽空旬日得雨始滅

七年大水冒城郭舟入市

十一年六月十一日水溢池沼亦然

十四年邑民婦產子兩頭合體

正德二年民間傳有狐魅所至折竹相擊禦
之

四年夏大

五年大疫歲凶

六年大水大疫

七年朔寇劉七等亂江上

八年冬大雪

九年天鼓鳴

十年大水

十三年夏大水冒城郭民無食多死

十五年大水民艱食五月十六日龍壞俞市

居民楊朴等家

嘉靖元年七月二十五日大風雨拔木壞民

廬舍民田皆沒

二年大旱民不得稼

三年春夏雨大水民艱食

四年夏秋旱

八年大蝗春夏雨秋旱

十三年夏旱

十四年春雨夏旱秋大水

十五年春夏雨秋有蝗

十六年大水

十七年夏大雨害稼

常山縣志卷之十

集文

御製

邑介於江海之間有山水之縈紆其地稱勝
而紀載多文詞然正士習尚褒崇聖學此其
有關於治甚至也

宸章炳煥昭如日星乃邑誌之所以為重故謹
載之與考治者觀焉

洪武二年

高皇帝詔天下郡縣學立卧碑於明倫堂

嘉靖五年

皇上作敬一箴守令刻碑於學宮建亭以奉之
箴曰

人有此心萬理咸具體而行之惟德是據敬
焉一焉所當先務匪一弗純匪敬弗聚元后
奉天長此萬夫發政施仁期保鴻圖敬怠純
駁應驗頓殊徵諸天人如鼓谷桴朕荷天眷
爲民之主德或不類以爲大懼惟敬惟一執
之甚固畏天勤民不遑寧處曰敬維何怠荒

必除郊則恭誠廟嚴孝趨肅于明廷慎于閭
居省躬察咎儆戒無虞曰一維何純乎天理
弗參以三弗貳以二行顧其言終如其始靜
虛無欲日新不已聖賢法言備見諸經我其
究之擇善必精左右輔弼貴于忠貞我其任
之鑒別必明斯之謂一斯之謂敬君德旣修
萬邦則正天親民懷永延厥慶光前垂後綿
衍蕃盛咨爾諸侯卿與大夫以至士庶一遵
斯謨主敬協一周敢或渝以保祿位以完其

軀古有盤銘目接心警湯敬日躋一德受命
朕爲斯箴拳拳希聖庶幾湯孫底于嘉靖

常熟縣志卷之十

常熟縣志卷之十一



邑人鄧韞編次

集文志

志之纂而有取乎所謂文詞何以哉夫紀名
勝述政理叙賢哲備法戒考古以徵今則文
詞信有益於治矣常熟鉅邑高文雅句及於
山川縣道者不可殫舉舉其切於治者孔子
之論治必曰文獻足徵焉斯文也者其可畧
乎作集文志

晉文一首

瞿劬先生墓軌記

瞿劬先生字磻子廣川人隱居不仕後徙海虞卒葬東陵武丘寺重岡之原

梁文二首

招真治碑

昭明太子蕭統

夫東瀛淶水三變成田西岳靈桃千年未子尚以星起牽牛部首迢迢律生甲子氣數杳冥況

及上遊玉清損之又損高排金闕玄之又玄豈

言像之能詮非時節之所辨海虞縣者則虞虞
都尉太康置其宰境有虞山越絕書云巫咸之
所出也高巖鬱起帶青雲而作峰瀑水懸流雜
天河而俱會吳門採藥之地楚望槐椒之歌陽
反流沙之魂錦飾汾陰之鼎無以喻焉其峰則
有石城石門虛峗自然不度句吳之馬神功挺
起豈似岡陵之畫魏后冰成夜陣權息長安慈
石浴鐵暫流較跡比期優劣斯遠道士沛郡張
君諱道裕字弘真漢朝天師陵十二代孫天監

二年來至此岫遁十有餘載夜忽夢見聖祖云
峰下之地面勢閒寂宜立館宇可以卜居裕師
潘洪隱始寧四明山無何有人耳長髮短云從
虞山招真治來言訖忽然不見潘馳信報君君
因辭山舊居而以夢中所指峰下之地卽以爲
治故號招真高臺迺立有類玉臺之山長廊宛
轉還如步廊之岫柱削芳桂豈俟開陽木飛才
選海檀無勞豫章神拔黃庭司命之府有類玲
瓏朱陵赤后之觀同符弘敞遠望仲雍而高墳

蕭瑟旁臨齊女則哀壠蒼茫鱗尋千仞之木氣
叶星晷華飛五香之草形圖宮室帷葉綬花舒
卷蹊逕陽桃侯棗榮落巖崖樹息金烏簷依銀
鳥鳳將九子應吹能歌鶴生七歲逐節成舞旭
日晨臨同迎若華之色夕陽斜影俱成拂鏡之
暉玉礎微潤應山雲於高牖鳴籟徐響引和風
於空谷方當專氣致柔入無爲之境周行不殆
窮混成之致茅子筭歸輟轡無已魏姬宴罷留
駕不歸何止持節變淮南之金傳符蒔北鍾之

稱明月蛟龍之騎驅之使鬪四銖七子之鏡引
以成刀散季齊之羽起雄鳴之霧而已哉乃爲
銘曰玉龜二始金書八會道浹地心功浮天外
故常可小惟真能大德起同塵善生塞允物保
自然人符交泰掩映綠蘿穹崇紫蓋仙冶之美
此焉爲最雄柱千步陽臺百丈水均下矚山逾
高掌野寂雲興琴繁山響斗虹夕栖豐雷朝上
元陽作石竹龍成杖書藏玉匣藥蘊銀筒燒鉛
雜鯉折桂和葱羽衣可服雲駢易通斧柯雖朽

碑石無窮

請停信義郡丁役疏

蕭統

伏聞當遣王奕等上東三郡人丁漕溝渠道洩
震澤使吳興一境無復水災誠矜恤之至仁經
略之遠旨暫勞永逸必獲後利未萌難覩竊有
愚懷所聞吳興累年失收人頗流移吳郡十城
亦不全熟唯信義去秋有稔復非常役之民卽
目東境穀價猶貴劫盜屢起在所有司皆不聞
奏今征戍未歸強丁踈少此雖小舉竊恐難合

吏一呼門動爲人蠹又出丁之處遠近不一比
得齊集已妨蠶農去年稱爲豐歲公私未能足
食如復今茲失業慮恐爲弊更深且草竊多伺
候人間虛實若善人從役則抄盜彌增吳興未
受其益內地已罹其弊不審可得權停此工待
優實以行聖心垂矜黎庶神量久已有在臣意
見庸淺不識事宜苟有愚心願得上啓

唐文三首

常熟塘紀功碑

劉允文

吳之數曰巨區郡之大惟蘇州商爲貨居農實
邦本錫貢多品厥田上中土宜在民地利乎水
常熟塘按圖經云南北之路自城而遙百有餘
里旁引湖水下通江潮支連派分近委遐輸左
右惟強家大族疇接壤制動涉千頃年登萬箱
豈伊沿沂之功實由灌溉之利故名常熟歲無
眚焉洎貞元以來時屬大旱繇是填淤荐爲塗
泥而淪胥怨咨殖物痛矣郡守隴西李素字人
原始覩弊則曰在穿導之遂聞於本道廉使吏

部尚書韓公秉文惟謹施德惠人發令爲適觀
風悅隨人無間言言我得從政攝令吳縣主簿
李仲方稟其成規請事䟽鑿於是參并邑之役
則經費其力而長洲當三之一焉縣宰李曠復
善供命乃計工量日候隙庀徒爲利涉之宜蔽
反壤之害詢黃洩之勢增遠近之防人不告勞
事爲永逸先期而望表繩直不日而終朝子來
塘開地中工畢泉出山澤作氣江湖發源積爲
長流實自新淞舟楫鱗集農商景從春秋有施

水旱斯備嗟乎塘之堙鬱也久矣何壅之無慮
而啓之有時非體仁弘多應用高朗曷以越前
所未暇逮今而行其志哉則史之決渠書之滌
源以流其惡潤彼稻田况山川襟帶之廣林鹽
沃饒之資規同九州殷列七縣其提刑底績固
良二千石之能惟李公敏於直方精在損益爲
信安未半歲而吳郡餘一年焉政猶風行惠與
時至文學備全清慎寡欲通貨豐財五行因之
順下致理之實不其偉歟去歲朱方構患而郡

邑連陷公毆白徒以控狂寇挺拔凶黨修復城
池皇帝聞而嘉之俾金章與紫綬給誥垂美必
將大闡王度紹休朝廷豈惟與民分憂是唐之
爲政也被人士以允文在公之字備詳其事請
刻于石庶詞之可復銘曰瞻彼塘矣昔之所關
物利乘舟一膏其澤歲有堙塞時罔䟽滌誰爲
澄流變爲廣瀉降是良牧猗歟隴西揆日爰鑿
經旬洞開湖水南迤江源北來旁分溝洫潛畜
風雷政可施利役無勞止力均二邑功逾百里

舟楫攸往田疇所視義實通方智侔經始濟
高岍豈云隨山人懽在路魚樂于泉伊此化遠
矧夫事宜立石川上維無窮焉元和四年二月
十八日將仕郎前左威衛錄事參軍劉允文序
送常熟許少府之任序 歐陽詹

始入仕一有縣尉或中或上或緊銓衡評才若
地而命之至於緊無得幸而處而緊中之美者
尤難以人今年孝廉卽高陽許君授常熟尉者
實緊中之美君十三舉明經十六登第後三舉

進士皆屈於命去冬以前明經從常調蔭資貴中之乙判居等外之甲既才且地擢以是官夏四月隨之官之牒玉貌青春芬芳有舊望棠陰而委質鬱蘭陔以辭親征車鱗鱗所往在日異時九仞由時一簣在邦由家也不出於忠信許君常以爲已任夫何恤哉士之生制四方之志軫念於離別非所以爲士也行乎

頂山龍堂記

皮日休

禮山林川谷丘陵能出雲爲風雨見怪物皆曰

神祀之宜矣常熟澤國也風雨怪物日作下
祀之則民被其利汝南周君爲令之初夏且旱
雩于破山之潭上雨果應於是命工肖其像爲
宮以蔭之著之於典以潔其祀連歲以穰春秋
書雩勤民之祀也日休嘉其勤民故書

宋文一十六首

吳公子游祠記

朱熹

平江府常熟縣學丹陽公祠者孔門高第弟子
言偃子游之祀也按太史公記孔門諸子多東

州之士獨公爲吳人而此縣有巷名子游橋名文學相傳至今圖經又言公之故宅在縣西北而舊井存焉今則雖不復可見而公爲此縣之人蓋不誣矣然自孔子之沒以至于今千有六百餘年郡縣之學通祀先聖公雖以列得從服食而其鄉邑乃未有能表其事而出之者慶元三年七月知縣事通直郎會稽孫應時乃始卽其學宮講堂之東偏作爲此堂以奉祠事是歲中冬長至之日躬率邑人學士大夫及其子弟

奠爵釋菜以妥其靈而以書來曰願有託也蓋惟三代之前帝王之興率在中土以故德行道藝之教其行於近者而人之觀感服習以入焉者深若夫魯之於齊猶夏五服是爲要荒之外爰命伯采其地始得其民端委以臨之然亦僅沒其才而虞仲之後相傳累世乃能有以自通於上國其俗蓋亦朴鄙而不文矣公生其間乃能獨悅周公仲尼之道而北學於中國身通受業遂因文學以得聖人之一體豈

不可謂豪傑之士哉今以論語考其語言類皆
簡易踈通高暢宏達其曰本之則無者雖若見
誦於子夏然要爲知有本也則其所爲文學固
宜有以異乎今世之文學矣旣又考其行事則
武城之政不小其邑而必以詩書禮樂爲先務
其視有勇足民之效蓋有不足爲者至使聖師
爲之莞爾而笑則其與之之意豈淺淺哉及其
取人則又以二事之細而得滅明之賢亦其意
之感默有以相契者以故近世論者意其然

人必當敏於聞道而不滯於形器豈所謂南方
之學得其精華者乃自古而已然也耶矧今全
吳通爲畿輔文物之盛絕異曩時孫君於此又
能舉千載之闕遺稽古崇德以勵其學者則武
城絃歌之意於是乎在故熹喜聞其事而樂爲
之書至於孔門設科之法與公之言所謂本所
謂道及其所以取人者願諸生相與勉焉以進
其實使此邑之人百世之下復有如公者出而
又有以一洒夫媮懦憚事無廉耻而嗜飲食之

譏焉是則孫君之志而亦熹之願也公之追爵自唐開元始封吳侯我朝政和禮書已號丹陽公而紹興御贄猶有唐封至淳熙間所盼位次又改稱吳公云

重建大成殿記

魏了翁

常熟縣學之始圖乘放失僅有屋梁書至和紀年餘無所考慶元三年縣令孫應時以言游里人也始祠于學新安朱子旣爲證其事寶慶元年祠遷于學之左而孔堂闕壞弗不加治今

會稽王焞始至大懼無以崇化善俗約縮浮濫踰年更而正之屬邑士湖洽湖淳庀其役以孔廟居左廟之南爲大門北爲言游之祠又東北爲本朝周子張子二程子朱文公張宣公祠以明倫居右東西爲齋廬四以館士爲塾二東以儲書凡祭噐祭服藏焉西以居言氏之裔通爲屋一百有二十楹而爲垣以宮之且增田四百畝有奇歲助公養之費凡言氏之裔官爲衣食而延師以教之別爲田五百畝以給其費白丁

郡于部使者爲廩以貯之經始于端平之二年
之冬竣事于明年之秋廼八月丁亥釋奠于新
宮屬郡人葉輔之敘其役以求記于了翁竊惟
朱子嘗記子游之祠矣如魯論所載二三事皆
發揮無餘藐茲孤陋安敢復措一辭然嘗讀禮
書而竊有見焉因記廟學之成併附其說夫擅
弓不知何人所作而一篇之書獨於子游極其
稱譽雖於孔門諸子率多譏評又以言曾並列
其是言而非曾者非一幾若偏於抑揚然卽其

書以考之大抵當典禮訛闕無所考訂之時人
之有疑弗決者以質諸子游故前後典禮所關
者十有四皆以言游一言爲可否亦足以見其
爲時人之耳目雖汰哉叔氏之一語若譏之而
實尊之然則游以習禮列于文學茲其爲文爲
學蓋三代典章之遺賴游以有存者嗚呼信其
爲豪傑之士矣昔柳宗元謂論語所載弟子必
以字惟曾子有子不字遂謂是書出於曾門蓋
字與子皆得兼稱如門人之於孔子進而稱子

不敢氏退而稱仲尼不言子其次亦有既子且
字如閔子之等不一二人或子或字者又數人
然淵弓至游夏最號高弟字而不能子也有子
曾子子而不得字也就二者而論則字爲尊蓋
子雖有師道之稱係于氏者不過男子之美稱
耳故孝經字仲尼而子曾子禮運字仲尼而名
言偃至於子思字其祖孟子字其師之祖相傳
至今人之字仲尼者無敢以爲疑仲尼作春秋
二百四十二年間字而不名者僅十有二人而

游夏諸子之門人亦各字其師相承至于游
猶未敢輕以字許之即是而觀則子游以句災
孤遠之士遂得字而不予以列于高弟之目此
又豈易易然者今吳門密邇行都而常熟爲州
縣有如游之北學洙泗遂以習禮輩行顏閔寥
寥千載間豈終無其人耶或者狃於習俗未有
以自振我朱子旣嘗表其事以風厲之予又何
言獨惟山川風氣古今猶夫人也誦先聖之書
服先賢之訓嗚呼其必有聞風興起以母負建

學尊賢之意者士其勉之

教育言氏子孫記

袁甫

言偃字子游舊宅在縣治之西唐開元追爵吳侯本朝升爲公慶元間令孫應時卽學宮建于明倫堂東偏後令遷其祠祀事弗飭有識嗟惋今邑大夫王燭移書諭余曰聖道蓁蕪心甚懼之今且一新矣東廟西學前殿後祠奠薦攸序旣順且嚴嘗訪公裔孫則降在編民罕修儒業由是卽新學西齋扁曰象賢聚言族子弟其

中縣給贍養之資買書延師朝夕訓導擇齒長者主公祠宇又慮歲月寢遠美意難繼則爲之節冗費得緡錢六千三百買田以畝計者四百有五十歲收米以斛計者三百有八十庶貽永久願有記焉余歎息曰是舉也可謂知禮矣禮天之經地之義人道之所由立而國家所以恃爲元氣也昔者夫子與於蜡賓實有感於魯喟然發歎子游遂問禮而夫子歷言上古中古與後世之變而斷以禮之廢興子游凡三問而夫

子三荅皆所以極言禮也異時燕居從容子游
子張子貢侍縱言至於禮而子游又發領惡全
好之問夫子然之攻諸檀弓所載以曾子之任
道尚推子游爲習禮其禘襲一節則曾子慊然
自知其過與他所論禮皆精入毫髮得聖人之
傳至於論子夏之門人則謂僅可當灑掃應對
進退之末而本之則無然則知本斯可謂知禮
此正夫子所以大林放之問而未可以子夏之
論小之也且子游吳人也秦伯端委以治周禮

其源流有自來矣而况講習於洙泗之間緇
在四科之列武城絃歌之風回視斷髮文身禮
以爲飾者其氣象果何如故子游之言曰直情
徑行者戎狄之道也禮道則不然品節斯斯之
謂禮嗚呼一日無禮則淪入於夷狄甚可懼也
故始之創祠知禮也後之遷祠廢禮也今王君
大修學宮祠先賢而教養其後裔於是乎能復
禮而言氏子孫藏修其間者又能夙夜服習則
禮之興也其庶矣乎傳曰禮不明則上下昏何

以長世然則斯舉也於國祚亦有關焉是不可
以無述廼爲之書宋嘉熙改元四月癸未朝散
大夫試中書舍人賜紫金魚袋袁甫記

重修社稷壇記

王遂

端平更化之歲山陰王君燾來宰常熟始至召
邑之故老而問政焉曰久矣此邦之不獲乎上
下也故老則曰前宰孫應時後皆有以自取也
君愀然作色曰是吾邑化未始更也乃新學宮
飾教令謂子游邑人也別爲宇爲像祀之收言

氏諸孫於農圃而教焉招四方之士若邑之秀
子弟而學焉士風以變民聽以聳而以爲猶未
也昔秦伯之有國於此也禮遜之俗推重天下
今渡江百年授田無法制賦無藝民無常產則
無常心宜也乃通邑而經界之以昌吾邑而猶
以爲未也有田必有役而役莫便於義合公私
高下爲之十餘年不止仁聲義氣充塞一同大
綱小紀具在方冊比及三年教化興而賦役簡
士歌於學民舞於塗今日之事有大於是者乎

設壇以祀社稷而風雷雨附焉皆本於朱文公
鄂州社稷記侂來以圖請於郡太守曰予至之
三日檢視壇壝之不如法者命有司循飾畢具
又去淫巫之幻以惑衆者暮年之間人用安業
歲以大熟餘非不樂此而不爲也祀典之不恭
而老佛是徇民義之不務而巫覡是虔余甚不
便於此乃掃地而更新之以莫春庀具季夏乃
畢將以八月中辛集吏行事俾民於觀焉子其
誌之遂雖以不文爲辭然心許之會聖上不以

爲不治易郡角東還家未幾則令已被命升
轎而進諸朝徵余文益力余惟文公所記一木
政和新儀而類禮有書始自通典終於嘉定新
禮徃徃詳於裸獻陟降而畧於壇壝面嚮有所
謂社東稷西風雨少却皆北嚮者有所謂同壇
而其牲者於圖疑未合而未有以證也抑聞之
禮曰郊社所以事上帝也又曰社者所以神地
之道也意者吾先聖王郊所以祀天人君用之
社所以祭地諸侯用之惟天子爲能祀郊故得

望祭百神若諸侯則止於社稷故勾龍棄以功
配風雷雨師以其陰陽晦明及百物者因類而
致之上不敢儼於太社王社之制下不以羣姓
立社齒其樽罍有數牲幣有式至於車服之微
因其尊卑大小咸有科級報本反始禮之至也
而別嫌明微於禮之中又有禮焉誠能積精致
感於肸鬻之間則於天乎不僭何憂乎釋老蓋
心竭力於襍禩之務則於神乎無諂何憂乎巫
覡自是以往風俗成而氣習厚有以他

者鮮矣子曰明乎郊社之禮禘嘗之義治國其
如示諸掌乎今之爲此庶乎其善治國矣故特
書之以是更化善治之本恤民祀神之務而於
祀典禮經因有攷云煥章閣待制前知平江府
王遂記

新建順民倉記

郎淑

治平二年河內向侯作新倉成嘗語予其始終
曰吾至之初見太守穎川陳侯席未煖陳侯曰
嵩熟大縣也考其民版之數至四萬戶歲輸之

粟至八萬石有倉汙痺迫窄纔容四分之一濱江之民遠者百里水浮陸走相載而至倉或旣盈則累數夕而不能輸輸于州又病其遠此一不便職是歲常散蓄于浮屠之居廊廡皆滿蓋藏弗謹塗墍弗完得無有以誨盜哉此二不便訢連君之來也久矣君其圖之吾退而自惟倉粟蓋今天下郡縣之先務京師兵儲祿廩之出入一皆仰給於東南蘇又爲東南之劇歲入之粟化郡莫加厚焉吾邑雖不腆其敢後其所先

務耶矧其弊又如此宜陳侯有以告吾也及吾視事之日見吏問其故尤爲不便者凡幾然而獻計者又不出陳侯之議也於是訪縣之北得隙地數十畝以營築焉始召民而諭其所以作之之意民旣病此已久莫不奔走以聽命咸願治材于家請期日合而成之至期倉遂以成予謂二侯皆能以材名于世所至莫不著見風迹至興利去害便民皆其所素蓄沛然而有餘夫以沛然有餘之材相與以謀治且因民願欲

之役故其成也宜不勞而功多其榜曰順民蓋
得之矣若夫世之從政者利害較然居前畏謗
忌讒認認然不肯一日出其力則又譏曰愛民
斯不遠哉夫愛民莫如古人古之人有為豈天
作地生斯亦出於民而已耳姑視利害如之何
豈顧可為而不為迺曰愛民哉此大不然昔者
子產嘗以乘輿濟人溱洧孟子謂之惠而不知
為政凡以此也而侯亦以予言為然因刻之于
石俾來者有考云時熙寧元年三月十一日

仕郎前守沂州臨沂令郎淑記

義役記

劉宰

孟子曰仁政必自經界始斯言也為分田制祿
言之也後世經界不正利害所關抑有出於井
地不均穀祿不平之外者非役法云乎哉古者
地有上中下之分而可任也以是為差又家毋
過一人歲不過三日是故力役公而民不憚司
徒之職廢大東之詩作役之病民也久矣蓋自
經界紊而兼併興於是乎產有貧富力有強弱

長民者惟知役民之力以奉乎已不知計民之
產以均其役富者強者往往倖免而貧者弱者
莫或遑息仁政吾不得而見之矣若義役之利
力公於衆而不弊於偏事定於豫而不失之驟
行之以不忍人之心其庶乎然非接乎經界之
後則貧富之不得其平而強弱之莫究其實雖
欲行之不可得已平江爲東南會府常熟爲平
江壯邑物衆地大吏黠賦殷政龐山陰王君始
至會郡太守右文殿修譔張公嗣古取嘉定

累成例頒諸邑君以未施信於民難之越明年
乃始奉命釐其舊而新是圖旣巨室無詭寄之
欺小民無抑納之患貧富弱強瞭然在目乃遠
稽乾道之詔近述寶慶之旨都爲義役奉達尊
以倡其始諭比屋而和其衷傭間民之無職事
者以服其役役之大者曰保正以式法受政令
而賦于下役之小者曰苗長稅長視歲時之宜
督租稅以奉其上保正則歲一人及除而代苗
稅長則歲各二人或一人其都之甚大者什之

率義田以供役之費建義莊以儲田之人田有
砧基莊有規約選屬都之賢者能者曰措置以
提其綱曰機察以糾其弊稽凡費之入于邑者
幾何而始吏不得縱給凡舊之係于版帳者幾
何而始官不得逞貴戚之家毋以聲勢免佛老
之役毋以香火辭產業所隸毋得以室廬而占
諉經始于端平丙申之四月竣事于嘉熙丁酉
之仲夏合縣之都凡五十田以畝計凡四萬九
千五百九十有奇地以畝計凡九百二十有奇

歲入米麥以石計凡二萬四千九百九十有奇
又贏田八百餘畝歲入米六百餘石積之慧日
寺屬之寓公以補款歲之不足而猶以爲未也
斟酌歇役之久近權衡物力之低昂斷自寸齒
年次第其役之先後十載上於臺若府又轉而
聞于朝勅書尋下以君修復經界義役職事修
舉特贈秩示旌異仍下臺府及縣永遠尊守且
申嚴黠吏姦民破壞之禁於是君之成規可以
永保而惠斯邑者固漸被於無窮矣君旣繇縣

最進轄帑事以書訪余漫塘上曰願有述余自
杜門經紀一二義役於先墓所多歷年而始漬
于成閱君所示二編蓋事集於朞月之間利周
於百里之廣然後知余智之不逮也又張公與
余同年繼張公者煥章閣待制王公遂與余同
里皆重所許可而第屬令以君稱首余固喜爲
之書抑余聞之經界之與義役可以相因而行
亦易以相因而廢異時經界不正而驟正之君
固懼其難經界之正未幾而義役之事繼舉有

不爲也一爲而二利以興王君殆知所先後者
歟其自于今思義役之成之難而敗之易盍亦
反其本矣否則吏姦或售牒訴紛如經界壞而
義役隨之是田在官者不可復而役之病民者
且如故吾爲此懼於十年乎何居雖然其或繼
王君者百世可知也君名燭字伯晦登庚辰進
士第今官承議郎提轄行在左藏東西庫云嘉
熙二年正月旣望朝散郎直顯謨閣主管成都
府玉局觀劉宰記

歸政鄉義役記

張攀

役以義名美意也古者百里有宰比衆寡治政
令實惟下士不爲居之榮人仰之且尊厥後并
牧廢官爲限田之豐嗇而別貴賤定賦之登降
而等貧富量役之久近而均勞佚法猶去古未
遠自豪民挾詐猾吏舞文竒名竄籍並緣爲奸
一經代更百計規免事力雄者以役近告歲月
還者以產薄辭謀許紛然互角已勝甚而閭門
不相愛宗族不遑恤況鄰里鄉黨乎且役非不

義而民至不樂爲如避讎怨吁可嘆已雖然其
來有繇也里有水火盜賊之變上於正縣有供
億科配之煩下於正正一身尸數責力且弗逮
其費可知視昔豈不憂乎難哉吾里正久闕人
往往坐此將領葛君號鄉望族慨然倡爲義役
甚盛舉也於是載盟凡一十七人得田四百三
十有八畝歲計所收三百斛捐產者計其貲受
輸者董其事以歲之入贍歲之費使里無闕以
家無失業人無競心行之當時而公施之後日

而便蓋一舉而二美具抑義矣夫迺移書於
爲我誌之攀聞而喜曰舍傍有此義事是烏可
亡紀竊惟天下之事難於成而易於毀興於暫
而隳於久勢使然也矧在令甲助役雖聽民便
一有詞焉法即沮格葛君行及瓜茲役成義達
于鄉伊經始之力若夫期之悠久可行又在乎
同盟相與維持勿替初意葛君名觀字利用云
嘉定三年二月初二日朝奉郎監登聞鼓院
攀記

修復經界記

杜範

澗右多大縣常熟田賦殆與他小郡等紹興經
界迄今未百年舊額僅存籍之在官漫不可考
胥吏飫口腹養妻子其間朝竄暮易蠹弊百出
田而不賦者有之賦而無田者有之重以濱江
水嚙與夫抵罪而沒於他司者日侵月廣故昔
之田以畝計者二百三十一萬爲苗七萬二百
石爲稅若和買錢九萬四千緡今督于官者僅
三之二而又多取之白納取之斛面取之點合

利擅豪貴細戶禁抑莫訴下困上迫令率以不善去來者睨不敢前端平初元秋八月王君燦實領是邑問民病苦皆愀然感額以賦役不均告會府檄修經界王君深念之曰籍壞滋久之實宜矧上有命何敢不力顧余始至民志未孚懼弗從也弗從而強之則舛矣乃搜剔宿蠹蠲弛苛斂孜孜凭按日與父老相唯阿于庭居數月信浹意親民相與語令字我非厲我者王君聞之喜曰可以就茲役矣於是考舊額

役按紹興成法參以朱文公漳州所著條目隨土俗損益之鋟式以徇禮鄉都之受役者詳爲開說俾之通曉無疑然後出令爲期衆皆懽然率田若地標氏名畝步于塍間驗其實者而書之否則量而會之準紹興成數一無才贏者闕地爲田以田爲地者書實業昔之逋賦匿契與詭挾之弊釋勿問而申禁其不悛者常平田安邊田學田圭田與沒官之由別爲籍文書之費悉從官給土民之赴期會以僕隸者聽鄉井

間吏一跡不到也由是官民一家小大競勸如
順子弟之與父兄不待督而從縣五十都都十
保其履畝而書也保次其號爲覈田簿號模其
形爲魚鱗圖而又秤官民產業于保爲類姓簿
類都保鄉于縣爲物力簿經始于端平二年之
夏訖事於是年之冬圖籍既定則有均其折色
之徧重者蠲其征繇之加斂者裁定其田與賦
高下之不稱者通一縣之田計二百四十萬畝
有奇除二十萬爲官田賦入隸諸司餘民田得

苗六萬六千二百石有奇稅折錢九萬三千二
百緡有奇載諸戶版坦然明白民以實產受常
賦爲砧基簿印于縣而藏之家有出入則執詣
有司書之強無幸免弱無重困雖惇嫠幼孤皆
知其自有之業與當輸之賦汚吏猾胥不得加
尺寸升合以擾之其視前之紛錯龐亂若改邑
而祭殊之也於是常熟始以佳地稱於浙右他
大郡莫儷焉向之睨不敢前者將競趨之唯恐
後矣王君以書來求誌曰爰不韙冒領巖邑而

又舉此重繁之務幸邑人不我貳相與出力以
躋于成授代有期皆邑人之賜幸扶植之俾勿
壞爲邑人他日賜於無窮者不賴後之人猶之
水也澄而清之雖難撓而濁之易耳吾懼其弗
永于清將復爲民病也願子與我誌之以告來
者余曩嘗督斯役于烏傷矣畝量步會閱三歲
而後成旁視他邑猶有窘步其後者今君成百
年之曠於數月之間上下恬然相安若未嘗有
所興作者余固不足以語其能也鄭子產非能

者耶其始執政也民怨其伍我田疇謗譏並興
遲以三年而復頌歌之君乃致速若是方且切
切焉引慮却顧爲經久之圖以利斯邑然則君
其可謂能而仁矣余何敢不爲邑人誌之繼自
今今之來斯邑也按斯籍也披斯圖也毋玩其
成而易之也毋耻於隨而焚之也毋付之吏手
而蠹毀决壞之也則官無虧賦民無橫輸上佚
下熙俾常熟永爲浙右佳地而焜燿言游舊里
於千載之下顧不休哉君少登儒科有志當世

施於邑政寬猛有則不震不悚載籍頓清迺創
義役以息訟修廟學以明教一邑之內百廢具
舉耳目煥新蓋疾病旣去精神必復衣冠儼然
可整也然吾聞賦役之不均者十邑而九今有
意於民求君之所以易於成者倣行之則是役
不患其難百姓庶乎有瘳矣然則予之誌也豈
徒爲常熟邑人而已哉嘉熙二年秋八月朝奉
郎右文殿修撰新知寧國府杜範記

宣風樓記

王伯廣

樓以宣風名紀政也易於巽其象爲風其
東南其時爲長養萬物有虞氏得之以阜民
於是薰兮之歌尹吉甫得之以美大臣於是
有穆如之誦罪無輕重功無大小使言偃弦歌
之化當太平有道之國雍雍乎和可知矣常熟
古南沙也今爲姑蘇望邑土博賦行民繁事劇
縮縣章者每難其人紹興之二十年政五六易
規矩準繩莫一所守冬十有二月乙卯今曾大
夫以王命來智足以知勇足以行御史如西門

之治鄴愛民如子產之治鄭指顧之間政以善
聞邑人宜之凡廢未舉斬一新焉先是直縣治
之坤隅民居有架崇庀於上其左蓋闕如也
其陰陽厥有低昂士庶雅有創樓議矣至是以
請大夫曰止止吾至未幾遑急爾耶衆曰我食
我力我木我石無費于公以慰我私大夫乃命
卜筮乃經乃理乃徹其庫乃圮其址巧者衆斧
壯者攢杵無煩戒約其來不可禦也蓋度材於
二十一年之夏四月至五月己巳工以畢告

遠少長奔走瞻望惟時歎暑泠泠之風自橋而
下咸用忻快迺有皤皤然被黃髮者歌而過曰
風之仁兮物之春兮風之德兮物之殖兮誰其
布宣大夫賢兮繫大夫賢樂堯天兮衆鼓舞和
之因擬其辭以名斯樓且告鄉人王伯廣請文
于石以係他日甘棠之思者大夫名構字叔重
清源人大丞相宣靖魯國公曾孫其為政蓋有
家法云

重開支塘記

程公許

天地間物之利乎人者水爲大濬賦距川治遂
達滄等級繩繩聖人爲利民計其詳如此後代
因之民河渠有書溝洫有志咸以利舟楫沃膏
腴有不可一日廢者濶居東南隘水踰于地引
以爲田厥土沃衍姑蘇產甲兩浙枝邑常熟復
甲姑蘇即名可知已有湖昆承江浦發源也分
爲支川橫貫于中挾以東鶩周涇團塘白茆浦
李王涇咸匯焉南渡前居毗占冒脈終弗宣乾
弗克瀦溢弗克泄爲畝畝大棘百數十年間

者蒙右咸思開治竟怵異議淳祐癸卯陶唐侯
升班過里憫然嘆曰是川與諸涇交會爲湖海
喉襟田里命脈湮淤硤絕乃爾詎可因循顧忌
憚於䟽鑿俾穡夫束手無計手爰咨于衆耄倪
貴賤聞言曲踊謂非侯不可於是揆延表視窳
隆隼事物經始于甲辰仲春之七日弗抑弗強
羣農全至因地順勢塹高隄下一指顧頃荷鍤
雲如鼓袂風動侯表衆勞來飲饁腆嘉咸勇于
力甫一月竣事長四千尋廣一丈深倍廣之數

凡用工六千糜泉粟若干侯以爲已任而營綜之曩据川之址靳弗退聽者侯一不校割已產遷道代之由是醜引泉流灌輸千頃堰岸雄固遠邇混融遂爲海邑永永利自非侯材幹公敏襟宇恢拓曠克有成矧此川西北有鳳凰涇者侯之高祖名節朝請府君故廬也二子擴振聯危科躋膺仕蟬媽弗絕淳熙間其孫天台史君之嫌以祖母言宜人丘隴在焉念河道壅淤欲濬不果逮公三世始克成其志先是學竺乾氏

者將浚長涇有老人力止曰時法未可三十年後自有地位中人來辨君子謂茲舉嗣先志後後基孚衆願三者備矣是役也樂於欣助者三蘭若明因褒親永福是皆可書以詔于後庶事間弗至陵塞侯名榕字任道府君五代孫也爲通直郎舒城邑大夫淳祐己酉孟春滄州程公許記

常熟縣宰題名記

曾慎

常熟爲縣其來久矣舊爲毗陵郡南沙至梁改

為常熟自梁歷唐迄于僞吳幾數百年前尹
邑者姓名莫或紀錄故不得而考宋太平興國
中錢氏以圖籍歸于京師始於縣令蔣文懌至
元豐初知縣宣德郎劉德求得其姓名凡四十
二人列之板榜置于廳自此來尹者至則書
之觀其間相繼登金門上玉堂羽儀臺閣正位
樞極蓋翩翩焉未見其止余因承乏慮板榜不
足以久於是命工鐫之于石立于廳之左闕者
補之庶為不朽之傳宜觀名列以勸方來俾

是邑者知夫儒之效愷悌及民延福百里庶幾
乎刊石而無愧也紹興二十一年九月魯國公
曾慎記

續題名記

陳映

上方駐蹕臨安於時吳門視周畿內漢三輔唐
同華我舊京之陳鄭也衣冠之所鱗集田兵之
所雲萃一都之會五方之聚上腴沃壤占籍者
衆雖前代與全盛時猶不可同年語府邑之事
宜其倍稱況府庫之出納獄市之浩穰蓋不待

較而知者環府之邑五而常熟居其望焉時主
客以戶計者八千九百七十有二今五萬一千
三十八夏賦金錢爲緡二千八百其幣帛疋合
萬二千六百而奇弗詳秋租穀粟七萬六千餘
斛乃今折帛爲緡者十萬二千三百而斛財損
其舊二千邑之事其倍稱何如哉今其邑從事
於民者如是而邑復瀕海道直故疆沂密登萊
全齊在望刺利規恢舟師所宿則實居今日之
要害風檣連林夜嚴震海資糧鉅萬以日饋給

繕百頃以時調度苟有不至責且乏興若民
兵之事又如是重以府所倚集版籍輸委風雨
寒暑不踰比爲令者材或不濟負罪投効而去
者項背相望也則壁記之不列何以自警朝夕
庸少惰乎映不佞爰來亦旣年所事定得聞始
閱次中興以來爲令者至映之名氏授受月而
日之鏡石壁端以告來者噫今秩比京寺月奉
逾二萬廩逾四斛歲入圭田直過六百石其顧
一已之利害去就而不思其責之塞將不特能

禍其身千室之邑亦必有受其弊者而映其敢墮哉今吾邑之人或知映不敢墮也率以淳厚簡孚交相爲治倘如是愒日庶乎列名下方其無辱若夫邑之望則有巫咸所止之山太伯所葬之壚言堰所居之里龔景材所表之間其風俗之美猶可槩見而邑之升置凡附於府者有職方氏在故不記記其今昔之同異云淳熙元年邑令陳映記 龔頤正代撰

縣尉題名記

徐次鐸

縣有尉居丞簿下然號劇曹而縣令埒歷代選用常艱其人彊者作聰明苛察操切以擾吾民弱者不勝任縱奸長惡以害吾民其當官以威惠稱職聞者異時以之宰邑刺史司察一道皆可判然迎刃而解常熟爲浙右壯縣地鉅事叢吏狡民猾並江濱海而東界爲盜藪古有二尉分治長老傳聞廢置歲月無考爰自合并以來舊矣雖仕于此者材名文士往往間見然未聞有卓然超越爲當世聞人者用是奔走巡徼日

不暇給率弗遑問其遠者大者此壁記所以不
立而前事之師後事之鑒來者泯無觀焉今尉
黃君應西建安奇士也繇始蒞職洎茲垂滿寬
而栗威而不猛加惠黔庶芟鉏豪強黠吏束手
受制所隸弓兵不寒而慄部內賊發輒搜捕得
其主名遠鄉鄰境藉其威聲巨奸大盜漸以屏
息今茲盜賞踰格將換京秩行脫迹泥蟠而強
弩之末猶賈餘勇植志夙邈去如始至大懼題
名未創無以傳後自我作古勤茲堅珉余見其

精請之華政事之美嘉其替之迫而請之堅也
於是乎書嘉定元年奉議郎知常熟縣事徐次
鐸記

商相巫公墓廟碑

孫應時

人臣事君之道有變成有彌輯有鎮定變成者
學術能開太平彌輯者才能能銷蓄患鎮定者
德望能襄大事斯三者君用之皆能致治臣行
焉皆能盡職所謂大臣者胥此商有賢相曰巫
咸具茲道以事帝以予嘗考文獻知之初雍已

既立王業中闕刑濫法弛德衰澤涸於是伊陟
贊言公公治王家有成作咸又四篇斬而復新
翳而復明也故曰燮成是時也桑穀在朝昏生
旦拱甚矣其妖也乃啓太戊脩政明禮或早朝
而晏退或問疾而吊喪桑穀自亡此之謂彌輯
商侯昔有不王不享者於是效順越三年遠方
重譯至者七十六國聲靈赫烜國本敦固號曰
中興此之謂鎮定至祖乙時子賢紹武殷道復
興烏虜事是君者効勞於無事之時易也於艱

難危厄之際而能幹全曲成者難也太戌立商
祚中葉而祖乙殆甚公父子克忠以濟時艱一
道允成天豈弁毓忠良於巫氏以興商乎或者
英賢感氣運而迭起理自然歟嘗考越絕書虞
山巫咸所出梁蕭統云虞山巫咸所出又唐張
守節史記正義巫咸塚在虞山上子賢亦葬其
側由是言之公父子邑人也而地志謂山西夏
縣有巫咸頂相傳公嘗隱此况嘉定中鄉人掘
地虞山西麓名青龍山崑山有腹岡得古碑八

分書刻商相巫咸塚凡五字前令王公燻文治
有餘搜岩剔堊以存亡繼絕爲事念吳之先賢
莫出公右作廟此山之腹岡於山頂則脩墓焉
春秋祀義起後人應時又恐去世既遠而事或
泯乃礱玄石爲文辭以爲後世詔辭曰

於赫殷商業肇武湯中世有嗣王朝內拱祥
桑桑枯德政良良臣輔匡國勢熾昌作式四
方四方既襄公艾成廟廊殷土茫茫誕降虞
山陽山腹有圖靈氣奮揚千載聲亡碑文孔

章新廟曰石旁駭奔靡遑厥功難忘酒清

香曰公之故鄉鑿此烝嘗

重修琴川志序

丘岳

姑蘇爲吳王之故都今爲畿輔之大郡若常熟
則爲郡之大縣自春秋距今千六百餘年其壤
地之間建置之沿革風物之變遷與夫事跡之
涉于理亂善惡之繫於勸懲可書者宜若不可
勝紀余家世東海南渡初曾叔大父光祿公仕
于吳因寓于此余端平乙未方自淮來依宗黨

始至嘗問客曰縣名常熟其義安在其始何時
客應之曰紹興縣宰題名云梁改南沙爲常熟
命名之義則不知也又問有圖經可以參攷否
曰所誌亦同有故老可以質問否曰無可與語
者及觀陸澄吳地記有吳郡常熟之文則齊代
已有常熟之名非改於梁也吁宰是邑生長是
邑雖更易之歲月名稱之意義且不及知他復
何望焉此前人失於紀述故後人無所稽據遂
以名都大邑傳信失實良可嘆已龍泉鮑君康

來縮縣章每以圖志未詳爲闕典於是與邑之
秀民鍾君秀實胡君淳旁搜博采考古訪舊裒
輯會粹討論是正以增益其所未至迨再考後
始能成編列爲十門條分類析固不敢謂盡無
遺闕然視舊志則粗備也昔周官職方氏掌天
下之圖與其財用穀之數要周知其利害蕭何
收秦圖籍具知天下阨塞戶口多少疆弱自非
郡國有志風土有記何因而然茲事於縣政若
緩而實切蓋傳今遺後所關者大鮑君可謂知

所先務矣寶祐甲寅中元日胸山丘岳叙

文學橋銘

黃士毅

魯鄒而降道爲絕學千五百年起濂續洛寥寥
關派久幾復絕再起滄洲教修日揭無極二五
在人一源故不同地時生聖賢吳通上國公卽
游魯胡然歷世莫踵公武觀跡亦昧吁方肇祠
景用作記意嚴灑譏嗟予小子世閩產吳敢誦
所自滄洲之徒登橋而思刻銘述記期我同心
如水游至能今後學本末易明僞行不作

自今

元文二首

文學書院記

黃潛

昔州縣未有學先儒或擇勝地建精舍以講授
爲政者輒就而褒表之號曰書院宋初天下書
院惟白鹿睢陽之有田僅見於傳記皆上之人
以是而厚其養未有以一鄉之善士專任其事
者其後命州縣咸立學而學校之官徧天下
院之創置日亦增多我朝尊右儒術以風厲

海內聞者莫不知勸有力而好事之家往往
廣廈以崇禮祠輟良田以豐廩食其爲書
遂與州縣學叅立布滿於四方旣奉濂洛
二三大儒以爲先賢而於前代名臣山林
之士有所弗道凡尸而祝之者非仕其國
鄉邑孔子之門從游三千速肖七十獨子
吳人今常熟州實其所居里南州之先取
加於子游乎故爲縣時餘姚孫侯應時知縣事
嘗爲位於學宮祀之後百五十年爲今至順二

年州人曹善誠始買地立祠宇而闢講堂於其
後列齋廬於其旁有司因以爲請于中書設師
弟子員而揭以新額曰文學書院曹君贍以
一十六百畝有奇恐旱乾水溢之不虞將割田
以繼者疑爲苟避征徭未敢自言大名王侯侃
來守是州力勸相之於是曹君益之畀以田二
千六百畝有畸事聞于郡未報而王侯以秩滿
去曹君亦入椽大師府今守張侯術閱故壙而
得其始末亟命佐吏賈天瑞請郡關白自是其

田有苗稅而無力役春秋之事得不匱乏爲上
者亦有所蒙賴而優游於誦弦俎豆間鄉貢進
士達里新署其山長未上攝書院事者儒學教
授徐夢吉以爲曹君有功於名教與兩侯之成
如終皆不可以無述爰狀其實屬潛記之潛竊
觀孫侯舉曠古之闕典意甚美而爲事殊簡累
特以先師朱子之記傳之至今曹君乃能不愛
其所有而汲汲焉致力於孫侯之所不及固已
不易以一鄉之善士而專任樂育人才之責亦

古所無有也

空心亭記

段天佑

海虞山循常熟州治西北十里而近曰破山直
破山之麓有寺曰興福澗流絕山而下瀦爲深
潭潭之上有空心亭山以崖斷石裂得破山之
名亭以唐少府常建詩得空心之名海隅之勝
萃破山而破山之秀鐘于斯亭孱顏峙其前
泠冽停其下設置旣宜而稱謂也當人知少府
之詩之工而不知所以爲工一登斯亭不言而

喻矣亭之始莫知爲誰歲滋久風雨弗支至正
五年寺僧激上人謀撤其故而更剏焉走邑士
崔君天游后君議皆許諾二君人望也旣相爲
先後聞者樂趣而未君其倡者也落成宏敞雅
孝十倍其舊先是崔后二君嘗與寺昌上人取
少府詩析爲韻授四方名士大夫各賦五言一
詩至是悉刻梓揭之亭冠以少府詩亭所宜爲
者始大備以天祐佐是州而山若亭實所遊歷
取書屬爲記惟元氣結而爲山其秀且奇者所

不乏非有文章才藝之士發之未必顯於世破
山之以秀傑稱宜矣必少府詩出而後人人知
之又必空心之亭立而後人人信之地有待夫
人重事有待夫時如此檐甍翬飛棟宇雲湧晴
陰雨雲光景變幻遊者稅塵鞅縱清躅蔭林樾
之蒼蔚睇谷巖之硃礪寓聽於琴筑而致迹於
氷雪平昔寵榮勢利之膠乎中者蕩然火燼烟
滅其靈臺虛明直與潭水相爲洞照名亭空心
儔曰不宜天祐不敏方將命杖屨載筆札從諸

君子之後崔君名元方后君名克正朱君名士昭八年九月應奉翰林文字儒林郎同知制誥兼國史院編修官段天祐記

國朝文四首

尊經閣記

吳訥

常熟爲吳國子游言公闕里公北學聖門身道受業因文學得聖人一體以化洙泗以南朴鄙不文之習澤及後人深矣癸亥歲五月朔訥抱病家居教諭浚儀趙永言奉書來謁曰常熟縣

學首創於宋之至和重建於端平之初左學大成殿後有言公祠祠右有明倫堂元年辰永言承乏是學知縣上虞郭南縣丞分宜李子廉撤堂新之越三載知縣郭南又撤兩齋改爲重屋并市學東民地重建射圃以便諸生習射辛酉冬縣丞新建陳澄掌邑事永言曰郡庠舊有六經閣吳庠近建藏書樓本學曩承太祖高皇帝頒降大明律等書暨太宗文皇帝五經四書大全等集俱置廡下地

土卑濕塵雨蒸滯倘得樓閣以藏庶盡其宜貳
令聞而善之廼撤堂後寢屋捐俸爲倡復勸邑
人伙助錢米鳩工市材建閣五間二夾室名曰
尊經之閣時縣令郭南公出而歸因出俸米完
其未備經始壬戌季秋旣望落成嘉平之月哉
生明之日敢求一言垂示不朽然永言讀諸碑
誌心竊有疑宋寧宗慶元己未徽國朱子爲知
縣事孫應時記言公祠後二十八載理宗端平
丙申魏文靖公了翁爲邑令王爚作新建學宮

記惓惓然表章朱子記文之說至篇終引禮書
云時人以典禮質問者十有四皆以游一言爲
可否三代典章之遺賴之以有存焉此朱子未
言者若記中所謂南方之學得其精華及一洒
媮懦無廉耻嗜飲食之譏此二事文靖公未嘗
發明幸併開釋以告後學於戲訥蚤游邑庠覩
明倫堂扁左刻新安朱熹書又刻稽陰王爚立
稍長讀丹陽公祠堂記竊有得其一二焉按隋
書儒林傳序云南北所爲章句南人約簡得其

精華故朱子記稱子游簡易踈通高暢宏達意
必敏於聞道豈非所謂得其精華者自古而然
耶又按荀況非十二子篇云媮懦憚事無廉耻
嗜飲食是子游氏之儒朱子於是引而不辨夫
子游聖門高弟論子夏弟子之學知大學之本
治武城知禮樂之道豈有荀況所議者乎荀去
子游幾二百載其時弟子鄉人或狃於習俗遂
乃議及子游故朱子記云願諸生勉進所謂本
所謂道使此邑之人百世之下復有如公者

一 洒媮懦憚事無廉耻嗜飲食之譏期望後學
至深切矣洪惟

聖朝太祖高皇帝誕膺天命以儒術化成天下
卽位之初詔天下立學校遴儒師訓迪子弟厥
後設科取士以四書五經為主本其四書集註
詩集傳周易本義書訂定蔡氏傳率皆朱子之
說迨

太宗文皇帝命儒臣纂輯大全凡悖朱子考弗
錄今作閣記舍朱子之言何以爲言哉朱子嘗

有言曰道在天下原於天命之性行於君臣父子兄弟夫婦朋友之間其文出聖人之手存於易書詩禮春秋孔孟之藉至後世國家行事之迹又皆有史臣之記凡天地陰陽事物之理修齊治平之道禮樂選舉食貨兵刑之制靡不備著於中昔之爲師者以是爲教學之者以是爲學今學者類多記誦剽竊內以倣其父兄外以驕其閭里終身不知自勉而卒就小人之歸然豈專在學者之罪亦與教者不知爲教之道也

於戲朱子集周程張邵之成以續孔孟之統當時廼有記誦剽竊之弊蓋朱子之學雖不能行之於一時而寔大行於今日則今日爲師爲弟子者其可不以朱子之言爲法爲戒以無負國家建學毓賢之意乎昔者張伯玉記吾郡六經閣曰諸子百家皆在而不書尊經也夫尊者恭敬奉持之謂豈徒尊閣奉安而已抑又惟吾邑山水明秀登閣則一覽在目竊慮昧者罔思天朝祖宗頒降經書在上或說讌閣之上下或

酣嘗之餘追逐笑嬉非惟墮乎相鼠無禮之惡而墮乎嗜飲食無廉耻之賤矣愚也年登八十一筆硯久廢故是閣之記五年之間屢辭邑官之請今則弗克終辭者蓋欲因是盡悃悞以告鄉邑後進俾勿悖先聖之訓也若夫本武城絃歌之政推廣學道愛人之心此邑之令佐所當自勉以求無忝其職者然亦耄老之深望云

答張宗海脩課書

吳訥

宣婚來領七月一日教帖捧讀再三仰見吾丈

年德彌邵識慮彌精欣羨欣羨某近來老態百出力衰任重况慙直有素謗談四興已具一章旦夕奉上倘獲遂請尚當朝夕侍教以求寡過於沒齒也所喻志書欲錄賤迹切念蚤罹艱苦讀書養親既無卓卓文行表見於邑里晚歲升朝碌碌守職又烏有可紀之事業哉况晚節末路深恐難保昔人所謂死之日是非乃定詎不然歟然尊意不可虛辱錄去海虞雜詠諸詩倘得筆削入編則為幸也來示云前志人物無幾

曰憶宋代惟曾丞相懷為最顯然急於聚斂壞
當世破分良法得罪清議元世百年習俗以富
侈自豪若曹氏私租卅萬石勢傾郡邑准寇入
境一夕為燼志中幸以此意垂戒于人人可也
小婿輩切望時時以盛衰倚伏之理教戒之則
其感德弗淺矣株守公宇所欲言甚多非聚首
莫能既不宣

濟農倉記

張洪

理財正辭孔聖之心見于易預防患難周公之

志形于詩道雖極隆時雖極治亦必以財為養
民之本理財之道備然後防患之慮周故堯湯
之世水旱不能為凶荒也欽惟

太祖高皇帝臨御萬方修復古聖王之道樂歲
粒米狼戾則斂而藏諸民間凶歲民食不足則
發以賑之行之既久下民弗虔名存實廢

聖天子萬幾之暇惕然念之乃於宣德五年分
命六卿巡撫天下郡縣爰是工部右侍郎廬陵
周公來旬來宣以惠南國歷巡江南諸郡惟蘇

松常之賦比他郡相爲倍蓰壤地不過二千里而京師百萬之衆恃之以供物產人力宜其竭矣當春夏之交農民之力畝畝而饘粥不繼未免出加倍之息資之富人富人與之若投餌穀始登場則勾取其子本以僅存之餘供倍蓰之賦不足又舉而償之是以常賦未充甌釜已無烟矣公深悼之達旦不寐思所以援之之策七年秋會

詔旨以庫藏之儲平糴及勸富人之粟以待凶

荒公與蘇州府太守況公同心同力以全濟民爲已任出庫儲糴米三萬石勸借富人九萬石樽節漕運浮費五萬石搜剔豪右侵占絕戶田租一十二萬石通二十九萬石分貯六縣每縣置倉六十間常熟貯米五萬餘石增置倉四十間共百間總曰濟農倉蓋以農爲天下本蘇松之農又爲京邑之本知所在哉明年夏江南大旱民無食輟耕待斃公發濟農米賑之困瘁者生氣出死力以挽枯槁轉川澤之流代爲霖

雨枯稿者潤澤焦卷者始芟芟矣適遇海舶自
諸蕃回供費浩繁庫藏赤立公私洶洶懼弗克
供公以濟農米廩食之民不知費邊海軍士之
食公從容指畫餽餉相繼軍民蘇息宜少安矣
公方竭心勞思以營來歲之計稽考民間所入
之賦去其浮費三分之一民受實惠銘刻心骨
既而常賦充足又收羨餘得精糧三十二萬
取豪右侵漁之資非加賦也又增貯六縣倉
熟居其三分之一益倉廩四十間通一百四

千川廉隅整飭如矢之直績掛空同如竹之
風雨鳥鼠之害遠不相及工不告勞民不知費
何其敏哉以公知人善任使命常熟縣主簿郭
南專理賦稅南亦感公知己盡心力而爲之防
慮周密纖悉無遺滌場之月賦已告完自洪武
初至今未之有也倉廩既成糧米充積居人過
客瞻望者嘖嘖戴路旣而曰家有成法尚欲傳
之子孫上有嘉謨可不貽之于後於是官吏者
民糧長里胥僉曰

天子恩詔公敷布之窮民之生公全活之無所
論載實為闕典乃相率造于舊史氏之廬請
其實予按太公立九府圜法所以權輕重之宜
使農末相資無甚貴甚賤之貨而常平義倉實
記始于此得聖人理財之遺意今以濟農為
則所重在農農重則本固本固則百度舉常平
義倉之制亦行乎其中矣且使農民知其為我
而設雖有旱乾水溢而不恐誰敢放逸其
心志或有侮予者予有一事而兼眾美者此

謂也詩云君子所履小人所視言君子之所行
小人視以為法信斯言也則斯倉之建其引而
不替哉

義役倉記

張洪

古之役民歲不過三日蘇威父蘇綽仕於西魏
以國用不足征賦頗重既而嘆曰今所為者正
如張弓後之君子誰能弛乎威聞其言每以為
已任至隋文帝時威為納言奏減賦役人每歲
不過三十日後國用充足益寬徭役自唐至於

汴宋役弊未興南宋土窄人稠師旅數起國用不足征役浩繁弊由之生長民者始爲義役之舉矣縣之役有押錄手分貼書書司廳子牢子市巡斗級攔頭務司直司等名其目二十有四鄉役有鄉司鄉戛機察等名其目未詳皆保正保甲供其費未免於常賦之外取之於民宋嘉熙初王燾爲常熟縣知縣憫民之誅求立義役莊令富家出助役田共五萬五百餘畝歲收租二萬五千石分撥保正長以供役費時以爲善

政自今觀之旣無冗役亦無冗費其有科徵者以備軍國之需耳但循舊弊未能革去之也所謂弊者如所需之物直米五百石每里該徵一石里長則每甲徵一石已十倍矣甲首徵於編戶又加倍蕪一槩動搖民不堪命至有鬻妻賣子又不足供則舉家而逃者民旣逃散所徵皆出於甲首有舉償而累歲不償役一年而破家者也又有無藉頑民攬納侵欺爲弊百端不可枚舉上虞郭公世南爲常熟知縣深知其弊常

防其源不敢出一言及科徵事然上司明文有合供者又不可廢乃詢其民曰吾欲令見役里甲每里均出米五十石邑五百里計米二萬五千石申達上司公同支用庶免以一科十之弊於若等爲便耶衆曰昔時甲首應役一年腿無完肌家業蕩盡今助米五石則有十年之安政之善者莫善於此今上之府太守況公曰有善政不宜私吾民當均被於天下遂上之

朝報曰可令以邑之羨餘買民田七畝及棟楹

椽桶屋瓦級磚之材置倉二十一間南其戶者九間爲出納之門二東西其戶者各六間出納之門各二繚以周垣限之河漑始事于宣德九年二月初吉用其在官者之餘力不役一夫未踰月而竣事郭令具興作之始末徵予言以貽法于後嗟夫去古遠矣余必稱述者見力役之始也次及其歷代變法之詳者雖未能復古亦爲救時之善政也今郭令與民相約不遣人追呼期會必至昔之諸役一切剷除旣無役費矣

而義役之儲惟待軍資器物之徵耳若上無所徵則下無所用不將補不足助不給以裕民也非但力役可以復古而補助之政亦將因是而起矣雖然事有名同而實異者義役而已王令之義役將以供役人之費郭令之義役將禁其多取於民皆因時制宜名雖同而實不似後之君子爲政於斯者當求其實可也

請召回蘇松織造使臣疏

徐恪

至闡有國家者多輕東南而重西北及意外之

患往往起自東南如漢之劉濞唐之龐勛元末有方國珎輩是已仰惟

聖明天縱德政日新紀綱昭明萬無此理但去冬彗掃天津正當東南分野天其或者以東南民力之竭故出此異以示警歟謹按晉安帝隆安四年冬十二月戊寅有星孛于天津占曰災在吳越晉不知謹後果有變具在本書可詳寃也竊惟災異之見天心仁愛所在惟先事脩省以消弭之於未然則災乃爲福異乃爲祥爾今

之南京并蘇杭嘉湖等府即古吳越之境租稅
之出數倍於他州而絢綺錦繡之貢歲有常額
上供 六宮之用下充四夷之賞近又差內
臣徃彼織造

乘輿服御所用無幾而工役科派所費不貲
禁闈近侍勢位尊嚴府縣奉承惟恐或後一應
財物非天降地涌皆民之膏血也若不早爲蘇
息誠恐民不堪命怨讟由之而起禍福倚伏不
可預測大禹惡衣文王卑服千載之下猶仰盛

德

皇上臨御未久 春秋鼎盛方當躬行節儉
自先天下柰何以服御之故遠遣內臣勞東
之赤子乎伏觀

皇上即位首頒 明詔特載蘇杭等處織造內
外人員即便回京是以宣布之日遠近聞之莫
不懽欣鼓舞以謂

聖德之厚燭知民隱曾未三載復此差遣無乃
執事者之過非

皇仁之本意也但愚民無知罔測所自未免有
為煎不終之嘆此微臣所以不避斧鉞冒昧而
已乞 勅該部計議合無仰遵 明詔俯察下
情仍將差去織造內臣取回餘剩絲料發與各
府准作歲造支用仍令彼處巡撫巡按咨訪輿
情凡可以輕徭薄稅息民養兵及防微杜漸之
計悉聽舉行不作無益與民更始庶幾應天以
實而災異可弭矣

澤州府志卷之十一

常熟縣志卷之十二



邑人鄧鞞編次

國朝文

常熟縣學興脩記

徐有貞

常熟蘇上邑也蓋古吳國之虞鄉言游氏之故里也於今以文獻稱天下然其學宮雖舊而世未之科目雖盛而世風未之振論者病焉先為是邑者率惟簿書會計徵科之急而緩於學事成化改元之秋澶淵甘侯寔來令是邑即

詣周爰顧瞻慨然以興脩爲已任乃咨于學宮
及邑之賢者圖惟載度之而次第營爲之以明
年春歲事及秋而文廟禮殿洎左右廡靈星戟
門像設祭噐罔不畢具又明年春及秋乃脩子
灣之祠繼葺明倫之堂志道據德之齋建育賢
之門闢觀德之圃架泮池之橋暨治師生之舍
庫庖庖籩周垣坊表罔不畢飭蓋自經始至於
落成載歷燠涼爲日三百有奇廟學規制於是
半稱湖廣叅政邑人錢君景寅以書來曰

記於戲興學之舉甘侯惟能矣然吾於二二三
尚有所論焉夫上之爲教未嘗不欲其古若也
下之爲學亦未嘗不欲其古若也考其成功卒
未古之若者何哉豈其爲教與學之實與古異
與其在在上者不可詰而在下者猶可諉也古之
士爲道德不爲功名不爲富貴今則或惟富貴
之爲而已爲乎道德而功名在其中爲乎功名
而富貴在其中爲乎富貴則出乎道德功名之
外矣安望其能古若哉夫言游氏天下儒學之

先哲而常熟之鄉先生也其於孔門以文學爲稱首而其言學必曰道曰本曰禮樂之原及其行事見於魯論漢記彰彰焉然則其爲學也豈徒文哉蓋子游之學之道仲尼之學之道也仲尼之學之道堯舜禹湯文武周公之學之道也學惟其道雖窮而在下可學也學非其道雖遠而在上可耻也古如是今亦如是不如是不足以言學吾願與二三子省之由子游以求乎仲尼由仲尼以求乎堯舜禹湯文武周公其於道

也若沂流而求源也由一心而運之天下小試而爲絃歌之治大行而成禮樂之化庶幾哉其古若爾矣吾願與二三子勉之甘侯名澤字弘濟以名進士爲才御史進憲副剔歷內外以言訕爲邑於斯其信而復陞有公道存焉其所資以圖成廟學者教諭樂安謝紘訓導嚴陵諸倫開封高旦及邑義士錢昌劉傲耆彥徐宗陽曾昂也前太史中執法 經筵講官知 制誥奉天翊衛推誠宣力守正文臣特進光祿大夫

柱國武功伯兵部尚書兼 華蓋殿大學士郡人徐有貞記

常熟縣許浦塘疏濬記

倪岳

四明楊君子噐以成化丁未進士來知常熟縣事孳孳治理事有病民者次第罷去是縣治濱海其東北有許浦塘上接梅李塘會昆城諸湖水以達于海在宋元時嘗立水軍寨建爲鉅鎮我朝更置巡檢司以事防守歷歲滋久海水衝塌至今海口已三十六里巡司三易其址

浦爲潮沙所雍堙塞亦久旱則潮汐弗通澇則沮洳弗泄民兩病之君軫于中思力濬治以工鉅弗穰未易事事適水部郎中新喻傅君曰會奉

命來司水政首具始末以請謀之而協遂命治農丞趙祥者董其役民用胥勸役者子來於是濬許浦之壅者濶十二丈深八尺長四千三百二十丈有奇分占工作稍食稱事爲力易者人三尺爲力難者人一尺有奇工畢即釋不計早

暮不踰月告成凡役二萬二千人有奇鑿地之
紆者十有二所除兩崖積土以爲坦道植柳于
兩崖之上俾土不善崩以蔭行者得舊石閘于
雙墩移置海口俾啓閉以時蓄泄有節旱澇無
虞易置巡司于閘上用便巡邏復謂梅李實居
上流水比不通舟行用阻仍以萬二千餘人濬
之長六千一百三十丈有奇深闊減許浦十之
二始濬許浦繼濬梅李蓋自城東門抵海口七
十里有奇凡爲工三萬三千有奇木食工之費

僅二千緡有奇始工於弘治己未十一月二
訖工於庚申正月癸未爲費省而成功速有
見哉邑人咸謂是浦之爲民病者幾五十年矣
一旦賴賢令尹之力民享其利者將無窮焉苟
非紀載其成著斯績於弗泯抑何以昭示于後
紹斯績於弗替也耶乃相率建亭鑿石置諸閘
上介邑庠生朱紳來請予言以紀予惟

朝廷張官置吏惟以爲民故閭閻之下呻吟病
苦率於親民者是賴也兩世之銳者樂於速化

既無意於爲民鈍者安於無爲又無力於爲民
是以民病日深莫可告語徒爲竊嘆而已若今
許浦之役丁胃重大其費可謂浩穰而其
爲民病亦可謂久且深矣先之爲政於斯者亦
嘗有慨然一加之意者否乎使非楊君之篤於
爲民傅君之樂於從善欲求是浦底績亦難
於是而知天下之民病亦豈易於瘳乎雖然孔
子之論從政嘗曰因民之所利而利之斯不亦
惠而不費乎擇可勞而勞之又誰怨觀之斯役

尤可信也是亦惟在於爲政者何如耳然則楊
君其無忝聖人之徒歟是用具書以告來者

常熟縣重建都憲行臺記

謝遷

太祖高皇帝定鼎金陵準古王畿之制凡郡邑
之近隸者則十有一焉而蘇郡古吳會也在禹
貢揚州之域厥田中下厥賦甲於東南

太宗文皇帝遷都幽燕國用仰給於茲寔爲根
本重地

勅大臣巡撫以總糧儲常熟蘇之劇邑也大臣

巡歷則以學道書院爲駐節之所弘治十年吾浙水楊侯子器以名進士來知縣事謂書院創於勝國意當時隨地勢以爲規制前蔽民居後傍官道左鄰學宮右通市肆門道出入若委巷然夫以大臣受

天子委任之重於此焉居似非所以崇國體肅憲度康兆民也特擇地於縣治衍慶坊西百步許而改建焉爲料價工用之廣出於公取於民爲不便以各年所餘均徭錢之侵于民者追

以供費乃通具其故請於都御史彭公如其請俾量計從事以十一年十二月龜吉日鳩群工衆衆材委縣丞張君翰董其役時省日考審曲面勢木以良斲陶以厚覆石以方甃塗以丹堊歷三時告厥成功中爲廳翼川廡後爲堂夾以室前闢門中直道外繚垣隸人瞻事車馬有所基地以丈計長五十有七濶二十有六料價銀以兩計八百有四屋以間計三十有四更湫隘爲爽塏易淺近爲嚴邃治迂曲爲平直揆理考

制莫不如式請所以名而署之并記以明遠按周禮御史掌邦國都鄙及萬民之政令以贊冢宰凡治者受法令焉掌贊書凡數從政者秦漢而下立法創制因革不一有御史大夫御史中丞殿中侍御史治書侍御史監察御史其署名曰府寺憲臺御史臺殿院諫院察院之不同而其任則專諫諍繩糾激揚蓋已異於周官之制矣

皇朝設都察院於兩京以都御史掌風憲自永樂洪熙宣德正統景泰以來巡撫者兼督水利若尚書侍郎都御史差遣不一自天順成化及今弘治雖間有兼官則專以都御史實有合於周官掌邦國都鄙及萬民之政令者矣宜名曰都憲行臺于以見差遣之一而有其實于以異兩京之署而有所據也國體以崇憲度以肅兆民以康而楊侯興工役不爲過大臣之居高明豈爲泰哉遂不辭而爲之記時弘治十三年春三月之吉

賜進士及第資政大夫太子少保兵部尚書兼
東閣大學士餘姚謝遷記

常熟縣修儒學記

李傑

立學教士自唐虞三代已然其制度沿革與夫
所以爲教考諸經可見矣我朝立學徧天下
悉取聖言及先儒格言大訓輯錄成書俾士子
誦習服行教之之術視古皆詳故雖遐陬僻壤
文風丕振而况常熟爲姑蘇上邑密邇
三都沾被文明之化最深以久士之育才於學

而登賢科躋膺仕者獨盛於南畿諸郡顧廟學
歲久滋弊弗稱具瞻弘治癸丑監察御史河南
劉公奉詔來巡思振士風必先學事乃即廢
刑之金以爲脩飾之費廟自聖賢像以及禮殿
兩廡戟門櫺星門煥然維新學自師生舍館會
饌之堂習射之圃以及碑亭坊表翼然加飾經
始於甲寅之春不五閱月而告成於是闔學師
生謂予宜有言以紀成績夫祇宣
上德以興學爲首務劉公是舉可謂能盡激揚

之職者矣吾黨之士所當自勵以副良有司之意宜如何耶嘗聞之魯穆子有言大上立德其次立功其次立言立德云者儀範百王師表萬世若東魯聖人是矣立功云者若臯夔稷契協和神人以贊化源立言云者若周程張朱倡明理學以詔後之爲士者所以希賢希聖圖垂不朽之盛事舍是三者何以哉常熟自言子游氏北學聖門列於文學之科蓋古之立言而庶幾乎立德者使其大用於時則禮樂之化不但施

於武城而臯夔稷契之功可立致矣於臧今之人才即古之人才何子游氏奮于百世之上而後之聞風興起者寡也豈科舉利祿之學有以奪之耶 朝家立學教士之意殆不如此吾黨之士知而戒之豈無踵子游之芳躅於百世之下者哉劉公名廷瓚字宗敬巡歷所至風采凜凜爵祿蓋未可量而知縣事澶淵王綸教諭徐朝翰訓導王淑陳暢皆協力以相廟學之成者也是爲記

賜進士出身朝列大夫南京國子祭酒前左春坊左庶子兼翰林侍讀學士 經筵講官兼修國史邑人李傑記

常熟縣志序

李傑

姑蘇爲南都輔郡而常熟其屬邑也倚虞山以爲城環江海以爲池寔東吳要害之地其土膏腴其田平行其物產殷盛若稗秫布帛魚鹽蔬果水陸之珍奇所以供

國賦而給民用者充然有餘而不資外助自闔

閭夫差雄據一方虎視諸夏而俗尚豪侈自伯子游禮讓風行文學化洽而人材雲出是固江南名區非特爲一郡六邑之冠而已惜前志毀于宋紹興兵燹自吳通上國以來二千餘年故實茫無紀載良可慨也慶元間縣令孫應時始一修之元至正間知州盧鎮又復修之然文獻無徵遺軼不少若人物一類自漢迄唐寂寥無聞他可知已弘治丙辰慈谿楊侯來尹茲邑蒞政之初百廢具舉以邑志久不修輯廢無甚

焉者廼旁搜典記近取見聞詞遺老以正舛訛
委文士以司考校於是山經水志之所述陳度
敗篋之所載殘碑斷簡之所寓幾無留良矣編
表旣成謂予爲邑人宜有言以志顛末夫三代
盛時九州山川記於禹貢天下圖籍掌於職方
後世因之而郡國有書寰宇有志坤元有錄風
土有記皆所以存古證今以爲考求治具損益
事宜之張本其於從政者不爲無助而乃困於
言期會之繁顧視此爲不急之務宜吾邑廢

典必有待於通才卓識如楊侯者而後成也
名子器字名父成化丁未進士歷任崑山高平
二縣皆有異政茲以當道論薦更任常熟其嚮
用未易量也

賜進士出身中順大夫太常少卿兼翰林侍讀
學士 經筵講官兼 東宮講讀官同修
國史會典副總裁前南京國子祭酒邑人李傑
序

進士題名記

章表

邑學有進士碑碑記邑之進士也邑之士受業於學而得以進士名者試之有司試之禮部試之

天子每三歲而升四歲而一計焉學故有碑函石于宮之壁歲久馴隘工不就鑄長邑者下謀于屬募石而新碑之新自今始者燭旣往而倡後來也後之來惟進士書爲進士作也書不以齒而以次用表年也某曰某官官至某無使眎其初者鄙其終輕其少者玩其長也碑石記立

然聳觀碑之中若兄而弟予不學者三子記之從而有所感焉夫士遊於學學以從仕曰進士者仕之始也士之始仕而書之於石敷之耳目而傳于後者久也必學與仕終其身求無愧焉可也碑之作幸不至于徒然也此不敢以告邑之士用以予兄弟告也雖然有作于先可以興其後有鑒于昔得以修于今鄉鄰賜履之間有學有師以基以養視之碑存之于自存之月思之于心學究乎已師取乎人倬然能自待

者矣自待者重不苟進於任任必尊其學而又
石不晦于名之書日見進士之承承齒齒用禪
于時不泯泯于後一此階也碑作于天順庚辰
之歲九月之吉式立錢計石費者萬之奇工計
力瀟者什錢之四邑長曰唐侯敬身統任厥成
云

吳公子游祠記

楊一清

成化乙巳冬監察御史鉛山胡君漢按節三吳
過常熟祇謁先聖退謁先賢吳公子游祠

禮殿隘陋弗展君顧瞻盡咨乃進蘇州府同知
華容毛君瑄曰吳公大賢常熟鉅邑維祠堂僻
弗稱殆非所以崇明德勵風教也盍相與撤其
舊而新是圖毛君曰諾爰率諸博士弟子度地
于學之東偏遂承檄任其事然本以義舉不欲
勞民力時教諭天台張景元捐俸首事邑之士
民尚未不應無何蘭江祝君獻起進士爲邑令
周君意勸誘屬人聞者風動共欣助之以後爲
趾材甃髹堊至于工傭餼廩之資胥此焉出乃

卜吉元事命義官孫茂周棠董其役隆棟厚礎
旣轟且安堂室中嚴門廡森列經始于丙午春
三月至次年秋九月訖功議者猶病祠地前迫
義官趙璧市民居以廣之由是宕然開明視舊
觀不啻數倍耕農販夫但見新祠之煥儼而不
見庸調之及已也莫不戴神之休以上之人不
慮用其民爲德毛君謂重建本未不可無記寓
書鎮江屬予記嗚呼時至春秋王者不作詩書
禮樂之化或幾乎熄矣吾夫子出始立教以

之時則有吳公邁迹句吳北學於中國篤信不
懈遂能以文學上齒顏冉爲高第弟子率開東
南文獻之源其有功於鄉邑甚大且當時稱名
卿相謀人家國者漠乎未聞道功利之說瀾倒
故以由求之賢其論爲國止有勇足民也可知
已公宰武城獨能以禮樂爲教使當官者知以
道治民爲賢而刀筆筐篋之吏不得爲名教所
貴其爲惠於天下後世甚博先民有言盛德宜
百世祀故鄉先生沒則祭諸其社尸而祝之公

道德之在天下者 朝廷通祀萬世無議其在
鄉邑則澤潤後人不但所謂鄉先生而已爲之
特祠以奉祀事仰止景行之意於是乎存然自
公没千有餘禩宋縣令孫應時始創建於慶元
之三年晦菴先生爲之記厥後改建於王爚鶴
山魏氏記之重修於 國朝之唐禮南陽李學
士記之第督僅取苟完無慮經久其亦有待於
後之人乎夫祠不祠不足爲先賢重輕獨以義
而風化其下者有司事也然世之爲部使者所

以程督其下惟錢穀訟獄期會間是急郡
吏奔走不暇以應乎其上者如斯焉耳矣胡君
楷覈戎籍顧能於風教究心焉然不數月擢
僉山西按察司事以去使郡邑之闕不有賢者
爲之宣力則其志莫可自遂具以 朝廷良法
美意動爲有司所格懸重典以待之不事事者
猶自若也况于一祠之小簿書督責之所不及
者哉君子於是當有以窺其趨操之正矣若爲
政爲學公所受於聖人之家法具在凡吏於此

而不能以詩書禮樂化訓其民士於茲而不能志公之志學公之學皆棄于公者也因以麗牲之石併著之

三樂堂記

李東陽

三樂者 國子祭酒吳郡石城李先生世賢奉親之堂也先生之父封學士成齋公年七十有八母徐宜人年七十有四皆壽且康寧先生自為翰林編脩嘗一歸省越十有餘年恒欲再

覲而進侍讀學士職在講幄復以 東宮舊恩加左庶子屬有史事不敢言私其二弟寔左右甘旨而先生賴以無慮比 實錄將就稿用薦南京國子祭酒當去

天子念其勞留使竣事書旣上進復增祿一級并 賜宴以行時南監缺已久章逢之士皆引領顛望而先生以定省久曠必取道于蘇而後上大夫士雖惜其去莫不榮之先生亦自慶聖天子之寵遇喜其道得行而其心樂焉因名

堂曰三樂蓋取諸孟子之義也間以謂予曰子
盍爲我記之予嘗聞正統廬陵胡公光大爲祭
酒嘗自號爲三樂居士成化初叙州周公堯佐
爲祭酒少保商公爲序亦稱是說以贈之此詞
林舊事尚可得而徵也今復於先生見之可無
說耶夫所謂三樂者一係于天一係于人皆不
可以力致惟在己者可以勉而能然勉其可能
而兼得乎天與人者尤爲難得於是知所謂三
樂者亦倫理名教所繫非若外物之無預乎已

者也惟其預於已而又繫乎大與人不可以力
致此兼得者之所爲難也先生之藝粹美克當
制作之任其爲人清剴易直敏而集事知之者
謂其可以無愧忤于世而先生猶俯仰自觀歆
然若不足其謙抑不伐又如此蓋其脩諸己者
未艾也以是養於家稱賢子施於政稱賢兄弟
而教於天下之士則稱賢師人固皆宜之而先
生之心豈不樂哉先生初赴鄉試時其學官嘗
夢曰李祭酒中第矣旣得其名遂以此官期之

越三十餘年而始驗則今日之樂所謂係乎天者亦豈不誠然乎哉予與先生同官最久近在史局又同校正凡有意見語未竟而意已相合於是得先生爲深固將爲先生榮而於歸又有不能已于言者因記其所以爲樂之意登斯堂睹其所爲名者幸毋以榮啓其目之

虞山道觀新建覽翠樓記

常熟據郡北境山水咸具領其勝而可遊者無若道觀觀有古檜七株蕭梁所植也往歲已

今計侯之幸是邦以其幽麗時至而樂焉而老氏之司存亦於此世產先是有堂曰來雲居其右偏稍却既久而將弊矣計侯相地度勢以爲是觀所得非不饒於湖山然而入者有面墻之嘆必欲盡發厥美而致之凡下盍即而樓之於是道會陳尚義進曰斯堂起林復真歷王志玄顧常清皆以羽服司教門事而蒙實承其派竊謂美之來自至和奕世是守堂不可去也請兼存可乎計侯頷焉而倡之於是商義乃益已資

乃鳩良工乃市碩材無幾何遂成樓焉又成門
屋與兩廡焉落成之日侯坐其下曰雲固無恙
宜仍字來雲逮一登覽而群山咸在右向之翳
翳者皆鬱然爲我有矣遂題之曰覽翠云他日
尚義以記請凡是邑之遊者必歸致道歸而不
獲頃峯巒接亦不得謂之遊計侯獨能一旦拔
其勝槩俾盡彰顯不有功耶抑古之人所至必
崇臺館延景物蓋其志尚清逸使然無足怪而
後世按跡而思其人亦於焉有考則斯樓固徒

之峴山也歟侯名宗道柳州馬平人以解元
進士政尚簡易禮賢有文民用是不忘而尚義
又克就厥績可書也正德丙寅之春訖于是年
之冬又明年記乃成是時計侯已遷邵武府同
知去踰年矣

禮部儀制清吏司致仕主事吳城楊循吉撰

新校延平答問序

周木

延平答問者子朱子述其師延平李先生答其
平日之問以明其傳之有自也先生之學得之

豫章豫章得之龜山龜山實得之於伊洛伊洛之學則又得於濂溪其源流之正授受之真不啻日月之明雷霆之震雖聾瞽之人有不可掩者朱子固以豪傑之才聖賢之質嘗汎濫於諸家入出於佛老者亦既有年年二十四爲簿同安始受學于先生之門服膺先生之訓剖微窮深而道統之傳始有所歸矣故嘗曰自見李先生爲學始就平實乃知向日從事於釋老之說皆非又嘗與先生論易聞之悚然曰始知前日

空言全不濟事自此讀書益加詳細先生亦嘗與友人書曰元晦進學甚力所論難處皆是操戈入室今旣見儒者路脈一味潛心於此端明汪應辰亦云元晦師事延平久益不解嘗言每一見而復來則所聞必益超絕蓋其上達不已日新如此先生之學雖出于羅楊而自得之妙則又青于藍而寒于水是宜朱子之出其門也然其學也妙體用而爲一合顯微而無二實斯文之正脈吾道之的傳與堯舜禹湯文武周公

孔子無異趣者而末學晚生未窺戶牖有或以著述少之嗚呼天地之能不可見觀之春夏秋冬可見孔子之能不可見觀之顏曾思孟可見先生之能不可見觀之朱子當見之矣則夫子之所以得爲朱子實賴是編以啓之也木思觀有年徧求于人而不可得深愧寡陋未考元史從祀之詳成化乙巳乃復上請于朝併乞校頒其書羽翼正學有司置議事不果行旣六年乃得延平郡庠近刻本而讀之承傳舛謬益增疑

懼又三年始求得嘉定間刻本而校正之其本旣多後錄而復僭爲補錄以附于後刻之郡傳示將來俾知朱子有得於先生而先生有功于朱子誠如雷霆日月之不掩矣

子游言公祠堂碑

吳龍

吾邑子游言公北遊而學孔子之道得其文學一體以歸大江以南萬世尸而祀之飲宜宋慶元間孫君應時宰吾邑曾廟於學宮之東後令王君燭加意存其後人其廟累代增輯惟祠之

於家者或有興廢

本朝巡撫工部尚書周公忱及令曾君澤皆鼎
新之後燬於隣災四明之慈谿楊侯子器由名
進士知邑事至任拳拳以稽古崇德爲事於公
之胤周其學費婚其未匹既爲屋數楹以妥公
神仍置田若干畝資延世祀祠成公之六十四
代孫江以記求予言予觀應時嘗求紫陽朱子
爲之記凡公高弟聖門與能過化於吳大畧朱
子言之已詳予何敢贅一辭獨公在當時以大

學名獲居四科之列公之所爲文學者當以爲
鄉之後人告易曰觀乎人文以化成天下何如
其文也孔子曰文王既没文不在茲乎是故聖
人學文於天地賢者學文於聖人文學以經緯
天地爲極自非聖人莫能與乎斯文也然則公
之文學又何如其文學哉觀其爲學必欲知本
燕居必論禮取人必以正大治人必用禮樂故
朱子謂其敏於聞道道即吾夫子聞道是聞夫
子然則公之文學乃入聖師文學之階梯又豈

止言語文字而已哉若曰孔子作春秋筆則筆
削則削游夏不能贊一辭是又以言語文字爲
文學也以言語文字爲文學特藝焉而已耳若
公之文學誠可謂道德博聞者果可以小技目
之歟今去公二千餘年而世之名爲儒者不過
舖啜簡冊糟粕爲出入就使其文其學華藻如
相如勤篤如元凱曷足以窺聖學之一班而况
談識庾聞之士以小才自恃不復知身心爲何
物甚至剽竊章句惟取掇拾科第而止以是謂

之文學寧不有玷公之文學乎學公之文學必
以求道爲主等而上之見道卓爾則顏子之文
學在是由是優而游之不知由之乃孔子之文
學也嗚呼是可一蹴而至否耶人能學公之文
學則不死公之心庶幾齋心以祀公者無窮而
凡暗室屋漏之中明窓淨几之下皆爲廟公之
祠宇者矣古稱王謝崔盧謂之高門然則爲公
之子孫者則又何如苟能不墜家學之傳斯爲
公之佳子孫予辱與公爲後進願學孔子而景

仰於公者自牛角以至白首亦非一日故記公之祠遂述公文學之實以勉鄉之人并公之後人亦因以自勉

新修城隍廟記

錢仁夫

城隍廟自京師以達郡邑皆有之其神位號前代不經我

太祖高皇帝詔令天下祀典神祇皆從山川名號一洗前代之陋習其神之職在默相政教康保兆民不既重與凡有官守者蒞政之始必

詣祠下與神誓蓋人之交於神明有不可

常熟縣城隍神廟在縣治之西背山而面陽堂有寢左右有廡前有重屋爲門有道流以守之自成化初邑令澶淵甘侯弘濟撤其舊而新之歷今三十年來日就摧廢無以妥靈揭虔今令王君大經亦澶淵人也以進士領邑謁于神欲新其祠以歲歉不果踰三年爲弘治乙卯政務粗理喟然嘆曰廟之弗葺予則有咎遂捐已俸以倡而僚寀相與贊成之始事於四月望日

告成於五月之下旬堂寢門廡黝堊丹漆悉還
舊觀而又益以前軒易新肖像邑之士紳嘉君
之治民事神知所先後謀於仁夫請記其成
立石以告來者仁夫因是而有感焉常熟俗崇
事神自廟迤邐而西半里神廟並列雖非祀典
所在然有禱輒應民日奔輳擊牲陳醴其禮甚
謹有如城隍之祠朔望有司展謁之外香火極
簡其庭悄然謂之何哉蓋民固愚非有威靈以
警動之則以神爲不神而怠心生焉今夫神之

之在於默相政教康保兆民是福也民之
而不知不知則無所事於祭賽且神以聰明正
直爲德其責乎民者寧若世俗之情哉而爲之
有司者常先民以致敬今者祠宇之修是亦牖
民之道也夫祭不欲數數則瀆祠不可壞壞則
簡請以告之邑人而爲令誦之是爲記

重建海虞令何公子平祠記 陳察

夫祠何爲者也表賢也敦風教也賢莫大於孝
廉信能孝廉是人之表也慕其人因其迹從而

表之此天下之公情古今之常道也而風聲之
猶教化關焉可不務乎粵昔五季之世浙東何
公子平來令海虞孝廉高誼耿耿史傳讀者重
之況是邦實嘗蒙其治教法施於民祀則合制
弘治丙辰秋察爲諸生慈溪楊公子器來令于
是乎古闡幽以邑治南衢右偏故温將軍祠無
稽匪經也爰改祠以祀何公過則式之吉月則
必謁拜比楊公遷去察亦釋褐遠遊祠日震業
一變而爲社學再變而爲醫肆三變而半沒於

敝民迄今甫卅禩瓦木不能寸存湫隘幾同陋
巷有識憤惕客歲察謝病去四省疆還先世考
槃邑侯柳川沈君弘燹過從第有咨訪察必以
正對爰及是君乃謀察佐梁宗琚即今僅存地
是祠是額鯨羊時復尋丈之宇萬目載瞻矣邑
學博全君政李君璠周君鑛鄉大夫士廣藩少
叅丁君仁太守鄒君武輩率諸生葉元蕭景王
柳繆熊朱大韶姚庠暨耆民鄒復等過察屬記
察感焉竊惟孝本百行原萬善率仁而行者也

廉勵儒行表吏民國之寶也聖賢之所重也斯道大路吾人共由易寧戚得思義古訓孔昭污華夏者宜擯四夷喪良心者違異類不遠其爲世戒嚴矣然或辟染氣習物引情封背馳流弊靡屆靡究志風教者不能不於是而三嘆息卓哉何公稟道經德奮出群上觀其宰百里餘貧於寒士宅憂八載哀重初喪邂逅兵荒強立不反其賢於人也遠矣當時矜賞身後留芳固其所哉嗚呼吾道一而已矣唯上智下愚不移自

餘則中材以下者較多有教自應無類若讀其傳論其世而不知所感發居是邦見是祠而不知所景仰者枯亡其本心者也心而至於枯亡蓋亦弗思爾矣繼自今凡我同類尚慎勗之哉

常熟縣新建鄉先賢巫公祠記 陳寰

虞山者吾常熟鎮也其東南椒麓形勝尤倍丹崖青嶂溪河逆折縣城址故環之綠爲西關萬井聯轆其椒有仲雍子游墓有老子祠麓有致遠觀觀內有七星古檜有梁昭明太子讀書

行宋學士丹井銘歲時習 朝儀於此爲祝
聖道場觀之西有嶽廟有張許關劉諸忠臣祠
當觀廟間地稍隙鄉民據之列樹鑿壙死將葬
焉嘉靖戊子冬大巡撫荷峯陳公行縣至常熟
先是吳公子游以縣之先賢故別立專祠於文
廟左公旣謁文廟則謁子游祠見商相巫公咸
與其子賢亦皆鄉賢設木主廡下乃退坐明倫
堂進一高等生俾講巫咸故實旣畢復進一高
等生俾講子游旣畢乃諭之曰巫與子游世次

前後若此今爾縣崇奉鄉賢而乃列咸父子於
子游兩廡於義何如瞻享旣忒神必靡寧此
我官府責然事在學校亦漫無建請何耶諸生
皆稱謝因再拜言曰昔宋嘉定間人治地青龍
岡下得古碑鑱五大字曰商相巫咸塚皆古八
分書縣令孫應時遂建祠宇碑記尚傳今青龍
岡地雖莫可考然祇在山麓無疑於是爭舉鄉
民墾地僭踰非制請禡爲祠甚當公乃付之縣
令胡君君因出公帑償鄉民價命歸墾石留其

內門及堂廡橋道後建正殿以奉二木主前臨
通衢作石門表曰商賢相巫公祠明年夏落成
縣士夫及齊民日相率往拜但見崇山幽林明
秀森鬱高臺素薨與松林竹石相掩映莫不深
副情佇慶忭頌美胡君與二令洪君熊君輩以
寰先嘗從史官後請纂言述故鐫石祠中永示
後世寰不可默竊惟古稱鄉先生沒可祭於社
若公父子則豈惟鄉先生乎哉昔者周公嘗告
公曰巫咸又王家而朱子集楚詞註又謂公

古之神巫聖賢稱論蓋因事有指一以道言
以術言夫道有大小術有正邪道固可該術而
術不外於道今如周公朱子所述則其道非小
道術非邪術臯夔稷契之所行羲和仲叔之所
明萬世而下欲以輔世相君與夫推玄運測化
機者孰非巫氏家傳之學哉即其有功世教如
此雖天下皆祠殆亦非過况於所生之鄉而今
且弗稱固宜當道諸君考世申義而不能已也
嗚呼殷商之臣自伊傳外顯名後世者要不多

見而孔門弟子江以南無聞焉今常熟海內一
邑而商周人物已盛若此豈非東南之光乎爲
縣後學者景行先哲求無仰玷將若何而可哉
遠勢忘利反身踐實蓋不必追惜咸又而所以
爲道術者必大必正不徒事文學之末以僅取
科第而所以爲臣子者必恭必敏以勵行等而
進之以希聖賢如是而經傳遺教以及今日祠
祀之新庶無負耳苟不能自振流與時俗溷焉
則東南西北來往具瞻身過祠下而必惟之其
能覲然也乎寰敢敬持是說願從邑之後賢同
悉所戒勉者

重建龍湫亭記

海虞於吳鉅邑也陳州沈公以名進士出宰朞
月而政成三年而化大行威愛並敷允讓咸則
優優瞿瞿惟子諒是崇惟恭慎是秉凡境內名
山大川以暨群祀厥有裨於民載在令典者公
躬事禋望惟寅罔有弗秩惟虞山之西北曰頂
山有龍神祠自天監始代著靈異春秋水旱雪

畛禮有加焉務民義也祠旁上方院中涵方池
曰龍湫水清瑩可鑑無旱澇盈涸寔龍所窟也
宋令趙崇惠秋旱即湫禱雨雨輒應廼構亭翼
湫之上以介神貺後數更除葺歲久隳圯不復
存矣丙申春沈公以歲事裸獻于祠睹遺址儼
然咨嗟儆惕曰龍神之靈能爲民禦災捍患祀
典所飭亭之建所以事神事神所以爲民也公
廢不治曷稱所以事神爲民之意乃召見邑
舊王君澄曰亭不建則漫神建則勞民慢神

民令胥懼焉柰何爾邑之良父老也其圖之澄
曰敢不式克欽承以事乃獨任其役以故亭
翼湫善崩矧湫旣龍所窟翼之使山澤之氣鬱
而不宣非宜也爰度湫之北得隙地營之爲堅
永計亭作於是歲 月 日 浹旬而成夏秋之
交甘澍應時遠邇欣暢僉謂公之誠感召之也
王君於是詣同祖屬記其事曰庶以彰公勤民
意也竊惟古之善政往往於今見之何也令之
職最爲親民其所施爲舉措無遽傳下逮輒響

應焉是役也嚴祀事以重民社不爲瀆鬼興義舉以紓民力不爲傷財沈公循良惠愛及民之政可槩見矣夫豈不足以感召神貺哉同祖居鄰邦亦與被河潤之澤樂聞是舉之成且重王君之好義也故爲之記

嘉靖十五年仲秋望前前進士翰林國史編修文林郎崑山王同祖書

重 修芝塘鎮尚書行府記 鄧鞞

初 太子少保內江李公以南京工部尚書兼

繫御史治水于三吳

天子錫之璽書用昔臨遣 復忠靖公故事所以簡任責成之者甚至公既乘傳至吳中延見厥耆俊咸造在庭因問水之病民有幾其當專治者何居僉曰吳下邑常熟厥有巨浦曰白茆是會衆水達于海其湮久矣即治之未可以旬月計也公曰俞予其往觀哉乃遍視水道已而卒用群議致工于白茆蔽自乃衷鑿新瀆曰是誠勞民民則庶用逸亦庶用丕食於是分遣庶

僚治他水而躬蒞于茲調工峙糗役大而煩公
職巡撫畿內職吏若氏胥來走節下符移調荅
無虛畧公謂菱舍即事可乎爰命有司治廨宇
縣之鎮曰芝塘近臨海墻有老氏之宮即用改
作之加塗飾焉浹月而以具告體勢尊顯於公
居爲稱是謂尚書行府公之入居也爲大合樂
人見公以壽俊出次于野處煩會而庶事理不
知其內之整暇見其以專而集事不知其居之
安有以成之也他日河功成公奏于 朝有

詔嘉賚遷公兵部會

天子南狩公典留務自是不復至前爲老氏學
者緣託守視潛據以有邑之人有訟于巡察侍
御爰峯胡公公曰今新治黜異教是獨敢干紀
亟下縣令徐侯俾治之斥其徒召里師集諸生
業于旁舍如書院仍書其事于石以著戒侯承
命惟謹命工加葺復舊觀具牘論報于臺間以
記命鞅鞅辭不任命侯固命之謹序次其事而
言曰夫官宇之建爲職務也有係於恒置有因

事而暫置事已則革乃若暫置而其事不可廢是官宇存其貫可也鞞邑人也於白茆水事嘗聞之矣當元末張氏之有吳白茆廢不治僞僉樞呂珍濬之

明興永樂中旋廢時則以命

湘陰忠靖公弘治中再廢廷臣以爲言時則以命尚書淳安徐公由徐公後凡二十餘年而廢時則以命李公夫白茆之通塞無恒塞則煩大臣以出若其廨宇可得而去乎此侍御文峯公以爲必治而存之蓋審於茲矣雖然諸公之

民博矣食其惠則雖于懷懷公而不得見其當重其迹又奚忍覩其居之入于隳而莫之舉也昔召康公敷政南國後人見其所舍之甘棠相戒以勿剪諸葛忠武侯輔漢于末造蜀人世不敢伐其廟栢此二公之爲烈而其格乎民者深也君子謂於是可以觀乎古之治雖然治不足以行遠而其遺迹之存亡不屬於人心則其治亦苟乎哉此尚書行府之修復於民風以體要未可以易視焉者文峯公以正學登

河國之直出按一道風紀振揚斯舉也又以見其真司存芟異教篤美于前正而邑侯之趣尚雅止謹於官度能以精敏承監司之隆委皆宜其之惜教之陋不足以興於斯也

重建迎恩橋銘

楊儀

皇明嘉靖六年冬黃梅胡侯鳳以進士出令常熟甫暮歲教化既洽百姓趨令廼維邑中有大橋曰迎恩肇建自宋建中靖國元年十月十五日乾元宮道士李則正以木石雜爲之至今四

百六十年矣欄楯崩壞梁柱朽折戾順民之揆厥功易木以石以己丑歲孟春聚材三閱月而畢工縣丞洪君文林熊君暉主簿李君琮劉君繼寔贊其成吏部進士楊儀居依橋左狀而銘曰

琴水東注其原出虞長流有截橫受其趨利涉國中黔黎所須戾德光亨維遠是圖析堅合異易其朽枯坦兮洞兮輻輳通衢湯湯放海盈于江湖維若德教萬民以孚小以著大其在茲乎

重建昭明讀書臺亭記

陳察

南沙偉望爲虞山山東南麓有致道觀觀後有臺世傳爲梁昭明太子讀書處弘治間浙東楊名父先生來令構亭以表未三紀亭蕩然矣君子惜之金川鄒晉卿貳茲邑會余謝職滁陽赴潮海道雲澤鄒因晤余入觀循廡既折而東北登陟幾百步松竹深中得遺址巍然峻突即之則平直天成負層巒面平湖若文廟經閣若邑治諸廨宇若四民邸第暨郊坰農圃江海之

嶸氣象萬千畢獻目睫曾次一開石漢曰勝斯地良稱書臺亭宜復無何余南邁令尹黃川胡君文明協鄒是構古跡以彰第棟柱悉以木制度卑隘上雨旁風顧瞻猶歎中州柳川沈侯君叙繼令于茲噐度廓如圖新庶務尤急興賢敦化又明年政通人和而崇文吊古益勤靡倦捐貲鼎建柱以貞石廣隘崇卑莊重有加震凌無虞邑士大夫暨耆民屬余記之余竊感夫昭明距今千有餘歲撮爾一臺獨久存且來人表

章誠重讀書也臺以人重人以書顯善乎其讀書也或曰君子欲自得曷以臺爲亭抑未矣噫是或一道也自得信吾當務也論世教不有樹表風聲之典乎讀書如昭明有足稱者夫貴爲儲嗣富亨方物不期驕侈乃克通誦五經數行並下過目皆憶賦詩劇韻屬思即成斯亦難矣比長克省萬幾內外奏有謬誤巧妄辯析可否斷獄稱仁寬和容衆喜怒不形固曰天質過庸而讀書之力其可誣哉史稱性愛山水不用絲

竹者慙止意其爲人崇雅悅儒志事文學介居擇勝清兼心迹者也使天假年繼統爲政梁祚之大以遐蓋未可量然則斯臺擅久信非偶然之故斯亭之復殆無愧乎樹表風聲云登適者試思之書一也善讀者德性若是達於用若是臺至今重吾可不務乎蓋凡因迹求心希先以上達者槩可得於俛仰間斯舉亦有相之道而豈徒哉曰虞仲清權德高千古子游禮樂道契聖心二公遺芳孔邇過祠則式經墓則吁不

假外求得師也。已雖然學何嘗師宅心砥行吾從至讓學道愛人吾儀丹陽公博文繕性敏政吾兼資不遺乎昭明食實采英敦本該末主善協一歸成吾美夫何不可是則斯舉固君子所不廢也。廢修而前哲表章往而將來勸回視直觀美資燕遊而於世教邈無與焉者有間也。抑揚公輩式開厥先若今柳川寔克繼志以大厥成規模弘遠矣。後來君子能同此心尚嗣葺於永永哉。

三元道院雪樵先生祠堂記

鄧欽

皇明有清德正學之臣曰雪樵先生李公吳郡海虞人也。先生以經入侍

列聖歷仕凡四十年其勤績在於王室儀矩表於士類論著藏之秘邃而傳天下世稱大雅孰加焉。厥後致其職事休逸于家者年令終邦侯邑長象賢有祠君子尚論其人以謂克享先生之子。上林苑監丞仕可中書舍人際可追惟先志益展祠事以致其孝曰惟先文安公早被

廷簡筮職 國史以學士兼宮僚出入中外荐
更華要後以天官卿正位秩宗其位進而其責
隆雖夙夜匪躬乃心未嘗一日遺乎丘壑也公
嘗自號石城雪樵其志可知已他日歸老邑中
佳山水得恣遊焉嗚呼公今不可作已其神爽
上下固應未泯我其爲祠于山中公尚歸來乎
三元道院者當虞山之東北近在城闔其泉石
最佳公所樂也二君乃與其道士趙凌霄輩議
之得地於院之左斥其資作堂四楹於泉上幽

深廣位置峻整祠成屬工塑先生像于位正
德十六年十月以成事告戒日行祀昆弟子姓
咸在牲醑醴清裸將有儀士衆會觀具豫以咨
又斥田若干畝與道士爲守祠費夫古之享其
先必有廟廟必于其宗禮也中世之爲禮也詳
而祠事始漸廣凡世稱名德其降神寓蹟之地
與夫政教之所被游轍之所至皆有祠焉豈夫
人之好事至此哉蓋道德功烈之感人世遠而
益深有欲禁之而不可已者乃若孝子仁孫之

於先既有祠于家又祠之于他所此則昉之唐
室公卿藩鎮別廟之制是亦以義起而莫之敢
廢者夫禮之齋也思其志意及其嗜好其求神
也曰于彼乎于此乎古之篤於其先有如此故
凡祀之非常者禮必簡簡則質質則久是故尸
設祝嘏幣薦之數皆可以無舉然則雪樵先生
之有山祠又可以觀其子之周於義準於禮之
時而無悖焉者賢者必百世祀先生國之賢也
其世享何疑焉前輩遠矣後生之見聞有不逮

有修謁于祠能勿考其德乎先生不仕介世風
掃端疑平生果於自信不能以時以爲公
閣議論是非常依天下之公而皆當世之
當弘治初輔臣怙寵多辟陰進退士朝士
遂以附先生待之無加禮顧於衆中與論事
有語連室之坐是爲所抑久不遷而士以爲直
也其在禮部閣瑾方竊政先生當官而行持正
論杜請托瑾爲藩臣請封先生引法以爭毅然
不可奪雖以是去位而士以爲壯也閣之伏法

公議遂伸群公以 詔旨起廢先生首當廷薦
堅臥不起士又從而高之是其立 朝本末若
是然則古所謂大匠不當如是乎茲由
憲宗純皇帝始以科目收天下之俊培養振勵
迄成其材以貽

嗣聖至弘治正德之際俊偉剛方文學議論之
賢相望于 朝用之於艱大各有以自見厚之
以利祿而不易其守休之以勢而不改其度其
道光其節著論者謂 國有人焉噫若先生

殆山川之儲精乎其子姓於是而祠之厥有意
義他日二君抵鞍請記祠下之石鞍晚出膚斐
愧無以爲役不獲讓乃爲之書而掇先生之懿
履著之文讀斯文又知是祠非但李氏一家之
私慕而已先生卒贈

太子太保賜諡文安公茲不以是名其祠曰雪
樵者本先生之志也

唐外教文一首

破山興福寺再修功德記 唐人

此寺始自齊始興五年因邑人郴州牧倪德光
捨居第置之是爲大慈寺至梁大同三年改爲
興福寺自爲邑爲寺歷陳隋四代迄于我唐甲
辰歲歲餘三百年會昌末釋教中圯僧難聿興
武宗斥去浮屠法寺毀大中踐祚再恢釋教俾
飾伽藍先是大檀越主吳興錢公某吳郡顧罕
汝南周坦與彼親友兼募信士助修塑像添建

殿堂赫赫垂芳傳之不朽以雋僑居是邑廢之
興之耳目相接俾書其事有愧斐然中和四年
六月五日記

宋外教文 首

慧日寺修造記

張珽

梁僧慧嚮造大寺三在淮南曰慧照在崑山曰
慧聚在常熟曰慧日環常熟之境他佛廬無慮
數十所或背岡巒而深穩或面江湖而舒曠其
得勝槩固宜獨慧日在縣西稍北九十步臺殿

屹立僧栢總翠當闌闔中乃有山林瀟灑
磬石鼓之音時徹縣齋爲令者藉以少清曾亦
爲不易得也院從昔名重甲諸刹旃檀林率贍
二千指非但爲展鉢計頗知相勉參請或在定
累日無少懈怠以故主席者必當世龍象然後
其徒心悅而誠服嘉定丙子夏五比丘子幸以
少師樞使大丞相魯公之命來住茲上始至之
日早蝗積逋舍宇就弊緇袍稍稍雲散幸與佛
爲謀奮空拳而一新之凡所得施利悉以助修

設毫髮無私焉居無何甌中之塵銷而戶外之
履滿矣於是首興造事聞者響谷富室至捐百
金其窶人子亦分錐刃若法堂若庫院若浴室
若衆寮若華嚴閣若水陸殿旣次第補葺復製
幡幢二十四首以嚴冥陽之儀躬經函六百餘
枚以足大藏之數三門兩廡舊爲賈區卜肆喧
啾冗雜亟聞諸公而盡斥之塗以丹雘輝如也
此來者欵門而容改升堂而意消使人折不
萌者固多謂佛法無益世教不厚誣哉

揭來試邑旣喜與蘭若鄰壁故因其求記而有
焉自天監初院爲十方禪林幾千載于此矣
中更鬱攸碑碣無有老宿或謂三錫勅額曰壽
聖曰晏安曰慧日亦口相傳以孰爾乾道間僧
宜意建佛殿淳熙間僧宗璉建法堂嘉泰間僧
祖印慧光又建寢堂文室皆未就去間闕至今
乃迄于成是必有數存乎其間斷非偶然之故
也抑嘗誦湏菩提經云菩提莊嚴佛土不不也
世尊何以故莊嚴佛土者即非莊嚴是名莊嚴

夫靈山六年鵠頂蘆膝佛自處也金碧晃耀十
二由旬人奉佛也二者並行初不相悖今慧日
奉佛之道至矣若夫離相莊嚴則在比丘反十
而自得之嘉定十二年解夏日宣教郎知平
府常熟縣主管勸農公事兼兵馬監押龍泉
珽記

勝法寺轉輪藏記

葉夢得

佛法自漢入中國即與其言皆來然未嘗若是
侈也至晉宋周隋之間鳩摩羅什之徙出更

傳譯轉相付授於是其書之至者日以廣源流
既遠往往失其本梁武帝時始有言心法者一
切以洞然無我爲宗不立文字佛氏之學遂判
爲禪律兩歧其後更數百年學心法者雖益盛
然其書未嘗卒廢自隋開皇至唐開元正元以
來凡列於目者曰大乘小乘曰律曰論部分甲
乙鱗次櫛比雖假託疑似謬妄之辭苟不叛其
說亦莫不具在其傳至于今不絕昔吾儒者之
言僅出於中國其道在天下昭然若揭日月而

一遭秦火雖六經不得爲全書殘編斷簡得於
屋壁丘墟之餘與一時遺老所誦習雖幸而獲
存然顛倒錯謬固已不勝其弊其他諸子百家
各以其藝自名於時者近數十年遠或百年皆
已堙滅無聞而佛氏去中國數萬里其言率一
譯再譯而後見乃全而有之愈久而益著何也
豈其言皆足以示後行遠使人欲廢而不可歟
蓋爲之學者皆知信其所習而尊其所聞相與
謹守嚴奉手傳口誦而不敢慢非有意於借資

取便階梯所欲嘗探而忽忘之者然也常熟如
蘇別邑梅里鎮又在邑之東北海上有寺曰勝
法故無藏經崇寧二年長老道綱始募衆緣爲
之綱強力明果學心法者也居勝法二十年與
始至之日無異工旣成見余書上曰並海之民
不耕而漁其習以多殺爲事而不畏罪與之言
吾理則惑教以其書則怠惟轉輪藏備極雕刻
綵繪之觀以致其莊嚴之意可使凡徼福悔過
者一皆效誠於此吹蠡伐鼓機發軸運象設駭

於目而音聲接於耳不待發函展卷而其心固
已有所嚮矣然邑民瘠而艱施歲且多潦有欲
成吾事者而屈於力其力足以及之者而寤於
歲蓋竭吾勤而後能成不有記其略無以慰此
意也因請余文至再三不已夫物之盛衰存亡
固不可皆以力致然未有不存乎人者服儒衣
冠者徧天下不能盡有其傳而佛氏獨能持久
若此是必有當其責者因推其所以然書以遺
之非特嘉綱之勤而已也時政和五年六月十

日續雲葉夢得記

寶嚴院新建佛殿記

陸絳

近代儒家流以韓退之擠釋老賢與不賢皆欲
隨而去之未熟思之甚矣夫受天命者莫大於
君中國其間哲后辟王治亂興亡之運接迹而
不可勝數至於治而興者則諸儒必曰非人事
也天之曆數輔治世而興者也亂而亡者則諸
儒亦曰非人事也天之曆數厭亂德而亡者也
夫如是則治亂興亡之運莫不推之於天韓退

之有唐之鉅儒也以堯舜禹湯文武周孔之道不行於當世而釋氏之教獨盛於中國故力排而擠之若原道篇佛骨表皆著辭深切痛疾時君奉之太過者也其所以然者誠欲抑之拯其寢盛未始不爲釋氏福殆弗納而黜之彼得益其惑遂有會昌之旤豈非道隆則汙物盛則衰之效歟天意若曰蠹中國害生民則使大中履會昌之迹如韓文公之比者佐而輔之固當拔本塞源矣豈會昌廢之未數年而大中復之易

如走丸疾如反掌得非天之未厭其教哉噫大道喪而有仁義仁義衰而尚權詐故堯舜禹湯文武周孔之道塞於時雜於霸金僊氏之說其有不興乎由是源於漢流於魏波於晉宋蓋梁間與吾儒老子之教鼎峙於中國若夫本空寂破迷妄以出生入死之說爲興善滅惡之筌蚩蚩之氓從而遠罪則如來真意深乎救世者也而時君奉之或多立寺宇以徼福或廣度僧尼以崇教上焉者佞之下焉者化之如之何不爲

後世弊蓋崇之者反於其道耳文中子曰齋戒
修而梁國亡非釋迦之罪此誠得之我國家四
聖御寓燭知化源寺觀泐舊而存率禁其剏置
僧道限年而入必試以行能故天下名山勝槩
或有所旌異者非道存平人孰能與於此哉姑
蘇北走有邑曰常熟邑之西偏有佛宇曰寶嚴
即梁天監中所建也倚山面湖繡若屏幃嘗有
希辯禪師者心悟大乘是焉棲處錢氏霸國時
以名聞召歸餘杭普門寺目爲慧智禪師及

氏獻土隨召請見賜紫方袍號曰慧明大師繼
時厭居京國歸隱舊刹錢氏以師人境俱勝復
施金五百兩建七級浮圖一所淳化中太宗皇
帝召賜急就章道遙詠秘藏詮太平聖惠方凡
一百四十三卷獎高風旌善地也院舊名延福
天禧中邑尹胡公順之飛章上請帝可其奏改
賜今額焉院有佛殿者積其歲月了無尺椽明
道中武陵龔顯始發信心崇修妙果次有東京
禪慧院僧清鑒浮杯至止苦行自修謀茲勝緣

有若符合復有邑人諸葛頓李仁壽樊福僉悅
所聞贊成其事且曰仁祠之興爲我福地今無
宇不立粹容無覩則吾儕何所起信哉由是捐
厚施買良材庀徒僱工審曲面勢即其舊址隆
以新創經始於景祐之丙子落成於慶曆之乙
酉凡數年而能事畢矣觀其壯而不華嚴而不
陋巍乎中者其宇一所以納高廣之座而宅乎
毫相也翼其旁者其舍二所以容儀衛之位而
列乎寶供也遠而望之若太微之凝帝宇從在

雲端迨而察之猶列漢之立僊宮來從方外其
爲功德殊勝可思議哉武陵公帑無多藏屋無
餘潤獨以興弊補廢皇皇於佛事人所難能矣
若夫辯師興之前鑒公繼之後事有冥契豈誣
也哉絳里人也因熟於茲山之遊目擊諸公之
善以文見託得以直書時聖宋慶曆六年歲在
闡茂王正月一日將仕郎守真州揚子縣令陸
絳記

頂山瑞石庵記

錢藻

夫生齒蕃息地据要劇水陸之會貨商寶賂之所自出必有窮巖絕境龍怪之窟宅以爲一方之福遇其人善持事之應誠禱而輒收報效者其有益於民豈少也哉頂山之巔直上絕險怪篁鯁木陰森鬱翠之中有瑞石峭拔不可窮極而龍母之冢神龍之池環窟其旁邑民禱禳水旱曾不告召而千里畢至明道紀元之初浮圖守常者能默誦妙法蓮華經邑民陳氏浩滂相詔出泉二百萬屋其下爲庵召守常者持事之

曰是禱禳應而福在一方守常死後不遇其人則禳禱不效水旱相仍嘉生不民以爲甚患迨今治平丙午縣大夫向侯之願欲命滁陽紫衣僧慧安極廢起墜益甍旁以廊以軒以垣以甃以飯四方之來者相講佛事以起民人歲時祈禱之誠信夫窮窟窟境龍怪之窟宅足以爲一方之福遇人而顯其信誠之應效蓋不可誣以神之爲靈嘗陰無形不可得詰而若依人以為報其能不逆民

之心以嚴香火之地以致誠於陰寂、可詰之間而爲民取福善之應蓋亦賢於無所用心而欺闇以悖人者之爲也丁未春正月甲子承奉郎守尚書祠部員外郎充祕閣校理通判秀州軍州兼管內堤堰橋道勸農河塘溝洫事驛都尉借緋錢藻記

國朝外教文一首

丹井銘

宋濂

海虞有虞山梁天監初漢入師十一代孫張

裕來隱其下建招真之治鑿丹井焉宋淳熙中道士李則正浚井得藏丹石感啓之化爲雙紅鶴飛入尚湖至今湖中丹光煜煜然邇年井且廢莫知其所周尊師玄真窮日力尋獲之重加以甃構亭覆其上時

皇明洪武元年也然仙家煉丹必以井故名山多有之其在海虞者舊廢而今治豈玄學復興之徵歟銘曰大陰委精自天一融而爲液養萬物神丹浴浴赤如日有夫玄中發我室雙禽衝

復飛猱猱靈泉重噴甘逾蜜飲焉壽與天也

真縣志卷之十三



邑人鄧鞞編次

晉詩一首

詠利城山居

支遁

五嶽盤神基四瀆湧蕩津動求自方智默守標
靜仁苟不宴出處託好有常因尋元存終古洞
往想逸民玉潔箕巖下金聲瀨沂濱捲華藏紛
霧振褐拂埃塵跡從尺蠖屈道與騰龍伸峻無
單豹伐分非首陽真長嘯歸林嶺瀟灑任陶鈞

唐詩一十一首

題破山後禪院

常建

清晨入古寺
初日照高林
竹徑通幽處
禪房花木深
山光悅鳥性
潭影空人心
萬籟此都寂
但餘鐘磬音

遊破山

僧皎然

雙峯百戰後
真界滿塵埃
蔓草緣空壁
悲風起古臺
野花寒更發
山月暝還來
何事池中水
東流獨不迴

晚秋破山寺

前人

秋風落葉滿空山
古殿殘燈石壁間
昔日經行人
盡寒雲夜夜自飛還

破山山居八詠

僧常達

身閑依祖寺
志僻性多慵
少室遺真旨
層樓起暮鐘
啜茶思好水
對月數諸峯
有問山中趣
庭前是古松

晚望立虛庭
心心見祖情
煙開分岳色
雨霽減泉聲
遠樹猿長嘯
層巖日乍明
更堪論的旨
林

下等初生

一宅塵埃外，脩然祇麼常。
睡來開寢帳，鐘動下禪床。
溪浸山光冷，秋凋木葉黃。
時題諸祖意，欵石看斜陽。

西來真祖意，祇在見聞中。
寒鴈一聲過，踈林幾葉空。
心閑澹水石，身老怯霜風。
爲報叅玄者，山山月色同。

真性寂無機，塵塵祖佛師。
日明庭砌暖，霜苦菜苗衰。
衣及水和烟，酌我松帶雪。
移好聽玄旨，處後

嘯嶺南衣

古寺凭闌危，時聞舉妙機。
庭空月色淨，夜洵聲移漏。
轉寒更急，燈殘冷焰微。
太虛同萬象，相會話玄微。

胡僧論的旨，物物唱圓成。
踈柳春來翠，幽窓日漸明。
禪心親石室，蝶翅覆花英。
好聽談玄處，喬松鶴數聲。

祖祖唯心旨，春融日漸長。
霜輕莎草綠，風細藥苗香。
月滿真如淨，花開覺樹芳。
谷前鶯轉處，時

話圓常

宋詩四十八首

頂山上方

范仲淹

平湖數百里隱然一山起中有白龍泉可洗人
間耳吾師仁智心愛此山水音結茅三十年不
道歲月深笑我名未已來問無為理却指嶺邊
雲斯焉贈君子

送常熟錢尉

前人

姑蘇臺下水如藍天賜仙鄉奉旨甘梅淡柳黃

春尚淺王孫歸思滿江南

送安公歸頂山瑞石菴

王琪

談空一紀餘重此訪閒居身是汾陽嗣囊惟
郭璞書公侯倒屣後泉石結茅初山頂收榛栗
經秋信莫踈

送張安道僑朝散赴闕

趙抃

君數過予澌水邊從容不覺歲華遷同年契有
二千石釐務官成三百篇兩縣子庭俱戲綵一
州僚館競鋪筵到應禁闥新秋近喜對威顏咫

尺天

安道作詩慶國鎮高退輒依元韻奉和

前人

里人迎候巷居稀未老先休世所奇兩頰朱顏
君退速滿頭霜髮我歸遲優游豈顧千鍾祿收
拾如終一局碁飲食節調資壽祉願同山下有
雷願

中峯

林逋

中峯一徑分盤折上幽雲夕照全村見秋濤隔

間長松含古翠衰藥尚微薰自愛蘇門嘯
賢事不群

宿頂山白龍祠

梅詢

千株碧樹插雲立一綫紅泉透石飛童子怕寒
爭閉戶夜深風雨有龍歸

破山

莫儔

久聞勝地有蓮常乘興來遊杖瘦筇庭老樛枝
翠瓔珞池生並蒂玉芙蓉飛仙何意來題柱開
澗當年想闔龍歸騎回看樓閣處雲深隱隱度

踈鍾

又

李是

招提清絕冠諸方溪繞山圍勝氣藏好在池塘
存舊址依然花木隱禪房風生殿閣先無暑雨
後松篁自有香日暮不教清興盡更登絕頂瞰
微茫

又

陳與義

不到龍門十載強斷崖依舊掛斜陽金銀佛地
浮佳氣花木禪房樓上方羸馬暫來還竟去流

處最難忘老僧不作留人意看水看山
長

贈常熟賀公叔隱士

周邦彥

懷珠崖不枯韞玉山有輝隱翳不言德人自知
神竒公叔季真後不為世網磨浮沉里閭間身
晦道固肥弓旌搜俊良圭衡略無遺難借集雍
鷺寧作曳尾龜慈仁蓋天性惠澤施鰥嫠倒困
食流冗死葬病有醫人今泣遺愛若見見首碑
肯搆有材子脩德亦庶幾高風自茲顯豈病知

者稀

寄常熟鍾子充隱居

錢厚

倦倚吳門思沈寥懷人清致詩滿瓢池塘芳草
夢初斷風雨落梅魂正銷一百五日寒食節二
十四浦春江潮遙知藥圃曉經廡舍後麻無添
綠苗

寶嚴寺

王伯廣

平湖鏡淨中背貼青峯巒去郭二十里金碧輝
波瀾是日寶華境萬象鬱以盤壯哉宰堵坡一

瞰天地寬誰懷墮塵鞍幾欲招飛鸞我生眇何
能山水情所安扁舟幾來斯不爲開愁端意到
自行樂樽酒那追歡何如結青蓮以適心外觀
塵迹身兩忘浩然天地間

又

姚愈

浮圖插雲表列障環古刹平湖眇澄波萬態天
光發我來陟層巔秀氣助毫末扁舟返明月萬
頃玻璃滑

又

陸曦

出屋蕭蕭數百竿入門襟袖便生寒相期更待
梅英發醉棹短篷來細看

光祿亭杏花

陳揆

西郊見說春事濃杏花香發眠東風生人未解
此花意小槽溜溜盃猶空勸君瀲灩蒲萄綠好
看枝頭紅映肉莫令風雨遣花飛徒唱人間斷

腸曲

破山寺雙頭白蓮

前人

湘南夜永風露清明月耿耿波盃三嬋娟有

步羅襪瓊璫玉珮雙姝婷可憐玉骨埋藏
斷人間無復有豈知化作蘭若蓮宿契未忘
並首想應快意洗塵緣不向謝池爭取妍玻璃
槃中淨玉頰一心稽首西方仙請君以圖獻天
子當與嘉禾並周史母令寂寞墮空山泣月悲
雲清夜殘

勝法寺

李光

令南舍北竹千竿鏡淨無塵碧玉寒中有老人
清似水晚來相對倚闌干

遊智林寺

前人

扁舟來訪小叢林。花木通幽院落深。旋拂胡床
成午夢。閑持貝葉動秋吟。竹聲瑟瑟生虛籟。山
意峩峩入素琴。更喜老綱能會事。手携爐錫日
相尋。

遊勝法寺兼簡深公

陸綰

道旁有古寺。巋然聳梅林。邇來衣褐徒。包禍成
身深。埋伏狡兔穴。嘯聚惡木陰。安得智慧劍。力
斬邪心。吾師曹溪流。所在人依欽。郡邑

疏來發雲雷。音初如碎瓦礫。乃見真球琳。磬
破其瞽瘖者。坡其瘖有若鸞鳳巢。無復鴟鴞禽。
嗟予困吏役。海岸宜投簪。扁舟叩禪戶。清風滿
衣襟。高論松桂間。爲師揮玉琴。

題常熟

楊備

遠逼江垠。傍海壖。落帆多是往來船。縣庭無訟
鄉。歲歲多收常熟田。

虞山

孫應時

長嘯虞山迥。天開風氣清。南窺五湖近。北覽大

江橫歷歷三吳地悠悠萬古情雄觀有如此聊
復記平生

乾元宮

前人

塵囂咫尺愧山林勝日追隨得共臨千里江湖
堪送目一窓松竹更論心清風政爾生秋意小
酌何妨到夕陰歸路踟躕獨惆悵強須倚卷一
微吟

秋晨至頂山

前人

敬目秋郊趁曉涼纖雲不點鏡天長杉松沐露
連天碧杭稻眠風萬頃黃可惜文書妨勝日又
還時節近重陽小山叢桂招撩得故故隨人作
陣香

秋晚有懷頂山

前人

小山搖落故淒涼想象登臨野興長萬里晴空
初鴈入一年好景又橙黃極湏痛飲償秋節生
怕踈鐘報夕陽搔首故園歸未得籬邊寒菊為
誰香

中夏獨遊上方

前人

澗水有奇觀山蟬發清歌穹林翠光合深谷涼
風多孤遊轉寂歷佇立夕婆娑吾生政湏此欲
去意如何

六月宿山禱晴

前人

鵲爲晚晴喜山如秋夜涼蟬聲起等瑟雲影散
牛羊神理應難昧民憂敢自康平生靜中趣未
厭宿僧房

詰旦喜晴

前人

一壑有幽意三年幾獨來龍鱗松薜荔翠羽石

莓苔潤喜朝光動清知嵐氣開山前迎父老
作笑顏回

烏目山五題并序

李堪

余被物役塗汙故羈於人務網於吏位誠此
身爲官府有也今四十加六年始覺老非欲
而已至病不期而自來生何常而本空死如
歸而共寂由是登水木之虛室遇烟霞之美
夜聞經梵之清韻覽香花之實會則心悅以
情動目爽以言發綺靡以文著冰釋以意達

前月中隨漕輓牒治金穀事至常熟縣過烏
目山其山左右前後僧居佛宇者有五因成
五題皆率爾所作非高妙也大中祥符三年
四月五日序

興福寺

雲門十里長殿塔明朝陽半夜風雨至滿山松
檜香清猿嘯遠壑好鳥鳴虛廊塵土斯可濯胡
為語滄浪

延福院

繞禪關半春香滿山風移金磬遠雲伴
龍閒樹暗猿吟外花開僧定間塵心自然洗流
水日潺潺

淨居院

入門松桂深清氣生人心霞影迷窓綺花光照
池金微風起層閣初月升高林終夜魂自健滿
堂鐘磬音

永慶寺

巖扉開早涼谷鳥紛遠翔花氣濕幽徑磬聲清

上方雲生松澗底泉落蘚池旁我有遺榮意移
時坐石床

龍院

林下金山坊苔門掩夕陽花飛殿塔頂池照雲
霞光松老鶴仍在洞枯龍已翔中宵動清衆一
磬發虛堂

極目亭

徐次鐸

幾點歸舟破暮煙數行鴈字落霞邊世間安
事語為寫琴川作輞川

頂山上方

程準

雨歇黃梅後秋生麥熟前偶同金馬客來訪玉
龍泉竹葉一樽酒榴花五月天不妨扶杖杖行
到白雲邊

破山八景

劉拯

救虎閣

三昧遊深恩結宇依蒼崖猛虎伏危閣拔箭非
忘骸竅獸雖覆車危雀猶投懷况我見已忘而
彼猶其儕

興福寺

峩峩烏目山曾臨貴侯宅重房昔珠翠峻宇換
金碧泉激晨霞明松遙暮雲白宜爾山中人日
輪自朝夕

宗教院

妙義傳天台迷雲淨如掃初終雖五時修短自
三草結隱非此峰獲藏亦真寶秋來月正圓獨
照僧已老

龍鬪澗

白龍鬪危峯長澗落千尺靈泉應奇縱高連菴
雲碧寒影凌蒼崖清流動危石八月苗正枯猶
能變甘澤

常達塔

圓昔探雙林危言發南華萬里歸一空誰云正
非邪門影搖青松曾廻貴侯車猶遺數層塔岌
岌凌飛霞

懷述塔

妙理悟三伊巍巍抗奇節千尺巖下松蕭然獨

凌雪珠影雖青黃月輪豈圓缺危石揚寒泉至
今伴清絕

空心潭

碧潭發幽石瀟灑無纖塵寒光湛秋月有物難
比倫羅鈎况無魚千尺徒垂綸到此心已空何
用濯吾纓

御賜鍾

大聲扣洪鐘萬里來彤庭鳥閒棲影重星淡雲
氣清餘響繞巖壑林葉如迴驚有客發深省塵

耳非謾傾

頂山栗

王伯廣

黃離抱中實紫苞發外彩寄蹤蜂窠垂藏頭蝟
皮隘詎堪題鼻竊更復猿猱採心憐使民畏時
須徇兒愛荆山破金璞驪珠掩微類續密文自
保滋味身乃碎筠籠貢厥珍不在柶梨外羅籩
加其儀顧與菱茨對易飽屏膏肉餘功益肝肺
懸風當令堅致濕忍使敗晉地棗非偶宣城蜜
嘉配誰知麝香囊可居天下最

甲峯

前人

躡徑登高亭天遠不敢局疎簾捲危簷百里在
舉自江橫縞帶明山隱螺髻綠啼鳥破長煙飛
泉漱寒玉雲回猛虎嘯清風繞巖谷颼颼入青
松古淡琴一曲竒欄更凝望斜陽上脩竹欲去
遠遲遲勝槩那可足

題龍山

高九萬

古澗滄浪外精籃縹緲間木枯曾閱世龍老解
分山鳥道秋迷跡禪房畫掩關詩成遊子去流

水自潺潺

又

前人

名山久相望今日為著屐到寺第一義古松互
蟠屈一一龍蛇形風雷氣蕭瑟纓纓 僧兩株皆
數百年物佛燈耿青熒像設暗金 空廊極徘徊
迴老屋共崢岼僧房小槃礴西原訪泉石於其
最幽絕似可便築室因而思古人多有愛山癖
要之亦何為一賞事已畢上方不及登尚可俟
他日無非會心處妙同箭鋒直山靈謂何如移

文茲不必作詩留山中併可告來轍

許浦按教水軍

袁說友

小臣銜命入雲屯聖主如天詔語溫萬甲衝風
隆士氣一言挾纊荷君恩頗驚霹靂燒戎旅
想艤艫上海門欲挽長江問豪傑豈無擊楫
中原

元詩一十一首

福山大慈寺訪僧不遇

黃清老

欲扣禪關未有詩滿山空翠濕人衣竹間倚杖

到西日試問白雲歸未歸

鷲嶺雲深杖屨幽竹風松影共悠悠何人分得
僧家榻坐看南山一片秋

遊虞山

倪瓚

陳蕃懸榻處徐孺過門時
甘冽言游井荒涼虞仲祠
看雲聊弄翰把酒更題詩
此日交歡意依去後思

題王敬之屋壁

前人

我來陸莊如故鄉故鄉風景日淒涼
解憂幸有

盈樽酒慰眼新栽百畝秧蒲葉清波閑濯足荷
花斜日起鳴榔當年李白成何事白髮緣知萬
丈長

寄徐季明

前人

海虞山下徐公宅修竹長松左右栽陳榻待君
時一下顧園有客莫驅回至今清夢依依在欲
寄新詩草草裁自是漫郎嫌俗子也應魚石有
蒼苔

以頂山栗寄倪元鎮

張雨

近從嘗熟嘗新栗黃玉穰分紫殼開果園坊中
無買處頂山寺裡爲求來囊成稍比來禽帖酒
熟深傾蘸甲杯爲奉雲林三百顆也勝酸橘寄
書回

致道觀

王大成

極目渺無際洞然天宇寬蒼烟浮遠樹流水遶
空山夜月涵丹井晨風拂紫壇山居塵不到心
與白雲閑

又

鄭昇元

撫琴詠泉石霜鶴酬清音惟有七星檜歲寒同
此心

極目亭

謝肅

虞山積翠橫東海上有岩堯極目亭井屋雞鳴
穿曉霧石潭龍影落秋寅風回江壑飛濤白天
入蘇臺遠樹青何處言公遺故宅畫橋綠巷眼
偏醒

遊秀峯

楊維禎

湯山色畫圖開絕壑懸崖亦壯哉華表不聞

仙鶴語醴泉曾引鳳凰來玉魚金盃埋黃土石
獸豐碑長綠苔獨有桓桓丘隴在秀峯相對讀
書臺

又

陳繹曾

平生丘壑愛躋攀此日披圖意任閒江浙去題
龍虎榜海虞行看鳳凰山鶴來華表千年後雲
在丹崖萬壑間聞有青囊書卷在訪仙求術待
秋還

國朝詩

言公墨井

高啓

寥寥武城宰遺井虞山陰千載汲未竭九仞功
應深藝圃自可灌道源誰復尋絃歌聽已歇
緱看還沉無爲渫弗食惻惻起歎音一瓢樂未
改庶幾回也心

巫咸山

王賓

舊說巫咸已上天楚人歌裡亦千年相傳住處
今何在 一座青山縣郭邊

登虞山絕頂

周忱

晴登孤嶂俯郊原指點東吳遠近村齊女廟荒
枯樹老言游祠古斷碑存一泓白水通湖口數
點蒼山近海門此地舊傳多勝跡重來期與故
人論

頂山

周霞賓

路轉青楓徑泉通古石橋規模靈隱小景象上
方遙書壁藤牽袂尋源草沒腰每懷登覽日東
海暮生潮

子游舊宅

前人

列國雄吞際人材北學難淒涼吳邑里惆悵魯
衣冠舊宅歸蓬顆新祠倚杏壇一橋通夾巷蔽
井樹陰寒

仲雍墓

前人

虞墓東山頂岐周萬國西人皆憐伯仲心實似
夷齊海水龍無窖蠻花鳥自啼寂寥懷古意文
碑見遺黎

子游遺址

吳訥

勾吳昔要荒俗鄙人不文叔氏豪傑士北學遊

聖廟身通列四科文學冠同倫井堙宅已荒
巷名猶存至今里中子千載霑遺芬

尚湖

張洪

嫋嫋秋風起白波維舟無奈客愁何江湖滿地
人來少蒲葦連天鴈去多咫尺不遑安信宿百
年能得幾經過自憐舊日嬉遊處都被農家插
晚禾

題洗梧園

劉溥

歌舞當年恣逸遊不知何物是閑愁如今桐樹

無人洗風雨空山幾度秋

遊虞山

吳寬

夜宿相川口清朝喚舟人舟人請所之指點虞
山垠山如知我來笑迓野水濱藹藹春雨餘翠
洗雲中身我本重茲山竦然正冠巾虞仲骨已
朽高名宛如新悠悠松間路吊古在茲辰放舟
轉山塘行行自知津春服亦旣成庶以適此春

又

沈周

虞山我隣壤欲往路非遙比來有好把風日處

春朝茲籍佳友興理舟訪岩壑漸喜蒼翠
眼嵐霏消上有古松杉落落旌幢標何異謝康
樂巫湖眺且遨

三月九日舟泊虞山下

前人

霽色澄虞山正與遊人偶一年無多月春三及
秋九勿厭傾郭人隨俗悅親友春風若招邀虎
處開花柳林華競妍新無復有惡醜間見叢綠
市遠映紅裙婦休云惱山谷點綴亦可取摳趨
蹠壯步屢頓驗皓首下上相追携從高引衣手

尚有散逸流列石自俎豆老夫目中盡未
在逐走况當氣力衰孤坐還可酒

遊高道禪居

前人

山復岡廻靜結廬林蹊生處我來初杖
欺新綠苔痕裡屐踐殘紅雨迹餘酒
榼臨春聊遣撥禪單消日自清虛壁
塵怪是遊題滿教種芭蕉倩書

七星檜

前人

海虞七星檜宜爲群木冠列生老
子宮與

巖巖廣坪氣蕭森入門凜欲汗久信天地
知雨露灌傳植從蕭梁其說我恐漫驗斗形
全七旣斃其半三株寔聊存難執歲月筭各
具一異形容匪詞翰西體裂多槁豁然敞三
判東體活亦裂筋骸互續斷北者蜷而禿袖
破舞脫腕葉亦不暇葉榦亦不暇榦左文皮
索絢孤蕪頂留纖槎折象齒蹠瘦决鬼目爛
䟽越復叢冗骹骹仍軒岸蛟孳及猊跛努力
不得窺矛長及劒短接戰驚楚漢如此紛怪
駭駘君不能按

知遭幾雷厄還屢兵火難生死付冥然造物反
被玩君子重貞固頑醜小人譎綠高坐吹簫我
欲呼鶴鶴從根覓埋丹澆泉覲紅燦長生就其
蔭永作婆娑伴

登昭明書臺因訪丹井 前人

遠秀目已週復騁登高足青山不嫌人所取隨
我欲巍巍古仙臺寂寂真林麓七檜交雲霞靈
輿散清馥崇臺轉磴道攀緣把傍竹同行玉堂
高咏應虛谷逍遙東山風能去歌管俗中紙

驚連章謬圖附一軸聊以志傾賞流傳亦何上
或恐聞邦人有酒悔無逐

經尚湖望虞山 前人

日午放船湖上頭虞山隨船走不休高雲仰見
出翠壁飛影下接滄波流青林人家隱山麓雞
鳴犬吠聞中洲鷓鴣群栖竹葉暗蜻蜒特立荷
花秋蓮歌漁唱尚互荅落景在樹猶堪遊小舟
爭渡各先去獨逆風波渾不憂

拂水巖 前人

只有看山是勝緣青鞋布襪且輕便天收雨脚
賒今日我趁花時遣老年絕壁雲扶將墮石豁
崖風勒下奔泉此來不憤空歸去旋構新篇掇
竹鐺

又

李傑

六月西巖上南風拂石湍無雲何處雨灑面作
輕寒

虞山雅集

楊循吉

秋日來登雲水堂使君開宴興何長虞山勝賞

在此處名教清談有幾場鼓瑟時時驚鳥
扉隱隱見湖光夜深松竹皆含露漫舉金杯沙
晚涼

遊虞山

陳蒙

野店杏花紅滿枝江南天氣早春時青山笑我
來何晚白髮催人老不知雲竇雪消龍澗滿星
壇樹偃鶻巢危明朝欲盡登臨興還赴林間羽
士期

西巖莊

沈周

西莊半浸白鷗沙屋後峯巒紫翠遮高蹈烟霞
酬宦績俯親漁獵傍山家魚苗細水滄蒲茁燕
口新泥帶柳花萬一
朝廷追舊德釣竿終不是生涯

福山

李傑

九日携壺上釜峯海天萬里淨秋容百年幾度
尋清樂廿載重來認舊蹤漠漠水雲開復合離
離霜樹淡還濃當時老衲今何在窓下依然
一松

寄題虞山星檜

李廷相

虞山山高靈異多山頭時有僊人過蕭梁羽士
張道裕食霞辟穀開茅窩手栽七檜象北斗龍
蟠虬屈交相摩道人僊去神不滅倏忽千載纏
回蘿精神上與元氣接風雨為培鬼為訶復有
神丹閱古井紅光夜夜騰巖阿於戲七檜世豈
有山河或變紅塵走乃知僊家別有傳何時為
爾一回首

觀嶽神社紀事

顧鼎臣

遊人如蟻事如麻街巷喧填好物華本籍神功
能捍禦豈緣財力競豪奢威容赫奕開生面供
奉分明學內家燈火滿城歌吹沸夜深林有未
棲鴉

觀社阻雨

沈周

綠樹黃鸝尚有春惜無笠屐佐清真隔船山好
非生客敗興雨來如俗人濕座酒杯淹倦客聞
鄉蕭鼓阻遊神諸君總是邑中秀唱和短篇一
要新

次韻計明府虞山雅集

王鼎

西蜀春星杜老堂此軒高檜與天長且尋蘆花
讀書處莫問夫椒是戰場空谷葉聲流晚吹遠
湖雲影鬪秋光品題消得羅池客名勝如今定
不涼

九日登虞山

前人

客路欣逢重九來強扶衰病上崔嵬江流斷岸
楓初下山意驚寒菊未開禪客獨眠雲宿處羽
人相伴鶴飛回一年好景能虛負歸坐蓬窓把

一盃

登虞山南軒

前人

閱盡人間萬畫圖
眼中未接此雙湖
舟驚濁浪排空起
客散清猿入夜呼
白鶴飛來化仙觀
紫煙生處見香爐
山靈似與馮夷語
暮釣晨樵欠一夫

與孫世節姚尚綱鄧文度趙敬夫其弟鳴

甫維摩寺小飲

前人

暫依禪榻息塵機
墻外東風晝掩扉
欲上高

不覺輕衫短帽不禁吹

登鳳凰山次徐亞卿韻

前人

身世平生此石均
只應猿鶴是心交
謾勞神物護丹鼎
豈有文章奪鳳巢
山鬼吹燈扃夜戶
石泉分茗趁齋庖
苦吟未就渾忘寐
雲外霜鍾莫浪敲

與沈石田遊西巖禪寺

桑瑾

西巖一曲入山遙
風送花香落酒瓢
行盡清溪方見寺
忽逢飛瀑又凭橋
低低茅屋霏茶雪
幽遠

遠鶯聲在柳條自笑此生真落魄薄遊又共遠
公招

石田宿予西巖莊有作次韻 前人

一曲湖山一曲田老夫何幸托餘年丹崖停寺
當窓裡碧澗流花到檻前野蕪村醪留客飯
床布被足春眠尚湖風景尤多勝明日還期放
酒船

芝川道中

桑瑜

荒祠臨水石橋斜岸草亂開紅白花落透黃

三日雨池塘處處有鳴蛙

衛同涇晚步

前人

亂鴉啼散柳條烟茅屋漁村住水邊乞食僧歸
黃葉寺過湖人坐夕陽船連圩白稻皆垂穀隔
浦紅蕖半結蓮欲就此鄉開別業惜無十畝種
瓜田

維摩寺

錢仁夫

蔓草芊芊沒寺門墻根殘刻已無文敗簷尤滴
夜來雨高樹尚屯窓外雲佳境故容僧管領禪

床時許客來分傳呼且莫穿空谷下有松間飲
鹿羣

朗吟亭聽松次韻

前人

行入琳宮兩目醒風流誰復數蘭亭世間樂事
不常有物外清音信可聽把酒重來三月暮出
門一笑數峯青道人自是浮丘伯我欲親傳相
鶴經

丹井亭

華清

留侯孫子燒丹處野老來尋坐落暉大藥已隨

神物化寒泉尤在昔人非樓臺抱影湖光動竹
樹交陰暑氣微欲借清泠洗塵渴清風吹滿
荷衣

大慈寺

楊子器

朝來騎馬入禪關萬頃滄江指顧間芳草青青
春雨歇長松落落暮雲閒仙家誰道無蓬島塵
海人言有福山分付老僧休出院居然北往又
南還

又

徐澐

上方突兀擁層樓竹影扶疎曲逕幽花柳年年
幾春事乾坤日日此江流半窓月色中宵夢千
里鄉心兩地秋撫景只應開口笑牛山何必淚
盈眸

登見海亭次韻

沈弘彞

偶向禪林結淨緣徑穿松杪竹輿便一官政暇
從今日萬戶烟生即有年日射海濤天散錦風
迴林薄澗飛泉手摩蒼蘚觀題刻媿我踈庸表
新編

題二烈祠

馮汝弼

冢遙汎海東船誤入江南草市邊妻爲夫讎
白刃女殉父難亦黃泉身違魚腹網常在節
鳥臺日月懸眼底男兒應負媿爲題新刻付

新編

中秋雨夜宿來雲閣用韻

張寰

今雨連宵集孤舟盡日橫直愁山徑滑少待月
華清別墅懷親彥聯床話友生劔門雄構在攀
陟繫予情

拂水巖用石田韻

前人

山林是處會清緣濟勝真疑此境便短棹平湖
消暇日縣厓飛瀑自長年一亭氣勢凌霄漢二
老詞鋒賁石泉述作更推陶謝手品題次第入
新鐫

橫瀝口泊舟有感

桑瑾

岸下扁舟繫蒹葭岸頭茅屋是農家一冬苦雨
全無麥二月春晴未見花野渡至今濡馬足江
潮久不到鷗沙臨風無限周章意有志誰乘博

望槎

至日寓湖山書館

徐恪

至日無塵事條然數卷書山風寒掃榻林葉夜
供厨臥病淹鄉國趨朝憶
殿廬惟應金谷老笑我世情疎

遊鷲山寺用壁間韻

前人

香刹深藏紫翠坳岩亭長見薜蘿交翻經葉上
蟲書字掛衲枝頭鳥寄巢誰似金山留賜帶先
卷玉板向齋庖日斜茶臼林間響疑是松門過

客敲

讓塘

前人

讓川縈帶海東壩鱸膾秋深不計錢青嶂足容
高士臥黃花應爲老懷妍鄴侯架上圖書在裴
相橋邊黍稷連

廊廟江湖憂尚切可能閑醉一陶然

鳳山

前人

家林原在鳳山前綠野茫茫際讓川直道曾遭
展禽黜知機不似季鷹先悠悠往事今何較落

落虛懷我自便臥起兩峯如濯翠爐熏聊復對
遺編

兩湖

沈海

茫茫大澤浮虛浸宇宙以來開兩湖遁世散人
忘爵祿休官司馬爲鱸魚絲綸日試滄波裏舴
艚時橫春雨餘可是漁家擅清勝有人應上乞
骸書

過寶巖萬綠山居邀山翁小酌

陳言

曉暎劃林霏朝躋散岩鬚藤輿過山莊藜杖訪
蕭寺水竹湛清華檉牯密陰翳紫笋擘錦綉紅
櫻摘火齊濁酒長鬚沾細鱗纖手剗松軒漫敲
碁蘿徑聊解扉安巢羨林鴉照影愛山鶯保我
露電軀脫渠風波地且勉玄髮歡肯貽素絲涕
衣食喜有餘身心幸無事放歌歸去來踈散任
群議

陪邑尹沈侯遊拂水禪菴紀興

前人

百丈崖翻白雪堆下穿雲磴線索迴元陽
恒飛雨靜夜三冬忽隱雷花隊疑龍女散
靈真誅虎跑開八風不動塵
茗杯

湖莊即事

十五嫁來時東墻桑壓枝
花瓷自從潦為疹常見
濕火力衰兒飢苦啼晝車踏我
青西圩渺瀰瀰云是連夜雨海潮漫前陂出門

搔首望歲計嗟安支不愁寒暄
在松官租

山居

繫棹清溪口山深路轉坳草羶防虎過林密
花交杖倚同僧立巾歌為蔓指飲午前澗者無
意說由巢

尤涇

徐麟

夜泊尤溪上官橋可繫船蛙鳴一夜雨鼓打
更天小店俱茅屋葦村只水田觀風愧瘦
成眠

同趙仲道携酒步遊拂水巖

黃省曾

玉趾遵虞嶺松途轉次寥覓泉迴島曲攀峭歷
空遙雲壁懸垂漢風珠細拂霄王孫遊意遠命
酒始相招

李公懋命舟偕王履吉文壽承休承家

兄得之再遊拂水巖二首 前八

振策凌丹壑珠琲散紫氛翠嵐浮峻日瑤巖下
層雲榻借蒼崖臥琴將玉澗聞萬重湖村迴

酒接氤氳

狀元陸君讀書臺

鄒武

松空蘿幔傍巖開
山鬼時聞夜誦來
舊日風光幾銷歇
青雲尤繞讀書臺

劍門次韻

周光宙

我與名山夙有緣
輕衫短帽信清便
觀風謾逐邦侯駕
吊古遙論霸業年
劔氣干霄看裂辟
嚴花和雨入流泉
坐看勝絕忘歸去
詩寫蒼崖續

鐫

入常熟境均至虞山

鄧烜

吏治無能辱薦函
一官流轉更東南
平生宦况兼丘壑
喜見雲山望裏參

鎮城

朱召

近市澄湖似掌平
高原膺膺雜農耕
只今朝習都消歇
尤有遺人說劍城

常熟縣志卷之十三

陰陽學訓術邑人朱壁
縣典吏沈鳳董刻

常熟志後序

志也者史之屬也惟古列國皆有中
史有專官焉厥後郡邑之載例曰志
志無官則撰述多出於鄉產夫爲一
方執簡而叙載準諸史將嚴是非以
示俗陳政理以基損益其可弗慎歟
常熟列於職方其雄庶視中州支郡
法宜有志代更喪亂故籍無傳宋紹

熙中始創為之迨元季而有續書
皇明宣德初張太史洪弘治中桑府
判瑜與邑士繼脩之說者謂張志善
矣或失之略桑志備矣或失之蕪至
欲收後書而藏之嘉靖十六年縣大
夫平湖馮侯自給諫廷論宰事出丞
潛山尋遷常熟至則索志以觀患登
載久闕遂以續纂請于 督學侍御

馮公公嘉侯能任墜典報曰可韋居
於侯之野老病廢學侯謂其耄也尤
記慙也固狗辱臨其廬以幣起之委
之撰述而患教焉然非其人用媿且
懼夫志之失誠病於略其為略也烏
知非體要之所存有欲益之而為贅
者亦莫病於蕪其為蕪也烏知非事
類隱微之所出有可摭之而資錄者

膚陋於二書罔敢易之會粹銓擇而
惟是之求積之歲月於是書之訛者
有正淆者有汰遺者有補晦者有章
土田賦役以新議事興革者備書其
本末乃若人物一類自元以上多損
益舊錄其自盛際以迄于茲率以寡
陋之所聞見參述而其所載多細事
隱節若可以無書而不可以不書者

蓋凡志之脩也事有蔽於遠聽有失
其實詞不足以逮意此尤有諉焉乃
若私門之彥連衡秉筆此於義也當
遜而韋於此亦有疑焉敢以耳目之
所及並實之然有仍其舊貫而莫之
敢削在志法事有疑疑斯傳之烏乎
史之作難矣在昔名鉅之爲之也有
不得如其志而况有如不肖志其父

母之邦者雖然不敢以不勉書成釐
之為十有三卷故觀乎鼓之所書而
邑之事略可識矣觀乎鼓之所書而
僭陋之責不容遁矣

嘉靖十八年七月常熟鄧鼓序